

PONTIFICALE ROMANUM

CLEMENTIS VIII AC URBANI VIII

JUSSU EDITUM

ET A

BENEDICTO XIV

RECOGNITUM ET CASTIGATUM

JUXTA RECENTIOREM EDITIONEM ROMANAM AC DEMUM IN COMMODOREM
FORMAM REDACTUM.



PARISIIS
APUD A. JOUBY, EDITOREM-BIBLIOPOLAM
FACULTATIS THEOLOGIAE PARISIENSIS
7, VIA MAJORUM AUGUSTINIANORUM.

—
1859

BENEDICTI XIV. PONT. MAX.

APOSTOLICÆ LITTERÆ IN FORMA BREVIS DE NOVA RITALIS,
CEREMONIALIS EPISCOPORUM, NEC NON ET ROMANI PONTIFICALIS
EDITIONE, EX QUIBUS SELEGIMUS EA, QUÆ PONTIFICALE ROMANUM
TANTUMmodo SPECTANT.

BENEDICTUS PAPA XIV.

AD PERPETUAM REI MEMORIAM.

Quam ardentí studio, incredibili sollicitudine, assidua cura, et indefesso diurnoque labore, adhibitis etiam accitisque undequaque viris in sacra Doctrina disciplinaque Ecclesiastica versatis, æque ac de rerum Liturgicarum peritia meritissimis, sedulam operam navaverint atque contendent Prædecessores Nostri Romani Pontifices, ut Rituale Romanum, Cærimoniale Venerabilium Fratrum Episcoporum, et Pontificale Romanum, sive emendatis erroribus, sive correctis inordinationibus, sive ablatis inutilibus, sive restitutis necessariis, ad eam tandem formam normamque, juxta quam de præsenti usui sunt, maximo cum omnia virorum Ecclesiasticorum commodo et utilitate redigerentur: præstat in primis intelligere ex ipsis præser-tim Apostolicis in simili forma Brevis litteris eorumdem Prædecessorum Nostrorum, qui post S. Pium Papam V. felicis recordationis, Clemens VIII. Innocentius X. Paulus V. Urbanus VIII. et Benedictus XIII. ad gravissimum dignissimumque hujusmodi opus omnibus numeris absolendum sese pro viribus addiderunt.

Tenores autem memoratarum litterarum sunt, qui sequuntur: *Ac-
primum quidem quæ pro Rituali Romano statuit Paulus Papa V
Bulla incipiente, Apostolicæ Sedi: Item quæ pro Cærimoniali
Episc. Clemens Papa VIII. Bulla incipiente, Cum novissime; Inno-
centius Papa X. Bulla incipiente, Elsi alias, quin etiam Benedic-
tus XIII. Bulla incipiente, Licet alias; brevitatis gratia hic omit-
tuntur.*

*

PRO PONTIFICALI VERO ROMANO.

Clemens Papa VIII. *Ad perpetuam rei memoriam.* Ex quo in Ecclesia Dei multa, tum a sacris Conciliis, tum a Romanis Pontificibus Prædecessoribus nostris, ad Dei gloriam augendam, et ad Catholicæ fidei unitatem ubique retinendam, pie ac sapienter instituta sunt, nihil magis iidem Pontifices Prædecessores nostri curandum sibi esse statuerunt, quam ut communes Ecclesiastici munera rationes ad propriam normam, servata antiquitatis auctoritate, revocarent.

Hac sollicitudine impulsus fel. rec. Pius Papa V. Prædecessor noster, formulam primum psallendi Horas Cabonicas et celebrandi Missas, varie prius constitutam, et a nonnullis Prædecessoribus nostris restitui et instaurari coeptam, ad unam pariter formam, Romano Breviario ac Missali propterea summo studio ac diligentia edito, redigendam curavit. Atque hoc sane consilio alii Romani Pontifices, qui eundem Pium præcesserunt, Pontificales etiam cærenonias ac ritus, quibus ejusdem Catholicæ Ecclesiæ Præsules in suorum munera functione uterentur, certis similiter forma et modo præfinitis, in Romanum Pontificale retulerunt.

Cæterum, quia eadem Cærenoniarum ac Rituum formulæ ibi expressæ, postea, sive diuturnitatis injuria, sive Typographorum negligentia, sive alia de causa, in ipso Pontificali partim immutatae, partim corruptæ, veteris instituti atque auctoritatis gratiam magna ex parte amiserant; idcirco necessaria res visa est, ut eadem formulæ in sacris Præsulum Ecclesiasticorum munib' servandæ, recuperato prioris integratatis statu, omnino restituerentur, et ab omnibus præcripta forma aliqua ratione observarentur.

Nos igitur ad summum Apostolatus apicem, meritis licet imparibus, erecti, prædictorum Romanorum Pontificum Prædecessorum nostrorum vestigiis inhærentes, omni cura et sollicitudine admittendum Nobis esse duximus, ut errores, qui quidem nec pauci, nec leves in idem Pontificale, depravatis passim locis, irrepererant, quam accurassime tollerentur.

Idem enim Pontificale corrupti et mordosi voluminis speciem adeo præseferebat, ut (multis dictionibus, hinc inde partim in unam contractis, partim una in plures distincta, partim iidem male ac perpetram collocatis et trajectis, partim denique ipso orationis sensu mutato) dubium esset, quibus tandem officiis, vel laudibus iidem Ecclesiæ Præsules divinum Numen prosequerentur; præterquam quod in rubricis etiam sparsim turbata ordinis serie dispositis, tanta erat varietas et obscuritas, ut multis in locis rectene se haberent, opinione magis, quam iudicio esset statuendum.

Hanc ergo ad rem, tam cum Ecclesiæ cultu officioque nostro conjunctam, tamque eorum, qui pro impositi oneris debito sacris Ecclesiæ muneribus vacare debent, concordia et unitati congruentem examinandam et absolvendam, piis quibusdam atque insignibus viris, diu multumque in Pontificalibus cæremoniis et ritibus versatis, negotium dedimus, dictum Pontificale undequaque corrigendi et restituendi, necnon quæcumque ad exactam illius editionem spectare viderentur, perquiriendi et præstandi.

Cumque apud eos paterna hortatione ad hoc opus maturandum quotidie fere uteremur, re tota tandem ad nos perlata, et in hanc quæ nunc editur, formam redacta, singulari Dei benignitate (neque enim aliter accipimus) Pontificale Romanum tandem restitutum et absolutum est, atque ita ex omni parte dispositum (quod ii·etiam, qui negotio ac muneri huic præfuerere, confirmarunt) ut nihil ab antiquis Pontificaliis codicibus, qui tum in clarioribus Urbis Ecclesiis, tum in nostra Vaticana Bibliotheca, ac denique in quibusdam aliis ingnibus locis asservantur, alienum aut discrepans irrepserit.

Ad quam operam in vetustis libris inter se conferendis, strenue ac fideliter navatam, id commodi quicque accessit, quod ii, qui ea in re industriam collocarunt, ex gravissimis scriptoribus eos demum auctores, qui omnium probatissimi haberentur, secuti fuerint, quodque ambiguis omnibus ac dubiis rebus prætermisso, eas dumtaxat, quæ essent in veteris Pontificalis volumine comprehensæ, delegerint, iis tamen exceptis, quæ ad Romanum Pontificem attinabant, quod nimur in Cæremoniali Sanctæ Romanae Ecclesiæ sunt expressæ.

Ex rubricis vero multis detractis, quæ exactiore methodo in librum Cæremoniârum Episcoporum sunt relata, plerisque etiam, uti necessitatibus ratio postulabat, adjectis, et præterea non paucis quibusdam immelius commutatis, clarinsque expositis, ac denique cantu plano in aptiorem modulationis formam (permultis syllabis, pro temporum natura, ubi ratio eas produci et corripi postulabat, contra quam prius in antiquo Pontificali expressum erat, magis apposite extensis, vel contractis) a viris ejus rei peritis, ad hoc jussu nostro delectis, diligenter redacto, opus jam absolutum probavimus, et Romæ edi, editumque divulgari mandavimus.

Ut autem ipsius operis labor finem eum, ob quem est susceptus, sortiatur, utque posthac in omnibus et singulis Ecclesiis uno eodemque modo cæremonia et ritus Pontificales observentur; motu proprio, et ex certa scientia, ac de Apostolice potestatis plenitudine, omnia et singula Pontificalia in hunc usque diem in quibuscumque terrarum orbis partibus impressa et approbata, et quibusvis privilegiis Apostolicis munita, et decretis ac clausulis roborata, per præsentes supprimimus, et abolemus, eorumque usum in posterum universis Ecclesiis, Monasteriis, Conventibus, Militiis, Ordinibus, et locis, atque etiam omnibus Patriarchis, Archiepiscopis, Episcopis, Abbatibus, et aliis Ecclesiârum Prelatis, ceterisque omnibus et singulis Personis Ecclesiasticis, secularibus, et regularibus utriusque sexus interdicimus et prohibemus; et hoc nostrum Pontificale sic restitutum et

reformatum in omniis universi terrarum orbis Ecclesiis, Monasteriis, Ordinibus, et locis etiam exemptis, si quae sunt, recipi et observari præcipimus.

Statuentes : Pontificale prædictum nullo unquam tempore in toto, vel in parte mutandum, vel ei aliquid addendum, aut omnino detrahendum esse, ac quascumque personas, quae Pontificalia munera exercere, vel alias, quae in dicto Pontificali continentur, facere aut exequi debent, ad ea peragenda et præstanda, ex hujus Pontificalis præscripto et ratione, teneri, neminemque ex iis, quibus ea exercendi, et faciendi munus impositum est, nisi formulis, quae hoc ipso Pontificali continentur, servatis satisfacere posse.

Omnibus igitur et singulis Patriarchis, Archiepiscopis, Episcopis, Abbatibus, et ceteris Ecclesiarum Prælatis, necon aliis quibuscumque Personis Ecclesiasticis, sacerdotibus et regularibus utriusque sexus, ad quas id spectat, præcipimus ac mandamus, ut omissis, quae sic suppressimus et abolevimus, ceteris omnibus Pontificalibus, hoc Nostrum in suis Ecclesiis, Monasteriis, Conventibus, Ordinibus, Militiis, Diœcesibus, et locis prædictis recipiant, illoque posthac perpetuo utantur. Ceterum ut præsentes litteræ omnibus plenius innotescant, mandamus illas ad valvas Basilicæ Principis Apostolorum de Urbe, et Cancellariæ Apostolicæ et in acie Campi Floræ publicari, earumque exemplar de more affigi.

Volumusque præterea, et motu atque auctoritate similibus decernimæs, ut qui in Romana Curia sunt præsentes, lapsis duobus mensibus; qui vero intra Montes, octo; et qui ultra ubique locorum degunt, duodecim integre excursis, vel alias ubi venatum hujus Pontificalis voluminum notitiam et facultatem habuerint, sacras cærimonias et ritus in eodem Pontificali præscriptos, juxta illius modum et normam, in quibuscumque actibus exercere, et observare teneantur.

Ipsarum autem litterarum exempla, manu Notarii publici, et sigo alicujus Personæ in Ecclesiastica Dignitate constitutæ aut illius Curiae obsignata, vel in ipsis voluminibus, absque prædicto, vel alio quopiam adminiculo Romæ impressa, eam ubique locorum et gentium fidem faciant, quam præsentes ficerent, si essent exhibitæ, vel ostensæ.

Datum Romæ apud Sanctum Petrum, sub Annulo Piscatoris, die x. Februarii M. D. XCVI. Pontificalitus nostri anno quinto.

M. Vestrius Barbianus.

Ac laudatus URBANUS VIII. Ad perpetuam rei memoriam.
Quamvis alias fel. record. Clemens Papa Octavus Prædecessor Noster, Pontificale Romanum tunc multis et non levibus erroribus scatens, piorum atque insignium virorum in Pontificalibus cærimonias et ritibus versatorum opera undequaque corrigi et restitui curaverit : attamen successu temporis compertum est, plurimos errores denuo in

Pontificale hujusmodi , Typographorum inscitia , seu incuria , aliave de causa irrepsisse .

Unde curæ nostræ Pastorali s esse rati sumus , ad novam ejusdem Pontificalis , quod Cæremoniarum et rituum , quibus Catholici Antistites in suorum munierum functione uti debent , norma existit , correctionem animum appellere . Idcirco , ut idem Pontificale denuo typis quam emendatissime auctoritate nostra ederetur , emendationem errorum , qui in illud , ut præfertur , irrepsereunt , nonnullis Venerabilibus Fratribus nostris S. R. E. Cardinalibus , et aliis viris doctrina et pietate conspicuis , Pontificalium Cæremoniarum et rituum peritis , commisimus , quorum opera cum Pontificale prædictum ab omnibus , quibus scatebat , mendis et erroribus accuratissime repurgatum fuerit , Nos , ne tam exacta Cardinalium , et aliorum prædicatorum hac in re industria et diligentia optato fructu retetur effectu , mandavimus dilecto filio Andreæ Brogiotto , Typographæ nostræ Apostolicae Præfecto , procurationem emendati Pontificalis hujusmodi elegantibus typis , et insigni forma in lucem edendi : quod exemplar , qui posthac Pontificale Romanum impresserint , sequi omnes teneantur .

Extra Urbem vero nemini licere volumus idem Pontificale in posterum typis excudere , aut evulgare , nisi facultate in scriptis accepta ab Inquisitoribus hæreticæ pravitatis , siquidem inibi fuerint ; sin minus , ab locorum Ordinariis .

Quod si quis quaquamque forma contra præscriptum hoc Pontificale Romavum , aut Typographus impresserit , aut noviter impressum Bibliopola vendiderit , extra ditionem nostram Ecclesiasticam excommunicationis latæ sententiæ poenæ subjaceant , a qua , nisi a Romano Pontifice (præterquam in mortis articulo constituti) absolví nequeant ; in alma vero Urbe , ac reliquo statu Ecclesiastico commorantes , quingentorum ducatorum auri de Camera ac amissionis librorum et typorum omnium eidem Cameræ applicandorum poenas , absque alia declaratio ne , irremissibiliter incurvant ; et nihilominus Pontificalia sine prædicta facultate impressa aut evulgata , eo ipso prohibita censeantur .

Inquisitores vero , locorumque Ordinarii facultatem hujusmodi non prius concedant , quam Pontificale tam ante , quam post impressionem cum hoc ipso exemplari auctoritate nostra vulgato diligenter contulerint , et nihil in iis additum detractumque cognoverint : in ipsa autem facultate , cuius exemplum in fine , aut initio cujuscumque Pontificalis impressum semper addatur , mentionem manu propria faciant absolutæ hujusmodi collationis , reperteque inter utrumque Pontificale conformatio nis , sub poena Inquisitoribus privationis suorum officiorum , ac inhabilitatis ad illa et alia in posterum obtinenda ; Ordinariis vero locorum , suspensionis a Divinis , ac interdicti ab ingressu Ecclesie ; eorum vero Vicariis privationis officiorum et beneficiorum suorum , et inhabilitatis ad illa et alia in posterum obtine nda , necnon excommunicationis absque alia declaratione incurrendæ . Injungimus autem Nuntiis nostris ubique locorum degenitibus , ut huic negotio diligenter invigilent , cunctaque ad præscriptum hujus voluntatis nostræ confici current .

Non obstantibus licentiis, indultis, et privilegiis Pontificalia imprimenti quibuscumque Typographis per Nos, seu Romanos Pontifices Prædecessores nostros hucusque concessis, quæ per præsentes expresse revocamus, et revocata esse volumus; necnon constitutionibus, et ordinationibus generalibus et specialibus in contrarium prämissorum quomodocumque editis, confirmatis et approbatis. Quibus omnibus, etiam si de illis, eorumque totis tenoribus specialis, specifica, et expressa mentio habenda esset, tenores hujusmodi præsentibus pro expressis habentes, hac vice dumtaxat specialiter et expresse derogamus, cæterisque contrariis quibuscumque.

Volumus autem ut præsentium litterarum nostrarum exemplaribus, etiam in ipsis Pontificalibus impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides abhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ apud Sanctum Petrum, sub annulo Piscatoris, die xvij. Junii MDCCXLIV. Pontificatus nostri anno vigesimo primo.

M. A. Maraldus.

Quoniam autem Nos pro paterna charitate vehementer cupientes, ut Christi fidelibus in articulo mortis constitutis, quoad fieri posset, universis Apostolica Benedictio nostro nomine impertiretur, et Plenaria omnium peccatorum suorum Indulgentia elargiretur, per alias nostras sub plumbo litteras anno Incarnationis Dominicæ MDCCXLVII. Nonis Aprilis Pontificatus Nostri anno septimo datas omnibus Ecclesiarum Antislitibus hujusmodi facultatem sub certis modo et forma expressam tribuimus, atque insimul formulam Benedictionis et Indulgentiæ hujusmodi dandæ præscripsimus, quemadmodum Encyclicam etiam nostram Epistolam die xix. mensis Martii anno MDCCXLIV, ad dilectos filios Generales Ordinum Regularium, quibus a Sancta Sede indulta vel indulgenda erat facultas Pontificiam Benedictionem effundi super populum statis diebus, scripseramus super modo et ritu, quibus prædicta Benedictio danda est.

Præterea ad nonnullas lites et controversias exortas et medio tollendas itidem per alias nostras in simili forma Brevis litteras confirmaveramus leges et instituta Cærimonialia jussu nostro edita pro Provinciarum Præsidibus, Gubernatoribus, Prælatis, et Apostolicis Vicelegatis, quæ sunt tenoris sequentis.

Omittitur Bulla Benedicti XIV. incip. Quod Apostolus, de Cærimoniali disserens.

Insuper formulam itidem Benedictionis, et Traditionis Pallii ac jurisjurandi a Procuratoribus absentium Archiepiscoporum, antequam a dilecto Filio nostro S. R. E. Cardinali Diacono idem Pallium accipiant, ipsorum Archiepiscoporum nomine præstaudi per nostram

Constitutionem die xij. mensis Augusti anno MDCCXLVIII, sub
plumbo expeditam statuimus.

Porro accedit ad hæc methodus quoque Scholæ Sacrorum Rituum in Gregoriano Collegio Romano hujus almæ urbis nostræ Nobis approbantibus institute non sine uberi per hoc tempus in Sacris Ritibus addicendis profectu, aliarumque ad instar ejusdem Scholæ, alibi jam erectarum, vel erigendarum : quæ methodus multis in libris, et præcipue in decimo operum nostrorum volumine Romanæ editionis reperitur inserta, plurimumque a Nobis commendatur, eamque plurimum studiosis Sacrorum Rituum prodesse compertum est.

Ea propter cum Nobis a quamplurimis supplicatum fuerit, ut typis iterum reimprimendi Rituale Romanum, Cæremoniale Episcoporum et Pontificale Romanum hujusmodi, et non solum in iisdem antedicta omnia a Nobis statuta addendi, verum etiam nostro jussu in lucem emittendi, licentiam de Apostolica benignitate et auctoritate concedere et indulgere dignaremur : Nos itaque probe scientes, et experientia edocti quantum prosit, ut in uno volumine simul collecta ad manus sint ea omnia, quæ sparsim ac divisim impressa inveniuntur, et considerantes quantam hujusmodi collectio utilitatem memoratæ Scholæ Liturgicæ in Collegio Societatis Jesu ejusdem almæ Urbis nostræ a Nobis institutæ, aliisque ubique locorum erectis afferre possit, Apostolica auctoritate tenore præsentium communibus tot insignium Virorum ac Præsulum votis, et supplicationibus benigne annuentes, facultatem tribuimus et impartimur, ut Rituale Romanum, Cæremoniale Episcoporum, ac Pontificale Romanum sub iisdem modo et forma, quibus de præsenti impressa reperiuntur, et usui sunt, una simul cum omnibus et singulis, quæ, ut superius relatum est, a Nobis præscripta, ordinata, et publici etiam juris facta sunt, necnon cum sæpe dicta methodo Scholæ Sacrorum Rituum in Operibus nostris jam editis inserta jussu nostro, non obstantibus quibuscumque in contrarium facientibus, typis reimprimantur, et in lucem emitantur.

Datum Romæ apud Sanctam Mariam Majorem sub annulo Piscatoris, die xxv. Martii anno MDCCCLII, Pontificatus nostri anno duodecimo.

Cajetanus Amatus.

PONTIFICALIS

PARS PRIMA.

DE CONFIRMANDIS.

Pontifex infantes, pueros, vel alios sacri baptismatis unda perfusos, confirmare volens, paratus supra rochetum, vel, si sit Regularis, supra superpelliceum, amictu, stola, pluviali albi coloris, et mitra, accedit ad faldistorium ante medium altaris, aut in alio convenienti loco sibi paratum; et in eo sedens, renibus altari, et facie populo versis, baculum Pastoralem in sinistra tenens, populum coram se stantem admonet, quod nullus aliis, nisi solus Episcopus, Confirmationis ordinarius minister est.

Nullus confirmatus debet reconfirmari.

Nullus, qui non sit confirmatus, potest esse in confirmatione patrinus, nec pater, aut mater, maritus, aut uxor.

Nullus excommunicatus, interdictus, vel gravioribus facinoribus alligatus, aut christianæ fidei rudimentis non edoctus, ingerat se ad percipiendum hoc Sacramentum, vel ad tenendum confirmandum.

Adulti deberent prius peccata confiteri, et postea confirmari; vel saltem de mortalibus, si in ea inciderint, conterantur.

Hoc Sacramento contrahitur spiritualis cognatio, impediens matrimonium contrahendum, et dirimens jam contractum; quæ cognatio confirman-

*tem, et confirmatum, illiusque patrem, et matrem,
ac tenentem non egreditur.*

*Nullus præsentet nisi unum, aut duos, non
plures, nisi aliter necessitas suadeat, arbitrio
Episcopi.*

Confirmandi deberent esse jejuni.

*Confirmato debet ligari frons, et sic manere
quousque Chrisma desicetur, vel extergatur.*

*Proinde, unusquisque confirmandus portet li-
neam vittam mundam, cum qua ligetur caput.*

*Nullus confirmatus discedat, nisi benedictione
accepta, quam Pontifex post omnium confirma-
tionem dabit.*

*Infantes per patrinos ante Pontificem confir-
mare volentem teneantur in brachiis dextris.
Adulti vero, seu alii majores, ponant pedem suum
super pedem dextrum patrini sui. Et ideo, neque
masculi feminis patrini, neque feminæ masculis
matrinæ esse deberent.*

*Quibus per ordinem ante Pontificem dispositis,
Pontifex sedens lavat manus; deinde deposita mitra
surgit, et stans versa facie ad confirmandos, junc-
tis ante pectus manibus, confirmandis genua flec-
tentibus, et manus ante pectus junctas tenentibus,
dicit :*

*Spiritus sanctus superveniat in vos, et virtus Al-
tissimi custodiat vos a peccatis. R. Amen.*

*Deinde signans se manu dextra a fronte ad pec-
tus signo crucis, dicit :*

R. Adjutorium nostrum in nomine Domini.

R. Qui fecit cœlum et terram.

R. Domine, exaudi orationem meam.

R. Et clamor meus ad te veniat.

R. Dominus vobiscum.

R. Et cum spiritu tuo,

Tunc extensis versus confirmandos manibus, dicit :

OREMUS.

Omnipotens sempiterne Deus, qui regenerare dignatus es hos famulos tuos ex aqua, et Spiritu sancto; quique dedisti eis remissionem omnium peccatorum: emitte in eos septiformem Spiritum tuum sanctum paraclitum de cœlis. *R. Amen.*

Spiritu sapientiae, et intellectus. *R. Amen.*

Spiritu consilii, et fortitudinis. *R. Amen.*

Spiritu scientiae, et pietatis. *R. Amen.*

Adimple eos Spiritu timoris tui, et consigna eos signo cru \dagger cis Christi, in vitam propitiatus æternam. Per eundem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *R. Amen.*

Pontifex sedens super faldistorium prædictum, vel etiam, si multitudo confirmandorum id exegerit, dispositis illis per ordinem super gradus presbyterii, vel alibi, Pontifex stans cum mitra, illos confirmat per ordinem genuflexos, et uno ordine confirmato, illi surgunt, et alii genuflectunt, et confirmantur, et sic usque in finem. Et Pontifex inquirit sigillatim de nomine cuiuslibet confirmandi, sibi per patrinum, vel matrinam flexis genibus præsentati, et summitate pollicis dextræ manus Chrismate intincta, dicit :

N. Signo te signo cru \dagger cis : quod dum dicit, producit pollice signum crucis in frontem illius; deinde prosequitur :

*Et confirmo te Chrismate salutis. In nomine Patris, et Fi \dagger lii, et Spiritus \dagger sancti. *R. Amen.**

Deinde leviter eum in maxilla cœdit, dicens : Pax tecum.

Omnibus confirmatis, Pontifex tergit cum mica panis, et lavat pollicem, et manus super pelvum. Deinde aqua lotionis cum pane fundatur in piscinam sacrarii. Interim dum lavat manus, cantatur sequens Antiphona, vel legitur a ministris; quod etiam in similibus servari debet.

Confirma hoc Deus, quod operatus es in nobis a templo sancto tuo, quod est in Jerusalem. ¶ Gloria Patri etc.

R. Sicut erat etc. Deinde repetitur Antiphona : Confirma hoc Deus. Qua repetita, Pontifex deposita mitra surgit, et stans versus ad altare, junctis ante pectus manibus, dicit :

- ¶. Ostende nobis, Domine, misericordiam tuam.**
- ¶. Et salutare tuum da nobis.**
- ¶. Domine, exaudi orationem meam.**
- ¶. Et clamor meus ad te veniat.**
- ¶. Dominus vobiscum.**
- ¶. Et cum spiritu tuo.**

Deinde junctis adhuc ante pectus manibus, et omnibus confirmatis devote genua flectentibus, dicit :

OREMUS.

Deus, qui Apostolis tuis sanctum dedisti Spiritum, et per eos, eorumque successores cæteris fidelibus tradendum esse voluisti : respice propitius ad humilitatis nostræ famulatum ; et præsta, ut eorum corda, quorum frontes sacro Chrismate delinivimus, et signo sanctæ crucis signavimus, idem Spiritus sanctus in eis superveniens, templum gloriae suæ dignanter inhabitando perficiat. Qui cum Patre, et eodem Spiritu sancto vivis, et regnas Deus, in sæcula sæculorum. ¶ Amen.

Deinde dicit :

Ecce sic benedicitur omnis homo, qui timet Dominum.

Et vertens se ad confirmatos, faciens super eos signum crucis, dicit :

Bene † dicat vos Dominus ex Sion, ut videatis bona Jerusalem omnibus diebus vitæ vestræ, et habeatis vitam æternam. R. Amen.

Expedita itaque Confirmatione, Pontifex sedens, accepta mitra, patrinis et matrinis annuntiat, quod instruant filios suos bonis moribus, quod fugiant mala, et faciant bona, et doceant eos Credo in Deum, et Pater noster, et Ave Maria, quoniam ad hoc sunt obligati.

Hoc Sacramentum potest conferri minus solemniter quocumque die, hora, et loco, ex causa ad arbitrium Episcopi.

DE ORDINIBUS CONFERENDIS.

Quando Episcopus ordinationem facere disposuerit, omnes, qui ad sacrum ministerium accedere voluerint, feria quarta ante ipsam ordinationem, vel quando Episcopo videbitur, ad civitatem evocentur. Episcopus autem Sacerdotibus, et aliis prudentibus viris, peritis diuinæ legis, ac in ecclesiasticis functionibus exercitatis, sibi adscitis, ordinandorum genus, personam, ætatem, institutionem, mores, doctrinam, et fidem diligenter investiget, et examinet.

Nullus ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum promoveatur. Sciant tamen Episcopi, non singulos in ea ætate constitutos debere ad hos Ordines assumi, sed dignos

dumtaxat et quorum probata vita senectus sit. Regulares quoque, nec in minori ætate, nec sine diligentí Episcopi examine ordinentur.

*Prima Tonsura non initientur, qui Sacramen-
tum Confirmationis non suscepérint, et fidei ru-
dimenta edocti non fuerint; quique legere, et scri-
bere nesciant, et de quibus probabilis conjectura
non sit, eos non sacerdotalis judicii fugiendi frau-
de, sed ut Deo fidelem cultum præstent, hoc vi-
tæ genus elegisse.*

*Ad minores Ordines promovendi bonum a Paro-
cho, et a magistro scholæ, in qua educantur,
testimonium habeant. Hi vero, qui ad singulos
majores erunt assumendi, per mensem ante ordi-
nationem Episcopum adeant, qui Parocho, aut
alteri, cui magis expedire videbitur, committat,
ut nominibus, ac desiderio eorum, qui volent pro-
vomeri, publice in Ecclesia propositis, de ipsorum
ordinandorum natalibus, ætate, moribus et vita
a fide dignis diligenter inquirat, et litteras testi-
moniales, ipsam inquisitionem factam continen-
tes, ad ipsum Episcopum quamprimum transmit-
tat.*

*Minores Ordines iis, qui saltem Latinam lin-
guam intelligent, per temporum interstitia, nisi
aliud Episcopo magis expedire videretur, conse-
rantur; ut eo accuratius, quantum sit hujus
disciplinæ pondus, possint edoceri: ac in unoquo-
que munere, juxta præscriptum Episcopi, se exer-
ceant; idque in ea, cui adscripti erunt, Ecclesia
(nisi forte ex causa studiorum absint); atque ita
de gradu in gradum ascendant, ut in eis cum
ætate, ritæ meritum et doctrina major accrescat.
Quod et bonorum morum exemplum, et assiduum
in Ecclesia ministerium, atque major erga Pres-
byteros et superiores Ordines reverentia, et cre-*

brior, quam antea, Corporis Christi Communio maxime comprobabunt. Cumque hinc ad altiores gradus, et sacratissima mysteria sit ingressus, nemo iis initietur, quem non scientiae spes majoribus Ordinibus dignum ostendat. Hi vero non nisi post annum a susceptione postremi gradus minorum Ordinum, ad sacros ordines promoveantur : nisi necessitas, aut Ecclesiæ utilitas, judicio Episcopi, aliud exposcat.

Subdiaconi, et Diaconi ordinentur, habentes bonum testimonium, et in minoribus Ordinibus jam probati, ac litteris, et iis, quæ ad Ordinem exercendum pertinent, instructi. Qui sperent, Deo auctore, se continere posse; Ecclesiis, quibus adscribentur, inserviant; sciantque maxime decere, si saltem diebus Dominicis, et solemnibus, cum altari ministraverint, sacram Communionem percepient. Promoti ad sacram Subdiaconatus Ordinem, si per annum saltem in eo non sint versati, ad altiorem gradum (nisi aliud Episcopo videatur) ascendere non permittantur. Duo sacri Ordines non eodem die, etiam Regularibus, conferantur.

Qui pie et fideliter in ministeriis anteactis se gesserint, et ad Presbyteratus Ordinem assumentur, bonum habeant testimonium; et hi sint, qui non modo in Diaconatu, ad minus annum integrum, nisi, ob Ecclesiæ utilitatem ac necessitatem, aliud Episcopo videretur, ministraverint; sed etiam ad populum docendum ea, quæ scire omnibus necessarium est ad salutem, ac ad ministranda Sacraenta, diligenti examine præcedente, idonei comprobentur; atque ita pectate, et castis moribus conspicui, ut præclarum bonorum operum exemplum, et vitæ monita ab eis possint expectari.

Illegitimi sine dispensatione Apostolica, ad sacros Ordines promoveri non possunt; ad minores tamen possunt ex dispensatione sui Episcopi ordinari: neque etiam furiosi, amentes, servi, homicidæ, irregulares, insigni corporis vitio deformes, aut manci ordinari possunt.

Examinentur de Ordine, in quo sunt constituti, et quando, et a quo illum receperunt.

Clericus sacerdotalis, quamvis alias sit idoneus moritus, scientia, et ætate, ad sacros Ordines non promoteatur, nisi prius legitime constet eum, beneficium ecclesiasticum, quod sibi ad victimum honeste sufficiat, pacifice possidere. Id vero beneficium resignare non possit, nisi facta mentione, quod ad illius beneficii titulum sit promotus, neque ea resignatio admittatur, nisi constito quod aliunde vivere commode possit; et aliter facta resignatio nulla sit. Patrimonium vero, vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate, vel commoditate Ecclesiarum suarum; eo quoque prius perspecto, patrimonium illud, vel pensionem vere ab eis obtineri, taliaque esse, quæ eis ad vitam sustentandam satis sint: atque illa deinceps sine licentia Episcopi alienari, aut extingui, vel remitti nullatenus possint, donec beneficium ecclesiasticum sufficiens sint adepti, vel aliunde habeant, unde vivere possint.

Advertat diligenter Pontifex, cum Ordines confert, ne in expressione formarum, vel collatione instrumentorum ipsorum Ordinum deficiat; frequenter Pontificale respiciat, et mature procedat. Moneat ordinandos, quod instrumenta, in quorum traditione character imprimitur, tangant. Secretas morose dicat, ut ordinati ad Sacerdo-

tium possint illas cum eo dicere : debent enim ex consuetudine concelebrare , et etiam verba consecrationis proferre.

Tempora ordinationum sunt : Sabbata in omnibus quatuor temporibus, Sabbatum ante Dominicam de Passione, et Sabbatum sanctum.

Clericatus, seu prima Tonsura, quocumque die, hora, et loco conferri potest.

Minores vero Ordines possunt dari singulis Dominicis, et festivis diebus duplicitibus ex præcepto, ubicumque, in mane tamen.

Ordinandi omnes debent in Ecclesia se præsentare cum tonsura, habitu, et paramentis Ordini suo convenientibus, et candelis in manu accensis. Et cum a notario Episcopi nominati fuerint, respondeant : Adsum ; et accedant ad locum ordinationis, secundum ordinem descriptionis.

Advertat quoque Pontifex, quod si unus tantum sit per eum ad quemcumque Ordinem promovendus, illum admoneat, et alloquatur, non in plurali, ut textus dicit; sed in singulari, ut in fine Partis tertiae hujus Pontificalis habetur.

In Sabbatis quator Temporum, in quibus funt ordinationes generales, Tonsuræ fieri debent post Kyrie eleison. Deinde, dicta prima Lectione, ordinantur Ostiarii : Post secundam Lectionem, Lectores : Post tertiam, Exorcistæ : Post quartam, Acolythi : Post quintam, Subdiaconi : Finita Epistola, Diaconi : Et demum ante ultimum versum Tractus, vel infra Octavam Pentecostes, ante ultimum versum Sequentiæ, ordinantur Presbyteri.

Si ordinationes fiant in Sabbato ante Dominicam de Passione, quia unica tantum dicitur Lectio, Tonsuræ debent fieri immediate post Introitum : Omnes minores Ordines post Kyrie eleison : Subdiaconi immediate post Collectam : Diaconi post Epis-

tolam: Presbyteri ante ultimum versum Tractus.

Idem servetur, quandocumque dantur Ordines sacri extra tempora, ex dispensatione Apostolica. Quod si fiat inter Pascha et Pentecosten; Presbyteri ordinantur ante ultimum ✠. Si inter Pentecosten et Septuagesimam, ordinantur ante ✠. Alleluia. Et antequam ad collationem Ordinum procedatur, legitur mandatum Apostolicum, sive supplicatio, cuius vigore Pontifici facultas conceditur ordinandi; quibus lectis, dicit Pontifex: Deo gratias; et ad ordinationem procedit.

Si vero Sabbato sancto ordinationes fiant, Officium incipitur a prima prophetia, et continuaatur, prout in Ordinario, usque ad Litanias inclusive, in quibus dicto: Ut omnibus fidelibus etc., surgit ab accubitu Pontifex, et conversus ad ordinandos, eos benedicit, prout post Litanias infra ponitur. Deinde perficiuntur Litaniæ, et Pontifex facit Confessionem, et dicto Kyrie eleison pro Missa, ordinat ad primam Tonsuram. Tum dicit: Gloria in excelsis etc., quo dicto, ordinat ad quatuor minores Ordines. Deinde dicit Orationem ordinariam cum alia pro ordinandis, quibus dictis, ordinat ad Subdiaconatum. Tum dicitur Epistola; et, ea dicta, ordinat Diaconos. Dicitur deinde Alleluia cum suo Versu, et prima pars Tractus; quibus dictis, ordinat Presbyteros: post quorum ordinationem dicitur versus Tractus, Evangelium, et alia, prout in Ordinario.

Quando autem Pontifex extra Missarum solemnia est promoturus aliquos ad primam Tonsuram, vel ad quatuor minores Ordines, sufficit quod habeat stolam supra rochetum, vel supra superpelliceum (si sit Regularis), et mitram simplicem. Cum autem est celebratus pro sacris Ordinibus conferendis, habere debet sandalia, et omnia pa-

ramenta Pontificalia, et dicere Psalmum, Quam dilecta etc.

Ordinationes sacrorum Ordinum, statutis a jure temporibus, ac in Cathedrali Ecclesia, vocatis, præsentibusque ad id Ecclesiæ Canoniciis, publice celebrentur: si autem in alio diæcessis loco, præsente Clero loci, dignior, quantum fieri poterit, Ecclesia semper adeatur.

Cum igitur ordinationes facienda sunt, per Sacristam, seu alium, ad quem spectat, præparantur omnia, quæ necessaria sunt pro Missa Pontificali. Et demum, cum tempus ordinationis instat, hora competenti, Pontifex cappa magna induitus, Capellano illam post eum deferente, venit ad Ecclesiam, ubi ordinationes fieri debent, et accedens ante altare, genuflexus ibidem aliquandiu orat. Deinde vadit ad sedem, ubi paramenta capere consuevit; vel, si non sit in Ecclesia sua, ad faldistorium ad cornu Epistolæ sibi paratum, ubi sedens accipit omnia paramenta Pontificalia coloris temporis convenientis, et mitram simplicem, dicens Psalmum Quam dilecta.

Pontifex sic paratus, baculum Pastoralem in sinistra tenens, accedit ad gradus altaris, ubi, depositis baculo et mitra, facta altari reverentia cum profunda capit is inclinatione, facit cum ministris Confessionem. Interim cantatur a choro Introitus, et Kyrie eleison. Finita Confessione, Pontifex ascendit ad altare, illud in medio osculatur, et textum Evangelii ad sinistram; incensat altare more solito, resumit mitram, et revertitur ad sedem, seu ad faldistorium ad cornu Epistolæ; ubi, deposita mitra, et versa facie ad altare, oblato sibi per ministrum libro, ex eo legit Introitum, et Kyrie eleison; quibus dictis, sedet cum mitra, donec perficiatur a choro ultimum

Kyrie eleison. Quo finito, surgit Pontifex, et cum mitra ad faldistorium, ante medium altaris sibi præparatum, accedit, et in illo sedet, renibus altari versis. Tum Archidiaconus vocat omnes ordinandos, dicens : Accedant omnes, qui ordinandi sunt.

Quibus ante altare coram Pontifice genuflexis, et in modum coronæ dispositis, Archidiaconus publice interrogat omnes, si sint aliqui, qui forte non sint confirmati; quia non debent ad ordinationem accedere, nisi prius confirmantur. Et, si aliqui confirmandi erunt, tunc depositis Pontifex annulis et chirotecis, lavat manus, reassumit annulos, et confirmat, prout habetur supra folio primo; vel si non erunt aliqui confirmandi, palam interdicit per unum ex suis, sub his verbis :

Reverendissimus in Christo pater, et dominus, dominus N. Dei et Apostolicæ sedis gratia Episcopus N. sub excommunicationis pœna præcipit, et mandat omnibus, et singulis pro suscipiendis Ordinibus hic præsentibus, ne quis forsan eorum irregularis, aut alias a jure, vel ab hominè excommunicatus, interdictus, suspensus, spurius, infamis, aut alias a jure prohibitus, sive ex aliena diœcesi oriundus, sine licentia sui Episcopi, aut non descriptus, examinatus, approbatus, et nominatus, ullo pacto audeat ad suscipiendos Ordines accedere. Et quod nullus ex ordinatis discedat, nisi Missa finita, et benedictione Pontificis accepta.

Demum ad ordinationem procedat.

DE CLERICO FACIENDO.

Clericus fieri potest, etiam extra Missarum solemnia, quocumque die, hora et loco.

Pro Clericis ordinandis, parentur forfices pro incidendis capillis, et bacile pro illis imponendis. Et quilibet ordinandorum habere debet suum superpelliceum super brachium sinistrum, et candelam in manu dextra. Et vocantur omnes tonsurandi nominatim, et sigillatim per notarium, et quilibet respondet : Adsum.

Quibus ante altare coram Pontifice in faldistorio cum mitra sedente genuflexis, Pontifex surgit cum mitra, et dicit :

- †. Sit nomen Domini benedictum.
- ¶. Ex hoc nunc et usque in sæculum.
- †. Adjutorium nostrum in nomine Domini.
- ¶. Qui fecit cœlum et terram.

Oremus, fratres charissimi, Dominum nostrum Jesum Christum, pro his famulis suis, qui ad deponendum comas capitum suorum pro ejus amore festinant, ut donet eis Spiritum sanctum, qui habitum religionis in eis in perpetuum conservet, et a mundi impedimento, ac sæculari desiderio corda eorum defendat; ut, sicut immutantur in vultibus, ita dextra manus ejus virtutis tribuat eis incrementa, et ab omni cæcitate spirituali et humana oculos eorum aperiat, et lumen eis æternæ gratiæ concedat. Qui vivit, et regnat cum Deo Patre in unitate ejusdem Spiritus sancti Deus, per omnia sæcula sæculorum.

Post hæc, sedente Pontifice, schola inchoat, et prosequitur Antiphonam et Psalmum. 8. ton.

Tu es Domine qui restitues hæreditatem meam mihi.

PSALMUS 15.

**Conserua me, Domine, | es tu, quoniam bonorum
quoniam speravi in te, | meorum non eges.
dixi Domino : Deus meus |**

*Sanctis, qui sunt in terra ejus, * mirificavit omnes voluntates meas in eis.*

*Multiplicatae sunt infirmitates eorum : * postea acceleraverunt.*

*Non congregabo conuenticula eorum de sanguinibus : * nec memor ero nonimum eorum per labia mea.*

Repetitur tota Antiphona Tu es Domine etc.

Incepto Psalmo, Pontifex cum forcibus incidit unicuique extremitates capillorum in quatuor locis; videlicet in fronte, in occipito, et ad utramque aurem, deinde in medio capitinis aliquot crines capillorum, et in bacile deponit, et quilibet, cum tondetur, dicit :

Dominus pars hæreditatis meæ, et calicis mei : tu es, qui restitues hæreditatem mihi.

Omnibus tonsis, mitra deposita, surgit Pontifex, et stans versus ad illos, dicit :

OREMUS.

Prästa, quæsumus, omnipotens Deus, uthi famuli tui, quorum hodie comas capitum pro amore divino deposuimus, in tua dilectione perpetuo maneant ; et eos sine macula in sempiternum custodias. Per Christum Dominum nostrum. R. Amen.

Tunc schola inchoat, et prosequitur Antiphonam sequentem. Qua incepta, Pontifex sedet cum mitra.

ANTIPHONA.

Hi accipient benedictionem a Domino : et misericordiam a Deo salutari suo : quia hæc est generatio quærentium Dominum.

PSALMUS 23.

*Domini est terra, et plenitudo ejus : * orbis terrarum, et universi qui habitant in eo.*

*Quia ipse super maria fundavit eum : * et super flumina præparavit eum.*

Quis ascendet in montem Domini?* aut quis stabit in loco sancto ejus?

Innocens manibus , et mundo corde , * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salvatori suo.

Hæc est generatio quærentium eum . * quærentium faciem Dei Jacob.

Attollite portas, principes, vestras, et elevamini

Deinde repetitur tota Antiphona Hi accipient benedictionem etc.

Qua finita, surgit sine mitra Pontifex, et ad altare conversus, dicit : Oremus.

Et ministri dicunt : Flectamus genua. ¶ Levate.

Et mox ad tonsos genuflexos versus Pontifex, dicit :

Adesto , Domine , supplicationibus nostris , et hos famulos tuos bene † dicere dignare , quibus in tuo sancto nomine habitum sacræ religionis imponimus ; ut , te largiente , et devoti in Ecclesia tua persistere , et vitam percipere mereantur æternam. Per Christum Dominum nostrum. ¶ Amen.

Tunc Pontifex sedet cum mitra, et accipiens in manum superpelliceum, dicit singulis :

Induat te Dominus novum hominem, qui secundum Deum creatus est in justitia, et sanctitate veritatis.

Et mox imponit illud cuilibet, repetendo : In-

portæ eternales : * et introibit rex gloriæ.

Quis est iste rex gloriæ?* Dominus fortis et potens : Dominus potens in prælio.

Attollite portas, principes, vestras, et elevamini portæ æternales : * et introibit rex gloriæ.

Quis est iste rex gloriæ?* Dominus virtutum ipse est rex gloriæ.

Gloria Patri , et Filio, * et Spiritui sancto.

Sicut erat in principio, et nunc, et semper : et in sæcula sæculorum. Amen.

duat te etc., immittens usque ad scapulas, et immediate trahens, si unum tantum sit superpelliceum; sicque facit usque ad ultimum, qui eo totaliter induitur: si vero quisque suum superpelliceum habeat, singuli totaliter induuntur. Quo expedito, sine mitra surgit Pontifex, et versus ad illos dicit :

OREMUS.

Omnipotens sempiterne Deus, propitiare peccatis nostris, et ab omni servitute sacerdotalis habitus hos famulos tuos emunda; ut, dum ignominiam sacerdotalis habitus deponunt, tua semper in ævum gratia perfruantur; ut sicut similitudinem coronæ tuæ eos gestare facimus in capitibus, sic tua virtute hæreditatem subsequi mereantur æternam in cordibus. Qui cum Patre, et Spiritu sancto vivis, et regnas Deus, per omnia sæcula sæculorum. ¶ Amen.

Deinde sedet cum mitra Pontifex, et alloquitur eos sub his verbis :

Fili charissimi, animadvertere debetis, quod hodie de foro Ecclesiæ facti estis, et privilegia clericalia sortiti estis. Cavete igitur, ne propter culpas vestras illa perdatis; et habitu honesto, bonisque moribus, atque operibus Deo placere studeatis. Quod ipse vobis concedat per Spiritum sanctum suum. ¶ Amen.

Tum, suggeste Archidiacono, tonsurati redeunt ad loca sua.

DE MINORIBUS ORDINIBUS.

Quatuor minores Ordines dari possunt extra Missarum solemnia, diebus Dominicis, et Festivis duplicibus ex præcepto, sed in mane tantum.

Ordinandi omnes ad quatuor minores Ordines esse debent superpelliceis induiti, cum candela in manu dextera.

DE ORDINATIONE OSTIARIORUM.

PRO OSTIARIIS ORDINANDIS PARENTUR CLAVES ECCLESIE.

Pontifex, Clericis initiatis, surgit, et cum mitra ad sedem, seu ad faldistorium in cornu Epistolæ, revertitur; ubi, deposita mitra, et ad altare conversus, oblato sibi libro, cantat primam Collectam; deinde sedet, reassumit mitram, et cantatur prima Lectio. Interim accedunt duo Capellani cum libro, et candela ante Pontificem; qui sedens cum mitra, ex eo legit Lectionem ipsam. Quibus finitis, surgit Pontifex, et cum mitra ad faldistorium ante medium altaris sibi præparatum, proficiscitur, et in illo sedet renibus altari versis. Archidiaconus vocat ordinandos, dicens :

Accedant, qui ordinandi sunt ad officium ostiariorum.

Et mox notarius singulos nominatim vocat, et quilibet respondet : Adsum.

Omnibus in superpelliceis cum candelis in manus coram Pontifice genuflexis, Pontifex admonet illos, dicens :

Suscepturi, filii charissimi, officium Ostiariorum, videte, quæ in domo Dei agere debeatis. Ostiarium oportet percuteré cymbalum et campanam, aperire Ecclesiam et sacrarium, et librum aperire ei qui prædicat. Providete igitur, ne per negligentiam vestram, illarum rerum, quæ intra Ecclesiam sunt, aliquid depereat ; certisque horis domum Dei aperiatis fidelibus, et semper claudatis

infidelibus. Studete etiam, ut, sicut materialibus clavibus Ecclesiam visibilem aperitis et clauditis, sic et invisibilem Dei domum, corda scilicet fide- lium, dictis et exemplis vestris claudatis diabolo, et aperiatis Deo; ut divina verba, quæ audierint, corde retineant, et opere compleant: quod in vobis Dominus perficiat per misericordiam suam.

Hæ admonitiones non sunt Cardinalibus, neque electis Episcopis.

Deinde Pontifex accipit, et tradit omnibus claves Ecclesiæ, quas successive manu dextera singuli tan- gant, Pontifice dicente.

Sic agite, quasi reddituri Deo rationem pro iis rebus, quæ his clavibus recluduntur.

Post hæc Archidiaconus, sive alias Archidiaconi vice fungens, ducit eos ad ostium Ecclesiæ, et facit illos claudere, et aperire; tradit etiam eis funem campanarum, faciens eos campanas pulsare; deinde illos reducit ad Pontificem; quibus coram Pontifice genua flectentibus, stans cum mitra Pontifex versus ad ipsos ordinatos, dicit :

Deum Patrem omnipotentem, fratres charissimi, suppliciter deprecemur, ut hos famulos suos bene f- dicere dignetur, quos in officium Ostiariorum eli- gere dignatus est; ut sit eis fidelissima cura in domo Dei, diebus ac noctibus, ad distinctionem certarum horarum, ad invocandum nomen Domini: adju- vante Domino nostro Jesu Christo, qui cum eo vivit, et regnat in unitate Spiritus sancti Deus, per omnia sæcula sæculorum. ¶ Amen.

Tum, mitra deposita, stans Pontifex, et conversus ad altare, dicit : Oremus.

*Et ministri subjungunt : Flectamus genua. ¶ Le-
vate.*

Et statim versus ad illos genuflexos, stans sine mitra, dicit :

Domine sancte, Pater omnipotens, æterne Deus, bene † dicere dignare hos famulos tuos in officium Ostiariorum; ut inter janitores Ecclesiæ tuo pareant obsequio, et inter electos tuos partem tuæ mereantur habere mercedis. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Post hæc ordinati, suggestente Archidiacono, redeunt ad loca sua.

DE ORDINATIONE LECTORUM.

PRO LECTORIBUS ORDINANDIS PARETUR LIBER LECTIONUM.

Ostiariis ordinatis, Pontifex, reassumpta mitra, accedit ad sedem suam, vel ad faldistorium in cornu Epistolæ. Interim cantatur primum Graduale, vel primum Alleluia, si sit infra Octavam Pentecostes: et Pontifex sedens cum mitra, oblato sibi libro et candela, legit dictum Graduale, vel Alleluia. Quibus dictis, surgit, deposita mitra, et versus ad altare cantat secundam Collectam. Tum sedet, reassumpta mitra, et cantatur secunda Lectio. Interim accedunt duo Capellani cum libro et candela ante Pontificem, qui sedens cum mitra, ex eo legit Lectionem ipsam. Quibus dictis, Pontifex revertitur ad faldistorium ante medium altaris positum, ubi sedet cum mitra, et Lectores vocantur per Archidiaconum, hoc modo :

Accedant qui ordinandi sunt ad officium Lectorum.

Et mox nominantur per notarium, ut supra dictum est. Quibus coram Pontifice cum candelis in

manibus genuflexis, Pontifex admonet eos, dicens :

Electi filii charissimi, ut sitis Lectores in domo Dei nostri, officium vestrum agnoscite, et implete. Potens est enim Deus, ut augeat vobis gratiam perfectionis æternæ. Lectorem siquidem oportet legere ea quæ (vel ei qui) prædicat, et lectiones cantare, et benedicere panem et omnes fructus novos. Stude itaque verba Dei, videlicet Lectiones sacras, distincte et aperte, ad intelligentiam, et ædificationem fidelium absque omni mendacio falsitatis proferre; ne veritas divinarum Lectionum incuria vestra ad instructionem audientium corrumpatur. Quod autem ore legitim, corde credatis, atque opere compleatis: quatenus auditores vestros verbo pariter, et exemplo vestro docere possitis. Ideoque, dum legitim, in alto loco Ecclesiæ stetis, ut ab omnibus audiamini et videamini, figurantes positione corporali, vos in alto virtutum gradu debere conversari; quatenus cunctis, a quibus audimini, et videmini, cœlestis vitæ formam præbeatim: quod in vobis Deus impletat per gratiam suam.

Deinde Pontifex accipit, et tradit omnibus codicem, de quo lecturi sunt, quem manu dextera tangunt, dicens :

Accipite, et estote verbi Dei relatores, habituri, si fideliter et utiliter impleveritis officium vestrum, partem cum iis, qui verbum Dei bene administraverunt ab initio.

Quibus expeditis, et illis genuflexis, Pontifex stans cum mitra versus ad eos, dicit :

Oremus, fratres charissimi, Deum Patrem omnipotentem, ut super hos famulos suos, quos in Ordinem Lectorum dignatur assumere, bene + dictiōnem suam clementer effundat: quatenus distincte legant, quæ in Ecclesia Dei legenda sunt, et eadem

operibus impleant. Per Dominum nostrum Jesum Christum Filium suum, qui cum eo vivit, et regnat in unitate Spiritus sancti Deus, per omnia sæcula sæculorum. ¶ Amen.

Tum Pontifex, mitra deposita, stans conversus ad altare, dicit : Oremus.

Et ministri subjungunt : Flectamus genua. ¶. Levate.

Deinde conversus ad ordinatos genuflexos, dicit sine mitra :

Domine sancte, Pater omnipotens, æterne Deus, bene † dicere dignare hos famulos tuos in officium Lectorum ; ut assiduitate lectionum instructi sint, atque ordinati; et agenda dicant, et dicta opere impleant: ut in utroque sanctæ Ecclesiae exemplo sanctitatis suæ consulant. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. ¶ Amen.

Postea, suggeste Archidiacono, redeunt ordinati ad loca sua.

DE ORDINATIONE EXORCISTARUM.

**PRO EXORCISTIS ORDINANDIS PARETUR LIBER EXORCISMORUM,
CUJUS LOCO DARI POTEST PONTIFICALE, VEL MISSALE.**

Lectoribus ordinatis, Pontifex, reassumpta mitra, accedit ad sedem suam, vel ad faldistorium in cornu Epistolæ, ubi sedens cum mitra, oblato sibi libro et candela, legit secundum Graduale, vel secundum Alleluia, si sit infra Octavam Pentecostes. Interim cantatur a choro ipsum Graduale vel Alleluia. Quo finito, surgit Pontifex, deposita mitra, et versus ad altare cantat tertiam Collectam. Tum sedet, reassumpta mitra, et cantatur tertia

Lectio. Interim accedunt duo Capellani cum libro et candela ante Pontificem, qui ex eo, legit Lectio-nem ipsam. Quibus dictis, revertitur ad faldistorium ante altare, et sedet cum mitra. Exorcistæ vero vo-cantur per Archidiaconum modo consueto, dicendo :

Accedant, qui ordinandi sunt ad officium Exor-cistarum.

Et ipsi singulatim nominantur per notarium, ut prius dictum est. Quibus coram Pontifice cum can-delis in manibus genuflexis, Pontifex admonet eos, dicens :

Ordinandi, filii charissimi, in officium Exorcista-rum, debetis noscere quid suscipitis. Exorcistam etenim oportet abjicere dæmones; et dicere populo, ut, qui non communicat, det locum; et aquam in ministerio fundere. Accipitis itaque potestatem im-ponendi manum super energumenos, et per im-positionem manuum vestrarum, gratia Spiritus sancti et verbis exorcismi, pelluntur spiritus immundi a corporibus obsessis. Studete igitur, ut sicut a cor-poribus aliorum dæmones expellitis, ita a mentibus et corporibus vestris omnem immunditiam et ne-quitiam ejiciatis; ne illis succumbatis, quos ab aliis, vestro ministerio, effugatis. Discite per officium vestrum vitiis imperare; ne in moribus vestris ali-qui dñi sui juris inimicus valeat vindicare. Tunc ete-nim recte in aliis dæmonibus imperabitis, cum prius in vobis eorum multimodam nequitiam superatis. Quod vobis Dominus agere concedat per Spiritum suum sanctum.

Post hæc Pontifex accipit, et tradit omnibus li-brum, in quo scripti sunt exorcismi, cuius loco tradi potest Pontificale, vel Missale, quem manu dextera tangunt, Pontifice dicente :

Accipite, et commendate memoriæ, et habete po-

testatem imponendi manus super energumenos, sive baptizatos, sive catechumenos.

Postea vero, omnibus devote genuflexis, Pontifex cum mitra stans, dicit :

Deum Patrem omnipotentem, fratres charissimi, supplices deprecemur, ut hos famulos suos bene † dicere dignetur in officium Exorcistarum; ut sint spirituales imperatores ad abjiciendos dæmones de corporibus obsessis, cum omni nequitia eorum multiformi. Per unigenitum Filium suum Dominum nostrum Jesum Christum, qui cum eo vivit et regnat in unitate Spiritus sancti Deus, per omnia sæcula sæculorum. **R. Amen.**

Tum conversus ad altare, deposita mitra, dicit : Oremus.

*Et ministri subjungunt : Flectamus genua. **R. Levate.***

Et mox conversus ad ordinatos genuflexos, dicit :
Domine sancte, Pater omnipotens, æterne Deus, bene † dicere dignare hos famulos tuos in officium Exorcistarum; ut per impositionem manuum, et oris officium, potestatem et imperium habeant spiritus immundos coercendi; ut probabiles sint medici Ecclesiæ tuæ, gratia curationum, virtuteque cœlesti confirmati. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R. Amen.**

Post hæc, suggestente Archidiacono, redeunt ad loca sua.

DE ORDINATIONE ACOLYTHORUM.

**PRO ACOLYTHIS ORDINANDIS PARENTUR CANDELABRUM CUM
CEREO EXTINCTO, ET URCEOLUS VACUUS PRO VINO, PRO
SACRAMENTO.**

Exorcistis ordinatis, Pontifex, reassumpta mitra, accedit ad sedem suam, vel ad faldistorium in cornu Epistolæ, ubi sedens cum mitra, oblato sibi libro et candela, legit tertium Graduale, vel tertium Alleluia, si sit infra Octavam Pentecostes. Interim a choro cantatur ipsum Graduale, vel Alleluia. Quo finito, surgit Pontifex, deposita mitra, et versus ad altare cantat quartam Collectam. Tum sedet, reassumpta mitra, et cantatur quarta Lectio. Interim accedunt duo Capellani cum libro et candela ante Pontificem, qui sedens cum mitra ex eo legit Lectionem ipsam. Quibus dictis, Pontifex revertitur ad faldistorium ante altare, ubi sedet cum mitra. Acolythi vero vocantur per Archidiacolum.

Accedant, qui ordinandi sunt ad officium Acolythorum.

Et mox nominantur per notarium, ut supra. Quibus coram Pontifice cum candelis in manibus genuflexis, Pontifex admonet eos, dicens :

Suscepturi, filii charissimi, officium Acolythorum, pensate quod suscipitis. Acolythum etenim oportet ceroferarium ferre; luminaria Ecclesiæ accendere; vinum et aquam ad Eucharistiam ministrare. Studete igitur susceptum officium digne implere. Non enim Deo placere poteritis, si lucem Deo manibus præferentes, operibus tenebrarum inserviatis, et per hoc aliis exempla perfidiae præbeatis. Sed sicut Veritas dicit : Luceat lux vestra coram ho-

minibus; ut videant opera vestra bona, et glorificant Patrem vestrum, qui in cœlis est. Et sicut Apostolus Paulus ait: In medio nationis pravæ et perversæ, lucete sicut luminaria in mundo, verbum vitæ continentes. Sint ergo lumbi vestri præcincti, et lucernæ ardentes in manibus vestris, ut filii lucis sitis. Abjiciatis opera tenebrarum, et induamini arma lucis. Eratis enim aliquando tenebræ, nunc autem lux in Domino. Ut filii lucis ambulate. Quæ sit vero ista lux, quam tantopere inculcat Apostolus, ipse demonstrat subdens: Fructus enim lucis est, in omni bonitate, et justitia, et veritate. Estote igitur solliciti in omni justitia, bonitate et veritate, ut vos, et alios, et Dei Ecclesiam illuminetis. Tunc etenim in Dei sacrificio digne vinum suggeretis et aquam, si vos ipsi Deo sacrificium, per castam vitam et bona opera, oblati fueritis. Quod vobis Dominus concedat per misericordiam suam.

Post hæc Pontifex accipit, et tradit omnibus candelabrum cum candela extincta, quod successive manu dextera singuli tangunt, Pontifice dicente:

Accipite ceroferarium cum cereo, et sciatis vos ad accendenda Ecclesiæ luminaria mancipari, in nomine Domini. ¶ Amen.

Tunc accipit, et tradit eis urceolum vacuum, quem similiter tangere debent, dicens communiter omnibus:

Accipite urceolum, ad sugerendum vinum et aquam in Eucharistiam sanguinis Christi, in nomine Domini. ¶ Amen.

Postea, eis genuflexis permanentibus, Pontifex stans cum mitra versus ad eos, dicit:

Deum Patrem omnipotentem, fratres charissimi, suppliciter deprecemur, ut hos famulos suos benedicere dignetur in ordine Acolytorum; quatenus

lumen visibile manibus præferentes, lumen quoque spirituale moribus præbeant : adjuvante Domino nostro Jesu Christo, qui cum eo, et Spiritu sancto vivit, et regnat Deus, per omnia sæcula sæculorum.

R. Amen.

Tum Pontifex ad altare se convertens, deposita mitra, et stans dicit : Oremus.

Et ministri : Flectamus genua. R. Levate.

Et mox Pontifex conversus ad eos genuflexos, dicit :

Domine sancte, Pater omnipotens, æterne Deus, qui per Jesum Christum Filium tuum Dominum nostrum et Apostolos ejus, in hunc mundum lumen claritatis tuæ misisti; quique, ut mortis nostræ antiquum aboleres chirographum, gloriosissimæ illum crucis vexillo affigi, ac sanguinem et aquam ex latere illius pro salute generis humani effluere voluisti, bene † dicere dignare hos famulos tuos in officium Acolythorum; ut ad accendendum lumen Ecclesiæ tuæ, et ad suggerendum vinum et aquam ad conficiendum sanguinem Christi Filii tui in offerenda Eucharistia, sanctis altaribus tuis fideliter subministrent. Accende, Domine, mentes eorum et corda, ad amorem gratiæ tuæ, ut illuminati vultu splendoris tui, fideliter tibi in sancta Ecclesia serviant. Per eumdem Christum Dominum nostrum.

R. Amen.

OREMUS.

Domine sancte, Pater omnipotens, æterne Deus, qui ad Moysen et Aaron locutus es, ut accenderentur lucernæ in tabernaculo testimonii, bene † dicere dignare hos famulos tuos; ut sint Acolythi in Ecclesia tua. Per Christum Dominum nostrum. R. Amen.

CREMUS.

Omnipotens sempiterne Deus, fons lucis, et origo bonitatis, qui per Jesum Christum Filium tuum,

lumen verum, mundum illuminasti, ejusque passionis mysterio redemisti, bene † dicere dignare hos famulos tuos, quos in officium Acolytorum consecramus, poscentes clementiam tuam, ut eorum mentes, et lumine scientiae illustres, et pietatis tuæ rore irriges; ut ita acceptum ministerium, te auxiliante, peragant, qualiter ad æternam remunerationem pervenire mereantur. Per eumdem Christum Dominum nostrum. R. Amen.

Post hæc, suggestente Archidiacono, ordinati redeunt ad loca sua.

DE SACRIS ORDINIBUS IN GENERE.

Sacri et majores Ordines sunt : Subdiaconatus, Diaconatus, et Presbyteratus, ad quos ordinati omnes debent communicare; ideo parentur, pro eorum numero, hostiæ parvæ consecrandæ.

DE ORDINATIONE SUBDIACONI.

PRO ORDINATIONE SUBDIACONORUM PARENTUR CALIX VACUUS, CUM PATENA SUPERPOSITA, URCEOLI CUM MANUTERGIO, ET LIBER EPISTOLARUM.

Acolythis ordinatis, Pontifex, reassumpta mitra, accedit ad sedem suam, vel ad faldistorium in cornu Epistolæ; ubi sedens cum mitra, oblato sibi libro et candela, legit quartum Graduale, vel quartum Alleluia, si sit infra Octavam Pentecostes; interim a choro cantatur ipsum Graduale, vel Alleluia. Quo finito, surgit Pontifex, deposita mitra, et versus ad altare cantat quintam Collectam.

Tum sedet, reassumpta mitra, et cantatur quinta Lectio. Interim accedunt duo Capellani cum libro, et candela ante Pontificem, qui ex eo legit Lectionem ipsam. Quibus dictis, Pontifex revertitur ad sedem suam ante medium altaris; et Archidiaconus versus ad ordinandos, dicit:

Accedant qui ordinandi sunt Subdiaconi.

Et notarius unumquemque illorum vocat, dicens:

N. ad titulum Ecclesiæ N.

N. ad titulum patrimonii sui.

Frater N. professus ordinis N. ad titulum paupertatis.

Et sic de aliis; et quilibet vocatus dicit: Adsum, et accedit versus Episcopum.

Debet autem quilibet ordinandorum in Subdiaconum induitus esse amictu, non tamen super caput, alba et cingulo, habere manipulum in manu sinistra, tunicellam super brachio sinistro, et candelam in manu dextera.

Omnibus autem in Subdiaconos ordinandis competenti spatio coram Pontifice stantibus, Pontifex cum mitra sedens admonet eos (nisi omnes sint Religiosi, quia tunc ista admonitio omittitur), dicens:

Filii dilectissimi, ad sacrum Subdiaconatus Ordinem promovendi, iterum atque iterum considerare debetis attente, quod onus hodie ultro appetitis. Hactenus enim liberi estis, licetque vobis pro arbitrio ad sacerdotalia vota transire; quod si hunc Ordinem susceperitis, amplius non licebit a proposito resilire; sed Deo, cui servire regnare est, perpetuo famulari; et castitatem, illo adjuvante, servare oportebit; atque in Ecclesiæ ministerio semper esse mancipatos. Proinde, dum tempus est, cogitate, et, si in sancto proposito perseverare placet, in nomine Domini, huc accedite.

Illi tunc accendentibus, et coram Pontifice genuflexis, Archidiaconus vocat cæteros ordinandos, dicens :

Accedant qui ordinandi sunt Diaconi, et Presbyteri.

Quibus accendentibus, Archidiaconus ordinat eos, videlicet Diaconandos paratos amictu, alba, cingulo, et manipulo, stolam in manu sinistra, dalmaticam super brachium sinistrum, et candelam in manu dextera tenentes, contra cornu Epistolæ altaris, faciebus altari versis; et Presbyterandos paratos amictu, alba, cingulo, manipulo, stola in modum Diaconi, planetam super brachium sinistrum, mappulam albam manu sinistra, et candelam dextera tenentes, contra faciem Pontificis ac medium altaris, faciebus similiter altari versis. Quibus sic ordinatis, Pontifex mitram in capite tenens, procumbit super faldistorium in superiori gradu, sive piano altaris paratum, et omnes ordinandi in locis super tapetia prosternunt se; ministri vero, et alii adstantes genuflectunt; et schola inchoat Litanias, choro respondentem: vel si officium fiat sine cantu, Pontifex dicit, ministris et Capellanis respondentibus:

Kyrie eleison.

Christe eleison.

Kyrie eleison.

Christe audi nos.

Christe exaudi nos.

Pater de cœlis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis,

Sancta Trinitas unus Deus, miserere nobis.

Sancta Maria, ora pro nobis.

Sancta Dei Genitrix, ora.

Sancta Virgo virginum, o.

Sancte Michael, ora.

Sancte Gabriel, ora.

Sancte Raphael, ora.

Omnes sancti Angeli, et Archangeli, orate pro.

Omnes sancti beatorum

Spirituum ordines, or.

Sancte Joannes Baptista, o.

Sancte Joseph, ora.

Omnis sancti Patriarchæ, et Prophetæ,	orate.	Sancte Hieronyme,	ora.
Sancte Petre,	ora.	Sancte Martine,	ora.
Sancte Paule,	ora.	Sancte Nicolae,	ora.
Sancte Andrea,	ora.	Omnis sancti Pontifices et Confessores,	orate.
Sancte Jacobe,	ora.	Omnis sancti Doctores,	or.
Sancte Joannes,	ora.	Sancte Antoni,	ora.
Sancte Thoma,	ora.	Sancte Benedicte,	ora.
Sancte Jacobe,	ora.	Sancte Bernarde,	ora.
Sancte Philippe,	ora.	Sancte Dominice,	ora.
Sancte Bartholomæe,	ora.	Sancte Francisce,	ora.
Sancte Matthæe,	ora.	Omnis sancti Sacerdotes et Levitæ,	orate.
Sancte Simon,	ora.	Omnis sancti Monachi et Eremitæ,	orate.
Sancte Thaddæe,	ora.	Sancta Maria Magdale-	
Sancte Matthia,	ora.	na,	ora.
Sancte Barnaba,	ora.	Sancta Agatha,	ora.
Sancte Luca,	ora.	Sancta Lucia,	ora.
Sancte Marce,	ora.	Sancta Agnes,	ora.
Omnis sancti Apostoli, et Evangelistæ,	orate.	Sancta Cæcilia,	ora.
Omnis sancti Discipuli Do-		Sancta Catharina,	ora.
mini,	orate.	Sancta Anastasia,	ora.
Omnis sancti Innocen-		Omnis sanctæ Virgines et Viduæ,	orate.
tes,	orate.	Omnis Sancti et Sanctæ Dei, intercedite pro no-	
Sancte Stephane,	ora.	bis.	
Sancte Laurenti,	ora.	Propitius esto, parce nobis Domine.	
Sancte Vincenti,	ora.	Propitius esto, exaudi nos Domine.	
Sancti Fabiane et Sebas-		Ab omni malo, libera nos Domine.	
tiane,	orate.	Ab omni peccato, libera	
Sancti Joannes et Pau-		nos Domine.	
le,	orate.	Ab ira tua, libera nos Do-	
Sancti Cosma et Damia-		mine.	
ne,	orate.	A subitanea et improvisa	
Sancti Gervasi et Prota-		morte, libera nos Do.	
si,	orate.		
Omnis sancti Martyres,	or.		
Sancte Silvester,	ora.		
Sancte Gregori,	ora.		
Sancte Ambrosi,	ora.		
Sancte Aguustine,	ora.		

- | | |
|---|---|
| Ab insidiis diaboli, libera nos Domine. | Peccatores, te rogamus. |
| Ab ira, et odio, et omni mala voluntate, libera nos Domine. | Ut nobis parcas, te roga-mus audi nos. |
| A spiritu fornicationis, li-bera nos Domine. | Ut nobis indulgeas, te ro-gamus audi nos. |
| A fulgure, et tempestate, libera nos Domine. | Ut ad veram pœnitentiam nos perducere digneris, te rogamus audi nos. |
| A flagello terræ motus, li-bera nos Domine. | Ut ecclesiam tuam sanctam regere, et conservare di-gneris, te rogamus audi. |
| A peste, fame, et bello, li-bera nos Domine. | Ut Dominum apostolicum, et omnes ecclesiasticos ordines in sancta reli-gione conservare digne-ris, te rogamus audi nos. |
| A morte perpetua, libera nos Domine. | Ut inimicos sanctæ Eccle-siæ humiliare digneris, te rogamus audi nos. |
| Per mysterium sanctæ in-carnationis tuæ, libera nos Domine. | Ut Regibus, et Principibus christianis pacem et ve-ram concordiam donere digneris, te rogamus. |
| Per adventum tuum, libera nos Domine. | Ut cuncto populo christia-no pacem, et unitatem largiri digneris, te ro-gamus audi nos. |
| Per nativitatem tuam, li-bera nos Domine. | Ut nosmetipsos in tuo sanc-to servilio confortare, et conservare digneris, te rogamus audi nos. |
| Per baptismum, et sanc-tum jejunium tuum, li-bera nos Domine. | Ut mentes nostras ad cœ-lestia desideria erigas, te rogamus audi nos. |
| Per crucem, et passionem tuam, libera nos Domine. | Ut omnibus benefactoribus nostris sempiterna bona retribuas, te rogamus audi nos. |
| Per mortem, et sepulturam tuam, libera nos Do. | Ut animas nostras, fra-trum, propinquorum et |
| Per sanctam resurrectio-nem tuam, libera nos Domine. | |
| Per admirabilem ascensio-nem tuam, libera nos Domine. | |
| Per adventum Spiritus sancti paracliti, libera nos Domine. | |
| In die judicii, libera nos Domine. | |

benefactorum nostro-
rum ab æterna damna-
tione eripias, te rogamus
audi nos.
Ut fructus terræ dare,
et conservare digneris,

te rogamus audi nos.
Ut omnibus fidelibus de-
functis requiem æter-
nam donare digneris, te
rogamus audi nos.

(*Hic datur benedictio, sanctificatio, et conse-
cratio per Pontificem rebus consecrandis, ut infra
in locis propriis dicetur.*)

Postquam autem dictum fuerit in Litanis :
Ut omnibus fidelibus defunctis etc. **R.** Te roga-
mus audi nos.

*Surgit Pontifex cum mitra ab accubitu, et se
ad ordinandos vertens, et baculum Pastoralem in
sinistra manu tenens, ordinandis prostratis ma-
nentibus, dicit :*

Ut hos electos bene † dicere digneris. **R.** Te roga-
mus audi nos.

Secundo dicit :

Ut hos electos bene † dicere, et sancti † ficare
digneris. **R.** Te rogamus audi nos.

Tertio dicit :

Ut hos electos bene † dicere, sancti † ficare, et
conse † crare digneris. **R.** Te rogamus audi nos.

*Tum iterum super faldistorium procumbit,
schola perficiente Litanias, Ut nos exaudire di-
gneris, usque ad finem.*

Ut nos exaudire digne-
ris. te rogamus audi
nos.

Fili Dei, te rogamus audi
nos.

Agnus Dei, qui tollis pec-
cata mundi, parce nobis
Domine.

Agnus Dei, qui tollis pec-

cata mundi, exaudi nos
Domine.

Agnus Dei, qui tollis pec-
cata mundi, miserere
nobis.

Christe audi nos. Christe
exaudi nos.

Kyrie eleison. Christe elei-
son. Kyrie eleison.

Quibus finitis, Pontifex surgens cum mitra, sedet super faldistorium ante medium altaris, et Archidiaconus dicit alta voce :

Recedant in partem, qui ordinandi sunt Diaconi, et Presbyteri.

Quibus ad aliquem locum idoneum, unde Pontificem celebrantem videre possint, transeuntibus, ad ordinationem Subdiaconorum proceditur. Illis itaque coram Pontifice per ordinem in modum coronæ genuflexis, Pontifex admonet eos dicens :

Adepturi, filii dilectissimi, officium Subdiaconatus, sedulo attendite quale ministerium vobis traditur. Subdiaconum enim oportet aquam ad ministerium altaris præparare; Diacono ministrare; pallas altaris, et corporalia abluere; Calicem, et Patenam in usum sacrificii eidem offerre. Oblationes quæ veniunt in altare, panes propositionis vocantur. De ipsis oblationibus tantum debet in altare poni, quantum populo possit sufficere, ne aliquid putridum in sacrario remaneat. Pallæ, quæ sunt in substratorio altaris, in alio vase debent lavari, et in alio corporales pallæ. Ubi autem corporales pallæ lotæ fuerint, nullum aliud linctamen debet lavari, ipsaque lotionis aqua in baptisterium debet vergi. Studete itaque, ut ista visibilia ministeria, quæ diximus, nitide et diligentissime compleentes, invisibilia horum exemplo perficiatis. Altare quidem sanctæ Ecclesiæ ipse est Christus, teste Joanne, qui in Apocalypsi sua altare aureum se vidiisse perhibet stans ante thronum, in quo et per quem oblationes fidelium Deo Patri consecrantur. Cujus altaris pallæ et corporalia sunt membra Christi, scilicet fidèles Dei, quibus Dominus quasi vestimentis pretiosis circumdatur, ut ait Psalmista: Dominus regnavit, decorem indutus est. Beatus quoque Joannes in Apocalypsi vidi filium homi-

nis præcinctum zona aurea, id est, sanctorum caterva.
 Si itaque humana fragilitate contingat in aliquo fideles maculari, præbenda est a vobis aqua cœlestis doctrinæ, qua purificati, ad ornamentum altaris et cultum divini sacrificii redeant. Estote ergo tales, qui sacrificiis divinis, et Ecclesiæ Dei, hoc est corpori Christi, digne servire valeatis, in vera et Catholica fide fundati; quoniam, ut ait Apostolus: Omne quod non est ex fide, peccatum est, schismaticum est, et extra unitatem Ecclesiæ est. Et ideo, si usque nunc fuistis tardi ad Ecclesiam, amodo debetis esse assidui. Si usque nunc somnolenti, amodo vigiles. Si usque nunc ebriosi, amodo sobrii. Si usque nunc inhonesti, amodo casti. Quod ipse vobis præstare dignetur, qui vivit, et regnat Deus in sæcula sæculorum. ¶. Amen.

Deinde Pontifex accipit, et tradit omnibus Calicem vacuum, cum Patena vacua superposita, quem successive manu dexterâ singuli tangunt, Pontifice dicente:

Videte, cujus ministerium vobis traditur; ideo vos admoneo, ut ita vos exhibeatis, ut Deo placere possitis.

Et Archidiaconus accipit, et tradit eis urceolos cum vino, et aqua, ac bacile cum manutergio, quæ omnia similiter tangere debent.

Postea surgit Pontifex, et versus ad populum stans cum mitra, dicit:

Oremus Deum, ac Dominum nostrum, fratres charissimi, ut super hos servos suos, quos ad Subdiaconatus officium vocare dignatus est, infundat bene † dictionem suam, et gratiam; ut, in conspectu ejus fideliter servientes, prædestinata Sanctis præmia consequantur, adjuvante Domino nostro Jesu Christo, qui cum eo vivit, et regnat in unitate

Spiritus sancti Deus, per omnia sæcula sæculorum.
¶. Amen.

Tum deposita mitra, conversus ad altare Pontifex dicit : Oremus.

Et ministri : Flectamus genua. ¶. Levate.

Et mox Pontifex versus ad ordinandos genuflexos, dicit sine mitra :

Domine sancte, Pater omnipotens, æterne Deus, bene † dicere dignare hos famulos tuos, quos ad Subdiaconatus officium eligere dignatus es; ut eos in sacrario tuo sancto strenuos, sollicitosque cœlestis militæ instituas excubidores, sanctisque altaribus tuis fideliter subministrent; et requiescat super eos Spiritus sapientiæ, et intellectus; Spiritus consilii, et fortitudinis; Spiritus scientiæ, et pietatis; et repleas eos Spiritu timoris tui, et eos in ministerio divino confirmes; ut obedientes facto, ac dicto parentes, tuam gratiam consequantur. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. ¶. Amen.

Tum Pontifex sedens, accepta mitra, amictum, qui in collo ordinandorum jacet, imponit super caput singulis, dicens :

Accipe amictum, per quem designatur castigatio vocis. In nomine Pa † tris, et Fi † lii, et Spiritus † sancti. ¶. Amen.

Tum immittit manipulum in sinistrum brachium cuilibet, dicens :

Accipe manipulum, per quem designantur fructus bonorum operum. In nomine Pa † tris, et Fi † lii, et Spiritus † sancti. ¶. Amen.

Post hæc induit quemlibet tunica; et si tantum unica sit, immittit illam cuilibet solum usque ad

scapulas, ac retrahens, postremum totaliter induit, dicens cuilibet :

Tunica jucunditatis, et indumento lætitiae induat te Dominus. In nomine Pa † tris, et Fi † lii, et Spiritus † sancti. ¶ Amen.

Postea accipit, et tradit omnibus librum Epistolarum, manu dextera ipsum simul tangentibus, dicens :

Accipite librum Epistolarum, et habete potestatem legendi eas in Ecclesia sancta Dei, tam pro vivis, quam pro defunctis. In nomine Pa † tris, et Fi † lii, et Spiritus † sancti. ¶ Amen.

Omnibus expeditis, sugerente Archidiacono, ordinati redeunt ad loca sua; unus tamen de noviter ordinatis tunica indutus, dicet Epistolam suo tempore.

DE ORDINATIONE DIACONI.

Subdiaconis ordinatis, Pontifex, reassumpta mitra, accedit ad sedem suam, vel ad faldistorium in cornu Epistolæ, ubi sedens cum mitra, oblato sibi libro et candela, legit Hymnum Benedictus es, vel Alleluia cum Versu Benedictus es, si sit infra Octavam Pentecostes. Interim cantatur a choro dictus Hymnus, vel Alleluia cum suo Versu ut supra. Quo finito, surgit Pontifex deposita mitra, et versus ad altare dicit in competenti tono Gloria in excelsis Deo, si sit infra Octavam Pentecostes, quod dum a choro perficitur, sedet cum mitra. Quo finito, deposita mitra, surgit, et versus ad populum, dicit : Pax vobis, vel Dominus vobiscum, si Gloria in excelsis non

sit dicendum ; et conversus ad altare cantat orationem Missæ diei , cum oratione pro ordinatis et ordinandis , sub uno Per Dominum nostrum , videlicet :

ORATIO.

Exaudi , quæsumus Domine , supplicum preces , et devoto tibi pectore famulantes perpetua defensione custodi ; ut nullis perturbationibus impediti , liberam servitutem tuis semper exhibeamus officiis. Per Dominum nostrum Jesum Christum Filium tuum , qui tecum vivit , et regnat etc.

Finita oratione , sedet Pontifex , reassumpta mitra , et oblato sibi libro et candela , legit Epistolam. Interim per unum ex Subdiaconis noviter ordinatis cantatur Epistola. Qua finita , surgit Pontifex , et accedit ad faldistorium ante altare cum mitra , et ibi sedet. Promovendi vero ad Ordinem Diaconatus per Archidiaconum vocantur , dicendo :

Accedant , qui ordinandi sunt ad Diaconatum.

Et mox singulatim nominantur per notarium , nulla tamen facta mentione de titulo. Eis igitur amictu , alba , cingulo , et manipulo paratis , ac stolam in sinistra manu , et candelam in dextera , ac dalmaticam super brachium sinistrum tenentibus , et in modum coronæ coram Pontifice genuflexis , Archidiaconus offerens illos Pontifici , dicit :

Reverendissime pater , postulat sancta mater Ecclesia catholica , ut hos præsentes Subdiaconos ad onus Diaconii ordinetis.

Pontifex interrogat , dicens :

Scis illos dignos esse ?

Respondet Archidiaconus :

Quantum humana fragilitas nosse sinit, et scio,
et testifor ipsos dignos esse ad hujus onus officii.

Et Pontifex dicit : Deo gratias.

*Et ad eorum ordinationem procedit. In primis
Pontifex cum mitra sedens, clero et populo an-
nuntiat, dicens :*

Auxiliante Domino Deo, et Salvatore nostro Iesu Christo, eligimus hos præsentes Subdiaconos in ordinem Diaconii. Si quis habet aliquid contra illos, pro Deo et propter Deum cum fiducia exeat et dicat; verumtamen memor sit conditionis suæ.

*Et facta aliquali mora, Pontifex convertens ser-
monem suum ad ordinandos, admonet eos, dicens :*

Provehendi, filii dilectissimi, ad Leviticum ordinem, cogitate magnopere ad quantum gradum Ecclesiæ ascenditis. Diaconum enim oportet ministrare ad altare, baptizare, et prædicare. Sane in veteri lege ex duodecim, una Tribus Levi electa est, quæ speciali devotione tabernaculo Dei, ejusque sacrificiis, ritu perpetuo deserviret. Tantaque dignitas ipsi concessa est, quod nullus, nisi ex ejus stirpe, ad divinum illum cultum atque officium ministraturus assurget; adeo ut, grandi quodam privilegio hæreditatis, et Tribus Domini esse mereatur et dici : quorum hodie, filii dilectissimi, et nomen et officium tenetis; quia in ministerium tabernaculi testimonii, id est, Ecclesiæ Dei, eligimi in Levitico officio; quæ semper in procinctu posita, incessabili pugna contra inimicos dimicat; unde ait Apostolus : Non est nobis collectatio adversus carnem, et sanguinem; sed adversus principes et potestates, adversus mundi rectores tenebrarum harum, contra spiritualia nequitiæ, in cœlestibus.

Quam Ecclesiam Déi, veluti tabernaculum, portare et munire debetis ornatu sancto, prædicatu divino, exemplo perfecto. Levi quippe interpretatur additus, sive assumptus. Et vos, filii dilectissimi, qui ab hæreditate paterna nomen accipitis, estote assumpti a carnalibus desideriis, a terrenis concupiscentiis, quæ militant adversus animam; estote nitidi, mundi, puri, casti, sicut decet ministros Christi, et dispensatores mysteriorum Dei; ut digne addamini ad numerum ecclesiastici gradus; ut hæreditas et Tribus amabilis Domini esse mereamini. Et quia comministri et cooperatores estis corporis et sanguinis Domini, estote ab omni illecebra carnis alieni, sicut ait Scriptura: Mundamini, qui fertis vasa Domini. Cogitate beatum Stephanum, merito præcipuæ castitatis ab Apostolis ad officium istud electum. Curate, ut quibus Evangelium ore annuntiatis, vivis operibus exponatis; ut de vobis dicatur: Beati pedes evangelizantium pacem, evangelizantium bona. Habete pedes vestros calceatos Sanctorum exemplis, in præparatione Evangelii pacis. Quod vobis Dominus concedat per gratiam suam.

Deinde, si non sint ordinati Subdiaconi, ordinandi omnes prosternunt se, ubi genuflectebant, et Pontifice ante faldistorium suum genuflectente, dicuntur Litanie, et ordinandi per Pontificem benedicuntur, prout supra, pag. 29, in ordinatione Subdiaconi dictum est.

Post hæc ordinandis ab accubitu surgentibus, genuflexis tamen manentibus, Pontifex sedens in faldistorio cum mitra, intelligibili voce alloquitur clerum et populum, dicens:

Commune votum, communis oratio prosequatur; ut hi totius Ecclesiæ prece, qui ad Diaconatus mi-

nisterium præparantur, Leviticæ bene † dictionis ordine clarescant, et spirituali conversatione præfulgentes, gratia sanctificationis eluceant; præstante Domino nostro Jesu Christo, qui cum Patre, et Spiritu sancto vivit, et regnat Deus in sæcula sæculorum.

Deinde surgens cum mitra Pontifex, stans versus ad ordinandos dicit, alta voce legendo :

Oremus, fratres charissimi, Deum Patrem omnipotentem, ut super hos famulos suos, quos ad officium Diaconatus dignatur assumere, benedictionis suæ gratiam clementer effundat, eisque consecrationis indultæ propitiis dona conservet, et preces nostras clementer exaudiat, ut, quæ nostro gerenda sunt ministerio, suo benignus prosequatur auxilio; et, quos sacris mysteriis exequendis pro nostra intelligentia credimus offerendos, sua bene † dictione sanctificet et confirmet. Per unigenitum Filium suum Dominum nostrum Jesum Christum, qui cum eo, et Spiritu sancto vivit et regnat Deus,

Deinde, deposita mitra, extensis manibus ante pectus, dicit :

Per omnia sæcula sæculorum. R. Amen.

†. Dominus vobiscum. R. Et cum spiritu tuo.

†. Sursum corda. R. Habemus ad Dominum.

†. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper et ubique gratias agere, Domine sancte, Pater omnipotens, æterne Deus, honorum dator, ordinumque distributor, atque officiorum dispositor, qui in te manens innovas omnia, et cuncta disponis per verbum, virtutem, sapientiamque tuam, Jesum Christum Filium tuum Dominum nostrum, sempiterna providentia præ-

paras, et singulis quibusque temporibus aptanda dispensas. Cujus corpus, ecclesiam videlicet tuam, cœlestium gratiarum varietate distinctam, suorumque connexam distinctione membrorum, per legem mirabilem totius compaginis unitam, in augmentum templi tui crescere, dilatarique largiris; sacri munieris servitutem trinis gradibus ministrorum nomini tuo militare constituens; electis ab initio Levi filiis, qui in mysticis operationibus domus tuæ fidelibus excubiis permanentes, hæreditatem benedictionis æternæ sorte perpetua possiderent. Super hos quoque famulos tuos, quæsumus, Domine, placatus intende, quos tuis sacris altaribus servituros in officium Diaconatus suppliciter dedicamus. Et nos quidem tanquam homines, divini sensus et summæ rationis ignari, horum vitam, quantum possumus, æstimamus. Te autem, Domine, quæ nobis sunt ignota non transeunt, te occulta non fallunt. Tu cognitor es secretorum; tu scrutator es cordium. Tu horum vitam cœlesti poteris examinare judicio, quo semper prævales, et admissa purgare, et ea, quæ sunt agenda, concedere.

Hic solus Pontifex manum dexteram extendens, ponit super caput cuilibet ordinando; et nullus aliis, quia non ad Sacerdotium, sed ad ministerium consecrantur, dicens singulis:

Accipe Spiritum sanctum ad robur, et ad resistendum diabolo, et temptationibus ejus. In nomine Domini. ●

Postea prosequitur in primo tono, extensam tenens manum dexteram, usque in finem Præfationis.

Emitte in eos, quæsumus, Domine, Spiritum sanctum, quo in opus ministerii tui fideliter exequendi septiformis gratiæ tuæ munere roborentur. Abundet in eis totius forma virtutis, auctoritas modesta,

pudor constans, innocentiae puritas, et spiritualis observantia disciplinae. In moribus eorum præcepta tua fulgeant; ut suæ castitatis exemplo imitationem sanctam plebs acquirat; et bonum conscientiae testimonium præferentes, in Christo firmi et stabiles perseverent; dignisque successibus de inferiori gradu per gratiam tuam capere potiora mereantur.

Quod sequitur, dicit submissa voce legendo, ita tamen quod a circumstantibus possit audiri.

Per eumdem Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum.
¶. Amen.

Post hæc Pontifex sedens cum mitra cuilibet ordinando ante se genuflexo, stolam, quam singuli in manu habent, imponit successive super humerum sinistrum, dicens singulis :

Accipe stolam † candidam de manu Dei; adimple ministerium tuum; potens enim est Deus, ut augeat tibi gratiam suam. Qui vivit, et regnat in sæcula sæculorum. ¶. Amen.

Faciens supra quemlibet eorum signum crucis; et ministri reflectent capita stolæ, et alligent sub brachio dextro.

Post hæc Pontifex accipiens dalmaticam, induit ea quemlibet successive, usque ad humeros; et sic fit usque ad ultimum, quem ea totaliter induit; et hoc, si una tantum sit dalmatica. Si vero quilibet suam habet, tunc singulos sua totaliter induit, dicens cuilibet :

Induat te Dominus indumento salutis, et vestimento lætitiae, et dalmatica justitiae circumdet te semper. In nomine Domini. ¶. Amen.

Postremo Pontifex accipit, et tradit omnibus li-

*brum Evangeliorum, quem manu dextera tangunt,
dicens :*

Accipite potestatem legendi Evangelium in Ecclesia Dei, tam pro vivis, quam pro defunctis. In nomine Domini. *R. Amen.*

*Quo facto, Pontifex stans ad altare conversus
dicit, sine mitra : Oremus.*

*Et ministri : Flectamus genua. *R.* Levate.*

Et vertens se ad ordinatos, dicit :

Exaudi, Domine, preces nostras, et super hos famulos tuos Spiritum tuæ bene † dictionis emitte; ut cœlesti munere ditati, et tuæ majestatis gratiam possint acquirere, et bene vivendi aliis exemplum præbere. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *R. Amen.*

OREMUS.

Domine sancte, Pater fidei, spei, et gratiæ, et profectuum remunerator, qui in cœlestibus et terrenis Angelorum ministeriis ubique dispositis, per omnia elementa voluntatis tuæ diffundis effectum: hos quoque famulos tuos spirituali dignare illustrare affectu; ut tuis obsequiis expediti, sanctis altaribus tuis ministri puri accrescant, et indulgentia tua puriores, eorum gradu, quos Apostoli tui in septenarium numerum, beato Stephano duce ac prævio Spiritu sancto auctore, elegerunt, digni existant; et virtutibus universis, quibus tibi servire oportet instructi, tibi complacent. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *R. Amen.*

Deinde, cum tempus fuerit, aliquis de noviter

ordinatis dalmatica indutus Evangelium dicet. Ordinati autem statim, suggeste Archidiacono, redeunt ad loca sua.

DE ORDINATIONE PRESBYTERI.

PRO ORDINATIONE PRESBYTERORUM PARENTUR OLEUM CATECHUMENORUM; CALIX CUM VINO ET AQUA; PATENA, ET HOSTIA DESUPER POSITA; MEDULLA PANIS. ET BACILE CUM BUCCALI PRO MANIBUS ABLUENDIS, QUAS SINGULI AD SUAS MAPPULAS EXTERGUNT.

Diaconis ordinatis, Pontifex ad sedendum in sede sua, vel in faldistorio in plano juxta cornu Epistolæ accedit, et cantatur Tractus, usque ad ultimum Versum exclusive; vel, si sit infra Octavam Pentecostes, Tractus et Sequentia, usque ad ultimum Versum exclusive. Interim accedunt duo Capellani cum libro et candela ante Pontificem, qui ex eo legit ipsum Tractum et Sequentiam usque ad ultimum Versum exclusive. Deinde Pontifex cum mitra revertitur ante altare, ubi sedet super faldistorium.

Tunc Archidiaconus vocat ordinandos voce intelligibili, dicens: Accedant qui ordinandi sunt ad ordinem Presbyteratus.

Et mox nominatim leguntur per notarium, prout supra dictum est, nulla tamen de titulo facta mentione. Tunc illi more Diaconorum parati amictu, alba, cingulo, stola, et manipulo, tenentes planetas super brachium sinistrum complicatas, et in manu dextera candelas ac mappulas albas pro ligandis manibus, ad Pontificem accedunt, et coram eo in modum coronæ se disponunt.

Tunc Archidiaconus presentat ordinandos Pontifici, dicens:

Revendissime pater, postulat sancta mater Ec-

clesia catholica, ut hos præsentes Diaconos ad onus Presbyterii ordinetis.

Et Pontifex interrogat, dicens :

Scis illos esse dignos?

Respondet Archidiaconus :

Quantum humana fragilitas nosse sinit, et scio, et testificor ipsos dignos esse ad hujus onus officii.

Pontifex dicit : Deo gratias.

Et annuntiat clero, et populo, dicens :

Quoniam, fratres charissimi, rectori navis et navigio deferendis eadem est vel securitatis ratio, vel communis timoris; par eorum debet esse sententia, quorum causa communis existit. Neque enim fuit frustra a Patribus institutum, ut de electione illorum, qui ad regimen altaris adhibendi sunt, consulatur etiam populus: quia de vita et conversatione præsentandi, quod nonnumquam ignoratur a pluribus, scitur a paucis; et necesse est, ut facilius ei quis obedientiam exhibeat ordinato, cui assensum præbuerit ordinando. Horum siquidem Diaconorum in Presbyteros, auxiliante Domino, ordinandorum conversatio (quantum mihi videtur) probata et Deo placita existit, et digna (ut arbitror) ecclesiastici honoris augmento. Sed ne unum fortasse vel paucos, aut decipiat assensio, vel fallat affectio, sententia est expetenda multorum. Itaque quid de eorum actibus aut moribus novaritis, quid de merito sentiatis, libera voce pandatis; et his testimonium Sacerdotii magis pro merito, quam affectione aliqua tribuatis. Si quis igitur habet aliquid contra illos, pro Deo et propter Deum, cum fiducia exeat, et dicat; verumtamen memor sit conditionis suæ.

Postea Pontifex, facta aliqua mora, convertens sermonem suum ad ordinandos, admonet eos, dicens :

Consecrandi , filii dilectissimi , in Prebyteratus officium , illud digne suscipere , ac susceptum laudabiliter exequi studeatis . Sacerdotem etenim oportet offerre , benedicere , praesesse , praedicare , et baptizare . Cum magno quippe timore ad tantum gradum ascendendum est ; ac providendum , ut cœlestis sapientia , probi mores , et diurna justitiae observatio ad id electos commendent . Unde Dominus præcipiens Moysi , ut septuaginta viros de universo Israel in adjutorium suum eligeret , quibus Spiritus sancti dona divideret , suggessit : Quos tu nosti , quod senes populi sunt . Vos siquidem in septuaginta viris , et senibus signati estis , si per Spiritum septiformem , Decalogum legis custodientes , probi et maturi in scientia similiter et opere eritis . Sub eodem quoque mysterio , et eadem figura in novo Testamento Dominus septuaginta duos elegit , ac binos ante se in prædicationem misit ; ut doceret verbo simul et facto , ministros Ecclesiæ suæ , fide et opere debere esse perfectos , seu geminæ dilectionis , Dei scilicet et proximi , virtute fundatos . Tales itaque esse studeatis , ut in adjutorium Moysi et duodecim Apostolorum , Episcoporum videlicet catholicorum , qui per Moysen et Apostolos figurantur , digne per gratiam Dei eligi valeatis . Hac certe mira varietate Ecclesia sancta circumdatur , ornatur et regitur , cum alii in ea Pontifices , alii minoris ordinis Sacerdotes , Diaconi et Subdiaconi , diversorum ordinum viri consecrantur ; et ex multis , et alternae dignitatis membris unum Corpus Christi efficitur . Itaque , filii dilectissimi , quos ad nostrum adjutorium , fratrum nostrorum arbitrium consecrandos elegit , servate in moribus vestris

castæ et sanctæ vitæ integritatem. Agnoscite quod agitis : imitamini quod tractatis ; quatenus mortis Dominicæ mysterium celebrantes, mortificare membra vestra a vitiis, et concupiscentiis omnibus procuretis. Sit doctrina vestra spiritualis medicina populo Dei. Sit odor vitæ vestræ delectamentum Ecclesiæ Christi ; ut prædicatione , atque exemplo ædificetis domum , id est , familiam Dei ; quatenus nec nos de vestra provectione , nec vos de tanti officii susceptione damnari a Domino, sed remunerari potius mereamur. Quod ipse nobis concedat per gratiam suam. R. Amen.

Si non sint factæ ordinationes Subdiaconorum, vel Diaconorum, dicuntur Litanie, ut supra in ordinatione Subdiaconorum dictum est, pag. 29.

Post hæc surgunt omnes, et ordinandis coram Pontifice binis, et binis successive genuflectentibus, Pontifex stans ante faldistorium suum cum mitra, et nulla oratione, nulloque cantu præmissis, imponit simul utramque manum super caput cuiuslibet ordinandi successive, nihil dicens. Idemque faciunt post eum omnes Sacerdotes, qui adsunt, quorum tres, aut plures, planetis vel saltem cum stolis parati, si commode fieri potest, esse debent. Quo facto, tam Pontifex, quam Sacerdotes tenent manus dexteræ extensas super illos. Et Pontifex stans cum mitra, dicit :

Oremus, fratres charissimi, Deum Patrem omnipotentem, ut super hos famulos suos, quos ad Presbyterii munus elegit, cœlestia dona multiplicet; et quod ejus dignatione suscipiunt, ipsius consequantur auxilio. Per Christum Dominum nostrum. R. Amen.

Pontifex, deposita mitra, conversus ad altare, dicit : Oremus.

Et ministri : Flectamus genua. ¶ Levate.

Et mox conversus ad ordinandos, dicit :

Exaudi nos, quæsumus, Domine Deus noster, et super hos famulos tuos bene. † dictionem sancti Spiritus, et gratiæ Sacerdotalis infunde virtutem; ut, quos tuæ pietatis aspectibus offerimus consecrandos, perpetua munera tui largitate prosequaris. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus,

Tum, extensis manibus ante pectus, dicit :

Per omnia sæcula sæculorum. ¶ Amen.

¶. Dominus vobiscum ¶. Et cum spiritu tuo.

¶. Sursum corda. ¶. Habemus ad Dominum.

¶. Gratias agamus Domino Deo nostro. ¶. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte. Pater omnipotens, æterne Deus, honorum auctor et distributor omnium dignitatum; per quem proficiunt universa, per quem cuncta firmantur, amplificatis semper in melius naturæ rationalis incrementis, per ordinem congrua ratione dispositum. Unde et Sacerdotales gradus, atque officia Levitarum, Sacramentis mysticis instituta creverunt: ut cum Pontifices summos regendis populis præfecisses, ad eorum societatis et operis adjumentum, sequentis ordinis viros et secundæ dignitatis eligeres. Sic in eremo per septuaginta virorum prudentium mentes, Moysi spiritum propagasti; quibus ille adjutoribus usus, in populo innumeras multitudines facile gubernavit. Sic et in Eleazarum et Ithamarum filios Aaron paternæ plenitudinis abundantiam transfudisti; ut ad hostias salutares, et frequentioris officii Sacraenta, ministerium

sufficeret Sacerdotum. Hac providentia, Domine, Apostolis Filii tui Doctores fidei comites addidisti, quibus illi orbem totum secundis prædicationibus impleverunt. Quapropter infirmitati quoque nostræ, Domine, quæsumus, hæc adjumenta largire, qui, quanto fragiliores sumus, tanto his pluribus indigemus. Da, quæsumus, omnipotens Pater, in hos famulos tuos Presbyterii dignitatem; innova in visceribus eorum spiritum sanctitatis; ut acceptum a te, Deus, secundi meriti munus obtineant, censuramque morum exemplo suæ conversationis insinuant. Sint providi cooperatores ordinis nostri; eluceat in eis totius forma justitiae; ut bonam rationem dispensationis sibi creditæ reddituri, æternæ beatitudinis præmia consequantur.

Quod sequitur, legat submissa voce, ita tamen quod a circumstantibus audiri possit.

Per eumdem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. ¶ Amen.

Pontifex sedet, accepta mitra, et reflectit orarium, sive stolam ab humero sinistro cuiuslibet, capiens partem, quæ retro pendet, et imponens super dexterum humerum, aptat eam ante pectus, in modum crucis; singulis dicens:

Accipe jugum Domini; jugum enim ejus suave est, et onus ejus leve.

Postea imponit cuilibet successive casulam usque ad scapulas, quam quilibet teneat super humeros complicatam, a parte anteriori deorsum dependentem, singulis dicens:

Accipe vestem Sacerdotalem, per quam charitas intelligitor; potens est enim Deus, ut augeat tibi charitatem, et opus perfectum.

R. Deo gratias.

Surgit Pontifex sine mitra, et omnibus genua flectentibus, dicit :

Deus sanctificationum omnium auctor, cuius vera consecratio, plenaque benedictio est; tu, Domine. super hos famulos tuos, quos ad Presbyterii honorem dedicamus, munus tuae bene † dictionis infunde; ut gravitate actuum et censura vivendi probent se seniores, his instituti disciplinis, quas Tito et Thimotheo Paulus exposuit; ut in lege tua die ac nocte meditantes, quod legerint, credant; quod crediderint, doceant; quod docuerint, imitentur; justitiam, constantiam, misericordiam, fortitudinem, cæterasque virtutes in se ostendant; exemplo præbeant, admonitione confirment; ac purum et immaculatum ministerii sui donum custodiant; et in obsequium plebis tuae, panem et vinum in corpus et sanguinem Filii. tui immaculata benedictione transforment; et inviolabili charitate in virum perfectum, in mensuram ætatis plenitudinis Christi, in die justi et æterni judicii Dei, conscientia pura, fide vera. Spiritu sancto pleni resurgent. Per eumdem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. **R. Amen.**

Tunc Pontifex sine mitra ante altare conversus, flexis genibus, incipit alta voce, schola prosequente, Hymnum :

Veni, creator Spiritus,	Imple superna gratia,
Mentes tuorum visita,	Quæ tu creasti, pectora.

Surgit Pontifex, et facit ut in fine Hymni habetur; interim schola prosequitur Hymnum, qui, si propter ordinandorum multitudinem necesse fuerit, repetatur, omissso primo Versu.

**Qui diceris Paraclitus,
Altissimi donum Dei,
Fons vivus, ignis, charitas,
Et spiritalis unctio.**

**Tu septiformis munere,
Digitus paternæ dexteræ,
Tu rite promissum Patris,
Sermone ditans guttura.**

**Accende lumen sensibus,
Infunde amorem cordibus,
Infirma nostri corporis
Virtute firmans perpeti.**

Hostem repellas longius,

**Pacemque dones protinus;
Ductore sic te prævio
Vitemus omne noxiun.**

**Per te sciamus da Patrem,
Noscamus atque Filium,
Teque utriusque Spiritum,
Credamus omni tempore.**

**Deo Patri sit gloria,
Et Filio qui a mortuis
Surrexit, ac Paraclito,
In sæculorum sæcula.
Amen.**

Dicto primo Versu, surgit Pontifex, et sedet in faldistorio cum mitra; et depositis chirotecis, et annulo Pontificali reassumpto, ponitur ei gremiale, sive mappula super gremium, et singuli ordinandi successive coram eo genua flectunt; et Pontifex cum oleo catechumenorum inungit unicuique ambas manus simul junctas in modum crucis, producendo cum pollice suo dextero in dictum oleum intincto duas lineas, videlicet, a pollice dexteræ manus usque ad indicem sinistræ, et a pollice sinistræ usque ad indicem dexteræ, ungendo mox totaliter palmas, dicens, dum quemlibet inungit :

Consecrare, et sanctificare digneris, Domine, manus istas per istam unctionem, et nostram benedictionem. ¶ Amen.

Pontifex producit manu dextera signum crucis super manus illius quem ordinat, et prosequitur :

Ut quæcumque benedixerint, benedicantur; et quæcumque consecraverint, consecrentur, et sanctificantur, in nomine Domini nostri Jesu Christi.

Et quilibet ordinandus respondet : Amen.

Tum Pontifex claudit, seu jungit manus cuilibet

successive, quas sic consecratas aliquis ministrorum Pontificis albo panniculo lineo simul, videlicet, dexteram super sinistram alligat; et mox unusquisque ad ordinem suum reddit; et sic clausas et alligatas manus tenet. Omnim manibus unctis et consecratis, Pontifex policem cum medulla panis abstergit; tum tradit cuilibet successive Calicem cum vino et aqua, et Patenam superpositam cum Hostia, et ipsi illam accipiunt inter indices et medios digitos, et cuppam Calicis et Patenam simul tangunt, Pontifice singulis dicente :

Accipe potestatem offerre sacrificium Deo, Missasque celebrare, tam pro vivis, quam pro defunctis. In nomine Domini. R. Amen.

His peractis, Pontifex lavat manus cum medulla panis, et aqua lotionis hujusmodi projicitur in sacrarium; deinde cum mitra revertitur ad sedem suam, vel ad saldistorium in cornu Epistolæ, in plano sibi paratum, ubi sedet cum mitra. Et chorus cantat ultimum Versum Tractus vel Sequentiæ, sive Alleluia. Interim accedunt duo Capellani ante Pontificem cum libro et candela, qui ex eo legit dictum ultimum Versum Tractus vel Sequentiæ, sive Alleluia; legit etiam secrete Munda cor meum, atque Evangelium.

Interea unus ex Diaconis noviter ordinatis accedit ad altare cum textu Evangelii ante pectus, et dicit : Munda cor meum etc., et cantat Evangelium. Interim parantur per ministros Hostiæ super altare, pro numero ordinatorum in ordinibus sacris, qui omnes communicare debent, et proceditur in Missa ordine solito. Interea dum Offertorium cantatur, vel etiam prius, ordinati Sacerdotes posterunt lavare manus suas cum medulla panis, et aqua bene mundare, atque extergere mappulis il-

lis, quibus ligatæ erant, et aqua ablutionis hujusmodi projiciatur in sacrarium.

Pontifex vero, Offertorio lecto, accepta mitra, vadit ad faldistorium ante medium altaris, et ibi sedens accipit Offertorium ab omnibus ordinatis, qui omnes accedunt bini et bini ad Pontificem, coram quo genuflexi offerunt illi singulas candelas accensas, et osculantur ejus manum; primo Presbyteri, tum Diaconi successive, et alii suo ordine.

Accepto singulorum Offertorio, Pontifex lavat manus, et surgit sine mitra, ac tollitur faldistorium, et prosequitur Missam.

Presbyteri vero ordinati, post Pontificem vel hinc et inde, ubi magis commodum erit, in terra genuflexi habeant libros coram se, dicentes :

Suscipe, sancte Pater etc., et omnia alia de Missa, prout dicit Pontifex, qui tamen bene advertat quod Secretas morose dicat, et aliquantulum alte, ita ut ordinati Sacerdotes possint secum omnia dicere, et præsertim verba consecrationis, quæ dici debent eodem momento per ordinatos, quo dicuntur per Pontificem.

Secreta pro ordinatis, quæ dicitur cum Secreta Missæ diei sub uno Per Dominum etc.

Tuis, quæsumus Domine, operare mysteriis ; ut hæc tibi munera dignis mentibus offeramus. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Cum Pontifex dixerit orationem Domine Jesu Christe, qui etc., osculatur altare, et dat primo ex singulis ordinatis cuiuslibet ordinis sacri ad eum successive accedenti, et altare prius ad dexteram Pontificis deosculanti, pacem, dicens : Pax tecum. Cui ille respondet : Et cum spiritu tuo.

Et quilibet illorum dat sequenti sui Ordinis secum ordinato, et ille alteri, et sic usque ad ultimum continuatur. Si autem ordinatorum parvus sit numerus, Pontifex poterit dare pacem singulis.

Postquam vero Pontifex se communicaverit, et totum Sanguinem sumpserit, priusquam digitos abluit, accedunt ante altare Presbyteri, deinde Diaconi, tandem Subdiaconi : quibus ordinate dispositis et genuflexis, Pontifex facta reverentia Sacramento, et aliquantulum versus cornu Evangelii se retrahens, ad eos se convertit ; et singuli ex Diaconis et Subdiaconis tantum dicunt submissa voce :

Confiteor Deo omnipotenti beatæ Mariæ semper virginī, beato Michaeli Archangelo, beato Joanni Baptiste, sanctis Apostolis Petro et Paulo, omnibus sauctis, et tibi pater, quia peccavi nimis cogitatione, verbo, et opere, mea culpa, mea culpa, mea maxima culpa. Ideo precor beatam Mariam semper virginem, beatum Michaelem Archangelum, beatum Joanem Baptistam, sanctos Apostolos Petrum et Paulum, omnes Sanctos, et te pater, orare pro me ad Dominum Deum nostrum.

Et si officium fiat in cantu, unus de noviter ordinatis illud cantat.

Et Pontifex stans, capite detecto, versus ad eos dicit intelligibili voce, nisi officium fiat in cantu :

Misereatur vestri, omnipotens Deus, et, dimissis peccatis vestris, perducat vos ad vitam æternam.
¶. Amen.

Indulgentiam, absolutionem, et remissionem peccatorum vestrorum, tribuat vobis omnipotens et misericors Dominus. ¶. Amen.

Et manu dextra signum crucis super eos communiter producit. Presbyteri ante communionem

non dicunt Confessionem, nec datur eis absolutio, quia concelebrant Pontifici; propterea si non sunt alii ordinati, Confessio et Absolutio prædictæ omittuntur.

Tum accedunt ordinati ad supremum gradum altaris, bini et tini. Pontifex vero ponit plures Hostias consecratas super Patenam, quam ori cuiuslibet communicandi supponit, et singulos communicat, cuilibet dicens :

Corpus Domini nostri Jesu Christi custodiat te in vitam æternam.

Quilibet Respondet : Amen.

Et priusquam communionem sumat, manum Pontificis Hostiam tenentem osculatur.

Unus ministrorum Pontificis stat juxta cornu Epistolæ altaris Calicem habens, non illum cum quo Pontifex celebravit, sed alium cum vino, et mappulam mundam in manibus, ad quem singuli communicati accedunt, et se purificant, os exter-gunt, et ad partem se locant.

Omnibus communicatis, Pontifex extergit Patenam super Calicem suum, super eum digitos abluit, sumit ablutionem, accipit mitram, et lavat manus.

Pontifex, lotis manibus, mitra deposita, stans in cornu Epistolæ altaris, versus ad illud inchoat in cantu, schola prosequente, Responsorium quod a Septuagesima usque ad Pascha dicitur sine Alleluia.

*Jam non dicam vos servos, sed amicos meos, quia omnia cognovistis, quæ operatus sum in medio vestri, Alleluia. * Accipite Spiritum sanctum in vobis paraclitum. * Ille est, quem Pater mittet vobis, Alleluia. v. Vos amici mei estis, si feceritis*

*quæ ego præcipio vobis. * Accipite. * Gloria Patri, et Filio, et Spiritui sancto. * Ille est, quem.*

Incepto Responsorio, Pontifex, accepta mitra, vertit se ad Presbyteros ordinatos, qui ante altare coram ipso stantes profitentur fidem, quam prædicaturi sunt, dicentes :

Credo in Deum, Patrem omnipotentem, Creatorem cœli et terræ. Et in Jesum Christum, Filium ejus unicum, Dominum nostrum. Qui conceptus est de Spiritu sancto, natus ex Maria Virgine; passus sub Pontio Pilato, crucifixus, mortuus, et sepultus; descendit ad inferos; tertia die resurrexit a mortuis; ascendit ad cœlos, sedet ad dexteram Dei Patris omnipotentis; inde venturus est judicare vivos, et mortuos. Credo in Spiritum sanctum; sanctam Ecclesiam Catholicam; Sanctorum communionem; remissionem peccatorum; carnis resurrectionem; vitam æternam. Amen.

Quo finito, Pontifex cum mitra sedens super faldistorium, ante medium altaris, imponit ambas manus super capita singulorum coram eo genuflexentium, dicens cuilibet :

Accipe Spiritum sanctum : quorum remiseris peccata, remittuntur eis; et quorum retinueris, retenta sunt.

Deinde explicans casulam, quam unusquisque habet super humeros complicatam, induit illa quemlibet, singulis dicens :

Stola innocentiae induat te Dominus.

Et mox unusquisque iterum ad Pontificem accedit; et genuflexus ponit manus suas junctas inter manus Pontificis dicentis cuilibet, si suus est Ordinarius :

Promittis mihi, et Successoribus meis reverentiam, et obedientiam?

Et ille respondet : Promitto.

Si vero Pontifex non est suus Ordinarius, cum manus eorum inter suas tenet, ut præfertur, dicit singulis Presbyteris sacerularibus :

Promittis Pontifici Ordinario tuo etc.

Singulis vero Regularibus :

Promittis Prælato Ordinario tuo etc.

Promittis Pontifici (vel Prælato) Ordinario tuo pro tempore existenti reverentiam, et obedientiam?

Et ille respondet : Promitto.

Tunc Pontifex tenens manus illius inter suas, osculatur unumquemque, dicens :

Pax Domini sit semper tecum.

Et ille respondet : Amen.

His expletis, et eis ad ordinem suum reversis, Pontifex sedens cum mitra et baculo, admonet eos, dicens :

Quia res, quam tractaturi estis, satis periculosa est, filii dilectissimi, moneo vos, ut diligenter totius Missæ ordinem, atque Hostiæ consecrationem ac fractionem, et communionem, ab aliis jam doctis Sacerdotibus discatis, priusquam ad celebrandum Missam accedatis.

Pontifex surgit cum mitra et baculo, et Presbyteris coram eo adhuc genuflexis benedicit, dicens voce competenti :

Benedictio Dei omnipotentis Pa†tris, et Fi†lii, et Spiritus † sancti descendat super vos; ut sitis benedicti in ordine sacerdotali; et offeratis placabiles Hostias pro peccatis, atque offenditionibus populi omnipotenti Deo, cui est honor, et gloria per omnia saecula saeculorum. ¶ Amen.

Post hæc Pontifex, deposita mitra, et amoto fal-

distorio, convertitur ad altare, prosequitur Missam, et cantatur Communio; et dicitur hæc Postcommunio pro ordinatis sub uno Per Dominum, cum Postcommunione Missæ diei.

POSTCOMMUNIO.

Quos tuis, Domine, reficis Sacramentis, continuis attolle benignus auxiliis; ut tuæ redemptionis effectum, et mysteriis capiamus, et moribus. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Deinde dicitur Benedicamus Domino, vel, Ite Missa est, prout tempus requirit, et per Pontificem, Placeat tibi sancta etc.

Quo dicto, Pontifex, accepta mitra et baculo Pastorali, dat benedictionem solitam, dicens : Sit nomen Domini benedictum etc.

Tum sedet, et alloquitur ordinatos sub his verbis :

Filiī dilectissimi, diligenter considerate Ordinem per vos susceptum, ac onus humeris vestris impo-situm ; studete sancte et religiose vivere, atque omnipotenti Deo placere, ut gratiam suam possitis acquirere; quam ipse vobis per suam misericordiam concedere dignetur.

Singuli ad primam Tonsuram, vel ad quatuor minores Ordines promoti, dicite semel septem Psalmos pœnitentiales, cum Litaniis, Versiculis, et Orationibus. Ad Subdiaconatum, vel Diaconatum, Nocturnum talis diei. Ad Presbyteratum vero ordinati, post primam vestram Missam, tres alias Missas, videlicet, unam de Spiritu sancto, aliam de beata Maria semper virginе, tertiam pro fidelibus defunctis dicite, et omnipotentem Deum etiam pro me orate.

Quod illi devote suscipiunt, et respondent se facturos.

Tum Pontifex convertit se ad altare, et dicit submissa voce : Dominus vobiscum.

Initium sancti Evangelii secundum Joannem. In principio etc.

Signat altare, et se; et revertitur ad sedem, vel ad faldistorium, ubi exuitur sacris vestibus. Ordinati etiam ad Presbyteratum dicunt idem Evangelium, et in loco convenienti sacras vestes depo-nunt, et cum eis alii ordinati.

DE CONSECRATIONE ELECTI IN EPISCOPUM.

Nemo consecrari debet, nisi prius constet Consecratori de commissione consecrandi, sive per litteras Apostolicas, si sit extra curiam, sive per commissionem vivæ vocis oraculo, a Summo Pontifice Consecratori factam, si Consecrator ipse sit Cardinalis.

Statuta die consecrationis, quæ debet esse Dominicana, vel Natalitium Apostolorum, vel etiam festiva, si Summus Pontifex hoc specialiter indulserit ; et tam Consecrator quam Electus, conveniens est ut præcedenti die jejunent.

Consecratio, si extra curiam Romanam fiat, in Ecclesia, ad quam promoti fuerint, aut in provincia, si commode fieri poterit, celebretur.

In Ecclesia, ubi fit consecratio, ornantur duæ capellæ, major pro Consecrante, et minor pro Electo. [Et in majori quidem, super altari parato, ut est moris, erit crux in medio, et ad minus quatuor candelabra. In terra ad gradus altaris erunt tapetia strata, super quibus procumbit Electus; sed Consecrator et alii genuflectent.

Paratur etiam in loco propinquo et congruo, credentia pro Consecratore, super quam erit mappa munda; duo candelabra; vasa ad abluendum manus, cum suis mantilibus; vas cum aqua benedicta, et aspersorio; thuribulum cum navicella, cochleari, et incenso, si Officium fit in cantu, alias non; amphullæ cum vino et aqua pro sacrificio; Calix; hostiaria cum hostiis; medulla panis pro abstergendis manibus; sanctum Chrisma.

Item paramenta omnia Pontificalia, coloris temporis et officio Missæ convenientis, videlicet, sandalia, amictus, alba, cingulum, crux pectoralis, stola, tunicella, dalmatica, chirothecæ, planeta, mitra auriphrigiata, annulus Pontificalis, baculus Pastoralis, manipulus, et gremiale.

Item paratur faldistorium ornatum pro Consecratore; et tres sedes pro Electo, et duobus Episcopis assistentibus; Missale, et Pontificale. Consecrator habeat tres Capellanos ad minus cum superpelliceis, et duos scutiferos ad credentiam.

In capella vero minore pro Electo, quæ a majore debet esse distincta, paratur altare cum cruce et duobus candelabris, et super illud Missale et Pontificale; ac paramenta omnia Pontificalia albi coloris, ut supra pro Consecratore numerata sunt; et ultra illa, pluviale album, et prope altare credentia minor cum mappa munda, et vasis ad abluendum manus, et medulla panis ad extergendum manus et caput.

Ponuntur etiam octo mappulæ ex duabus cannis panni linei subtilis, per medium scisis in longitudinem, quarum duæ sint longitudinis sex palmorum quælibet, aliæ vero sex, æqualis sint quantitatis. Et candelæ saltem octo, unius libræ quælibet, quarum quatuor super altare Consecrantis, duæ super ejus credentiam, et duæ super altare Electi ponuntur.

Annulus cum gemma benedicendus, et Electo tradendus, pecten eburneus. Et pro Offertorio intortitia duo, quatuor librarum quodlibet, duo panes magni, et duo barilia vini. Panes et barilia ornentur, duo videlicet videantur argentea et duo aurea, hinc et inde insignia Consecratoris et Electi habentia, cum capello, vel cruce, vel mitra pro cuiusque gradu et dignitate.

Ad sint duo ad minus Episcopi assistentes, qui induuntur rocheto, et si sint Regulares, superpelliceo, amictu, stola, pluviali (quæ cum reliquis paramentis sint coloris temporis et officio Missæ congruentis), et mitra simplici alba, et quisque habeat suum Pontificale.

Hora igitur competenti Consecrator, Electus, assistentes Episcopi, et alii qui consecrationi interesse debent, ad Ecclesiam conveniunt, et Consecrator, facta oratione ante altare, ascendit ad sedem, si sit in Ecclesia sua, vel accedit ad faldistorium in cappella sua, juxta cornu Epistolæ præparatum, et ibi de more paratur. Electus vero cum assistantibus Episcopis vadit ad capellam suam, et ibi capit paramenta opportuna; videlicet, si Missa cantatur, amictum, albam, cingulum, stolam in modum Sacerdotis, et pluviale. Si vero Officium legitur, poterit, antequam dicta paramenta accipiat, capere sandalia, et legere Psalm. Quam dilecta etc. Assistantes etiam Episcopi interim sua paramenta prædicta capiunt. Omnibus itaque paratis, Consecrator accedit ante altare, et ibi in medio sedet super faldistorium, vertens renes altari. Electus vero cum suo bireto ducitur sic paratus medius inter assistentes sibi Episcopos paratos et mitratos, et cum ante Consecratorem pervenerit, nudato capite, illud profunde inclinando, ei reverentiam facit; assistentes vero Episcopi eidem cum mitra cuput aliquantulum inclinant.

Tum sedent in sedibus suis ante Consecratorem, hoc modo. Electus contra faciem Consecratoris, ita ut inter eos sit competens distantia. Antiquior Episcopus assistens ad dexteram Electi, junior ad sinistram; ita tamen, quod ipsi Assistentes ad alterutrum facies vertant. Cum sic locali fuerint, et aliquantulum quieverint, surgunt, Electus sine bireto, et Assistentes Episcopi sine mitris, et senior Assistentium versus ad Consecratorem, dicit :

Reverendissime pater, postulat sancta mater Ecclesia Catholica, ut hunc præsentem Presbyterum ad onus Episcopatus sublevetis.

Consecrator dicit :

Habetis mandatum Apostolicum?

Respondet Episcopus senior Assistentium :

Habemus.

Consecrator dicit : Legatur.

Tum notarius Consecratoris accipiens mandatum de manu Episcopi Assistentis, legit a principio ad finem. Interim sedent omnes, tectis capitibus. Mandato per notarium perfecto, Consecrator dicit : Deo gratias.

Vel, si consecratio fit vigore litterarum Apostolicarum, per quas etiam juramenti per Electum præstanti receptio Consecratori committitur, litteris ipsis lectis, antequam Consecrator aliud dicat, Electus de sede sua veniens coram Consecratore genuflectit, et legit juramentum de verbo ad verbum, juxta tenorem commissionis prædictæ præstandum, in hunc modum, videlicet :

FORMA JURAMENTI.

Ego N. Electus Ecclesiæ N. ab hac hora in antea fidelis et obediens ero beato Petro Apostolo, sanctæque Romanæ Ecclesiæ, et Domino nostro, Domino N. Papæ N. suisque Successoribus canonice in-

trantibus. Non ero in consilio, aut consensu, vel facto, ut vitam perdant aut membrum; seu capiantur mala captione; aut in eos violenter manus quomodolibet ingerantur; vel injuriæ aliquæ inferantur, quovis quæsito colore. Consilium vero, quod mihi credituri sunt per se aut Nuntios suos, seu litteras, ad eorum damnum, me sciente, nemini pandam. Papatuin Romanum, et Regalia sancti Petri adjutor eis ero ad retinendum et defendendum, salvo meo ordine, contra omnem hominem. Legatum Apostolicæ Sedis in eundo et redeundo honorifice tractabo, et in suis necessitatibus adjuvabo. Jura, honores, privilegia, et auctoritatem sanctæ Romanæ Ecclesiæ, Domini nostri Papæ et Successorum prædictorum, conservare, defendere, augere, et promovere curabo. Neque ero in consilio, vel facto, seu tractatu, in quibus contra ipsum Dominum nostrum vel eamdem Romanam Ecclesiam, aliqua sinistra vel præjudicialia personarum, juris, honoris, status, et potestatis eorum machinentur. Et si talia a quibuscumque tractari vel procurari novero, impediam hoc pro posse; et quanto citius potero, significabo eidem Domino nostro, vel alteri per quem possit ad ipsius notitiam pervenire. Regulas sanctorum Patrum, decreta, ordinationes seu dispositiones, reservationes, provisiones, et mandata Apostolica totis viribus observabo, et faciam ab aliis observari. Hæreticos, schismaticos, et rebelles eidem Domino nostro, vel Successoribus prædictis, pro posse persequar et impugnabo. Vocatus ad synodum, veniam, nisi præpeditus fuero canonica præpeditione. Apostolorum limina singulis trienniis personaliter per me ipsum visitabo; et Domino nostro, ac Successoribus præfatis, rationem reddam de toto meo pastorali officio, ac de rebus omnibus ad meæ Ecclesiæ statum, ad cleri et populi disciplinam, animarum denique,

quæ mæ fidei traditæ sunt, salutem quovis modo pertinentibus; et vicissim mandata Apostolica humiliter recipiam, et quam diligentissime exequar. Quod si legitimo impedimento detentus fuero, præfata omnia adimplebo per certum Nuntium ad hoc speciale mandatum habentem, de gremio mei Capituli, aut alium in dignitate ecclesiastica constitutum, seu alias personatum habentem; aut, his mihi deficientibus, per diœcesanum Sacerdotem; et clero deficiente omnino, per aliquem alium Presbyterum sæcularem, vel regularem, spectatæ probitatis et religionis, de supradictis omnibus plene instructum. De hujusmodi autem impedimento docebo per legitimas probationes ad sanctæ Romanae Ecclesiæ Cardinalem proponentem in Congregatione sacri Concilii, per supradictum Nuntium transmittendas.

Possessiones vero ad mensam meam pertinentes non vendam, nec donabo, neque impignorabo, nec de novo infeudabo, vel aliquo modo alienabo, etiam cum consensu Capituli Ecclesiæ mæ, inconsulto Romano Pontifice. Et si ad aliquam alienationem devenero, pœnas in quadam super hoc edita constitutione contentas, eo ipso incurrere volo.

Consecrator in gremio suo librum Evangeliorum ambabus manibus apertum tenens, inferiore parte libri Electo versa, ab eo præstationem hujusmodi juramenti recipit, Electo adhuc coram eo genuflexo dicente :

Sic me Deus adjuvet, et hæc sancta Dei Evangelia.

Et ipsum textum Evangeliorum ambabus manibus tangente, tum, non prius, dicit Consecrator : Deo gratias.

Ad hoc tempus singulorum trienniorum tenentur omnes Patriarchæ, Primates, Archiepiscopi, atque Episcopi Itali, videlicet, vel ex Italicis in-

sulis, unde in Italiam commodius trajici potest; veluti Siculi, Sardi, Corsi, et alii adjacentium provinciarum Italiae, atque etiam Dalmatiæ et Græcarum, quæ e regione ipsius Italiæ et Siciliæ oris sunt.

Ad tempus singulorum quadrienniorum, Germani, Galli, Hispani, Belgæ, Bohemi, Hungari, Poloni, Angli, Scotti, Iberni, et cæteri omnes, qui in Europa sunt citra mare Germanicum et Balticum, atque omnium Insularum maris Mediterranei.

Ad tempus singulorum quinquenniorum, qui intra Europæ fines sunt his provinciis remotiores, atque etiam Africani littoribus nostris adversi, atque insularum maris Oceani, Septentrionalis, et Occidentalis Europæ, atque Africæ, citra continentem novi orbis, tam qui nunc sunt, quam qui ad Catholicam fidem per misericordiam Dei aliquando redierint.

Ad tempus singulorum decenniorum Asiatici, et qui extra Asiam, et in aliis novis terris Orientalibus, Meridionalibus, Occidentalibus, et Septentrionalibus, tam in Insulis, quam in Continentibus, et denique in quibuslibet mundi partibus existentes.

Deinde Electo, et Assistentibus in locis suis (ut dictum est) sedentibus, Consecrator intelligibili voce legit sequentem examinationem, quæ legi debet semper, sicut jacet, in singulari, etiam si plures simul examinentur. Assistentes vero Episcopi submissa voce dicunt quæcumque dixerit Consecrator, et omnes debent tunc mitras tenere, et sedere.

EXAMEN.

Antiqua sanctorum Patrum institutio docet, et præcipit, ut is, qui ad Episcopatus ordinem eligitur,

antea diligentissime examinetur cum omni charitate de fide sanctæ Trinitatis ; et interrogetur de diversis causis, et moribus, quæ huic regimini congruunt, ac necessaria sunt retineri secundum Apostoli dictum : Manus nemini cito imposueris. Et ut etiam is, qui ordinandus est, erudiatur qualiter sub hoc regimine constitutum oporteat conversari in Ecclesia Dei ; et ut irreprehensibiles sint, qui ei manus ordinationis imponunt. Eadem itaque auctoritate et præcepto, interrogamus te, dilectissime frater, charitate sincera, si omnem prudentiam tuam, quantum tua capax est natura, divinæ Scripturæ sensibus accommodare volueris.

Tum Electus aliquantulum assurgens, detecto capite, respondet :

Ita ex toto corde volo in omnibus consentire, et obedire.

Et hoc servabit ad omnes alias responsiones sequentes. Et si plures Electi fuerint, successive quisque sic respondet.

Interrogat Consecrator :

Vis ea, quæ ex divinis Scripturis intelligis, plementum, cui ordinandus es, et verbis docere et exemplis? ¶ Volo.

Interrogatio.

Vis traditiones orthodoxorum Patrum, ac Decretales sanctæ et Apostolicæ Sedis constitutiones veneranter suscipere, docere, ac servare? ¶ Volo.

Interrogatio.

Vis beato Petro Apostolo, cui a Deo data est potestas ligandi ac solvendi; ejusque Vicario Domino nostro, Domino N. Papæ N. suisque Successoribus, Romanis Pontificibus, fidem, subjectionem, et obe-

dientiam, secundum canonicam auctoritatem, per omnia exhibere? *R.* Volo.

Interrogatio.

Vis mores tuos ab omni malo temperare, et quantum poteris, Domino adjuvante, ad omne bonum commutare? *R.* Volo.

Interrogatio.

Vis castitatem, et sobrietatem cum Dei auxilio custodire, et docere? *R.* Volo.

Interrogatio.

Vis semper in divinis esse negotiis mancipatus, et a terrenis negotiis, vel lucris turpibus alienus, quantum te humana fragilitas consenserit posse? *R.* Volo.

Interrogatio.

Vis humilitatem et patientiam in teipso custodire, et alios similiter docere? *R.* Volo.

Interrogatio.

Vis pauperibus et peregrinis, omnibusque indigentibus esse propter nomen Domini affabilis et misericors? *R.* Volo.

Tunc dicit ei Consecrator :

Hæc omnia, et cætera bona tribuat tibi Dominus, et custodiat te, atque corroboret in omni bonitate.

Et respondent omnes : Amen.

Interrogatio.

Credis, secundum intelligentiam et capacitatem sensus tui, sanctam Trinitatem, Patrem, et Filium, et Spiritum sanctum, unum Deum omnipotentem, totamque in sancta Trinitate Deitatem, coessentialm, consubstantialem, coæternam, et coomnipotentem, unius voluntatis, potestatis, et majestatis, creatorem omnium creaturarum, a quo omnia, per

quem omnia, et in quo omnia, quæ sunt in cœlo et in terra, visibilia et invisibilia, corporalia et spiritualia? **R.** Assentio, et ita credo.

Interrogatio.

Credis singulam quamque in sancta Trinitate personam, unum Deum, verum, plenum, et perfectum? **R.** Credo.

Interrogatio.

Credis ipsum Filium Dei, Verbum Dei æternaliter natum de Patre, consubstantialem, coomnipotentem, et coæqualem per omnia Patri in divinitate, temporaliter natum de Spiritu sancto ex Maria semper virginе, cum anima rationali, duas habentem nativitates, unam ex Patre æternam, alteram ex matre temporalem; Deum verum, et hominem verum, proprium in utraque natura, atque perfectum, non adoptivum, nec phantasmaticum, sed unicum, et unum Filium Dei in duabus, et ex duabus naturis, sed in unius personæ singularitate, impassibilem, et immortalem divinitatem, sed in humanitate pro nobis et pro salute nostra passum vera carnis passione, et sepultum, ac tertia die resurgentem a mortuis vera carnis resurrectione; die quadragesimo post resurrectionem cum carne, qua surrexit, et anima ascendisse ad cœlum, et sedere ad dexteram Patris; inde venturum judicare vivos, et mortuos; et redditurum unicuique secundum opera sua, sive bona fuerint, sive mala? **R.** Assentio, et ita per omnia credo.

Interrogatio.

Credis etiam Spiritum sanctum, plenum, et perfectum, verumque Deum, a Patre et Filio procedentem, coæqualem, et coessentialem, coomnipotentem, et coæternum per omnia Patri et Filio? **R.** Credo.

Interrogatio.

Credis hanc sanctam Trinitatem, non tres Deos,

sed unum Deum omnipotentem, æternum, invisibilem, et incommutabilem? ¶ Credo.

Interrogatio.

Credis sanctam, catholicam, et Apostolicam, unam esse veram Ecclesiam, in qua unum datur verum baptisma, et vera omnium remissio peccatorum? ¶ Credo.

Interrogatio.

Anathematizas etiam omnem hæresim, extollentem se aduersus hanc sanctam Ecclesiam catholicam? ¶ Anathematizo.

Interrogatio.

Credis etiam veram resurrectionem ejusdem carnis, quam nunc gestas, et vitam æternam? ¶ Credo.

Interrogatio.

Credis etiam novi et veteris Testamenti, legis, et Prophetarum, et Apostolorum, unum esse auctorem Deum, ac Dominum omnipotentem? ¶ Credo.

Postea Consecrator dicit :

Hæc tibi fides augeatur a Domino, ad veram et æternam beatitudinem, dilectissime frater in Christo.

Et respondent omnes : Amen.

Explato itaque examine, præfati assistentes Episcopi ducunt Electum ad Consecratorem, coram quo genuflexus, ejus manum reverenter osculatur. Tunc Consecrator, deposita mitra, cum ministris ad altare conversus, facit, solito more, Confessionem, Electo a sinistris ejus manente; et omnes Episcopi ante sedes suas stantes faciunt similiter Confessionem cum Capellanis suis. Facta itaque Confessione, Consecrator ascendit ad altare, et osculatur illud et Evangelium in Missa dicendum; et incensat altare, more solito. Deinde

vadit ad sedem suam vel faldistorium, et procedit in Missa usque ad Alleluia, sive ultimum Versum Tractus vel Sequentiæ exclusive.

Si vero Missa legitur, osculato altari et Evangelio, omissa incensatione, omnia prædicta legit in altari; et illis dictis, sive Missa legatur, sive cantetur, reddit cum mitra ad sedendum in faldistorio, quod ante medium altaris sibi reponitur.

Episcopi vero assistentes ducunt Electum ad capellam suam, et ibi deposito pluviali, Acolythi induunt illum sandalia, ipso Psalmos et Orationes consuetas legente, si prius illa non accepit. Tum accipit crucem pectoralem, et stola ei aptatur, ut ab humeris dependeat. Deinde tunicella, dalmatica, casula, et manipulo induitur; quibus indutus accedit ad suum altare, ubi stans in medio medius inter Episcopos assistentes, detecto capite, legit totum Officium Missæ, usque ad Alleluia, sive ultimum versum Tractus vel Sequentiæ exclusive; nec vertit se ad populum cum dicit Dominus vobiscam, ut in aliis Missis fieri solet.

Propter Ordinationes Episcoporum nunquam mutatur officium diei; dicitur tamen post Collectam diei pro Officio Consecrationis, Collecta pro Electo, sub uno Per Dominum nostrum etc.

ORATIO.

Adesto supplicationibus nostris, omnipotens Deus, ut quod humilitatis nostræ gerendum est ministerio, tuæ virtutis impleatur effectu. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Finito Graduali, si Alleluia dicitur, alioquin dicto Tractus vel Sequentia usque ad ultimum Versum exclusive, Consecrator accedit ad faldisto-

rium ante medium altaris, et ibi sedet cum mitra; assistentes vero Episcopi iterum ducunt Electum ad Consecratorem, cui Electus, deposito bireto, caput profunde inclinans humilem reverentiam facit: Assistentes vero cum mitris se aliquantulum inclinantes, etiam Consecratorem venerantur. Tum sedent omnes, ut prius; et Consecrator sedens cum mitra, versus ad illum, dicit:

Episcopum oportet judicare, interpretari, consecrare, ordinare, offerre, baptizare, et confirmare.

Deinde omnibus surgentibus, Consecrator stans cum mitra, dicit ad circumstantes:

Oremus, fratres charissimi, ut huic Electo utilitati Ecclesiæ providens benignitas omnipotentis Dei gratiæ suæ tribuat largitatem. Per Christum Dominum nostrum. ¶ Ameū.

Et mox Consecrator ante saldistorium suum, et assistentes Episcopi ante sedes suas cum mitris procumbunt; Electus vero prosternit se a sinistris Consecratoris; ministri etiam, atque alii omnes genuflectunt.

Tum cantor, vel, si officium fit legendo, Consecrator incipit Litanias, dicens Kyrie eleison etc., prosequendo totas, prout supra in Ordinatione Subdiaconi dictum est, pag. 29.

Postquam autem dictum fuerit:

Ut omnibus fidelibus defunctis etc.

¶. Te rogamus audi nos.

Consecrator ab accubitu surgens, ad Electum conversus, baculum Pastoralem cum sinistra tenens, dicit sub voce Litaniarum, primo:

Ut hunc præsentem Electum bene † dicere digneris.

¶. Te rogamus audi nos.

Secundo dicit :

Ut hunc præsentem Electum bene † dicere , et sancti † ficare digneris.

¶. Te rogamus audi nos.

Tertio dicit :

Ut hunc præsentem Electum bene † dicere , et sancti † ficare , et conse † crare digneris.

¶. Te rogamus audi nos.

Producendo semper signum crucis super illum; idemque faciunt et dicunt assistentes Episcopi, genuflexi tamen permanentes.

Deinde iterum procumbit Consecrator; et cantor, seu ipse, qui prius dixit, eas prosequitur usque ad finem :

Ut nos exaudire digneris etc.

Quibus finitis surgunt omnes , et Consecratore ante faldistorium suum cum mitra stante, Electus coram eo genuflectit.

Tum Consecrator, accepto libro Evangeliorum, illum apertum, adjuvantibus Episcopis assistentibus, nihil dicens, imponit super cervicem et scapulas Electi, ita quod inferior pars libri cervicem capitum Electi tangat, littera ex parte inferiori manente, quem unus ex Capellanis Electi, post ipsum genuflexus, quoisque liber ipse eidem Electo in manus tradendus sit, continue sustinet.

Deinde Consecrator et Assistentes Episcopi ambabus manibus caput Consecrandi tangunt, dicentes :

Accipe Spiritum sanctum.

Quo facto, Consecrator stans, deposita mitra, dicit :

Propitiare, Domine, supplicationibus nostris, et inclinato super hunc famulum tuum cornu gratia

sacerdotalis, bene † dictionis tuæ in eum effande virtutem. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus.

Deinde, extensis manibus ante pectus, dicit :

Per omnia sæcula sæculorum. R. Amen.

†. Dominus vobiscum. R. Et cum spiritu tuo.

†. Sursum corda. R. Habemus ad Dominum.

†. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus, honor omnium dignitatum, quæ gloriæ tuæ sacris famulantur ordinibus. Deus, qui Moysen famulum tuum secreti familiaris affatu, inter cætera cœlestis documenta culturæ, de habitu quoque indumenti sacerdotalis instituens, electum Aaron mystico amictu vestiri inter sacra jussisti, ut intelligentiæ sensum de exemplis priorum caperet secutura posteritas, ne eruditio doctrinæ tuæ ulli deesset ætati. Cum et apud veteres reverentiam ipsa significationum species obtineret, et apud nos certiora essent experimenta rerum, quam ænigmata figurarum. Illius namque Sacerdotii anterioris habitus, nostræ mentis ornatus est, et Pontificalem gloriam non jam nobis honor commendat vestium, sed splendor animarum. Quia et illa, quæ tunc carnalibus blandiebantur obtutibus, ea potius, quæ in ipsis erant, intelligenda poscebant. Et idcirco huic famulo tuo, quem ad summi Sacerdotii ministerium elegisti, hanc, quæsumus Domine, gratiam largiaris; ut quidquid illa velamina in fulgore auri, in nitore gemmarum, et in multimodi operis varietate signabant, hoc in ejus moribus actibusque clarescat. Comple in Sacerdote tuo ministerii tui

summam, et ornamenti totius glorificationis instructum, cœlestis unguenti rore sanctifica.

Si in Romana curia fit Consecratio, Subdiaconus Apostolicus, vel unus ex Capellanis Pontificiis ligat cuput Electi cum una ex longioribus mappulis, de octo superius dictis; et Consecrator, flexis genibus, versus ad altare incipit, cæteris prosequentibus, Hymnum :

Veni Creator Spiritus.

Et dicitur usque ad finem, prout habetur supra in Ordinatione Presbyteri, pag. 50.

Finito primo Versu, surgit Pontifex, et sedet in faldistorio ante medium altaris; capit mitram, deponit annulum et chirothecas, resumit annulum, et imponitur ei gremiale a ministris. Tum pollicem suum dexterum intingit in sanctum Chrisma, et caput Electi coram se genuflexi inungit, formans primo signum crucis per totam coronam, deinde reliquum coronæ liniendo, interim dicens :

Ungatur, et consecretur caput tuum, cœlesti benedictione, in ordine Pontificali.

Et producens manu dextera tertio signum crucis super caput Electi, dicit :

In nomine Pa † tris, et Fi † lii, et Spiritus † sancti. ¶ Amen. ¶ Pax tibi. ¶ Et cum spiritu tuo.

Et si plures sint consecrandi, hoc in persona cuiuslibet singulariter repetit.

Expleta unctione, Pontifex pollicem cum medulla panis paululum abstergit; et finito Hymno prædicto, deposita mitra, surgit; et in pristina voce prosequitur dicens :

Hoc, Domine, copiose in caput ejus influat; hoc in oris subjecta decurrat; hoc in totius corporis extrema descendat, ut tui Spiritus virtus et inte-

riora ejus repleat et exteriora circumtegat. Abundet in eo constantia fidei, puritas dilectionis, sinceritas pacis. Sint speciosi munere tuo pedes ejus ad evangelizandum pacem, ad evangelizandum bona tua. Da ei, Domine, ministerium reconciliationis in verbo, et in factis, in virtute signorum et prodigiorum. Sit sermo ejus et prædicatio, non in persuasilibus humanæ sapientiæ verbis, sed in ostensione spiritus et virtutis. Da ei, Domine, claves regni cœlorum, ut utatur, non gloriatur potestate, quam tribuis in ædificationem, non in destructionem. Quodcumque ligaverit super terram, sit ligatum et in cœlis; et quodcumque solverit super terram, sit solutum et in cœlis. Quorum retinuerit peccata, retenta sint; et quorum remiserit, tu remittas. Qui maledixerit ei, sit ille maledictus; et qui benedixerit ei, benedictionibus repleatur. Sit fidelis servus et prudens, quem constitucas tu, Domine, super familiam tuam, ut det illis cibum in tempore opportuno et exhibeat omnem hominem perfectum. Sit sollicitudine impiger, sit spiritu fervens, oderit superbiam, humilitatem ac veritatem diligit, neque eam umquam deserat, aut laudibus aut timore superatus. Non ponat lucem tenebras, nec tenebras lucem: non dicat malum bonum, nec bonum malum. Sit sapientibus et insipientibus debitor; ut fructum de profectu omnium consequatur. Tribuas ei, Domine, cathedram Episcopalem ad regendum Ecclesiam tuam et plebem sibi commissam. Sis ei auctoritas, sis ei potestas, sis ei firmitas. Multiplica super eum bene † dictionem et gratiam tuam; ut ad exorandam semper misericordiam tuam, tuo munere idoneus et tua gratia possit esse devotus.

Deinde submissa voce dicit legendo, ita quod a circumstantibus audiri possit:

Per Dominum nostrum Jesum Christum Filium

76 DE CONSECRATIONE ELECTI IN EPISCOPUM.

tuum, qui tecum vivit, et regnat in unitate Spiritus sancti Deus, per omnia sæcula sæculorum. **P. Amen.**

Post hæc Consecrator inchoat, schola prosequente, Antiphonam.

Unguentum in capite, quod descendit in barbam, barbam Aaron, quod descendit in oram vestimenti ejus : mandavit Dominus benedictionem in sæculum.

PSALMUS 132.

Ecce quam bonum, et quam jucundum, * habere fratres in unum.

Sicut unguentum in capite, * quod descendit in barbam, barbam Aaron.

Quod descendit in oram vestimenti ejus : * sicut ros

Hermon, qui descendit in montem Sion.

Quoniam illic mandavit Dominus benedictionem . * et vitam usque in sæculum.

Gloria Patri etc. Sicut erat in principio etc.

Deinde repetitur tota Antiphona. Unguentum in capite etc.

Incepta Antiphona ante Psalmum, imponitur ad collum Electi alia ex longioribus mappulis, de octo supradictis. Consecrator sedet; accipit mitram; et Electo ante ipsum genuflexo inungit ambas manus simul junctas cum Chrismate in modum crucis, producendo cum pollice suo dextero intincto duas lineas; videlicet a pollice dexteræ manus usque ad indicem sinistræ, et a pollice sinistræ usque ad indicem dexteræ; et mox inungat totaliter palmas Electi, dicens :

Ungantur manus istæ de oleo sanctificato et Chrismate sanctificationis, sicut unxit Samuel David Regem et Prophetam, ita ungantur et consecrantur.

Et producens manu dextera ter signum crucis super manus Electi, dicit :

In nomine Dei Pa † tris, et Fi † lii, et Spiritus †

sancti, facientes imaginem sanctæ crucis Salvatoris nostri Jesu Christi, qui nos a morte redemit, et ad regna cœlorum perduxit. Exaudi nos, pie Pater omnipotens, æterne Deus; et præsta, ut, quod te rogamus, exoremus. Per eumdem Christum Dominum nostrum. ¶ Amen.

Et prosequitur sedens :

Deus, et Pater Domini nostri Jesu Christi, qui te ad Pontificatus sublimari voluit dignitatem, ipse te Chrismate et mysticæ delibutionis liquore perfundat, et spiritualis bene † dictionis ubertate fœcundet: quidquid bene † dixeris, benedicatur; et quidquid sanctificaveris, sanctificetur; et consecratae manus istius vel pollicis impositio cunctis proficiat ad salutem. ¶ Amen.

Præmissis itaque expeditis, Consecratus jungit ambas manus, et dexteram super sinistram tenet, et eas imponit mappulæ a collo dependenti. Consecrator vero abstergit paululum cum medulla panis pollicem; et, deposita mitra, surgit et benedit baculum Pastoralem, si non sit benedictus, dicens :

OREMUS.

Sustentator imbecillitatis humanæ Deus, benedic baculum istum; et quod in eo exterius designatur, interius in moribus hujus famuli tui, tuæ propitiationis clementia operetur. Per Christum Dominum nostrum. ¶ Amen.

Deinde illum aspergit aqua benedicta.

Tum sedens, accepta mitra, solus tradit illum Consecrato coram eo genuflexo, capienti ipsum inter indices et medios digitos, manibus non disjunctis, Consecratore dicente :

Accipe baculum Pastoralis officii; ut sis in cor-

rigendis vitiis pie sæviens, judicium sine ira tenens,
in fovendis virtutibus auditorum animos demulcens,
in tranquillitate severitatis censuram non deserens.
¶. Amen.

*Quo facto, deposita mitra, surgit Consecrator,
et benedicit annulum, si non sit prius benedictus,
dicens :*

OREMUS.

Creator et conservator humani generis, dator gratiæ spiritualis, largitor æternæ salutis, tu Domine, emitte bene † dictionem tuam super hunc annulum; ut quicumque hoc sacrosanctæ fidei signo insignitus incesserit, in virtute cœlestis defensionis ad æternam vitam sibi proficiat. Per Christum Dominum nostrum. ¶. Amen.

*Tum aspergit ipsum annulum aqua benedicta;
sedet cum mitra, et solus annulum in digitum an-*
nularem dexteræ manus Consecrati immittit, di-
cens :

Accipe annulum, fidei scilicet signaculum : quatenus sponsam Dei, sanctam videlicet Ecclesiam, intemerata fide ornatus, illibate custodias. ¶. Amen.

Tum Consecrator accipit librum Evangeliorum de scapulis Consecrati, et, adjuvantibus ipsum Episcopis assistantibus, tradit eum clausum Consecrato, tangentे illum sine apertione manuum,
dicens :

Accipe Evangelium et vade, prædica populo tibi commisso; potens est enim Deus, ut augeat tibi gratiam suam, qui vivit et regnat in sæcula sæculorum.
¶. Amen.

Demum Consecrator recipit Consecratum ad osculum pacis; similiter et assistentes Episcopi singuli, dicentes ipsi Consecrato : Pax tibi.

Et ipse respondet singulis : Et cum spiritu tuo.

Tum Consecratus , medius inter assistentes Episcopos , redit ad capellam suam , ubi abstergitur ei sedenti caput cum medulla panis , et cum panno mundo : deinde cum pectine mundantur et complanantur capilli ; postea lavat manus . Consecrator vero in suo faldistorio manus lavat . Deinde procedit in Missa usque ad Offertorium inclusive . Idem facit Consecratus in capella sua .

Dicto Offertorio , Consecrator sedet cum mitra in faldistorio ante medium altaris . Et Consecratus veniens ex sua capella , inter assistentes Episcopos medius , coram Consecratore genuflectit ; et illi offert duo intortitia accensa , duos panes , et duo barilia vino plena ; et Consecratoris prædicta recipientis manum reverenter osculatur .

Deinde Consecrator lavat manus , et accedit ad altare ; Consecratus etiam ad posterius cornu Epistolæ altaris ejusdem accedit ; et ibi stans medius inter Episcopos assistentes , ante se habens Missale suum , simul cum Consecratore dicit et facit omnia prout in Missali . Et ponatur una Hostia consecranda pro Consecrante et Consecrato , et vinum consecrandum in Calice sufficiens pro utroque .

Secreta sequens dicitur cum Secreta Missæ diei sub uno Per Dominum , per Consecratorem .

SECRETA.

*Suscipe , Domine , munera quæ tibi offerimus pro hoc famulo tuo ; et propitius in eo tua dona custodias . Per Dominum nostrum Jesum Christum Filium tuum , qui tecum vivit , et regnat in unitate Spiritus sancti Deus , per omnia sæcula sæculorum . **R.** Amen .*

Consecratus dicit :

SECRETA.

Suscipe, Domine, munera, quæ tibi offerimus pro me famulo tuo; et propitius in me tua dona custodias. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Infra actionem dicit Consecrator :

Hanc igitur oblationem servitutis nostræ, sed et cunctæ familie tuæ, quam tibi offerimus, etiam pro hoc famulo tuo, quem ad Episcopatus ordinem promovere dignatus es, quæsumus, Domine, ut placatus accipias, et propitius in eo tua dona custodias; ut, quod divino munere consecutus est, divinis effectibus exequatur; diesque nostros in tua pace disponas, atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. R. Amen.

Consecratus dicit :

Hanc igitur oblationem servitutis nostræ, sed et cunctæ familie tuæ, quam tibi offerimus, etiam pro me famulo tuo, quem ad Episcopatus ordinem promovere dignatus es, quæsumus Domine, ut placatus accipias, et propitius in me tua dona custodias; ut, quod divino munere consecutus sum, divinis effectibus exequar; diesque nostros in tua pace disponas, atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. R. Amen.

Dicta Oratione Domine Iesu Christe, qui etc., per Consecratorem et Consecratum, Consecratus accedit ad dexteram Consecratoris, et ambo osculantur altare; tum Consecrator dat pacem Consecrato, dicens : Pax tecum.

Cui respondet Consecratus : Et cum spiritu tuo.

Et dat eam Assistentibus suis, seniori primo, tum alteri, singulis dicens : Pax tibi.

Et illi sibi respondent : Et cum spiritu tuo.

Deinde postquam Consecrator corpus Domini sumpserit, non totum sanguinem sumit, sed solum partem ejus cum particula Hostiae in Calicem missa. Et priusquam se purificet, communicat Consecratum ante se in eodem cornu, capite inclinato, stantem et non genuflectentem, prius de corpore, tum de sanguine; deinde purificat se, postea Consecratum. Tum abluit digitos super Calicem, et sumit etiam ablutionem; et, assumpta mitra, lavat manus.

Interim Consecratus cum assistentibus Episcopis accedit ad posteriorem partem alterius cornu altaris, videlicet Evangelii, et ibi prosequitur Missam, sicut Consecrator in cornu Epistole.

Postcommunio, quæ dici debet cum Postcommunione diei, sub uno Per Dominum.

Plenum, quæsumus Domine, in nobis remedium tuæ miserationis operare; ac tales nos esse perfice propitius, et sic fove, ut tibi in omnibus placere valeamus. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum.
R. Amen.

Deinde dicto, Ite missa est, vel Benedicamus Domino, prout tempus requirit, Consecrator dicto in medio altaris, Placeat etc., accepta ibidem mitra, si non sit archiepiscopus, et in sua provincia, stans versus ad altare, populo solemniter benedicit, dicens : Sit nomen Domini benedictum etc.

Data benedictione, reponitur faldistorium ante medium altaris, et Consecrator cum mitra in eo

Sanctus, Sanctus, Sanctus,
* Dominus Deus Sa-
baoth.

Pleni sunt cœli et terra *
majestatis gloriae tuæ.

Te gloriosus * Apostolo-
rum chorus,

Te Prophetarum * lau-
dabilis numerus,

Te Martyrum candida-
tus * laudat exercitus.

Te per orbem terrarum *
sancta confitetur Ecclesia.

Patrem * immensæ ma-
jestatis.

Venerandum tuum ve-
rum * et unicum Filium,

Sanctum quoque * para-
clitum Spiritum.

Tu Rex * gloriae Christe.

Tu Patris * sempiternus
es Filius.

Tu ad liberandum sus-
cepturus hominem, * non
horruisti Virginis uterum.

Tu, devicto mortis acu-
leo, * aperuisti credentibus
regna cœlorum.

Tu ad dexteram Dei se-
des * in gloria Patris.

*Incepto Hymno, Consecratus ducitur ab assisten-
tibus Episcopis cum mitris per Ecclesiam; et omni-
bus benedicit, Consecratore interim apud altare sine
mitra stante in eodem loco. Cum vero Consecratus
reversus fuerit ad sedem suam seu faldistorium, ite-
rum sedet, quo usque finiatur Hymnus prædictus;
Assistentes deponunt mitras, et stant apud Consecra-
torem.*

Finito Hymno, Consecrator stans sine mitra apud

Judex crederis * esse
venturus.

Te ergo, quæsumus, tuis famulis subveni, * quos
preioso sanguine rede-
misti.

Æterna fac * cum Sanctis tuis in gloria numerari.

Salvum fac populum tuum, Domine, * et benedic
hereditati tuæ.

Et rege eos, * et extolle
illos usque in æternum.

Per singulos dies * bene-
dicimus te.

Et laudamus nomen
tuum in sæculum * et in
sæculum sæculi.

Dignare, Domine, die
isto * sine peccato nos cus-
todire.

Miserere nostri, Domine,
* miserere nostri.

Fiat misericordia tua,
Domine, super nos; * que-
madmodum speravimus in
te.

In te, Domine, speravi;
* non confundar in æter-
num.

sedem seu faldistorium a parte dextera Consecrati dicit; vel si Officium cantatur, incipit, schola prosequente, Antiphonam :

Firmetur manus tua, et exaltetur dextera tua : justitia et judicium præparatio sedis tuæ. Gloria Patri, et Filio, et Spiritui sancto : Sicut erat in principio, et nunc et semper, et in sæcula sæculorum. Amen.

Et repetitur tota Antiphona ; qua finita, Consecrator dicit :

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Deus, omnium fidelium pastor et rector, hunc famulorum tuum, quem Ecclesiæ tuæ præesse voluisti, propitius respice : da ei, quæsumus, verbo et exemplo, quibus præest, proficere ; ut ad vitam, una cum grege sibi credito, perveniat sempiternam. Per Christum Dominum nostrum. ¶. Amen.

His dictis, Consecrator, detecto capite, manet ad cornu Evangelii altaris, apud quem Assistentes stant sine mitris.

Consecratus vero surgit, et accedens cum mitra et baculo Pastorali ante medium altaris, versus ad illud, signans se cum pollice dexteræ manus ante pectus, dicit :

Sit nomen Domini benedictum. ¶. Ex hoc nunc et usque in sæculum.

Deinde faciens signum crucis a fronte ad pectus, dicit :

Adjutorium nostrum in nomine Domini. ¶. Qui fecit cœlum et terram.

*Tum elevans ac jungens manus, et caput inclinans,
dicit :*

Benedicat vos omnipotens Deus.

*Et cum dixerit Deus, vertit se ad populum ei
tertio super eum signans benedicit, dicens :*

**Pa†ter, et Fi†lius, et Spiritus † sanctus.
¶ Amen.**

*Tum Consecrator accipit mitram, stans in cornu
Evangelii, versa facie ad cornu Epistolæ, apud
quem etiam stant Assistentes cum mitris; Conse-
cratus vero accedit ad cornu Epistolæ altaris, et
ibidem cum mitra et baculo genuflexus, versus ad
Consecratorem, dicit cantando :*

Ad multos annos.

*Deinde accedens ante medium altaris, ubi iterum,
ut prius genuflexus, dicit altius cantando :*

Ad multos annos.

*Postea accedit ad pedes Consecratoris, ubi tertio
genuflexus, ut supra, iterum altius cantando dicit :*

Ad multos annos.

*Tum Consecrator recipit eum surgentem ad oscu-
lum pacis; et similiter faciunt assistentes Episcopi,
qui Consecratum cum mitra et baculo Pastorali in-
cedentem, et Evangelium sancti Joannis In prin-
cipio erat Verbum etc. dicentem, post reverentiam
cruci super altare factam, inter se medium ducentes,
ad suam capellam revertuntur, ad se exuendum sa-
cristi vestibus; et interim dicit Antiphonam Trium pue-
rorum, et Canticum Benedicite. Consecrator vero
pacis osculo, ut præmittitur, Consecrato dato, dicit
submissa voce : Dominus vobiscum.*

Initium sancti Evangelii secundum Joannem.

In principio erat Verbum etc.

Signat altare, et se; et facta similiter cruci reverentia, apud sedem vel faldistorium deponit sacras vestes, interim etiam dicens Antiphonam Trium puerorum et Canticum Benedicite etc.; quibus depositis, Consecratus Consecratori et Assistentibus suis pro more gratias agit; et vadunt in pace omnes.

Quando Electus in Patriarcham, vel Archiepiscopum consecratur, forma præmissa in omnibus observatur; sed per hujusmodi consecrationem non assument sibi nomen Patriarchæ, vel Archiepiscopi, quod per traditionem Pallii dumtaxat sibi attribuitur, usque ad quam dicitur Electus, etiam post consecrationem prædictam, prout infra dicetur. Electus vero in Episcopum, cum primum consecratus est Episcopus, vocatur non Electus.

In anniversario consecrationis Episcopi dicitur Missa ut in Missali Romano.

DE PALLIO.

Cum Pallium a Sede Apostolica mittitur, Pontifex, cui res ipsa committitur, statuta die cum electo convenit in Ecclesia sua, si commode fieri potest, vel alia Ecclesia suæ diæcessis vel provinciæ magis commoda, in qua Missarum solemnia peragantur. Et, facta communione per celebrantem, Pallium reponitur supra medium altaris extensum, et serico, in quo involutum portatum fuit, coopertum. Deinde peractis Missarum solemnniis, Pontifex indutus amictu, stola, pluviali, et mitra, sedens ante altare super faldistorio, capit juramentum fidelitatis, nomine Sedis Apostolicæ, ab ipso Electo, omnibus Pontificalibus paramentis ac si celebraturus esset, mitra ta-

*men et chirothecis demptis, induito, ante se genuflexo,
juxta formam per litteras Apostolicas traditam.*

FORMA JURAMENTI.

Ego N. Electus Ecclesiæ N. ab hac hora in antea fidelis etc. prout habetur in Consecratione Electi in Episcopum, pag. 62.

Explato juramento ab Electo, dictus Pontifex in gremio suo librum Evangeliorum ambabus manibus apertum tenens, inferiore parte libri Electo versa, ab eo præstationem hujusmodi juramenti recipit, et Electo adhuc coram eo genuflexo, dicente :

Sic me Deus adjuvet, et hæc sancta Dei Evangelia.

Tum Pontifex respondet : Deo gratias.

Juramento præstito, Pontifex surgit cum mitra, et Pallium de altari accipit, et illud super humeros Electi adhuc ante se genuflexi imponit, dicens :

Ad honorem omnipotentis Dei, et beatæ Mariæ semper virginis, ac beatorum Apostolorum Petri et Pauli, Domini nostri N. Papæ N., et sanctæ Romanæ Ecclesiæ, nec non Ecclesiæ N. tibi commissæ, tradimus tibi Pallium de corpore beati Petri sumptum, in quo est plenitudo Pontificalis officii, cum Patriarchalis (vel archiepiscopal) nominis appellatione; ut utaris eo intra Ecclesiam tuam certis diebus, qui exprimuntur in privilegiis ab Apostolica Sede concessis. In nomine Pa † tris, et Fi † lii et Spiritus † sancti. ¶. Amcn.

Quo dato, Pontifex, detecto capite, vadit ad cornu Evangelii altaris, et Patriarcha, vel Archiepiscopus surgit cum Pallio; et ascendens ad altare, crucem suam ante se habens, si sit in Ecclesia sua, vel alia suæ diæcessis vel provinciæ, detecto capite benedicit

populo solemniter, dicens : Sit nomen Domini etc.

Qua benedictione data, dimissis in Ecclesia paramentis, omnes ad sua revertuntur.

Et quia Pontificalis officii plenitudo confertur per Pallium, antequam obtinuerit quis Pallium, licet sit consecratus, non sortitur nomen Patriarchæ, Primatis, aut Archiepiscopi; et non licet ei Episcopos consecrare; nec convocare Concilium; nec Christma confidere; neque Ecclesias dedicare; nec Clericos ordinare, etiam si Pallium in alia Ecclesia habuisset, cum oporteat petere novum Pallium.

Potest tamen, quando vult, Missam sine Pallio et sandaliis celebrare.

Potest etiam hujusmodi consecrationes ante Pallii receptionem alteri committere, dummodo non sit in mora petendi Pallium.

Neque ante habitum Pallium potest Electus ante se crucem deserre, sed tantum postea.

Nec potest Patriarcha, vel Archiepiscopus uti Pallio extra suum Patriarchatum vel provinciam, et non omni tempore, sed tantum in Ecclesiis, in Missarum solemnibus, in Festis præcipuis; non in processionibus, neque in Missis pro defunctis. Et quia Pallium est personale, ideo commodari non potest; neque in morte alicui relinqui; sed Patriarcha, vel Archiepiscopus, cum eo sepeliri debet.

**DIES, QUIBUS PALLIO UTI POTEST PATRIARCHA, SIVE
ARCHIEPISCOPUS, SUNT HI :**

Nativitas Domini nostri Jesu Christi.

Sancti Stephani Protomartyris.

Sancti Joannis Apostoli et Evangelistæ.

Circumcisio Domini.

Epiphania Domini.

Dominica in Palmis.

Feria quinta in Cœna Domini.

Sabbatum sanctum.

Dominica Resurrectionis cum duobus diebus sequentibus.

Dominica in albis.

Ascensio Domini.

Dominica Pentecostes.

Festum Corporis Christi.

Festivitates quatuor beatæ Mariæ semper Virginis, Purificationis, Annuntiationis, Assumptionis, et Nativitatis.

Nativitas sancti Joannis Baptistæ.

Festum omnium Sanctorum.

Festivitates omnium Apostolorum.

Dedicationes Ecclesiarum.

Principales Festivitates Ecclesiæ suæ.

Ordinationes Clericorum.

Consecrationes Episcoporum et Virginum.

Dies anniversarius Dedicationis Ecclesiæ et Consecrationis suæ.

DE BENEDICTIONE ABBATIS.

Imprimis Benedicendus provideat de mandato Apostolico benedictionem sibi impendendam Pontifici committente.

Deinde statuta die benedictionis, quæ debet esse Dominica, vel festiva, tam ipse Pontifex quam Electus, convenit quod die præcedenti jejunent.

In Ecclesia, ubi benedictio fiet, ornantur duæ capellæ, major pro Pontifice, minor pro Electo. In majori quidem, super altari parato, ut est moris, erit crux in medio, et ad minus quatuor candelabra. In terra ad gradus altaris erunt tapetia strata.

Paratur etiam in loco congruo credentia pro Pontifice, super quam erit mappa munda, duo

candelabra, vasa ad abluendum manus cum suis mantilibus; vas cum aqua benedicta, et aspersorio; thuribulum cum navicella, cochleari, et incenso; ampullæ pro vino, et aqua pro sacrificio; Calix; hostiaria cum hostiis.

Item paramenta omnia Pontificalia coloris temporis et officio Missæ convenientis, videlicet: sandalia, amictus, alba, cingulum, crux pectoralis, stola, tunicella, dalmatica, chirothecæ, planeta, mitra auriphrygiata, annulus Pontificalis, baculus Pastoralis, et manipulus.

Item paratur faldistorium ornatum pro Pontifice, et tria scabella pro Electo et duobus Abbatibus assistentibus, Missale, et Pontificale. Pontifex habeat tres Capellanos ad minus, cum superpelliceis, et duos scutiferos ad credentiam. In capella vero minore pro Electo, quæ a majori debet esse distincta, paratur altare cum cruce et duobus candelabris, et super illud Missale, et Pontificale, ac paramenta omnia Pontificalia albi coloris, ut supra pro Pontifice numerata sunt. Et hoc, si Abbas benedicendus sit de mitra. Si vero non sit de mitra, parantur tantum paramenta Sacerdotalia, et ultra illa, pluviale album; prope altare sit credentia minor cum mappa munda et vasis ad abluendum manus. Ponuntur etiam quinque mappulæ æqualis mensuræ, factæ ex una canna cum dimidia panni linei subtilis; et candelæ octo, unius libræ quælibet, quarum quatuor super altare Pontificis, duæ super ejus credentiam, et duæ super altare Electi ponuntur. Annulus cum gemma benedicendus, et Electo tradendus; vestes monasticæ, seu regulares; et pro Offertorio intortitia duo, quatuor librarum quodlibet; duo panes magni; et duo barilia vini; panes, et barilia ornentur, duo videlicet videantur ar-

gentea, et duo aurea, hinc et inde insignia Pontificis, et Monasterii seu Electi habentia, cum capello, vel cruce, vel mitra pro cuiusque gradu et dignitate.

Ad sint duo Abbates assistentes, qui sint induiti superpelliceo, stola, pluviali, et mitra simplici alba.

Hora igitur competenti Pontifex, Electus, Assistentes, et alii, qui benedictioni interesse debent, ad Ecclesiam conveniunt, et Pontifex, facta oratione ante altare, ascendit ad sedem, si sit in Ecclesia sua, vel accedit ad faldistorium in capella sua, iuxta cornu altaris Epistole preparatum, et ibi de more paratur. Interim etiam Abbates assistentes sua paramenta praedicta capiunt. Quibus sic paratis, Pontifex sedet cum mitra super faldistorium, ante medium altaris sibi paratum. Electus vero in habitu suo quotidiano, medius inter Abbates assistentes paratos et mitratos, Pontifici cum debitis reverentiis presentatur, atque eidem mandatum Apostolicum traditur. Quo publice lecto per Pontificis notarium, Electus genuflectit ante Pontificem qui surgit, deposita mitra, et super eum dicit Orationes sequentes, nisi jam sit professus.

v. Adjutorium nostrum in nomine Domini.
¶. Qui fecit cœlum et terram.

v. Dominus vobiscum. ¶. Et cum spiritu tuo.

OREMUS.

Deus, indulgentiæ Pater, qui severitatem tuæ distinctionis temperans, indulsti ne filius portet iniquitatem patris; et qui mira dispensatione, etiam malis bene utens, tuæ dignationis gratiam per eos frequenter operaris: quæsumus clementiam tuam, ut huic famulo tuo non obsistat, quod habitum religionis, per nos, tanta ac tali re indignos, accipit;

sed ministerium, quod exterius per nos exhibetur, tu interius per donum Spiritus sancti exequaris. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. R. Amen.

OREMUS.

Deus, qui per coæternum Filium tuum cuncta creasti, quique mundum peccatis inveteratum per mysterium sanctæ Incarnationis ejus renovare dignatus es : te suppliciter exoramus, ut ejusdem Domini nostri gratia super hunc famulum tuum abrennuntiationem sæculi profitentem clementer respicere digneris ; per quam in spiritu suæ mentis renovatus, veterem hominem cum actibus suis exuat, et novam, qui secundum Deum creatus est, induere mereatur. Per eumdem Christum Dominum nostrum. R. Amen.

OREMUS.

Domine Jesu Christe, qui es via, sine qua nemo venit ad Patrem, quæsumus clementiam tuam, ut hunc famulum tuum a carnalibus desideriis abstractum, per iter disciplinæ regularis deducas, et qui peccatores vocare dignatus es, dicens : Venite ad me omnes qui laboratis et onerati estis, et ego vos reficiam ; præsta ut hæc vox invitationis tuæ ita in eo convalescat, quatenus peccatorum onera deponnens, et quam dulcis es gustans, tua refectione sustentari mereatur. Et sicut attestari de ovibus tuis dignatus es, agnosce eum inter oves tuas ; ut ipse te agnoscat, et alienum non sequatur, sed te; neque audiat vocem aliorum, sed tuam, qua dicis : Qui mihi ministrat, me sequatur. Qui vivis et regnas, Deus, per omnia sæcula sæculorum. R. Amen.

OREMUS. .

**Sancte Spiritus, qui te Deum, ac Dominum mortali-
bus revelare dignatus es , immensam tuæ pietatis
gratiam postulamus ; ut, sicut ubi vis, spiras, sic et
huic famulo tuo affectum devotionis indulgeas. Et
quoniam tua sapientia est conditus, tua quoque
providentia gubernetur. Quem juxta tibi consue-
tam gratiam unctio tua de omnibus doceat ; et per
intercessionem sancti N. quem præcipuum hujus
sanctæ institutionis leglatorem dedisti, nec non et
aliorum Sanctorum, ad quorum nomina professionem
facit, eum a vanitate sæculi veraciter converte.
Et sicut es omnium peccatorum remissio, ita deprimentes
impietatis colligationes in eo dissolve ; et ad
observantiam hujus sancti propositi fac eum ita cer-
tatum fervere, ut in tribulationibus et angustiis,
tua indeficienti consolatione valeat respirare ; ut
juste, et pie, per veram humilitatem, atque obedien-
tiam in fraterna charitate fundatus, quod, te donante,
hodie promittit, felici perseverantia compleat.
Quod ipse præstare digneris, qui cum Deo
Patre, sanctoque unigenito Filio ejus Domino nos-
tro Jesu Christo, vivis et gloriaris, Deus, per infi-
nita sæcula sæculorum. ¶ Amen.**

*Deinde benedicuntur vestes, quæ novæ afferun-
tur, et tenentur per unum ex ministris Electi co-
ram Pontifice, qui stans, sine mitra, dicit :*

¶. Dominus vobiscum. ¶. Et cum spiritu tuo.

OREMUS.

**Domine Jesu Christe, qui tegumen nostræ mortali-
tatis induere dignatus es, obsecramus immensam
tuæ largitatis abundantiam , ut hoc genus vesti-
menti, quod sancti Patres ad innocentiae, vel humili-
tatis indicium abrenuntiantes sæculo ferre sanxe-
runt, tu ita bene † dicere digneris, ut hic famulus**

tuus, qui hoc induitus fuerit vestimento, te quoque induere mereatur. Qui vivis et regnas, Deus, per omnia sæcula sæculorum. R. Amen.

Et aspergit vestes cum aqua benedicta. Post hæc Pontifex sedet cum mitra, et exuit Electum veste sæculari, dicens :

Exuat te Dominus veterem hominem, cum actibus suis.

Et mox induit illum habitum manasticum, dicens :

Induat te Dominus novum hominem, qui secundum Deum creatus est in justitia et sanctitate veritatis.

Tunc, deposita mitra, surgit Pontifex, et dicit :

OREMUS.

Deus misericors, Deus clemens, cui cuncta bona placent, sine quo nihil boni inchoatur, nihilque boni perficitur ; adsint nostris hamillimis precibus tuæ pietatis aures ; et hunc famulum tuum, cui in tuo sancto nomine habitum sacræ religionis imponimus, a mundi impedimento, vel sæculari desiderio defende ; et concede ei, ut in hoc sancto proposito devotus persistere, et, remissione peccatorum percepta, ad electorum tuorum valeat pervenire consortium. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Quibus dictis, sedet Pontifex, et imponitur sibi mitra; et Electus, professionem emissurus, junctis ante pectus manibus, coram eo genuflexus, dicit :

Suscipe me, Domine, secundum eloquium tuum, et vivam ; et non confundas me ab expectatione mea.

Circumstantibus, vel Monachis, si sit in suo monasterio, respondentibus :

Suscepimus, Deus, misericordiam tuam, in medio templi tui.

¶. Gloria Patri, et Filio, et Spiritui sancto.

¶. Sicut erat in principio, et nunc, et semper, et in sæcula sæculorum. Amen.

Et hoc ter, tam per Electum quam per circumstantes, repetitur. Deinde Electus ante altare et Pontificem se prosternit in terram; et dicuntur sequentes Psalmi per Pontificem sedentem cum mitra, circumstantibus respondentibus.

PSALMUS 47.

*Magnus Dominus, et laudabilis nimis * in civitate Dei nostri, in monte sancto ejus.*

*Fundatur exultatione universæ terræ mons Sion, * latera Aquilonis, civitas Regis magni.*

*Deus in domibus ejus cognoscetur, * cum suscipiet eam.*

*Quoniam ecce reges terræ congregati sunt : * converunt in unum.*

*Ipsi videntes sic admirati sunt, conturbati sunt, commoti sunt : * tremor apprehendit eos.*

*Ibi dolores ut parturientis, * in spiritu vehementi conteres naves Tharsis.*

Sicut audivimus, sic vidimus in civitate Domini virtutum, in civitate Dei

*nostri : * Deus fundavit eam in æternum.*

*Suscepimus, Deus, misericordiam tuam, * in medio templi tui.*

*Secundum nomen tuum Deus, sic et laus tua in fines terræ : * justitia plena est dextera tua.*

*Lætetur mons Sion, et exultent filiæ Judæ, * properter judicia tua, Domine.*

*Circumdate Sion, et complectimini eam : * narrate in turribus ejus.*

*Ponite corda vestra in virtute ejus; * et distribuite domos ejus, ut enarretis in progenie altera.*

*Quoniam hic est Deus, Deus noster in æternum, et in sæculum sæculi : * ipse reget non in sæcula.*

Gloria Patri. Sicut erat.

PSALMUS 50.

Miserere mei, Deus : * secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab ini- quitate mea : * et a peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum judicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta et occulta sapientiae tuae manifestasti mihi.

Asperges me hyssopo, et mundabor : * lavabis me et super nivem dealbabor.

Auditui meo dabis gaudium et laetitiam : * et exultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum

rectum innova in visceribus meis.

Ne projicias me a facie tua : * et Spiritum sanctum tuum ne auferas a me.

Redde mihi laetitiam salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus, Deus, Deus salutis meæ : * et exultabit lingua mea justitiam tuam.

Domine labia mea ape- ries : * et os meum annun- tiabit laudem tuam.

Quoniam si voluisses sa- crificium, dedissem uti- que : * holocaustis non de- lectaberis.

Sacrificium Deo spiritus contribulatus : * cor con- tritum et humiliatum, Deus, non despicies.

Benigne fac, Domine, in bona voluntate tua Sion : * ut ædificantur muri Je- rusalem.

Tunc acceptabis sacri- cium justitiae, oblationes, et holocausta : * tunc im- ponent super altare tuum vitulos.

Gloria Patri. Sicut erat etc.

*Psalmus 132. Ecce quam bonum, et quam jucundum : * habitare fratres in unum etc. Et totus dicitur cum Gloria Patri, ut supra habetur, pag. 76.*

Quibus finitis, Pontifex, deposita mitra, surgit et dicit : Pater noster.

℣. Et ne nos inducas in temptationem. ℟. Sed libera nos a malo.

℣. Salvum fac servum tuum, Domine. ℟. Deus meus sperantem in te.

℣. Mitte ei, Domine, auxilium de sancto. ℟. Et de Sion tuere eum.

℣. Nihil proficiat inimicus in eo. ℟. Et filius iniqutatis non apponat nocere ei.

℣. Domine, exaudi orationem meam. ℟. Et clamor meus ad te veniat.

℣. Dominus vobiscum. ℟. Et cum spiritu tuo.

OREMUS.

Deus, qui non vis mortem peccatoris, sed per pœnitentiam et emendationem, vitam semper inquiris ; te suppliciter deprecamur, ut huic famulo tuo sæcularibus actibus renuntianti, large tuæ pie-tatis gratiam infundere digneris : quatenus castris tuis insertus, ita tibi militando, statum vitae præsentis percurrere valeat, ut bravium æternæ remuneratio-nis, te donante, percipiat. Per Christum Domi-num nostrum. ℟. Amen.

His dictis, sedet Pontifex, et mitram accipit; ac coram eo genuflexus Electus emittens profes-sionem, ex præscripto cuiusque congregatio-nis, in charta scriptam, quam in manibus tenet, et legit.

Qua lecta, ponit chartam ipsam super altare;

et iterum, ut prius, genuflectit coram Pontifice incipiente, et schola prosequente, Antiphonam :

**Confirma hoc Deus, quod operatus es in nobis,
a templo sancto tuo quod est in Jerusalem.**

*Qua dicta, Pontifex adhuc cum mitra sedens,
accipit eum in congregationem, et societatem
aliorum Monachorum sui ordinis, dicens :*

Omnis, quamvis per gratiam Baptismi fratres simus in Christo, et unum Patrem habeamus in cœlo, si ejus præceptis, prout possumus, obsequimur, procul dubio tunc maxime unimur, quando orationibus et beneficiis invicem nos copulamus ; quemadmodum in primitiva Ecclesia sancti Patres, quibus cor unum et anima una erat, fecisse leguntur, quorum plures Christi amore mente accensi, possessiones et facultates rerum vendentes, congregatis in unum pretiis, ad Apostolos ferebant gaudentes. Quæ Apostoli accipientes, tribuebant omnibus, prout opus erat. Sicque iste nihilominus, Deo inspirante, eorum exemplo commonitus, Religiosorum ordinis sancti N. optat conjungi consortiis. Idecirco damus ei communem societatem vivendi cum illis, quantum a Domino possumus promereri, et nostrum est largiri ; quatenus cum electis a remuneratore omnium bonorum valeat præmia repromissa percipere; præstante Domino nostro Jesu Christo, qui cum Patre et Spiritu sancto, vivit et regnat Deus, per omnia sæcula sæculorum.
†. Amen.

Quo dicto, Pontifex et omnes Monachi præsentes, recipiunt eum ad osculum pacis.

Deinde Electus vadit ad capellam suam, in qua paratur amictu, alba, cingulo, et stola in modum Presbyteri, ac pluviali; et associatus medius inter duos Abbatibus induitos superpelliceo, stola,

pluviali, et mitra simplici, si Benicendus sit de mitra; alias inter Priorem et seniorem, aut duos seniores Religiosos sui, si adsunt, aut alterius monasterii, indutos superpelliceo et pluviali, ducitur ad Pontificem in faldistorio ante altare sedentem, cui, deposito bireto, se humiliter inclinans facit reverentiam, Assistentes etiam, detectis capitibus, illa inclinantes, Pontificem venerantur. Tum sedent omnes eo ordine, prout in consecratione Episcopi supra dictum est. Et, postquam parum quieverint, surgunt omnes, capitibus detectis, et senior Assistentium, stans detecto capite versus ad Pontificem dicit: Adest etc., ut infra.

DE BENEDICTIONE ABBATIS

AUTORITATE APOSTOLICA.

Adest, reverendissime Pater, Electus monasterii N. ordinis sancti N. diœcesis N. quem ad vestram reverendissimam Paternitatem, ex parte conventus ejusdem monasterii duximus præsentandum, humiliter postulantes a vobis, ut ipsum in Abbatem dicti monasterii, Auctoritate Apostolica vobis commissa, dignemini ordinare.

Pontifex interrogat eos, dicens: Habetis mandatum Apostolicum? Respondet ille: Habemus. Pontifex dicit: Legatur.

Tunc notarius Pontificis accipiens mandatum a præsentante, illud legit a principio usque ad finem. Interim omnes sedent, tectis capitibus.

Quo totaliter perfecto, Pontifex dicit : Deo gratias.

Vel si benedictio fit vigore litterarum Apostolicarum, per quas etiam juramenti receptio committur, litteris lectis, antequam Pontifex aliquid dicat, Electus de scabello suo veniens, coram Pontifice genuflectit, et legit juramentum de verbo ad verbum, juxta formam juramenti prout infra.

Ego N. Electus monasterii N. ordinis sancti N. diœcesis N. ab hac hora in antea fidelis et obediens ero beato Petro Apostolo, sanctæque Romanæ Ecclesiæ, et Domino nostro Domino N. Papæ N. suisque successoribus canonice intrantibus. Non ero in consilio, aut consensu, vel facto, ut vitam perdant aut membrum, seu capiantur mala captione, aut in eos violenter manus quomodolibet ingerantur, vel injuriæ aliquæ inferantur quovis quæsito colore. Consilium vero, qnod mihi credituri sunt per se, aut Nuntios suos, seu litteras, ad eorum damnum, me sciente, nemini pandam. Papatum Romanum, et Regalia sancti Petri adjutor eis ero ad retinendum et defendendum, salvo meo ordine, contra omnem hominem. Legatum Apostolicæ Sedis in eundo et redeundo honorifice tractabo, et in suis necessitatibus adjuvabo. Jura, honores, privilegia, et auctoritatem sanctæ Romanæ Ecclesiæ, Domini nostri Papæ, et successorum prædictorum, conservare, defendere, augere, et promovere curabo. Neque ero in consilio, vel facto, seu tractatu in quibus contra ipsum Dominum nostrum, vel eamdem Romanam Ecclesiam aliqua sinistra, vel præjudicia personarum, juris, honoris, status, et potestatis eorum machinentur. Et, si talia a quibuscumque tractari, vel procurari novero, impeadiam hoc pro posse : et quanto citius potero, signi-

ficabo eidem Domino nostro, vel alteri per quem possit ad ipsius notitiam pervenire. Regulas sanctorum Patrum, decreta, ordinationes, seu dispositiones, reservationes, provisiones, et mandata Apostolica, totis viribus observabo, et faciam ab aliis observari. Hæreticos, schismaticos, et rebelles eidem Domino nostro, vel successoribus prædictis pro posse persequar, et impugnabo. Vocatus ad synodum, veniam, nisi præpeditus fuero canonica præpeditione. Possessiones vero ad monasterium meum pertinentes non vendam, nec donabo, neque impignorabo, nec de novo infeudabo, vel aliquo modo alienabo, etiam cum consensu conventus monasterii mei, inconsulto Romano Pontifice. Et si ad aliquam alienationem devenero, pœnas in quadam super hoc edita constitutione contentas, eo ipso incurrere volo.

Quo per eum lecto, Pontifex supra gremium suum librum Evangeliorum apertum tenens, inferiori parte libri Electo versa, ab eo præstationem hujusmodi juramenti recipit, Electo dicente : Sic me Deus adjuvet, et hæc sancta Dei Evangelia.

Et textum Evangeliorum ambabus manibus tangente, tum, non prius, dicit Pontifex : Deo gratias.

Deinde Electo et Assistentibus sedentibus, Pontifex intelligi voce legit sequens examen.

Antiqua sanctorum Patrum institutio docet et præcipit, ut is, qui ad regimen animarum eligitur, examinari et interrogari debeat de diversis causis et moribus, quæ huic regimini congruunt, ac necessaria sunt. Eadem igitur auctoritate, te, frater charissime, interrogamus.

Interrogatio.

Vis tuum sanctum propositum, et sancti N. re-

gulam observare, tibique subjectos, ut id ipsum faciant, diligenter instruere?

Electus assurgens, detecto capite, ad istam et ad omnes alias responsiones sequentes respondet: Volo.

Interrogatio.

Vis mores tuos ab omni malo temperare, et quantum, adjuvante Domino, poteris, ad omne bonum commutare? R. Volo.

Interrogatio.

Vis castitatem, sobrietatem, humilitatem, et patientiam, cum Dei adjutorio, in te ipso custodire, subditosque tuos talia docere? R. Volo.

Interrogatio.

Vis res monasterii tibi commissi fideliter custodire, et in usus Ecclesiæ, fratrum, pauperum, et peregrinorum distribuere? R. Volo.

Interrogatio.

Vis sanctæ matri Ecclesiæ Romanæ, ac Sanctissimo Domino N. Summo Pontifici, ejusque successoribus fidem, subjectionem, obedientiam, et reverentiam devote, et fideliter per omnia perpetuo exhibere? R. Volo.

Si vero Benedicendus exemptus non est, neque auctoritate Apostolica, sed ab ordinario suo Pontifice benedicitur, post predictas omnes interrogations subjungitur etiam sequens, quæ alias omittitur, quando Benedicendus est ab ordinaria jurisdictione exemptus.

Interrogatio.

Vis sanctæ Ecclesiæ N. (nominando Ecclesiam Patriarchalem, Metropolitanam, seu Cathedram, cuius Prælati jurisdictioni Electus Abbas, seu ejus monasterium subjecti existunt) mihiue

eiusdem Patriarchæ vel Archiepiscopo, vel Episcopo, et meis successoribus fidem, subjectionem, obedientiam, et reverentiam, devote, et fideliter perpetuo exhiberere ? ¶ Volo.

Si autem benedicendus Abbas, non exemptus auctoritate Apostolica, ab alio quam Ordinario suo Pontifice benedicitur, Pontifex benedictionem ei impensurus, loco interrogationis proxime positæ, et illa omissa, sequentem subjungit, dicens : Vis sanctæ Ecclesiæ N. (nominando Ecclesiam Patriarchalem, Metropolitanam, seu Cathedralem, cuius Pontificis jurisdictioni electus Abbas, seu ejus monasterium subjecti existunt) illiusque Patriarchæ aut Archiepiscopo, vel Episcopo, ac suis successoribus fidem, subjectionem, obedientiam, et reverentiam, devote, et fideliter perpetuo exhibere ? ¶ Volo.

Subjungit Pontifex :

*Hæc omnia, et cetera bona tribuat tibi Dominus, et custodiat te, atque corroboret in omni bonitate.
¶ Amen.*

Tunc Electus ante Pontificem genuflexus osculatur ejus manum. Deinde, deposita mitra, surgit Pontifex, et stans versus ad altare, facit Confessionem, Electo a sinistris sibi respondente. Qua finita, Pontifex ascendens ad altare, osculatur ilud, et Evangelium in Missa dicendum; atque incensat altare more solito : deinde accedit ad sedem suam, et procedit in Missa usque ad Alleluia, sive ultimum Versum Tractus vel Sequentiæ exclusive. Si vero Missa legitur, osculato altari et Evangelio, omissa incensatione, omnia prædicta leguntur in altari. Electus vero vadit cum Assistantibus ad capellam suam; ubi, deposito pluviali, accipit sandalia, dicens Psalms consuetos ante

Missam. Tum accipit crucem pectoralem; et aptatur ei stola ut ab humeris dependeat; deinde sumit tunicellam, dalmaticam, planetam, et manipulum, et hoc, si ex privilegio mitra uti possit; qua si uti sibi licet, et prius sit professus, ac Missa legatur, potest accipere sandalia, et dicere Psalmum Quam dilecta etc., ac paramenta omnia Sacerdotalia capere, dempta planeta, cuius loco accipit pluviale, ante inchoationem officii, eo tempore, quo Pontifex eum benedicturus Pontificalia paramenta recipit. Si vero non sit de mitra, deposito pluviali, et retenta stola in modum Presbyteri, accipit planetam tantum. Qua indutus, stans in altari suo medius inter Assistentes, prosequitur Missam usque ad Alleluia, si dicitur; sive ultimum Versum Tractus vel Sequentiæ exclusive. Et cum dicit Dominus vobiscum, non se debet ad populum vertere. Missa dicitur de die cum Collecta pro Electo sub uno Per Dominum, cum Collecta diei per Pontificem.

ORATIO.

Concede, quæsumus, Domine, huic famulo tuo, ut prædicando, et exercendo quæ recta sunt, per exemplum bonorum operum animos suorum instruat subjectorum; et æternæ remunerationis mercedem a te piissimo Pastore percipiat. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Electus vero dicit Orationem :

Concede, quæsumus Domine, mihi famulo tuo, ut prædicando, et exercendo quæ recta sunt, per exemplum bonorum operum animos meorum instruam subjectorum; et æternæ remunerationis mercedem a te piissimo Pastore percipiam. Per Domi-

num nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. ¶ Amen.

Dicto Graduali, si Alleluia est dicendum, alioquin dicto etiam Tractu, vel Sequentia usque ad ultimum Versum exclusive, Pontifex sedet cum mitra in faldistorio suo ante altare, et ante eum reducitur Electus per Assistentes; et facta Pontifici reverentia, ut prius, surgit Pontifex, et genuflexus cum mitra procumbit in faldistorio suo.

Assistentes genuflectunt ante scabella. Electus vero ad sinistram Pontificis prosternit se. Tunc cantores incipiunt, choro respondente, vel, si non sint cantores et chorus, dicit Pontifex, ceteris sibi respondentibus, Antiphonam:

Ne reminiscaris, Domine, delicta nostra, vel parentum nostrorum; neque vindictam sumas de peccatis nostris, Domine Deus noster.

PSALMUS 6.

Domine, ne in furore tuo arguas me : * neque in ira tua corripias me.

Miserere mei, Domine, quoniam infirmus sum : * sana me, Domine, quoniam conturbata sunt ossa mea.

Et anima mea turbata est valde : * sed tu Domine, usquequo?

Convertere, Domine, et eripe animam meam : * salvum me fac propter misericordiam tuam.

Quoniam non est in morte qui memor sit tui :

* in inferno autem quis confitebitur tibi?

Laboravi in gemitu meo, lavabo per singulas noctes lectum meum : * lacrymis meis stratum meum rigabo.

Turbatus est a furore occlus meus : * inveteravi inter omnes inimicos meos.

Discedite a me omnes qui operamini iniquitatem : * quoniam exaudiuit Dominus vocem fletus mei.

Exaudiuit Dominus deprecationem meam : * Do-

minus orationem meam suscepit.

Erubescant, et conturbentur vehementer omnes inimici mei : * convertan-

tur, et erubescant valde velociter.

Gloria Patri. Sicut erat etc.

PSALMUS 31.

Beati, quorum remissae sunt iniquitates : * et quorum tecta sunt peccata.

Beatus vir, cui non imputavit Dominus peccatum ; * nec est in spiritu ejus dolus.

Quoniam tacui, inveteraverunt ossa mea : * dum clamarem tota die.

Quoniam die ac nocte gravata est super me manus tua : * conversus sum in ærumna mea, dum configitur spina.

Delictum meum cognitum tibi feci : * et injustiam meam non abscondi.

Dixi, Confitebor adversum me injustitiam meam Domino : * et tu remisisti impietatem peccati mei.

Pro hac orabit ad te omnis sanctus : * in tempore opportuno.

Verumtamen in diluvio aquarum multarum : * ad

eum non approximabunt.

Tu es refugium meum a tribulatione, quæ circumdedit me : * exultatio mea, erue me a circumstantibus me.

Intellectum tibi dabo, et instruam te in via hac, qua gradieris : * firmabo super te oculos meos.

Nolite fieri sicut equus, et mulus : * quibus non est intellectus.

In camo, et freno maxillas eorum constringe : * qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino, et exultate justi : * et gloria mini omnes recti corde.

Gloria Patri. Sicut erat etc.

PSALMUS 37.

Domine, ne in furore tuo arguas me : * neque in ira tua corripias me.

Quoniam sagittæ tuae in-

fixæ sunt mihi : * et confirmasti super me manum tuam.

Non est sanitas in carne

inea a facie iræ tuæ : * non est pax ossibus meis a facie peccatorum meorum.

Quoniam iniquitates meæ supergressæ sunt caput meum : * et sicut onus grave gravatæ sunt super me.

Putruerunt, et corruptæ sunt cicatrices meæ : * a facie insipientiæ meæ.

Miser factus sum et curvatus sum usque in finem : * tota die contristatus ingrediebar.

Quoniam lumbi mei impleti sunt illusionibus : * et non est sanitas in carne mea.

Afflictus sum , et humiliatus sum nimis : * rugiebam a gemitu cordis mei.

Domine, ante te omne desiderium meum : * et gemitus meus a te non est absconditus.

Cor meum conturbatum est, dereliquit me virtus mea : * et lumen oculorum meorum, et ipsum non est tecum.

Amici mei, et proximi mei : * adversum me appropinquaverunt, et steterunt.

Et qui juxta me erant, de longe steterunt . . . et vim faciebant, qui quærebant animam meam.

Et qui inquirebant mala

mihi, locuti sunt vanitates : * et dolos tota die meditabantur.

Ego autem tanquam surdus non audiebam : * et sicut mutus non apriens os suum.

Etfactus sum sicut homo non audiens : * et non habens in ore suo redargutiones.

Quoniam in te, Domine, speravi : * tu exaudies me, Domine Deus meus.

Quia dixi, Nequando supergaudeant mihi inimici mei : * et dum commoventur pedes mei, super me magna locuti sunt.

Quoniam ego in flagella paratus sum : * et dolor meus in conspectu meo semper.

Quoniam iniquitatem meam annuntiabo : * et cogitabo pro peccato meo.

Inimici autem mei vivunt, et confirmati sunt super me : * et multiplicati sunt qui oderunt me inique.

Qui retribuunt mala pro bonis, detrahebant mihi : * quoniam sequebar honestatem.

Ne derelinquas me, Domine Deus meus : * ne discesseris a me.

Intende in adjutorium

meum : * Domine Deus | Gloria Patri. Sicut erat
salutis meæ. | etc.

*Psalmus 50. Miserere mei Deus : * secundum magnam misericordiam tuam etc. Et totus dicitur cum Gloria Patri, ut supra habetur, pag. 97.*

PSALMUS 101.

Domine, exaudi orationem meam : * et clamor meus ad te veniat.

Non avertas faciem tuam a me : * in quacumque die tribulor, inclina ad me aurem tuam.

In quacumque die invocavero te : * velociter exaudi me.

Quia defecerunt sicut sumus dies mei : * et ossa mea scicu^t cremium aruerunt.

Percussus sum ut fœnum, et aruit cor meum : * quia oblitus sum comedere panem meum.

A voce gemitus mei : * adhæsit os meum carni meæ.

Similis factus sum pellcano solitudinis : * factus sum sicut nycticorax in domicilio.

Vigilavi ; * et factus sum sicut passer solitarius in tecto.

Tota die reprobarabant mihi inimici mei : et qui laudabant me, adversum me jurabant.

Quia cinerem tanquam panem manducabam : * et potum meum cum fletu miscebam.

A facie iræ et indignationis tuæ : * quia elevans allisisti me.

Dies mei sicut umbra declinaverunt : * et ego sicut fœnum arui.

Tu autem, Domine, in æternum permanes : * et memoriale tuum in generationem, et generationem.

Tu exurgens misereberis Sion : * quia tempus misericordi ejus, quia venit tempus.

Quoniam placuerunt servis tuis lapides ejus : * et terræ ejus miserebuntur.

Et timebunt gentes nomen tuum ; Domine : * et omnes reges terræ gloriam tuam.

Quia ædificavit Dominus Sion : * et videbitur in gloria sua.

Respexit in orationem humilium : * et non sprexit preceum eorum.

Scribantur hæc in generatione altera : * et populus, qui creabitur, laudabit Dominum.

Quia prospexit de excelso sancto suo : * Dominus de cœlo in terram aspergit.

Ut audiret gemitus compeditorum : * ut solveret filios interemptorum.

Ut annuntient in Sion nomen Domini : * et laudem ejus in Jerusalem.

In conveniendo populos in unum : * et reges ut serviant Domino.

Respondit ei in via virtutis suæ : * Paucitatem dierum meorum nuntia mihi.

Ne revokes me in dimi-

dio dierum meorum : * in generationem et generationem anni tui.

Initio tu, Domine, terram fundasti : * et opera manuum tuarum sunt cœli.

Ipsi peribunt, tu autem permanes : * et omnes sicut vestimentum veterascent.

Et sicut opertorium matabis eos, et mutabuotur : * tu autem idem ipse es, et anni tui non deficient.

Fili seruorum tuorum habitabunt : * et semen eorum in sæculum dirigeatur.

Gloria Patri. Sicut erat etc.

PSALMUS 129.

De profundis clamavi ad te, Domine : * Domine, exaudi vocem meam.

Fiant aures tuæ intendentæ, * in vocem depreciationis meæ.

Si iniurias observaveris, Domine : * Domine, quis sustinebit?

Quia apud te propitiatio est : * et propter legem tuam sustinui te, Domine.

Sustinuit anima mea in

verbo ejus : * speravit anima mea in Domino.

A custodia mafutina usque ad noctem, * speret Israel in Domino.

Quia apud Dominum misericordia : * et copiosa apud eum redemptio.

Et ipse redimet Israel, * ex omnibus iniuriatibus ejus.

Gloria Patri. Sicut erat, etc.

PSALMUS 142.

Domine, exaudi orationem meam, auribus percipe obsecrationem meam in veritate tua : * exaudi me in tua justitia.

Et non intres in iudicium cum servo tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliavit in terra vitam meam.

Collocavit me in obscuris sicut mortuos saeculi : * et anxiatus est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis : * in factis manuum tuarum meditabar.

Expandi manus meas ad te : * anima mea sicut terra sine aqua tibi.

Velociter exaudi me Domine : * defecit spiritus meus.

Deinde repetitur Antiphona Ne reminiscaris Domine etc., supra ante Psalmos posita. Et subiunguntur immediate Litanie, quae habentur in ordinatione Subdiaconi, pag. 29. Cumque in iis dictum fuerit :

Ut omnibus fidelibus etc. ¶ Te rogamus audinos.

Non avertas faciem tuam a me : * et similis ero descendenteribus in lacum.

Auditam fac mihi mane misericordiam tuam : * quia in te speravi.

Notam fac mihi viam in qua ambulem : * quia ad te levavi animam meam.

Eripe me de inimicis meis, Domine, ad te confugi : * doce me facere voluntatem tuam, quia Deus meus es tu.

Spiritus tuus bonus deducet me in terram rectam : * propter nomen tuum, Domine, vivificabis me in æquitate tua.

Educes de tribulatione animam meam : * et in misericordia tua disperdes inimicos meos.

Et perdes omnes, qui tribulant animam meam : * quoniam ego servus tuus sum.

Gloria Patri. Sicut erat, etc.

Surgit ab accubitu Pontifex, et in manum sinistram accipit baculum pastoralem, et conversus ad Electum dicit :

Ut hunc præsentem Electum bene + dicere digneris. ¶ Te rogamus audi nos.

Deinde dicit :

Ut hunc præsentem Electum bene + dicere, et sancti + sicare digneris. ¶ Te rogamus audi nos.

Producendo singulis vicibus super Electum manu dextera signum crucis; et mox reddit ad accubitum, et perficiuntur Litaniæ : quibus finitis. Pontifex deposita mitra, surgit, et stans versus ad Electum prostratum manentem, dicit :

Pater noster etc.

¶. Et ne nos inducas in temptationem. ¶ Sed libera nos a malo.

¶. Salvum fac servum tuum, Domine. ¶ Deus meus sperantem in te.

¶. Mitte ei, Domine, auxilium de sancto. ¶ Et de Sion tuere eum.

¶. Hic accipiet benedictionem a Domino. ¶ Et misericordiam a Deo salutari suo.

¶. Memor esto congregationis tuæ. ¶ Quam possidisti ab initio.

¶. Dominus custodiat introitum tuum, et exitum tuum. ¶ Ex hoc nunc, et usque in sæculum.

¶. Dominus custodiat te ab omni malo. ¶ Custodiat animam tuam Dominus.

¶. Domine Deus virtutum, converte nos. ¶ El ostende faciem tuam, et salvi erimus.

¶. Domine, exaudi orationem meam. ¶ Et clamens ad te veniat.

¶. Dominus vobiscum. ¶ Et cum spiritu tuo.

OREMUS.

Concede, quæsumus, omnipotens Deus, affectui nostro tuæ miserationis effectum ; et hunc famulum tuum, quem ad regimen animarum eligimus, gratiæ tuæ dono prosequere ; ut, te largiente, cum ipsa tibi nostra electione placeamus. Per Christum Dominum nostrum. R. Amen.

OREMUS.

Cunctorum bonorum institutor Deus, qui per Moysen famulum tuum, ad gubernandas Ecclesias præpositos instituisti, tibi supplices fundimus preces, teque devotis mentibus exoramus ; ut hunc famulum tuum, quem communis electio famulorum tuorum Abbatem ovium tuarum esse constituit, protectionis tuæ gratia munire digneris ; sicque regere subditos, commendatasque oves concedas, ut cum illis omnibus regna cœlorum adipiscatur; quatenus te, Domine, opulante, Apostolicis jugiter fultus doctrinis, centesimo cum fructu lætus introeat portas paradisi ; atque a te, Domine, collaudante audire mereatur : Euge serve bone, et fidelis, quia super pauca fuisti fidelis, super multa te constituum, intra in gaudium Domini tui. Quod ipse præstare digneris, qui vivis, et regnas Deus.

Tum surgit Electus, et ante Pontificem genuflectit, et Pontifex, extensis manibus ante pectus, dicit :

Per omnia sæcula sæculorum. R. Amen.

†. Dominus vobiscum. R. Et cum spiritu tuo.

†. Sursum corda. R. Habemus ad Dominum.

†. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere; Domine

sancte, Pater omnipotens, æterne Deus, affluentem spiritum tuæ bene † dictionis super hunc famulum tuum, nobis orantibus, propitius infunde.

Hic Pontifex imponit ambas manus extensas, digitis non disjunctis, super caput Electi; et eas sic tenet dicens :

Ut qui per nostræ manus impositionem hodie Abbas constituitur, sanctifi † catione tua dignus, a te electus permaneat ; et numquam postmodum a tua gratia separetur indignus.

Hic Pontifex amovet manus de capite Electi, ac eas ante pectus extensas tenens, dicit :

Suscipiat, te Domine largiente, hodie in bono opere perseverantium, in adversis constantiam, in tribulationibus tolerantiam, in jejunis desiderium, in impietatibus misericordiam, in humilitate principatum, in superbia odium, in fide dilectionem, in doctrina pervigilantiam, in castitate continentiam, in luxuria abstinentiam, in varietatibus moderationem, in moribus doctrinam : te tribuente, Domine, talis in hoc ministerio perseveret, qualis Levita electus ab Apostolis sanctus Stephanus meruit perdurare. Totam ab hac die mundanam conversationem despiciat ; tua Domine bene † dictione largiente, contemnat præsentia, diligat cœlestia, desideret sempiterna. Sit exemplum et forma justitiæ, ad gubernandam regendamque Ecclesiam tuam fideliter ; ut speculator idoneus inter suos collegas semper efficiatur. Sit magni consilii, industria censuræ et efficacia disciplinæ. Ita, te Domine tribuente, in omnibus maledicitionibus tuis sine reprehensione tibi mundo corde serviens, ut ad bravum supernæ vocationis, multiplicato fœnore, cum centesimo fructu, coronaque justitiæ, ad cœlestium thesaurorum dona tua perveniat.

Quod sequitur dicit submissa voce legendo, ita tamen, quod a circumstantibus intelligi possit. Præstante Domino nostro Iesu Christo, qui cum Patre, et Spiritu sancto vivit et regnat Deus, per omnia sæculorum. R. Amen.

Deinde dicit :

OREMUS.

Deus, cui potestas et dignitas famulatur, da huic famulo tuo prosperum suæ dignitatis effectum, in qua semper te timeat, tibique jugiter placere contendat. Per Christum Dominum nostrum. R. Amen.

OREMUS.

Omnium, Domine, fons bonorum, justorumque proiectuum munerator; tribue, quæsumus, huic famulo tuo adeptam bene gerere dignitatem, et a te sibi præstitam bonis operibus comprobare. Per Christum Dominum nostrum. R. Amen.

OREMUS.

Exaudi, Domine, preces nostras, quas in conspectu tuæ majestatis super hunc famulum tuum fundimus, qui vice tui nominis ad gubernationem ovium tuarum statuitur; ut eum respicere, et interveniente beato N. bene † dicere digneris; et qui ad redemptionem, et protectionem nostram de cœlo descendisti, et mundo te verum et summum Pastorem exhibuisti, dicens: Ego sum pastor bonus; te invocamus, te suppliciter deprecamur, ut huic famulo tuo, quem pastoralis officii culmen subire voluisti, tua bonitas adsit et bene † dictio omnibus diebus vitæ suæ. Protege eum, Domine, et defende ab omnibus visibilium, et invisibilium adversitatibus iniunicorum; dirige gressus ejus in viam pacis et justitiae; et largire tuarum dona virtutum, justitiam, temperantiam, fortitudinem, prudentiam,

charitatem , sobrietatem , patientiam , longanimitatem, constantiam insuperabilem, fidem non fictam, spem inconcussam, mentem devotam, humilitatem perfectam , intelligentiam rectam , benignitatem , modestiam, unanimitatem, pacem, concordiam, castitatem , abstinentiam , vigilantiam , discretionem , rectitudinem , scientiam , pietatem , consilium , et in cunctis actibus bonis inviolatam perseverantiam. Aufer , Domine Jesu Christe , ab eo , quidquid pravum et distortum est, quidquid saluti contrarium, quidquid animæ nocivum ; superbiam , jactantiam , vanam gloriam, elationem, et quidquid ad ultimum tibi displicens esse potest. Circumda eum interius, et exterius tuæ protectionis auxilio ; ut te defensore, sit tutus ; te protegente, securus ; te docente, sciens. Ostende ei viam, per quam ambulet ; tribue ei thesaurum sapientiæ , ut sciat et habeat unde nova et vetera proferat. Fac eum in omnibus tua sequi vestigia et de sua ministratio gaudium bonum adipisci ; ut post hujus sæculi excusum, cum ante tribunal tuum venerit , cum multiplici fructu animalium , illud ei præmium largiaris cum omnibus quos tibi præsentabit , quod fidelibus dispensatoribus tuis , pro tuo nomine laborantibus in terris, te promisisti daturum esse in cœlis. Qui cum Patre, et Spiritu sancto vivis , et regnas Deus in sæcula sæculorum. R. Amen.

Postea sedens Pontifex, accepta mitra, dat ei ambabus manibus tangenti et recipienti regulam, dicens :

Accipe regulam a sanctis Patribus traditam ad regendum, custodiendumque gregem tibi a Deo creditum , quantum Deus ipse te confortaverit . et fragilitas humana permiserit. Accipe gregis Dominici paternam providentiam , et animalium procurationem; et per divinæ legis incedendo præcepta, sis ei

**dux ad cœlestis hereditatis pascua , adjuvante Do-
mino nostro Jesu Christo, qui cum Patre et Spiritu
sancto vivit , et regnat Deus in sæcula sæculorum.
¶. Amen.**

*Deinde , deposita mitra , surgit Pontifex , et
stans benedicit baculum Pastoralem , si non sit
benedictus , dicens :*

OREMUS.

**Sustentator imbecillitatis humanæ , Deus , be-
ne † dic baculum istum ; et quod in eo exterius de-
signatur, interius in moribus hujus famuli tui ,
propitiationis tuæ clementia operetur. Per Chris-
tum Dominum nostrum. ¶. Amen.**

*Deinde aspergit illum aqua benedicta. Tum se-
dens accipit mitram , et stans tradit baculum Ab-
bati coram se genuflexo ambabus manibus illum
capienti , dicens :*

**Accipe baculum Pastoralis officii, quem præfe-
ras catervæ tibi commissæ : ut sis in corrigendis vi-
tiis pie sæviens ; et cum iratus fueris, misericordiæ
memor eris.**

*Deinde , deposita mitra , surgit Pontifex , et be-
nedicit annulum , si non sit benedictus , dicens :*

OREMUS.

**Creator, et conservator humani generis, dator
gratiae spiritualis, largitor æternæ salutis; tu Do-
mine, emitte benedic † tionem tuam super hunc an-
nulum ; ut quicumque hoc sacrosanctæ fidei signo
insignitus incesserit in virtute cœlestis defensionis ,
ad æternam sibi proficiat salutem. Per Christum
Dominum nostrum. ¶. Amen.**

*Post hæc aspergit annulum aqua benedicta ; se-
det cum mitra , et annulum in digitum annularem
dexteræ manus Abbatis immittit, dicens :*

Accipe annulum, fidei scilicet signaculum ; qua-

tenus sponsam Dei, sanctam videlicet Ecclesiam, intemerata fide ornatus, illibate custodias.

Tum deposita mitra, surgit Pontifex, et stans versus ad illum coram se genuflexum, dicit :

OREMUS.

Te, omnipotens et piissime Domine, deprecamur, hunc famulum tuum propitius intuere; ut, gratia tua auxiliante, in sua, subiectorumque conversatione præcepta sanetæ regulæ efficaciter studeat adimplere, ut una cum commisso sibi grege perpetua potiatur beatitudine. Per Christum Dominum nostrum. R. Amen.

His expeditis, Pontifex accipit Abbatem ad osculum pacis. Idem faciunt Assistentes. Tum surgens Pontifex accedit ad altare, si Missa legitur: si vero cantatur, accedit ad sedem suam, vel ad faldistorium, et ibi prosequitur Missam usque ad Offertorium inclusive.

Abbas autem redit cum Assistentibus ad capellam suam, et ibi in altari suo similiter Missam prosequitur usque ad Offertorium inclusive; quo dicto, Pontifex sedet ante altare in faldistorio cum mitra, et Abbas ante eum medius inter Assistentes reducitur, et coram eo genuflexus, offert ei duo intortilia accensa, duos panes, et duo barilia vino plena, et Pontificis prædicta recipientis manum reverenter osculatur; deinde surgit Abbas; Pontifex vero lavat manus, et accedit ad altare, ac prosequitur Missam. Abbas vero ante scabellum, super quod coram se habeat Missale in loco convenienti, medius inter Assistentes suos genuflexus, legit totam Missam, exceptis verbis consecrationis, quæ non proferet.

Pro Abate benedicto, cum Secreta diei sub uno Per Dominum, per Pontificem dicitur :

SECRETA.

Munera nostra, quæsumus Domine, suscipe placatus; et hunc famulum tuum semper et ubique misericorditer protege. Per Dominum nostrum Iesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Per Abbatem dicitur :

SECRETA.

Munera, quæsumus Domine, suscipe placatus, et me famulum tuum semper et ubique misericorditer protege. Per Dominum nostrum Iesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Dicta Oratione, Domine Iesu Christe, qui etc., per Pontificem et Abbatem, Abbas accedit ad altare ad dexteram Pontificis, et ambo osculantur altare. Tum Pontifex dat pacem Abbat dicens : Pax tecum.

Cui Abbas respondet : Et cum spiritu tuo.

Et reddit ad suum scabellum, et dat pacem Assistentibus suis, primum seniori, tum alteri, singulis dicens : Pax tecum.

Et illi respondent : Et cum spiritu tuo.

Deinde postquam Pontifex se de Corpore, et Sanguine (quem totum sumere debet) communicaverit, et antequam se purificet, communicat Abbatem genuflexum de Corpore tantum. Tum Pontifex, accepta mitra, lavat manus ; et prosequitur Missam usque ad finem. Abbas etiam in scabello suo Missam perficit.

Postcommunio, quæ dicitur sub uno Per Dominum, cum Postcommunione diei per Pontificem :

POSTCOMMUNIO

Hæc nos communio, Domine, purget a crimine; et hunc famulum tuum benigna pietate conservet. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Per Abbatem dicitur :

POSTCOMMUNIO.

Hæc nos communio, Domine, purget a crimine; et me famulum tuum benigna pietate conservet. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Pontifex in fine dat benedictionem solemnem; qua data, si Abbas est de mitra, reponitur faldistorium ante medium altaris, et Pontifex cum mitra in eo sedet. Abbas vero biretum in capite tenens coram eo genuflectit. Tunc Pontifex deposita mitra, surgit, et benedit mitram, si non sit benedicta, dicens :

OREMUS.

Domine Deus, Pater omnipotens, cuius præclara bonitas est, et virtus immensa, a quo omne datum optimum, et omne donum perfectum, totiusque decoris ornamentum, bene † dicere, et sancti † ficare dignare hanc mitram hujus famuli tui Abbatis capiti imponendam. Per Christum Dominum nostrum. R. Amen.

Et mox eam aspergit aqua benedicta; deinde sedens cum mitra, imponit eam capiti Abbatis, dicens :

Imponimus, Domine, capiti hujus famuli tui Abbatis galeam munitionis, et salutis; quatenus decorata facie, et armato capite cornibus utriusque

Testamenti, terribilis appareat adversariis veritatis ; et, te ei largiente gratiam, impugnator eorum robustus existat, qui Moysi famuli tui faciem ex tui sermonis consortio decoratam, lucidissimis tuæ claritatis ac veritatis cornibus insignisti, et capiti Aaron Pontificis tui tiaram imponi jussisti. Per Christum Dominum nostrum. **R. Amen.**

Deinde, si chirothecæ non sint benedictæ, surgit Pontifex, mitra deposita, et eas benedicit dicens :

OREMUS.

Omnipotens creator, qui homini ad imaginem tuam condito, manus discretione insignitas, tamquam organum intelligentiæ, ad recte operandum dedisti ; quas servari mundas præcepisti, ut in eis anima digne portaretur, et tua in eis digne consecrarentur mysteria, bene† dicere, et sancti-† ficare dignare manum hæc tegumenta ; ut quicunque ministrorum tuorum sacrorum Pontificum his velare manus suas cum humilitate voluerit, tam cordis quam operis ei munditiam tua misericordia subministret. Per Christum Dominum nostrum. **R. Amen.**

Et aspergit eas aqua benedicta. Deinde, accepta mitra, sedet et imponit illas manibus Abbatis, extracto prius illi annulo Pontificali, dicens :

Circumda, Domine, manus hujus ministri tui munditia novi hominis, qui de cœlo descendit, ut quemadmodum Jacob dilectus tuus, pelliculis hœdorum opertis manibus, paternam beuedictionem, oblato patri cibo potuque gratissimo, impetravit, sic et iste, oblata per manus suas hostia salutari, gratiæ tuæ benedictionem impetrare mereatur Per Dominum nostrum Jesum Christum Filium tuum, qui in similitudinem carnis peccati, tibi pro nobis obtulit semetipsum. **R. Amen.**

Et statim imponit ei annulum. Si Abbas non sit de mitra, omnia, quæ post benedictionem, finita Missa, per Pontificem datam, posita sunt, prætermittuntur. Tum Pontifex mitram in capite tenens, campanis pulsantibus, si sit in monasterio Abbatis, dicit illum etiam mitram in capite tenentem, si sit de mitra, ad chorum, et statuens eum in sede prædecessoris sui, et dans ei baculum Pastoralem in manu sinistra, dicit :

Accipe plenam et liberam potestatem regendi hoc monasterium, et congregationem ejus, et omnia qua ad illius regimen interius et exterius, spiritualiter et temporaliter pertinere noscuntur.

Si vero benedictio fit extra monasterium suum. Pontifex statuit illum in faldistorio, quo ipse usus est, ante medium altaris posito, dicens :

Sta in justitia et sanctitate, et tene locum a Deo tibi delegatum; potens est enim Deus, ut augeat tibi gratiam suam.

Et Abbas, si non sit de mitra, biretum sibi ipsi reponit. Deinde Pontifex stans a dexteris Abbatis. versus ad altare, mitra deposita, incipit Hymnum. schola vel clericis prosequentibus :

Te Deum laudamus, pag. 83.

Et manet sine mitra apud sedem usque ad finem Hymni.

Dicto primo Versu, surgit Abbas, si sit de mitra, et circuiens per Ecclesiam, associatus q. suis Assistentibus cum mitris, benedicit populo rediens ad sedem seu faldistorium, in quo sedet, ei si sit in suo monasterio, recipit omnes monachos suos ad manus et oris osculum, qui tamen omnes prius ei reverentiam exhibeant. Si vero non sit de mitra, manet sedens in sede seu faldistorio,

cooperto capite a principio Hymni prædicti usque ad illius finem, et recipit omnes monachos suos ad osculum, ut supra. Finito Hymno, Pontifex stans sine mitra, a dextris Abbatis cum mitra (si sit de mitra, alioquin cum bireto) sedentis, dicit super eum :

- †. Confirma hoc, Deus, quod operatus es in nobis. ¶. A templo sancto tuo, quod est in Ierusalem.
- †. Salvum fac servum tuum, Domine. ¶. Deus meus sperantem in te.
- †. Esto ei, Domine, turris fortitudinis. ¶. A facie inimici.
- †. Nihil proficiat inimicus in eo. ¶. Et filius iniquitatis non apponat nocere ei.
- †. Domine, exaudi orationem meam. ¶. Et clamor meus ad te veniat.
- †. Dominus vobiscum. ¶. Et cum spiritu tuo.

OREMUS.

Exaudi, Domine, preces nostras, et super hunc famulum tuum spiritum tuæ bene + dictionis emitte ; ut cœlesti munere ditatus, et tuæ majestatis gratiam possit acquirere, et bene vivendi aliis exemplum præbere. Per Domïcum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶. Amen.

His dictis, Pontifex, accepta mitra, vadit ad cornu Evangelii altaris, apud quem stant Assistentes cum mitris. Abbas vero, si sit de mitra, surgit cum mitra et baculo Pastorali, et accedens ante medium altaris, populo solemniter benedicit, dicens : Sit nomen etc.

Postea accedit ad cornu Epistolæ altaris, et

ibidem cum mitra et baculo genuflexus, versus ad Pontificem, dicit cantando :

Ad multos annos. . .

Si vero non sit de mitra, omissa benedictione,
 • *dicit : Ad multos annos, ut supra dictum est; quo dicto, Pontifex recipit eum surgentem ad osculum pacis. Idem faciunt Assistentes, qui deinde Abbatem Evangelium sancti Joannis In principio erat Verbum etc. dicentem, inter se medium ad ejus capellam reducunt, cum mitra, si ea utitur, et baculo Pastorali incidentem. Pontifex vero, pacis osculo, ut præmittitur, Abbat dato, dicit submissa voce :*

Dominus vobiscum.

Initium sancti Evangelii secundum Joannem.

Signat altare et se; et apud sedem vel faldistorium deponit sacras vestes. Quibus depositis, Abbas Pontifici et Assistentibus, pro more, gratias agit; et vadunt in pace omnes.

DE BENEDICTIONE ABBATIS

AUCTORITATE ORDINARII.



Benedicendus Abbas, si non sit provisus a Sede apostolica, sed per Ordinarium suum aut ejus auctoritate benedicitur, die statuto pro ejus benedictione, ordinantur omnia quæ supra in benedictione Abbatis, auctoritate apostolica, posita sunt. Deinde Pontifex accipit omnia Pontificalia paramenta, et sedet cum mitra in faldistorio ante medium altaris præparato. Electus vero in sua capella indutus amictu, alba, cingulo, stola, pluviali, ac sandaliis, si illis ex privilegio uti pos-

sit, et Missa legenda sit, ducitur medius inter duos Abbates assistentes, superpelliceo, stola, pluviali, et mitra indutos, si sint ad hoc privilegiati, coram Pontifice; cui facta reverentia debita, Electus prosternit se in terram ante medium altaris; et Pontifex, deposita mitra, surgit, et incipit, schola prosequente, Antiphonam:

Confirma hoc Deus, quod operatus es in nobis, a templo sancto tuo quod est in Jerusalem.

Qua finita, incipit et dicit cum Assistantibus usque ad finem Psalmum sequentem; quo incepto, sedet cum mitra.

PSALMUS 67.

*Exurgat Deus, et dissipentur inimici ejus: * et fugiant, qui oderunt eum, a facie ejus.*

*Sicut deficit fumus, deficiant: * sicut fluit cera a facie ignis, sic pereant peccatores a facie Dei.*

*Et justi epulentur, et exultent in conspectu Dei: * et delectentur in lætitia.*

*Cantate Deo, Psalmum dicite nomini ejus: * Iter facite ei, qui ascendit super occasum: Dominus nomen illi.*

*Exultate in conspectu ejus, * turbabuntur a facie ejus: patris orphanorum, et judicis viduarum.*

*Deus in loco sancto suo: * Deus qui inhabitare facit unius moris in domo.*

*Qui educit vinctos in fortitudine, * similiter eos,*

qui exasperant, qui habitant in sepulchris.

*Deus cum egredereris in conspectu populi tui, * cum pertransires in deserto.*

*Terra mota est, etenim cœli distillaverunt a facie Dei Sinai, * a facie Dei Israël.*

*Pluviam voluntariam segregabis, Deus, hereditati tuæ: * et infirmata est, tu vero perfecisti eam.*

*Animalia tua habitabunt in ea: * parasti in dulcedine tua pauperi, Deus.*

*Dominus dabit verbum evangelizantibus, * virtute multa.*

*Rex virtutum dilecti, dilecti: * et speciei domus dividere spolia.*

Si dormiatis inter medios clerros pennæ colum-

bæ deargentata, * et posteriora dorsi ejus in pallore auri.

Dum discernit cœlestis reges supeream, nive dealbabuntur in Selmon : * mons Dei, mons pinguis.

Mons coagulatus, mons pinguis : * ut quid suspiccamini montes coagulatos?

Mons in quo beneplacatum est Deo habitare in eo : * etenim Dominus habitabit in finem.

Currus Dei decem millibus, multiplex, millia lætantium : Dominus in eis in Sina in sancto.

Ascendisti in altum, cepisti captivitatem : * acceperisti dona in hominibus.

Etenim non credentes, * inhabitare Dominum Deum.

Benedictus Dominus die quotidie : * prosperum iter faciet nobis Deus salutarium nostroruui.

Deus noster, Deus salvos faciendi : * et Domini Domini exitus mortis.

Verumtamen Deus confringet capita inimicorum suorum : * verticem capilli perambulantium in delictis suis.

Dixit Dominus : Ex Basan convertam, * convertam in profundum maris.

Ut intingatur pes tuus

in sanguine : * lingua canum tuorum ex inimicis ab ipso.

Viderunt ingressus tuos, Deus, * ingressus Dei mei : regis mei qui est in sancto.

Prætenerunt principes conjuncti psallentibus, * in medio juvencularum tympanistiarum.

In Ecclesiis benedicite Deo Domino, * de fontibus Israel.

Ibi Benjamin adolescentulus, * in mentis excessu.

Principes Juda, duces eorum : * principes Zabulon, principes Nephtali.

Manda, Deus, virtutum tuae : * confirma hoc, Deus, quod operatus es in nobis.

A templo tuo in Jerusalem, * tibi offerent reges munera.

Increpa feras arundinis, congregatio taurorum in vaccis populorum : * ut excludant eos, qui probati sunt argento.

Dissipagentes, quæ bella volunt : venient legati ex Ægypto ; * Æthiopia præveniet manus ejus Deo.

Regna terræ, cantate Deo, * psallite Domino.

Psallite Deo qui ascendet super cœlum cœli : * ad orientem.

Ecce dabit voci suæ vocem virtutis, date gloriam.

Deo super Israel, * magnificientia ejus, et virtus ejus in nubibus.

Mirabilis Deus in sanctis suis, Deus Israel ipse dabit

virtutem, et fortitudinem plebi suæ, * benedictus Deus.

Gloria Patri. Sicut erat etc.

Deinde repetitur Antiphona Confirma etc. Tum, deposita mitra, surgit Pontifex, et stans versus ad Electum, dicit :

*. Salvum fac servum tuum, Domine. R. Deus meus sperantem in te.

*. Mitte ei, Domine, auxilium de sancto. R. Et de Sion tuere eum.

*. Memor esto congregationis tue. R. Quam possedisti ab initio.

*. Domine, exaudi orationem meam. R. Et clamor meus ad te veniat.

*. Dominus vobiscum. R. Et cum spiritu tuo.

OREMUS.

Omnipotens sempiterne Deus, qui facis mirabilia magna solus, prætende super hunc famulum tuum et super congregaciones illi commissas spiritum gratiæ salutaris ; et, ut in veritate tibi placeat, perpetuum ei rorem benedictionis infunde. Per Christum Dominum nostrum. R. Amen.

OREMUS.

Actiones nostras, quæsumus Domine, aspirando præveni et adjuvando prosequere; ut cuncta nostra oratio et operatio a te semper incipiatur, et per te cæpta finiatur. Per Christum Dominum nostrum. R. Amen.

Deinde surgit Electus, et una cum Assistantibus coram Pontifice genuflectit; et prior Assistentium dicit Pontifici :

Adest, reverendissime Pater, Electus monasterii

N. quem ad vestram reverendissimam Paternitatem ex parte conventus ejusdem monasterii duximus præsentandum, humiliter postulantes a vobis, ut ipsum in Abbatem dicti monasterii dignemini ordinare.

Tunc Pontifex interrogat eos, dicens :

Scitis illum esse dignum ? R. Scimus, et testificamur ipsum dignum esse.

Interrogatio.

Fuit ejus electio canonice et concorditer celebrata ? R. Fuit.

Pontifex dicit : Deo gratias.

Quo dicto, surgunt omnes et sedent in suis scabellis, et Pontifex prosequitur examen, dicens : Antiqua sanctorum Patrum etc., et omnia alia funt, prout supra, pag. 102, in benedictione Abbatis auctoritate Apostolica posita sunt.

Finito examine, et manu Pontificis per Electum osculata, idem Electus ante Pontificem genuflexus, coram se tenens schedulam scriptam et suo pendenti sigillo sigillatam, debitæ fidelitatis jurementum Pontifici, Ordinario suo, præstat in hunc modum.

Ego N. monasterii N. ordinandus Abbas, promitto coram Deo et Sanctis ejus, et hac solemni fratrum congregazione, fidelitatem, dignamque subjectionem, obedientiam, et reverentiam matri meæ Ecclesiæ N., nominando Ecclesiam cuius jurisdictioni ordinariæ subjectus existit, tibique N. Domino meo, ejusdem Ecclesiæ Patriarchæ, vel Archiepiscopo, aut Episcopo, et successoribus tuis, secundum sacrorum Canonum instituta, et prout præcipit inviolabilis auctoritas Pontificum Romanorum.

Deinde librum Evangeliorum, quem Pontifex super genua sua tenet apertum, inferiori parte ejusdem libri Electo versa, quem ipse Electus, ambabus manibus supra scripturam positis, tangit, dicens :

Sic me Deus adjuvet, et hæc sancta Dei Evangelia.

Tum schedulam ipsam Pontifici tradit; qui, illa recepta et mitra deposita, surgit, et facit Confessionem; et proceditur in omnibus et per omnia, prout supra ordinatum est, pag. 104.

DE BENEDICTIONE ABBATISSÆ.

Electa in Abbatissam, et confirmata, benedici debet in die Dominico, vel aliis, quibus consecrantur virgines, si non est prius consecrata, et velata; alioquin fieri potest qualibet die, hoc modo: Pontifex paratus omnibus Pontificalibus ornamentiis apud altare majus paratum, cum sua credentia et rebus consuetis, procedit in Missa usque ad Alleluia, si dicitur, sive ultimum Versum Tractus vel Sequentiæ exclusive. Interim Electa in veste sua audiat Missam in choro quæ dici debet de die, cum Collecta pro Electa, sub uno Per Dominum, per Pontificem celebrantem.

ORATIO.

Da, quæsumus Domine, huic famulæ tuæ, quam virginitatis honore dignatus es decorare, inchoati operis consummatum effectum; et ut perfectam tibi offerat plenitudinem, initia sua perducere mœreatur ad finem. Per Dominum nostrum Jesum Christum Filium tuum, qui tecum vivit et regnat in

unitate Spiritus sancti Deus, per omnia sæcula sæculorum. ¶ Amen.

Dicto Graduali, seu Tractu vel Sequentia, usque ad ultimum Versum exclusive, Pontifex accedit ad faldistorium ante medium altaris, et ibi sedet cum mitra. Electa vero e monasterio egressa, associata a duabus matronis senioribus, ac velo ante faciem demisso, Pontifici præsentata, coram eo genuflexa, in manibus habens schedulam scriptam et suo pendentí sigillo sigillatam, debite fidelitatis juramentum præstat Pontifici suo ordinario, in hunc modum :

Ego N. monasterii N. ordinanda Abbatissa, promitto coram Deo, et Sanctis ejus, et hac solemnis ororum congregatiōne, fidelitatem, dignamque subjectionem, obedientiam, et reverentiam, matri meæ Ecclesiæ N., nominando Ecclesiam, cuius jurisdictioni ordinariæ subjecta existit, tibique N. Dominō meo, ejusdem Ecclesiæ Patriarchæ, vel Archiepiscopo, aut Episcopo, et successoribus tuis, secundum sacrorum Canonum instituta, et prout præcipit inviolabilis auctoritas Pontificum Romanorum.

Si vero fuerit exempta, ita præstabit juramentum :

Ego N. monasterii N. ordinis Sancti N. diœcesis N. ab hac hora in antea, fidelis et obediens ero beato Petro Apostolo, sanctæquæ Romanæ Ecclesiæ et Domino nostro Domino Papæ N. N. suisque successoribus canonice intrantibus, et tibi, vel pro tempore existenti meæ religionis superiori, secundum regulam sancti Patris nostri N. et prædicti Ordinis constitutiones.

Deinde librum Evangeliorum, quem Pontifex super genua sua tenet apertum, inferiori parte ejus-

*dem libri. Electæ versa, quem ipsa Electa, am-
bus manibus supra scripturam positis, tangit, di-
cens :*

Sic me Deus adjuvet, et hæc sancta Dei Evan-
gelia.

*Tum schedulam ipsam Pontifici tradit, qui sur-
git cum mitra, et super faldistorium procumbit.
Electa vero prosternit se super tapete ad ejus si-
nistram; et chorus dicat Litanias prout supra,
pag. 29, in quibus cum dictum fuerit :*

Ut omnibus fidelibus etc. ¶. Te rogamus audi
nos.

*Pontifex surgit cum mitra, et baculum Pasto-
ralem in sinistra tenens, versus ad Electam dicit :*

Ut hanc præsentem Electam bene † dicere dignes-
ris. ¶. Te rogamus audi nos.

Deinde dicit :

Ut hanc præsentem Electam bene † dicere, et
sancti † ficare digneris. ¶. Te rogamus audi nos.

*Tum iterum procumbit, et perficiuntur Litanie;
quibus finitis, surgit Pontifex, Electa adhuc pro-
strata manente; et stans versus ad illam, deposita
mitra, dicit :*

Pater noster etc.

¶. Et ne nos inducas in temptationem. ¶. Sed libera
nos a malo.

¶. Salvam fac ancillam tuam, Domine. ¶. Deus
meus sperantem in te.

¶. Mitte ei, Domine, auxilium de sancto. ¶. Et
de Sion tuere eam.

¶. Hæc accipiat benedictionem a Domino. ¶. Et
misericordiam a Deo salutari suo.

¶. Memor esto congregationis tue. ¶. Quam pos-
sediti ab initio.

¶. Dominus custodiat introitum tuum; et exitum tuum. ¶. Ex hoc nunc, et usque in sæculum.

¶. Dominus custodiat te ab omni malo. ¶. Custodiat animam tuam Dominus.

¶. Domine Deus virtutum, converte nos. ¶. Et ostende faciem tuam, et salvi erimus.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Concede, quæsumus omnipotens Deus, affectui nostro tuæ miserationis effectum; et hanc famulam tuam, quam ad regimen animarum eligimus, gratiæ tuæ dono prosequere; ut, te largiente, cum ipsa tibi nostra electione placeamus. Per Christum Dominum nostrum. ¶. Amen.

OREMUS.

Cunctorum honorum institutor Deus, qui per Moysen famulum tuum, ad gubernandas Ecclesias præpositos instituisti, tibi supplices fundimus preces, teque devotis mentibus exoramus; ut hanc famulam tuam, quam communis electio famularum tuarum Abbatissam ovium tuarum esse constituit, protectionis tuæ gratia munire digneris; sicque regere subditas, commendatasque oves concedas, ut cum illis omnibus regna cœlorum adipiscatur; quantum, te, Domine, opitulante, apostolicis jugiter fulta doctrinis, centesimo cum fructu læta introeat portas paradisi, atque a te, Domine, collaudante audire mereatur: Euge serve bone, et fidelis, quia in pauca fuisti fidelis, super multa te constituam, intra in gaudium Domini tui. Quod ipse præstare digneris, qui vivis et regnas Deus, in sæcula sæcudrum. ¶. Amen.

His dictis, Electa surgit, et ante Pontificem genuflectit, qui prosequitur, manus ante pectus extensas tenens, dicens :

Per omnia sæcula sæculorum. R. Amen.

***. Dominus vobiscum. R. Et cum spiritu tuo.**

***. Sursum corda. R. Habemus ad Dominum.**

***. Gratias agamus Domino Deo nostro. R. Dignum et justum est.**

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus, affluentem spiritum tuæ bene † dictionis super hanc famulam tuam, nobis orantibus, propitius infunde.

Pontifex imponit ambas manus extensas, digitis tamen non disjunctis, super caput Electæ, et eas sic tenet, prosequendo :

Et quæ per nostræ manus impositionem hodie Abbatissa constituitur, sancti † ficatione tua digna, a te electa permaneat ; et numquam postmodum a tua gratia separetur indigna.

Pontifex amovet manus de capite Electæ, prosequens, ante pectus eas extensas tenens :

Suscipiat, te Domine largiente, hodie in bono opere perseverantiam, in adversis constantiam, in tribulationibus tolerantiam, in jejunii desiderium, in impietatibus misericordiam, in humilitate principatum, in superbia odium, in fide dilectionem, in doctrina pervigilantiam, in castitate continentiam, in luxuria abstinentiam, in varietatibus moderationem, in moribus doctrinam. Te auxiliante, Domine, talis in hoc ministerio perseveret, qualis levita electus ab Apostolis sanctus Stephanus meruit perdurare. Totam ab hac die mundanam conversationem despiciat ; tua, Domine, bene † dictione largiente,

contemnat præsentia , diligat cœlestia , desideret sempiterna. Sit exemplum et forma justitiæ, ad gubernandam regendamque Ecclesiam tuam fideliter ; ut speculatrix idonea inter suas collegas semper efficiatur. Sit magni consilii, industria censuræ et efficacia disciplinæ. Ita , te , Domine , tribuente, in omnibus mandatis tuis sine reprehensione tibi mundo corde serviens, ut ad bravium supernæ vocationis, multiplicato fœnore , cum centesimo fructu coronaque justitiæ , ad cœlestium thesaurorum dona tua perveniat.

*Quod sequitur dicit submissa voce, ita tamen,
quod a circumstantibus audiatur.*

Præstante Domino nostro Jesu Christo , qui cum Patre, et Spiritu sancto vivit et regnat in sæcula sæculorum. ¶. Amen.

*Tum Pontifex adhuc sine mitra, ut supra, stans
dicit :*

OREMUS.

Deus, cui omnis potestas et dignitas famulatur, da huic famulæ tuæ prosperum suæ dignitatiæ effectum, in qua semper te timeat, tibique jugiter placere contendat. Per Christum Dominum nostrum.
¶. Amen.

OREMUS.

Omnium, Domine, fons bonorum, justorumque proiectuum munerator, tribue, quæsumus, huic famulæ tuæ adeptam bene gerere dignitatem, et a te sibi præstitam bonis operibus comprobare. Per Christum Dominum nostrum. ¶. Amen.

OREMUS.

Concede, quæsumus, omnipotens Deus , famulæ tuæ, ut ostendendo et exercendo quæ recta sunt, per exemplum bonorum operum animas suarum

instruat subjectarum ; et æternæ remunerationis mercedem a te piissimo Pastore percipiat. Per Christum Dominum nostrum. ¶ Amen.

OREMUS.

Domine Deus omnipotens , qui sororem Moysi Mariam, præeuntem cum ceteris mulieribus, inter æquoreas undas cum tympanis et choris , lætam ad littus maris venire fecisti , te supplices deprecamur, pro hac fideli famula tua, quæ hodie super universas sibi subditas Abbatissa constituitur ; ut ita monastica vel canonica norma tueatur cunctas famulas tuas sibi commissas, quatenus ad æternam gloriam, te auxiliante, cum omnibus illis introeat læta, ibique exultans cum Angelis, canens cantica nova, sequatur Agnum quocumque ierit, Jesum Christum Dominum nostrum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Tum sedet Pontifex , accepta mitra , et tradit Abbatissæ, coram se genuflexæ, in manibus regulam, dicens :

Accipe regulam a sanctis Patribus traditam, ad regendum , custodiendumque gregem tibi a Deo commissum , quantum Deus ipse te confortaverit , et fragilitas humana permiserit. Accipe gregis dominici maternam providentiam , et animarum procurationem; et per divinæ legis incedendo præcepta, sis ei dux ad cœlestis hereditatis pascua ; adjuvante Domino nostro Jesu Christo , qui cum Patre et Spiritu sancto vivit et regnat Deus in sæcula sæculorum. ¶ Amen.

Deinde , si prius , dum erat monialis , non fuit velata, Pontifex, deposita mitra, surgit, et benedicit velum quod per unum ex ministris coram eo tenetur, dicens :

OREMUS.

Suppliciter te, Domine, rogamus, ut super hanc vestem ancillæ tuæ capiti imponendam, bene † dictio tua benigna descendat, et sit vestis hæc benedicta, consecrata, immaculata et sancta. Per Christum Dominum nostrum. R. Amen.

OREMUS.

Caput omnium fidelium, Deus, et totius corporis salvator, hoc operimentum velaminis, quod famula tua propter tuum, tuæque Genitricis beatissimæ Virginis Mariæ amorem suo capiti est impositura, dextera tua sancti † fica; et hoc, quod per illud mystice datur intelligi, tua semper custodia, corpore pariter et animo incontaminato custodiat; ut, quando ad perpetuam Sanctorum remunerationem venerit, cum prudentibus et ipsa virginibus præparata, te perducente, ad sempiternæ felicitatis nuptias introire mereatur. Qai vivis et regnas Deus, per omnia sæcula sæculorum. R. Amen.

Deinde aspergit velum ipsum aqua benedicta; tum sedens, accepta mitra, imponit illud super caput Abbatissæ, ita ut dependeat super scapulas, et ante pectus, et usque ad oculos, sic dicens:

Accipe velamen sacrum, quo cognoscaris mundum contempsisse, et te Christo Jesu veraciter, humiliterque, toto cordis annisu, sponsam perpetuali ter subdidisse, qui te ab omni malo defendat, et ad vitam perducat æternam. R. Amen.

Si vero Abbatissa prius velata fuit, omittuntur prædicta. His finitis, surgunt omnes, et Pontifex procedit in Missa, quam Abbatissa in loco ad partem audit. Incepto a choro Offertorio, et per Pontificem lecto, sedet Pontifex in faldistorio ante medium altaris, accepta mitra; et Abbatissa, præ-

*cedentibus eam duobus famulis duo intorticia ac-
censa portantibus, venit de loco suo, associata a
duabus matronis, et coram Pontifice genuflectit,
ac ei successive dicta duo intorticia offert, et Pon-
tificis ea recipientis manum osculatur; tum ad
locum suum revertitur.*

*Pontifex vero manus lavat, surgit, deposita mi-
tra, et Missam prosequitur.*

SECRETA.

Oblatis hostiis, quæsumus, Domine, præsenti fa-
mulæ tuæ perseverantiam perpetuæ virginitatis ac-
commoda; ut apertis japhuis, summi Regis adventu,
regnum cœleste cum lætitia mereatur intrare. Per
Dominum nostrum Jesum Christum Filium tuum,
qui tecum vivit, et regnat in unitate Spiritus sancti
Deus, per omnia sæcula sæculorum. *R. Amen.*

*Postquam Pontifex se communicaverit, Abba-
tissam communicet. Tum, accepta mitra, lavat
manus; deinde prosequitur Missam usque ad be-
nedictionem exclusive.*

POSTCOMMUNIO.

Respice, Domine, famulæ tibi debitam servitu-
tem, ut inter humanæ fragilitatis incerta, nullis ad-
versitatibus opprimatur, quæ de tua protectione
confidit. Per Dominum nostrum Jesum Christnm
Filium tuum, qui tecum vivit, et regnat in unitate
Spiritus sancti Deus, per omnia sæcula sæculorum
R. Amen.

*Dicto Ite Missa est, vel Benedicamus Domino.
et Placeat etc., Pontifex cum mitra inthronizat
Abbatissam in sede, et si sit in proprio monaste-
rio, dicit :*

*Accipe plenam et liberam potestatem regendi hoc
monasterium, et congregationem ejus, et omnia*

quæ ad illius regimen interius et exterius, spiritualiter et temporaliter pertinere noscuntur.

Si vero benedictio fit extra monasterium suum, Pontifex dicit :

Sta in justitia et sanctitate, et tene locum a Deo tibi delegatum ; potens est enim Deus, ut augeat tibi gratiam suam.

Tunc Pontifex stans a dexteris Abbatissæ, versus ad altare, mitra deposita, incipit cantando, schola prosequente, Hymnum :

Te Deum laudamus , pag. 83.

Et dicitur totus; et Pontifex manet sine mitra apud sedem usque ad finem Hymni. Interim dum cantatur Hymnus, Abbatissa revertitur ad monasterium, associata ut supra, et a monialibus senioribus excipitur intra portam, atque ad chorum perducitur, ubi moniales omnes faciunt ei reverentiam, singulariter genuflexæ ante illam, et recipiuntur ab ea benigne ad osculum. Finito Hymno, Pontifex stans sine mitra, sedente Abbatissa in sede sua in choro, super eam dicit :

℣. Confirma hoc, Deus, quod operatus es in nobis. ℘. A templo sancto tuo, quod est in Jerusalem.

℣. Salvam fac ancillam tuam, Domine. ℘. Deus meus sperantem in te.

℣. Esto ei, Domine, turris fortitudinis. ℘. A facie inimici.

℣. Nihil proficiat inimicus in ea. ℘. Et filius iniquitatis non apponat nocere ei.

℣. Domine, exaudi orationem meam. ℘. Et clamor meus ad te veniat.

℣. Dominus vobiscum. ℘. Et cum spiritu tuo.

OREMUS.

Famulam tuam, Domine, custodia muniat pietatis, ut virginitatis sanctæ propositum, quod, te inspirante, suscepit, te protegente, illæsum custodiat. Per Christum Dominum nostrum. ¶ Amen.

Deinde Pontifex, assumpta mitra, benedicit solemniter populo, dicens :

Sit nomen Domini etc.

Et benedictione data, vadunt omnes in pace.

DE BENEDICTIONE

ET CONSECRATIONE VIRGINUM.

Benedictio et consecratio Virginum fieri debet in Epiphania Domini, vel in Albis Paschalibus, aut in Natalitiis Apostolorum, seu in Dominicis diebus. Die vero præcedenti, hora vespertina, vel etiam mane, antequam Pontifex ad Missam se paret, in loco convenienti, præsentantur ei Virgines benedicendæ; qui de earum ætate, et proposito singulariter singulas, videlicet, an annum vigesimum quintum compleverint, si voluntatem et propositum servandæ virginitatis habeant, diligenter inquirit; et insuper seorsum cum qualibet de vita, et conscientia, et carnis integritate. Quo facto, super altari in cornu Epistolæ loqantur pro Virginibus benedicendis vestes, vela, annuli, et torques sive coronæ, tempore suo Virginibus tradenda. Deputantur paronymphæ matronæ seniores, et propinquæ earum, quæ Virgines associant, et præcedunt, collocant, ac deducunt ad Pontificem, et reducunt. Ordinatur etiam in Ecclesia papilio, aut alijs locus conveniens paratur, in quo Virgines ipse conveniunt, et suo tempore se vestiunt benedictis

vestibus. Post hæc, hora congrua, Pontifex paratus omnibus Pontificalibus paramentis, procedit more consueto ad Missam, et in ea usque ad Alleluia, sive ultimum Versum Tractus vel Sequentiæ exclusive.

Missa dicitur de die, cum Collecta pro Virginibus, sub uno Per Dominum.

ORATIO.

Da, quæsumus Domine, his famulabus tuis, quas virginitatis honore dignatus es decorare, inchoati operis consummatum effectum; et, ut perfectam tibi offerant plenitudinem, initia sua perducere mereantur ad finem. Per Dominum nostrum Jesum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Dicto Graduali, Tractu, vel Sequentia, usque ad ultimum Versum exclusive, Pontifex sedet cum mitra super faldistorium, ante medium altaris præparatum. Virgines vero in vestibus, quibus in monasterio usæ sunt, sine velis, sine mantellis, et sine cucullis e monasterio egressæ, associate singulæ a duabus matronis senioribus, et propinquis, ac velis ante faciem demissis, Ecclesiam ingrediuntur; et Archipresbyter superpelliceo et pluviali indutus cantat competenti voce hanc Antiphonam:

Prudentes virgines, aptate vestras lampades, ecce sponsus venit, exite obviam ei.

Virgines vero audientes vocem Archipresbyteri, et accidentes cereos suos, progrediuntur binæ et binæ. Archipresbyter vero præcedens statuit eas extra chorum, ut facies ad altare majus vertant, et Pontificem coram altari sedentem possint videre, et ipse eas. Tunc idem Archipresbyter in parte Virginum stans,

dicit competenti voce, in tono lectionis, ad Pontificem, Virginibus genuflectentibus :

Reverendissime Pater, postulat sancta mater Ecclesia catholica, ut has præsentes Virgines dignemini benedicere, et consecrare, ac Domino nostro Jesu Christo, summi Dei Filio, desponsare.

Pontifex interrogat, dicens :

Scis illas dignas esse?

Respondet Archipresbyter :

Quantum humana fragilitas nosse sinit, credo et testificor illas dignas esse.

Tunc Pontifex adhuc sedens cum mitra, dicit ad circumstantes :

Auxiliante Domino Deo, et Salvatore nostro Jesu Christo, eligimus has præsentes Virgines benedicere, et consecrare, ac Domino nostro Jesu Christo, summi Dei Filio, desponsare.

Deinde Pontifex vocat Virgines in cantu, dicens :
Venite.

Virgines respondent :

Et nunc sequimur.

Surgentes mox seriatim veniunt usque ad introitum chori, exterius tamen genua flectentes.

Tunc Pontifex eas secundo altius vocat in cantu, dicens :

Venite.

Virgines surgentes respondent similiter in cantu, dicentes :

Et nunc sequimur in toto corde.

Deinde usque ad medium chori procedunt, et ibi genua flectunt. Tunc Pontifex tertio altius vocat eas in cantu, dicens :

Venite filiae, audite me, timorem Domini docebo vos.

Virgines vero surgentes respondent cantantes Antiphonam :

Et nunc sequimur in toto corde, timemus te, et quærimus faciem tuam videre : Domine, ne confundas nos, sed fac nobis juxta mansuetudinem tuam, et secundum multitudinem misericordiae tuæ.

Et præmissa cantantes Virgines, magis appropinquantes ascendunt in Presbyterium ; ubi omnes coram Pontifice genuflectunt ; et capita profunde, quasi usque ad terram, inclinant. Deinde singulæ successive caput aliquantulum erigentes, cantant etiam hunc Versum :

Suscipe me, Domine, secundum eloquium tuum ; ut non dominetur mei omnis injustitia.

Quo per singulos dicto, surgunt omnes, et a matronis prædictis seriatim ordinantur, stantes ibidem in modum coronæ coram Pontifice, congruo tamen spatio distantes ab eo. Tunc Pontifex hortatur illas publice ad amplectendum, et servandum sanctæ virginitatis propositum ; et mox interrogat eas palam, et communiter dicens :

Vultis in sanctæ virginitatis proposito perseverare ?

Et singulæ respondent : Volumus.

Tunc unaquæque sigillatim genuflectit coram eo ; et immissis manibus junctis inter ambas manus Pontificis, Pontifex interrogat quamlibet dicens :

Promittis te virginitatem perpetuo servare ?

Respondet illa : Promitto.

Et Pontifex dicit : Deo gratias.

Illa vero osculatur manus Pontificis, surgitque, et ad suum locum revertitur et genuflectit. Omnibus autem sic per ordinem expeditis, et ad sua loca re-

versis et genuflexis, Pontifex communiter omnes interrogat, dicens :

Vultis benedici, et consecrari, ac Domino nostro Jesu Christo, summi Dei Filio, desponsari?

Respondent omnes : Volumus.

Post hæc Pontifex ante altare super faldistorium procumbit cum mitra; et ministri hinc et inde genuflectunt; Virgines vero post Pontificem super tapetia, in modum coronæ, prosternunt; et cantores incipiunt, et prosequuntur Litanias ut supra, pag. 29, Et postquam dictum fuerit, et a choro responsum :

Ut omnibus fidelibus etc. R. Te rogamus audi nos.

Pontifex surgit cum mitra, et vertens se ad Virgines prostratas, tenens baculum Pastoralem in sinistra, in pristino tono dicit, primo :

Ut præsentes ancillas tuas bene † dicere digneris.
R. Te rogamus audi nos.

Ut præsentes ancillas tuas bene † dicere, et sancti † sificare digneris. R. Te rogamus audi nos.

Quibus dictis, Pontifex redit ad accubitum, cantoribus Litanias, ubi dimiserant, reassumentibus et perficientibus. Quibus finitis, surgunt omnes, et dicitur Hymnus :

Veni, creator Spiritus etc, ut supra, pag. 50.

Pontifice, sine mitra ante altare genuflexo, incipiente, et choro illum prosequente usque ad finem; primo Versu dicto, Pontifice surgente et usque ad finem ejusdem Hymni sine mitra stante. Hymno dicto, Virgines ad papilionem, seu ad alium locum idoneum proximiorem, ad hoc ordinatum, revertuntur. Pontifex vero coram altare stans, deposita mitra, benedic Virginum vestes, dicens :

*. Dominus vobiscum. R. Et cum spiritu tuo,

OREMUS.

Deus æternorum honorum fidelissime promissor. certissime persolutor, qui vestimentum salutis et indumentum æternæ jucunditatis tuis fidelibus promisisti, clementiam tuam suppliciter exoramus, ut hæc indumenta, humilitatem cordis et contemptum mundi significantia, quibus famulæ tuæ ~~sancto~~ visibiliter sunt informandæ proposito, propitijs bene-[†] dicas; ut beatæ castitatis habitum, quem te inspirante, suscipiant, te protegente custodiant; et quas venerandæ vestibus promissionis induis temporaliter, beata facias immortalitate vestiri. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

OREMUS.

Domine Deus, bonarum virtutum dator, et omnium benedictionum largus infusor, te obnixis precibus deprecamur, ut has vestes bene [†] dicere, et sancti [†] ficare digneris, quas famulæ tuæ pro indicio cognoscendæ religionis induere se volunt; ut inter reliquas feminas tibi cognoscantur dicatæ. Per Christum Dominum nostrum. R. Amen.

OREMUS.

Exaudi, omnipotens Deus, preces nostras; et has vestes, quas famulæ tuæ ad seipsas operiendas exposcunt, uberrimæ benedictionis imbre perfunde, sicut perfudisti oram vestimentorum Aaron benedictione unguenti, profluentis a capite in barbam; et sicut benedixisti vestes omnium religiosorum tibi per omnia placentium, ita eas bene [†] dicere, et sancti [†] ficare digneris: ac præsta, clementissime Pater, ut supradictis famulabus tuis sint hæ vestes salutis protectio, hæ cognitio religionis, hæ initium sanctitatis, hæ contra omnia tela robusta

defensio, ut centesimi muneris opulentia, perseverante continentia, ditentur. Per Christum Dominum nostrum. *R. Amen.*

Et vestes aqua benedicta aspergit, quæ portantur Virginibus ad locum, ad quem divertunt; ubi dimissis quotidianis vestibus, induunt benedictas.

Pontifex autem stans, ut supra, benedicit vela Virginum, dicens :

OREMUS.

Suppliciter te, Domine, rogamus, ut super has vestes ancillarum tuarum capitibus imponendas, bene & dictio tua benigna descendat; et sint hæ vestes benedictæ, consecratæ, immaculatæ, et sanctæ. Per Christum Dominum nostrum. *R. Amen.*

OREMUS.

Caput omnium fidelium, Deus, et totius corporis salvator, hæc operimenta velaminum, quæ famulæ tuæ propter tuum, tuæque Genitricis beatissimæ Virginis Mariæ amorem suis capitibus sunt impo-situaræ, dextera tua sancti & fica; et hoc, quod per illa mystice datur intelligi, tua semper custodia, corpore pariter, et animo incontaminato custodian; ut, quando ad perpetuam Sanctorum remunerationem venerint, cum prudentibus et ipsæ virginibus preparatæ, te perducente, ad sempiternæ felicitatis nuptias introire mereantur. Qui vivis et regnas Deus, per omnia sæcula sæculorum. *R. Amen.*

Et vela ipsa aqua benedicta aspergit.

Post hæc stans adhuc, ut supra, Pontifex benedicit annulos, dicens :

OREMUS.

Creator, et conservator humani generis, dator gratiæ spiritualis, et largitor humanæ salutis; tu,

Domine, emitte bene † dictionem tuam super hos annulos ; ut, quæ eos gestaverint, cœlesti virtute munitæ, fidem integrum, fidelitatemque sinceram teneant ; sicut sponsæ Christi virginitatis propositum custodiant, et in castitate perpetua perseverent. Per Christum Dominum nostrum. **R. Amen.**

Et aqua benedicta eos aspergit.

Tum stans adhuc sine mitra Pontifex, benedicit torques, sive coronas, dicens :

OREMUS.

Bene † dic, Domine, ornamenta ista ; et præsta, per invocationem tui nominis, ut quæcumque ea portaverint, si tibi fideliter servierint, coronam, quam illa designant, in cœlo percipere mereantur. Qui in Trinitate perfecta vivis et regnas Deus, per omnia sæcula sæculorum. **R. Amen.**

Deinde eas aqua benedicta aspergit.

His expletis, Virgines, benedictis vestibus, exceptis velis, induitæ, binæ et binae, seriatim redeunt ad Pontificem, cantantes Responsorium :

Regnum mundi, et omnem ornatum sæculi contempsi propter amorem Domini nostri Jesu Christi,
* Quem widi, quem amavi, in quem credidi, quem dilexi. **V.** Eructavit cor meum verbum bonum, dico ego opera mea regi. * Quem.

Tum disponuntur a paranympsis ante altare genuflexæ coram Pontifice, in modum coronæ, vultibus demissis : Pontifex vero surgit, mitra deposita, et versus ad eas, dicit :

OREMUS.

Respice, Domine, propitius super has famulas tuas, ut sanctæ virginitatis propositum, quod, te inspirante, suscepérunt, te gubernante, custodiant. Per Dominum nostrum Jesum Christum Filium

tuum, qui tecum vivit et regnat in unitate Spiritus sancti Deus.

Deinde dicit competenti voce, extensis manibus ante pectus, Præfationem :

Per omnia sæcula sæculorum. *R. Amen.*

**. Dominus vobiscum. R. Et cum spiritu tuo.*

**. Sursum corda. R. Habemus ad Dominum.*

**. Gratias agamus Domino Deo nostro. R. Dignum et justum est.*

Vere dignum et justum est, æquum et salutare; nos tibi semper et ubique gratias agere, Domine sancte, Pater omnipotens, æterne Deus, castorum corporum benignus habitator, et incorruptarum Deus amator animarum. Qui humanam substantiam, in primis hominibus diabolica fraude vitiatam, ita in verbo tuo, per quod omnia facta sunt, reparas, ut eam non solum ad primæ originis innocentiam revokes, sed etiam ad experientiam æternorum bonorum, quæ novo in sæculo sunt habenda, perducas; et obstrictos adhuc conditione mortaliū, jam ad similitudinem provehas Angelorum. Respice, Domine, super has famulas tuas, quæ in manu tua continentiae suæ propositum collocantes, tibi devotionem suam offerunt, a quo et ipsæ vota assumpserunt. Quomodo enim animus mortali carne circumdatus, legem naturæ, libertatem licentia, vim consuetudinis, et stimulos ætatis evinceret, nisi tu, Deus, per liberum arbitrium hunc in eis amorem virginitatis clementer accenderes, tu hanc cupiditatem in earum cordibus benignus aleres, tu fortitudinem ministrares? Effusa namque in omnes gentes gratia tua, ex omni natione quæ sub cœlo est, in stellarum innumerabilem numerum novi Testamenti heredibus adoptatis, inter ceteras virtutes, quas filiis tuis non ex sanguinibus, neque ex vo-

luntate carnis, sed de Spiritu sancto tuo genitis in-
didisti, etiam hoc donum in quasdam mentes de-
largitatis tuæ fonte defluxit; ut cum honorem nup-
tiarum nulla interdicta minuissent, ac super sanc-
tum conjugium nuptialis benedictio permaneret.
existerent tamen sublimiores animæ, quæ in viri
ac mulieris copula fastidirent connubium, concu-
piscerent Sacramentum, nec imitarentur quod nup-
tiis agitur, sed diligerent quod nuptiis prænotatur.
Agnovit auctorem suum beata virginitas, et æmula
integritatis angelicæ, illius thalamo, illius cubiculo
se devovit, qui sic perpetuæ virginitatis est sponsus,
quemadmodum perpetuæ virginitatis est filius.
Implorantibus ergo auxilium tuum, Domine, et
confirmari se benedictio † nis tuæ consecratione
cupientibus, da protectionis tuæ munimen et regi-
men, ne hostis antiquus, qui excellentiora studia
subtilioribus infestat insidiis, ad obscurandam per-
fectæ continentiae palmam, per aliquam mentis ser-
pat incuriam, et rapiat de proposito virginum, quod
etiam moribus decet inesse nuptiarum. Sit in eis,
Domine, per donum Spiritus tui prudens modestia,
sapiens benignitas, gravis lenitas, casta libertas.
In charitate fermeant, et nihil extra te diligent.
Laudabiliter vivant, laudarie non appetant. Te
in sanctitate corporis, te in animæ suæ puritate
glorificant. Amore te timeant, amore tibi serviant.
Tu eis sis honor, tu gaudium, tu voluntas; tu in
mœrore solatium; tu in ambiguitate consilium;
tu in injuria defensio; in tribulatione patientia;
in paupertate abundantia; in jejunio cibus; in in-
firmitate medicina. In te habeant omnia, quem
diligere appetant super omnia. Per te, quod sunt
professæ, custodian. Scrutatori pectorum non cor-
pore placitare, sed mente; transeant in numerum
puellarum sapientum, ut cœlestem Sponsum, virtu-

tum accensis lampadibus, cum oleo præparationis expectent, nec turbatæ improviso regis adventu, sed securæ cum lumine, et præcedentium virginum choro junctæ, jucundanter occurrant: et ne excludantur cum stultis, sed regalem januam cum sapientibus virginibus licenter introeant, et in Agni tui perpetuo comitatu probabiles mansura castitate permaneant. Quatenus centesimi fructus, dono virginitatis decorari, te donante, mereantur.

Quod sequitur, dicit submissa voce legendo; ita tamen quod a circumstantibus audiatur:

Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Tum Pontifex, accepta mitra, incipit, schola prosequente, Responsorium:

Veni, electa mea, et ponam in te thronum meum.
* Quia concupivit rex speciem tuam. ¶ Audi, filia, et vide, et inclina aurem tuam. * Quia.

Incepto Responsorio, sedet Pontifex cum mitra, et eo finito, surgunt Virgines; et duæ primæ ex eis presentantur a paranympsis Pontifici, coram quo humiliter genua flectunt, cantantes simul Antiphonam:

Ancilla Christi sum, ideo me ostendo servilem habere personam.

Qua dicta, Pontifex interrogat illas palam, dicens:

Vultis persistere in sancta virginitate, quam professæ estis?

Et illæ simul respondent:

Volumus.

Tum Pontifex imponit velum super caput cuiuslibet, quod dependeat super scapulas, et super pectus, et usque ad oculos, singulis dicens :

Accipe velamen sacrum, quo cognoscaris mundum contempsisse, et te Christo Jesu veraciter humiliterque, toto cordis annisu, sponsam perpetuaueriter subdidisse, qui te ab omni malo defendat, et ad vitam perducat æternam. R. Amen.

Ambabus velatis, ambæ simul genuflexæ, ut erant, cantant hanc Antiphonam :

Posuit signum in faciem meam, ut nullum præter eum amatorem admittam.

Quo facto, reducantur a matronis prædictis ad loca ordinis sui, ubi prius erant; et aliae duæ, que post illas in ordine sequuntur, præsentantur Pontifici, coram quo simili modo genua flectunt, cantant, et velantur, ut primæ. Omnibus autem sic velatis, deposita mitra, surgit Pontifex, et stans versus ad illas, dicit :

¶. Dominus vobiscum. R. Et cum spiritu tuo.

OREMUS.

Famulas tuas, Domine, tuæ custodia muniat pietatis, ut virginitatis sanctæ propositum, quod, te inspirante, suscepérunt, te protegente, illæsum custodian. Qui vivis et regnas cum Deo Patre in unitate Spiritus sancti Deus, per omnia sæculorum. R. Amen.

Tum Pontifex, accepta mitra, vocat Virgines, incipiens Antiphonam, schola prosequente.

Desponsari, dilecta, veni; hiems transiit, tartur canit, vineæ florentes redolent.

Qua incepta, sedet Pontifex cum mitra, et ea finita, illæ, quæ primæ venerant ad recipiendum velum,

præsentantur Pontifici a matronis prædictis, eo modo et ordine, sicut prius. Tunc Pontifex accipiens annulum cum dextera sua, et dexteram manum virginis cum sinistra manu sua, et mittens annulum ipsum digito annulari dexteræ manus Virginis, despontat illas Jesu Christo, dicens singulis :

Desponso te Jesu Christo, Filio summi Patris, qui te illæsam custodiat. Accipe ergo annulum fidei, signaculum Spiritus sancti; ut sponsa Dei voceris, et si ei fideliter servieris, in perpetuum coroneris. In nomine Pa † tris, et Fi † lii, et Spiritus † sancti. B. Amen.

Quo facto, ambæ simul genuflexæ, decantant Antiphonam :

Ipsi sum despontata, cui Angeli serviunt, cujus pulchritudinem sol et luna mirantur.

Qua cantata, reducuntur a matronis prædictis ad loca sua, et aliæ duæ, quæ illas sequuntur in ordine, præsentantur Pontifici, coram quo genuflectunt, cantant, et despontantur, modo præmisso. Omnibus ergo sic seriatim despontatis, et ad loca sua redditis, omnes genuflexæ simul levant in altum et ostendunt dexteræ manus, cantantes hanc Antiphonam :

Annulo suo subarrhavit me Dominus meus Jesus Christus, et tanquam sponsam decoravit me corona.

Deinde Pontifex cum mitra surgit, et stans versus ad illas, dicit :

Bene † dieat vos conditor cœli et terræ, Deus Pater omnipotens, qui vos eligere dignatus est ad beatæ Mariæ matris Domini nostri Jesu Christi consortium; ut integrum et immaculatam virginitatem quam professeæ estis, coram Deo et Angelis ejus

conservetis , propositum teneatis ; castitatem diligatis ; patientiam custodiatis ; ut coronam virginitatis accipere mereamini. Per eundem Christum Dominum nostrum. ¶ Amen.

Post hæc Pontifex cum mitra stans, iterum rotat illas in cantu inchoans, schola prosequente, hanc Antiphonam :

Veni sponsa Christi, accipe coronam, quam tibi Dominus præparavit in æternum.

Incepit Antiphona, sedet Pontifex cum mitra, et ea finita, præsentantur ei a paranympsis duæ primæ Virgines, ut prius, coram eo genuflexæ. Ipse autem torquem, sive coronam accipiens, imponit capiti cuiuslibet Virginis, seriatim singulis dicens :

Accipe coronam virginalis excellentiæ, ut sicut per manus nostras coronaris in terris, ita a Christo gloria et honore coronari merearis in cœlis. Per eundem Christum Dominum nostrum. ¶ Amen.

Et mox ambæ simul decantant hanc Antiphonam :

Induit me Dominus cyclade auro texta, et immensis monilibus ornavit me.

Qua cantata, reducuntur a matronis prædictis ad loca sua; et aliæ præsentantur, quæ simili modo genuflectunt, cantant, et coronantur. Omnibus coronatis, et ad loca sua reductis, et stantibus, Pontifex, deposita mitra surgit, et stans versus ad illas, dicit :

†. Dominus vobiscum. ¶ Et cum Spiritu tuo.

OREMUS.

Da, quæsumus, omnipotens Deus, ut hæ famulæ tuæ, quæ pro spe retributionis æternæ tibi Domino

Deo desiderant consecrari, plena fide animoque in sancto proposito permaneant. Tribue eis, Domine, humilitatem, castitatem, obedientiam, charitatem et omnium bonorum operum quantitatem : ut ad meritum æternæ gloriæ possint pervenire. Per Christum Dominum nostrum. R. Amen.

Deinde omnibus simul genua flectentibus, Pontifex stans, ut prius, sine mitra, dicit hanc Orationem.

OREMUS.

Te invocamus, Domine sancte, Pater omnipotens, aeterne Deus, super has famulas tuas, quæ tibi voverunt pura mente, mundoque corde servire ; ut eas sociare digneris inter illos centum quadraginta quatuor millia, qui virgines permanserunt, et se cum mulieribus non coinquinaverunt ; in quorum ore dolus non est inventus ; ita et has famulas tuas facias permanere immaculatas usque in finem. Per immaculatum Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Qua finita, Virgines surgentes simul cantant Antiphonam :

Ecce, quod concupivi, jam video ; quod speravi, jam teneo ; illi sum juncta in cœlis, quem in terris posita, tota devotione dilexi.

Post hæc Pontifex, junctis ante pectus manibus, dicit super illas stantes, humiliter inclinatas, benedictionem.

Deus plasmator corporum, afflator animarum, qui nullam spernis ætatem, nullum sexum reprobas, nullam conditionem gratia tua ducis indignam, sed omnium æqualis creator es et redemptor, tu has fa-

mulas tuas , quas ex omni numero gregis, ut bonus pastor, ad conservandam coronam perpetuae virginitatis et castimoniam animæ eligere dignatus es, tuæ protectionis scuto circumtege, et ad omne opus virtutis et gloriæ, magistrante sapientia, præpara; ut vincentes carnis illecebras, et illicita connubia recusantes, insolubilem Filii tui Domini nostri Jesu Christi copulam mereantur. His petimus, Domine, arma suggeras, non carnalia, sed spiritus virtute potentia, ut, te muniente earum sensus et membra, in earum corporibus et animabus non possit dominari peccatum ; ac sub tua gratia vivere cupientibus, nihil sibi defensor malorum et inimicus bonorum de his vasis nomini tuo consecratis prævaleat vindicare. Omnem etiam nocivum calorem imber gratiæ tuæ cœlestis extinguat , lumen vero perpetuae castitatis accendat ; facies pudica scandalis non pateat, neque incautis occasionem tribuat negligentia delinquenti. Sitque in eis casta virginitas ; sint ornatæ pariter et armatæ fide integra , spe certa, charitate sincera ; ut, præparato animo ad continentiam, virtus tanta præstetur, quæ superet diaboli universa figmenta ; et contemnendo præsentia, futura sectentur ; jejunia epulis carnalibus præferant ; lectiones sacras et orationes conviviis et potationibus anteponant ; ut orationibus pastæ, et eruditionibus explætæ, illuminatæ vigiliis, opus gratiæ virginalis exerceant. His igitur virtutum armis has tuas famulas interius exteriusque communiens, præsta inoffensem cursum virginitatis implere. Per Christum Dominum nostrum. ¶. Amen.

Tum Pontifex , accepta mitra , stans dicit sequentem benedictionem super illas genuflexas.

Benedicat vos Deus Pa † ter , et Fi † lius, et Spiritus † sanctus omni benedictione spirituali ; ut ma-

nentes semper incorruptæ, inviolatæ, et immaculatæ, sub vestimento sanctæ Mariæ, matris Domini nostri Jesu Christi, requiescat super vos spiritus septiformis gratiæ, spiritus sapientiæ et intellectus, spiritus consilii et fortitudinis, spiritus scientiæ et pietatis; et repleat vos spiritu timoris Domini, fragiles solidet invalidasque confirmet, pietate allevet et mentes regat, vias dirigat, cogitationes sanctas instituat, actus probet, opera perficiat, charitate ædificet, sapientia illuminet, castitate muniat, scientia instruat, fide firmet, in virtute multiplicet, in sanctitate sublimet, ad patientiam præparet, ad obedientiam subdat, sobrias protegat et pudicas, in infirmitate visitet, in dolore relevet, in tentatione custodiat, in prosperitate temperet, in iracundia mitiget, in iniquitate emundet, infundat gratiam, remittat offensam, tribuat disciplinam. Ut his et similibus virtutibus fultæ, et sanctis operibus illustratæ, illa semper studeatis agere, quæ digna fiant remuneratione. Illum habeatis testem, quem habituræ estis judicem; et vos aptetis, ut præfulgentem gestetis in manu lampadem, intraturæ sponsi thalamum, occurratis cum gaudio, et nihil in vobis reperiatur fœtidum, nihil sordidum, nihil occultum, nihil corruptum, nihil dishonestum, sed niveas et candidas animas, corporaque lucida atque splendida; ut, cum ille dies tremendus remunerationis justorum, retributionisque malorum advenerit, non inveniat in vobis ultrix flamma, quod urat, sed divina pietas, quod coronet; quas jam in hoc sæculo conversatio religiosa mundavit, ut ad tribunal æterni Regis ascensuræ celsaque palatia, cum iisdem mereamini habere protectionem, qui sequuntur Agnum, et cantant canticum novum sine cessatione, illic percepturæ præmium post laborem, semperque maneatis in viventium regione. Atque ipse benedi-

cat vos de cœlis, qui per crucis passionem huma-
num genus est dignatus venire in terris redimere,
Jesus Christus Dominus noster , qui cum æterno
Patre, et Spiritu sancto in unitate perfecta vivit , et
regnat Deus, in sæcula sæculorum. R. Amen.

*Deinde Pontifex sedens cum mitra, publica voce
anathema ponit ne quis eas a divino servitio, que
vexillo castitati subjectæ sunt, abducat; nullus
earum bona surripiat, sed ea cum quiete possi-
deant, in hanc formam :*

Auctoritate omnipotentis Dei, et beatorum Pe-
tri et Pauli Apostolorum ejus, firmiter et sub
interminatione anathematis inhibemus, ne quis
præsentes virgines, seu sanctimoniales, a divino
servitio , cui sub vexillo castitatis subjectæ sunt,
abducat; nullus earum bona surripiat, sed ea cum
quiete possideant. Si quis autem hoc attentare præ-
sumperit, maledictus sit in domo et extra domum;
maledictus in civitate et in agro ; maledictus vigi-
lando, et dormiendo ; maledictus manducando, et
bibendo ; maledictus ambulando, et sedendo ; ma-
ledicta sint caro ejus et ossa, et a planta pedis
usque ad verticem non habeat sanitatem. Veniat
super illum maledictio hominis, quam per Moysen in
lege filiis iniquitatis Dominus permisit. Deleatur
nomen ejus de libro viventium, et cum justis non
scribatur. Fiat pars et hereditas ejus cum Cain fra-
tricida, cum Dathan et Abiron, cum Anania et Sa-
phira, cum Simone mago et Juda proditore, et cum
eis qui dixerunt Deo : Recede a nobis, semitam
viarum tuarum nolumus. Pereat in die judicii ; de-
voret eum ignis perpetuus cum diabolo et angelis
ejus, nisi restituerit, et ad emendationem venerit.
Fiat, fiat.

Tum dicitur Alleluia, sive ultimus Versus Tractus vel Sequentiae, et cetera usque ad Offertorium inclusive, Virginibus in ordine suo manentibus.

Offertorio dicto, singulæ Virgines consecratæ, velatis capitibus, ad manus Pontificis in faldistorio ante medium altaris cum mitra sedentis, offerunt, coram eo genuflexæ, quælibet candelam accensam.

Interim parantur pro eis tot hostiæ consecrandæ, quot sunt ipsæ numero. Facta oblatione, Pontifex cum mitra sedens lavat manus; deinde, deposita mitra, surgit, et prosequitur Missam, more consueto.

SECRETA.

Oblatis hostiis, quæsumus, Domine, præsentibus famulabus tuis perseverantiam perpetuæ virginitatis accommoda; ut apertis januis, summi Regis adventu, regnum cœleste cum lætitia mereantur intrare. Per Dominum nostrum Jesum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Postquam Pontifex se de Corpore et Sanguine communicaverit, tum accedunt ad supremum gradum altaris Virgines ipsæ binæ et binæ, et ibidem genuflectunt; Pontifex vero singulas communicat, et omnibus communicatis, ipsæ Virgines ante altare, ut in Missa fuerunt genuflexæ, simul cantant Antiphonam :

Mel et lac ex ejus ore suscepi, et sanguis ejus ornavit genas meas.

Interim Pontifex ablutionem sumit; tum acceptæ mitra, stans lavat manus, deinde perficit Missam.

POSTCOMMUNIO.

Deus, qui habitaculum tuum in corde pudico

fundasti, respice super has famulas tuas; et quæ castigationibus assiduis postulant, tua consolatione percipient. Per Dominum nostrum Jesum Christum Filium tuum, qui tecum vivit in unitate Spiritus sancti Deus, per omnia sæcula sæculorum. ¶ Amen.

Missa finita, Pontifex dat benedictionem solem-nem.

Et quia in nonnullis monasteriis est consuetudo, quod loco Diaconissatus, Virginibus consecratis datur facultas incipiendi horas canonicas, et legendi Officium in Ecclesia, Pontifex stans ante altare sine mitra, Virginibus consecratis coram eo genuflexis, dicit :

¶. Dominus vobiscum. ¶. Et cum spiritu tuo.

OREMUS.

Exaudi, Domine, preces nostras, et super has famulas tuas spiritum tuæ beneſtictionis emitte; ut cœlesti munere ditatæ, et tuæ majestatis gratiam possint acquirere, et bene vivendi aliis exemplum præbere. Per Christum Dominum nostrum. ¶ Amen.

Tum sedet Pontifex, accepta mitra, et tradit Breviarium illis, ambabus manibus ipsum tangen-tibus, dicens :

Accipite librum, ut incipiatis horas canonicas, et legatis Officium in Ecclesia. In nomine Paſtoris, et Fili, et Spiritus sancti. ¶ Amen.

Surgit Pontifex, mitra deposita, et conversus ad altare, incipit Hymnum Te Deum laudamus, quem chorus prosequitur usque ad finem ut supra, pag. 83, et eo finito, duæ ex choro dicunt :

¶. Confirma hoc Deus, quod operatus es in nobis.

Respondet chorus :

R. A templo sancto tuo, quod est in Jerusalem.

*Et Pontifex stans in cornu Epistolæ altaris,
conversus ad altare, ex libro ibidem super altari
posito, dicit :*

Actiones nostras, quæsumus, Domine, aspirando
præveni, et adjuvando prosequere ; ut cuncta nos-
tra oratio et operatio a te semper incipiat, et per
te cæpta finiatur. Per Christum Dominum nostrum.
R. Amen.

*Post hæc Virgines consecratæ revertuntur ad
portam monasterii, ubi Pontifex eas coram se ge-
nusflexas præsentat Abbatissæ similiter genuflexæ,
dicens :*

Vide , quomodo istas consecratas Deo serves, et
repræsentes immaculatas ; redditura pro eis ratio-
nen ante tribunal Sponsi earum, venturi judicis.

Tum Pontifex redit ad Ecclesiam, dicens :

Dominus vobiscum.

Initium sancti Evangelii secundum Joannem.

In principio etc.

Et sacris vestibus depositis , vadit in pace.

DE BENEDICTIONE

ET CORONATIONE REGIS.

*Cum rex est coronandus , Episcopi regni ad
civitatem ubi coronatio fieri debet, convocantur.
Rex triduanum jejunium devote peragit per heb-
domadam præcedentem , videlicet quarta , et sexta
Feria , et sabbato. Dominica vero proxima sequen-*

ti coronatur, qua ipse Rex se ad communionem parat. Ecclesia vero ipsa Metropolitana, sive Cathedralis, ubi solemnitas celebrabitur, paretur et ornetur, quo melius fieri poterit. Ad altare majus parantur ea quæ consueta sunt parari, Pontifice celebrante; et credentia juxta altare cum rebus opportunis. Super altare ponitur gladius, corona, et sceptrum Regi danda, et oleum Catechumenorum, bombyx ad lingendum et extergendum brachium Regis et inter scapulas post unctionem, fascia ad ligandum bombycem in brachio. Paratur in Ecclesia in loco competenti thalamus, sive suggestum pro Rege, in quo sit regalis sedes ornata, et thalamus ipse sit ornatus pannis sericeis et aulæis. Sed advertendum est, quod altitudo thalami non sit major quam gradus supremus altaris. Paratur etiam in loco convenienti tentorium, sive papilio, sub quo Rex vestes regales, pro regni consuetudine, quæ ibidem pro eo parantur, suo tempore recipit. Et si Regina etiam simul est coronanda, paratur pro ea aliis thalamus, non longe a regio, sed illo aliquantulum humilior; et ita sunt situandi thalami, ut inde possint videri altare et Pontifex celebrans. Parantur etiam ante altare, hinc et inde, sedes, pro numero Episcoporum coronationi interessantium.

Die autem Dominica, qua Rex benedicendus, et coronandus est, omnes Episcopi conveniunt mane in Ecclesia, in qua hoc fieri debet; et Metropolitanus, sive Pontifex, ad quem spectat, parat se solemniter cum ministris, Missam celebraturus, paramentis tempore convenientibus. Episcopi vero induuntur supra rochetum (vel supra superpelliceum, si sint Religiosi) amictu, stola, pluviali albo, et mitra simplici. Quibus omnibus paratis, Metro-

politanus in faldistorio ante medium altaris posito sedet cum mitra, et Episcopi parati, hinc et inde super sedibus pro eis paratis, quasi in modum coronæ sedentes, sibi assistunt. Interim Rex, vestibus militaribus induitus, cum suis Prælatis domesticis non paratis, ac Baronibus, Nobilibus, et aliis venit ad Ecclesiam; et cum fuerit prope presbyterium, duo priores Episcopi ex paratis veniunt ei obviam, et cum mitris capita illi aliquantulum inclinantes, ipsum inter se medium, bireto deposito, usque ante Metropolitanum deducunt, cui Rex caput inclinans humilem reverentiam exhibet; qua facta, prior Episcoporum deducentium stans detecto capite, versus ad Metropolitanum, dicit intelligibili voce :

Reverendissime Pater, postulat sancta mater Ecclesia catholica, ut præsentem egregium militem ad dignitatem regiam sublevetis.

Interrogat Metropolitanus :

Scitis illum esse dignum, et utilem ad hanc dignitatem?

Ille respondet :

Et novimus, et credimus eum esse dignum, et utilem Ecclesiæ Dei, et ad regimen hujus regni.

Metropolitanus dicit :

Deo gratias.

Tunc sedet Rex medius inter duo Episcopos deducentes, congruenti spatio a Metropolitanano, ita ut illi faciem vertat; ipsi etiam deducentes Episcopi, senior ad dexteram, alius ad sinistram Regis se collocant, ita ut et ipsi ad alterutrum facies vertant. Quibus sic sedentibus, postquam aliquantulum quieverint, Metropolitanus coronandum Regem admonet, dicens :

Cum hodie per manus nostras, optime Princeps,

qui Christi Salvatoris nostri vice in hac re fungimur (quamvis indigni) sacram unctionem, et Regni insignia sis suscepturus; bene est, ut te prius, de onere ad quod destinaris, moneamus. Regiam hodie suscipis dignitatem, et regendi fideles populos tibi commissos curam sumis. Praeclarum sane inter mortales locum, sed discriminis, laboris, atque anxietatis plenum. Verum, si consideraveris quod omnis potestas a Domino Deo est, per quem Reges regnant, et legum conditores justa decernant; tu quoque de grege tibi commisso ipsi Deo rationem es redditurus. Primum, pietatem servabis; Dominum Deum tuum tota mente ac puro corde coles. Christianam religionem ac fidem Catholicam, quam ab incunabulis professus es, ad finem usque inviolatam retinebis, eamque contra omnes adversantes pro viribus defendes. Ecclesiarum Prælatis, ac reliquis Sacerdotibus condignam reverentiam exhibebis. Ecclesiasticam libertatem non conculcabis. Justitiam, sine qua nulla societas diu consistere potest, erga omnes inconcusse administrabis, bonis præmia, noxiis debitas poenas retribuendo. Vidiwas, pupillas, pauperes, ac debiles ab omni oppressione defendes. Omnibus te adeuntibus benignum, mansuetum, atque affabilem, pro regia tua dignitate te præbebis. Et ita te geres, ut non ad tuam, sed totius populi utilitatem regnare, præmiumque benefactorum tuorum, non in terris, sed in cœlo expectare videaris. Quod ipse præstare dignet, qui vivit et regnat Deus, in sæcula sæculorum. R. Amen.

Rex electus accedit ad Metropolitanum, et coram eo, detecto capite, genuflexus, facit hanc professionem, dicens :

Ego N. Deo annuente, futurus Rex N. profiteor, et promitto coram Deo et Angelis ejus deinceps le-

gem, justitiam et pacem Ecclesiæ Dei, populoque mihi subiecto pro posse et nosse, facere ac servare, salvo condigno misericordiæ Dei respectu, sicut in consilio fidelium meorum melius potero invenire. Pontificibus quoque Ecclesiarum Dei, condignum et canonicum honorem exhibere; atque ea, quæ ab Imperatoribus et Regibus Ecclesiis collata et redditæ sunt, inviolabiliter observare. Abbatibus, Comitibus, et Vassallis meis congruum honorem, secundum consilium fidelium meorum præstare.

Deinde ambabus manibus tangit librum Evangeliorum, quem Metropolitanus ante se apertum tenet, dicens :

Sic me Deus adjuvet, et hæc sancta Dei Evangelia.

Postea Rex electus Metropolitanus manum reverenter osculatur.

His expeditis, illo genuflexo manente, Metropolitanus, deposita mitra, surgit, et stans versus ad ipsum coronandum, dicit competenti voce sequentem Orationem, quam etiam dicunt omnes Pontifices parati, similiter sine mitris stantes; dicunt etiam omnia alia benedictionem et coronationem ipsam concernentia, voce submissa, Metropolitanum tamen in omnibus observantes, et imitantes.

OREMUS.

Omnipotens sempiterne Deus, Creator omnium, Imperator Angelorum, Rex regum, et Dominus dominantium, qui Abraham fidelem servum tuum de hostibus triumphare fecisti, Moysi et Josue populo tuo prælatis multiplicem victoriam tribuisti, humilemque David puerum tuum regni fastigio sublimasti, et Salomonem sapientiæ pacisque ineffabili munere ditasti; respice, quæsumus, Domine,

ad preces humilitatis nostræ, et super hunc famulum tuum *N.* quem supplici devotione in Regem eligimus, bene † dictionum tuarum dona multiplica, eumque dexteræ tuæ potentia semper et ubique circumda; quatenus prædicti Abrahæ fidelitate firmatus, Moysi mansuetudine fretus, Josue fortitudine munitus, David humilitate exaltatus, Salomonis sapientia decoratus, tibi in omnibus complaceat, et per tramitem justitiae inoffenso gressu semper incedat; tuæ quoque protectionis galea munitus, et scuto insuperabili jugiter protectus, armisque coelestibus circumdatus, optabilis de hostibus sanctæ crucis Christi victoriæ triumphum feliciter capiat, terroremque suæ potentiae illis inferat, et pacem tibi militantibus lætanter reportet. Per Christum Dominum nostrum, qui virtute sanctæ crucis tartara destruxit; regnoque diaboli superato, ad cœlos victor ascendit, in quo potestas omnis, regnique consistit victoria, qui est gloria humilium, et vita salusque populorum, qui tecum vivit et regnat in unitate Spiritus sancti Deus, per omnia sæcula sæculorum. *R. Amen.*

Post hæc Metropolitanus cum mitra procumbit supra faldistorium. Rex vero ad ejus sinistram in terram se prosternit, aliis Prælatis paratis ante sedes suas similiter procumbentibus. Tunc cantores incipiunt, et proseguuntur Litanias, ut supra, pag. 29, choro respondente. Cum dictum fuerit :

Ut omnibus fidelibus, etc. *R. Te rogamus audi nos.*

Metropolitanus surgit, et accepto baculo Pastorali in sinistram manum, super electum Regem prostratum dicit :

Ut hunc electum in Regem coronandum bene † dicere digneris. *R. Te rogamus audi nos.*

Secundo dicit :

Ut hunc electum in Regem coronandum bene + dicere, et conse + crare digneris. **R.** Te rogamus audi nos.

Producendo semper super eum signum crucis. Idem dicunt, et faciunt Episcopi parati, genuflexi tamen permanentes. Quo dicto, Metropolitanus redit ad accubitum, cantoribus resumentibus et perficientibus Litanias. Quibus finitis, Metropolitanus, deposita mitra surgit, illo prostrato, atque Episcopis, deposita mitra, genuflexis manentibus, versus ad coronandum, dicit :

Pater noster.

†. Et ne nos inducas in temptationem. **R.** Sed libera nos a malo.

†. Salvum fac servum tuum, Domine. **R.** Deus meus sperantem in te.

†. Esto ei, Domine, turris fortitudinis. **R.** A facie inimici.

†. Nihil proficiat inimicus in eo. **R.** Et filius iniquitatis non apponat nocere ei.

†. Domine exaudi orationem meam. **R.** Et clamor meus ad te veniat.

†. Dominus vobicum. **R.** Et cum spiritu tuo.

OREMUS.

Prætende, Domine, huic famulo tuo dexteram cœlestis auxilii; ut te toto corde perquirat, et quæ digne postulat, consequi mereatur.

Actiones nostras, quæsumus Domine, aspirando præveni, et adjuvando prosequere; ut cuncta nostra oratio et operatio a te semper incipiat, et per te cæpta finiatur. Per Christum Dominum nostrum. **R.** Amen.

Post hæc Metropolitanus sedet, accipit mitram,

et electus Rex eorum eo genuflectit; et circumstantibus Prælatis, paratis cum suis mitris, in modum coronæ, Metropolitanus intingit pollicem dexteræ manus in oleum Cathechumenorum, et inungit in modum crucis illius brachium dexterum, inter juncturam manus, et juncturam cubiti, atque inter scapulas, dicens hanc Orationem :

Deus, Dei Filius, Jesus Christus Dominus noster, qui a Patre oleo exultationis unctionis est praeservatus, ipse per presentem sanctæ unctionis infusionem, Spiritus paracliti super caput tuum bene et dictio infundat, eamdemque usque ad interioria cordis tui penetrare faciat; quatenus hoc visibili et tractabili oleo, dona invisibilia percipere, et temporali regno justis moderationibus peracto, æternaliter cum eo regnare merearis, qui solus sine peccato Rex regum vivit, et gloriatur cum Deo Padre in unitate Spiritus sancti Deus, per omnia sæcula sæculorum. ¶ Amen.

OREMUS.

Omnipotens semperne Deus, qui Hazaël super Syriam, et Jehu super Israel per Eliam, David quoque et Saulem per Samuelem prophetam in Reges inungi fecisti, tribue, quæsumus, manibus nostris opem tuæ benedictionis, et huic famulo tuo N. quem hodie, licet indigni, in Regem sacra unctione delinimus, dignam delibutionis hujus efficaciam et virtutem concede; constitue, Domine, principatum super humerum ejus, ut sit fortis, justus, fidelis, providus, et indefessus regni hujus et populi tui gubernator, infidelium expugnator, justitiae cultor, meritorum et demeritorum remunerator, Ecclesiæ tuæ sanctæ et fidei christianæ defensor, ad deos et laudem tui nominis gloriosi. Per Dominum

nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. ¶ Amen.

Quo facto, Metropolitanus mica panis abstergit pollicem, et lavat manus, surgit cum mitra, descendit ante altare, ubi deposita mitra, stans cum suis ministris, facit Confessionem. Rex vero electus ad partem se retrahit, et genuflexus cum suis Prælatis domesticis idem facit. Similiter et Episcopi, parati sine mitris stantes, bini et bini, Confessionem dicunt. Finita Confessione, Metropolitanus ascendit ad altare, et procedit in Missa more solito usque ad Alleluia, sive ultimum Versum Tractus vel Sequentiæ exclusive, Prælatis paratis juxta suas sedes stantibus, vel sedentibus, prout tempus requirit. Interim schola inchoat Introitum, et prosequitur in Missa; et Rex a suis ducitur in sacristiam, vel sub papilione ad hoc parato, ubi inter scapulas et brachium inunctum bombyce bene abstergitur, et induitur regalibus indumentis, ex more regni. Paratus itaque Rex et ornatus, procedit cum suis Prælatis, Baronibus, et aliis ad eminentem et ornatum thalamum, in Ecclesia sibi præparatum, et ibi super aliquo faldistorio ornato genuflexus incumbens, audit Missam, quam Prælati sui non parati circumstantes etiam genuflexi legunt usque ad Alleluia, sive ultimum Versum Tractus vel sequentiæ exclusive. Missa dicitur de die, et cum Oratione diei dicitur pro ipso electo Rege, sub uno Per Dominum, hæc Oratio.

Quæsumus, omnipotens Deus, ut famulus tuus N. Rex noster, qui tua miseratione suscepit regni gubernacula, virtutum etiam omnium percipiat incrementa, quibus decenter ornatus, et vitiorum

monstra devitare, et ad te, qui via, veritas et vita es, gloriosus valeat pervenire. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Graduali cantato, Metropolitanus sedet ante altare cum mitra in faldistorio, et Rex a suis sociatus medius inter priores Prælatos paratos ad Metropolitanum reducitur, cui facta reverentia, ut prius, genuflectit coram eo. Tunc Metropolitanus accipit gladium, quem unus ministrorum sibi porrigit de altari, et illum evaginatum tradit in manus Regis, dicens :

Accipe gladium de altari sumptum per nostras manus, licet indignas, vice tamen et auctoritate sanctorum Apostolorum consecratas, tibi regaliter concessum, nostræque bene + dictionis officio, in defensionem sanctæ Dei Ecclesiæ divinitus ordinatum ; et memor esto ejus, de quo Psalmista prophetavit, dicens : Accingere gladio tuo super femur tuum, potentissime ; ut in hoc per eumdem vim æquitatis exerceas, molem iniquitatis potenter destruas, et sanctam Dei Ecclesiam ejusque fideles propugnes, ac protegas ; nec minus sub fide falsos, quam christiani nominis hostes execreris ac dispergas ; viduas et pupillas clementer adjuves ac defendas ; desolata restaures, restaurata conserves ; ulciscaris injusta, confirmes bene disposita ; quatenus hæc agendo, virtutum triumpho gloriosus, justitiaeque cultor egregius, cum mundi Salvatore sine fine regnare merearis. Qui cum Deo Patre, et Spiritu sancto vivit et regnat Deus, per omnia sæcula sæculorum. R. Amen.

His expeditis, ensis a ministris in vaginam re-

ponitur, et Metropolitanus accingit ense Regem, dicens :

Accingere gladio tuo super femur tuum potentissime; et attende, quod Sancti non in gladio, sed per fidem vicerunt regna.

Et mox Rex accinctus surgit, et eximit ensim de vagina, illumque viriliter vibrat, deinde super brachium sinistrum tergit, et in vaginam reponit; ac iterum coram Metropolitanano genuflexit. Tunc ei corona imponitur, quam omnes Prælati parati, qui adsunt, de altari per Metropolitanum sumptam manibus tencnt, ipso Metropolitanulo illam regente, capiti illius imponente, ac dicente :

Accipe coronam regui, quæ, licet ab indignis, Episcoporum tamen manibus capiti tuo imponitur. In nomine Pa† tris, et Fi† llii, et Spiritus † sancti, quam sanctitatis gloriam, et honorem, et opus fortitudinis, significare intelligas, et per hanc te participem ministerii nostri non ignores. Ita ut sicut nos in interioribus pastores, rectoresque animarum intelligimus, ita et tu in exterioribus verus Dei cultor, strenuusque contra omnes adversitates Ecclesiæ Christi defensor assistas, regnique tibi a Deo dati, et per officium nostræ benedictionis in vice Apostolorum, omniumque Sanctorum, regimini tuo commissi utilis executor, proficuusque regnator semper appareas; ut inter gloriosos athletas, virtutum gemmis ornatus, et præmio sempiternæ felicitatis coronatus, cum Redemptore ac Salvatore nostro Jesu Christo, cuius nomen vicemque gestare crederis, sine fine glorieris. Qui vivit, et imperat Deus cum Patre, et Spiritu sancto in sæcula sæculorum. ¶ Amen.

Postea Metropolitanus dat ei adhuc genuflexo sceptrum, dicens :

Accipe virgam virtutis ac veritatis, qua intel-
ligas te obnoxium mulcere pios, terrere reprobos,
errantes viam docere, lapsis manum porrigere, dis-
perdere superbos, et relevare humiles; et aperiat
tibi ostium Jesus Christus Dominus noster, qui de
semetipso ait: Ego sum ostium, per me si quis in-
troierit, salvabitur; qui est clavis David, et sceptrum
domus Israel; qui aperit et nemo claudit; claudit,
et nemo aperit. Sitque tibi dux, qui educit vinc-
tum de domo carceris, sedentem in tenebris et um-
bra mortis; et in omnibus sequi merearis eum, de
quo David propheta cecinit: Sedes tua, Deus, in
sæculum sæculi; virga directionis, virga regni tui;
et imitando ipsum, diligas justitiam, et odio ha-
beas iniquitatem, quia propterea unxit te Deus,
Deus tuus, ad exemplum illius, quem ante sæcula
unxerat oleo exultationis præ participibus suis, Je-
sus Christum Dominum nostrum, qui cum eo vi-
vit et regnat Deus, per omnia sæcula sæculorum.
¶. Amen.

*Tunc Regi surgenti discinditur ensis, et in va-
gina datur alicui, qui eum ante Regem immediate
portat. Et Metropolitanus cum aliis Prælatis pa-
ratis deducit Regem, sceptrum in manu et coro-
nam in capite ferentem, medium inter se a dex-
tris, et digniorem Prælatum paratum a sinistris
Regis incidentem, ad solium supra thalamum, et
adjuvante eum digniore Prælato prædicto, in-
thronizat Regem in solio, dicens :*

Sta, et retine amodo locum tibi a Deo delegatum
per auctoritatem omnipotentis Dei, et per præsen-
tem traditionem nostram, omnium scilicet Episco-
porum, ceterorumque Dei servorum; et quanto cle-
rum sacræ altaribus propinquiore perspicis, tanto
ei potiorem in locis congruis honorem impendere

memineris ; quatenus mediator Dei et hominum,
te mediatorem cleri et plebis permanere faciat.

*Deinde Metropolitanus, deposita mitra, stans
versus ad altare inchoat, schola prosequente,
Hymnum :*

Te Deum laudamus, pag. 83.

*Qui totus dicitur : quo incepto, Metropolitanus
accedit ad dexteram Regis, ibi continuo manens
usque ad finem Hymni; et eo finito, Metropoli-
tanus stans ut prius ad dexteram Regis, sine mitra,
dicit super illum Versum :*

- †. Firmetur manus tua, et exaltetur dextera tua.
- ¶. Justitia et judicium præparatio sedis tuæ.
- †. Domine, exaudi orationem meam. ¶. Et cla-
mor meus ad te veniat.
- †. Dominus vobiscum. ¶. Et cum spiritu tuo.

OREMUS.

Deus, qui victrices Moysi manus in oratione fir-
masti, qui quamvis ætate languesceret, infatigabili
sanctitate pugnabat; ut dum Amalech iniquus vin-
citur, dum profanus nationum populus subjugatur,
exterminatis alienigenis, hereditati tuæ possessio
copiosa serviret, opus manuum tuarum pia nostræ
orationis exauditione confirma: habemus et nos
apud te, sancte Pater, Dominum salvatorem, qui
pro nobis manus suas extendit in cruce, per quem
etiam precamur, Altissime, ut tua potentia suffra-
gaute, universorum hostium frangatur impietas,
populusque tuus, cessante formidine, te solum ti-
mere condiscat. Per eumdem Christum Dominum
nostrum. ¶. Amen.

OREMUS.

Deus, inenarrabilis auctor mundi, conditor ge-
neris humani, confirmator regni, qui ex utero fide-

lis amici tui Patriarchæ nostri Abrahæ preelegisti Regem sæculis profuturum, tu præsentem insignem Regem hunc cum exercitu suo, per intercessionem beatæ Mariæ semper virginis, et omnium Sanctorum, uberi bene † dictione locupleta; et in solium regni firma stabilitate connecie: visita eum, sicut visitasti Moysen in rubo, Josue in prælio, Gedeonem in agro, Samuelem in templo, et illa eum si-derea bene † dictione ac sapientiæ tuæ rore per-funde, quam beatus David in psalterio et Salomon filius ejus, te remunerante, percepit de cœlo. Sis ei contra acies inimicorum lorica, in adversis galea, in prosperis sapientia, in protectione clypeus sem-piternus. Et præsta, ut gentes illi teneant fidem, proceres sui habeant pacem, diligent charitatem, abstineant se a cupiditate, loquantur justiam, custodiant veritatem, et ita populus iste sub ejus imperio pullulet, coalitus benedictione æternitatis, ut semper tripudiantes maneant in pace, ac victores. Quod ipse præstare dignetur, qui tecum vivit et re-gnat in unitate Spiritus sancti Deus, per omnia sæ-cula sæculorum. R. Amen.

Quibus finitis, Metropolitanus cum Prælatis pa-ratis redit ad sedem suam vel faldistorium, prope altare, et (nisi sit coronanda Regina) dicitur Alle-luia, sive ultimus Versus Tractus vel Sequentiæ, Evangelium, et alia usque ad Offertorium incli-sive. Quo dicto, Metropolitanus residet in faldis-torio suo ante medium altaris cum mitra, et Rex a suis Prælatis et Baronibus associatus venit ante Metropolitanum, coram quo genuflexus, detecto capite, offert ei aurum, quantum sibi placet, et manum Metropolitanus recipientis osculatur.

Deinde ad solium suum revertitur. Metropoli-tanus lavat manus, surgensque accedit ad altare, et prosequitur Missam usque ad Communionem.

*Cum Secreta diei, dicitur pro Rege, sub uno
Per Dominum nostrum,*

SECRETA.

Munera, quæsumus Domine, oblata sanctifica, ut et nobis Unigeniti tui corpus et sanguis fiant; et Regi nostro ad obtinendam animæ, corporisque salutem, et ad peragendum injunctum officium, te largiente, usquequaque proficiant. Per eundem Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. ¶. Amen.

Pax datur Regi per primum ex Prælatis paratis, cum instrumento ad hoc ordinato. Postquam Metropolitanus se de Corpore et Sanguine, quem totum sumere debet, communicaverit, Rex, detecto capite, de thalamo suo accedit ad altare, coram quo in supremo gradu genuflectit, et Metropolitanus conversus ad Regem, ipsum communicat. Rex, priusquam communionem sumat, osculatur manum dexteram Metropolitani, et sumpta communione, ex calice de manu Metropolitani se purificat, et purificatus ad thalamum suum revertitur. Metropolitanus vero ablutionem sumit, et accepta mitra, lavat manus, et perficit Missam.

*Cum Postcommunione diei, dicitur pro Rege,
sub uno Per Dominum,*

POSTCOMMUNIO.

Hæc, Domine, oblatio salutaris famulum tuum N. Begem nostrum ab omibus tueatur adversis; quatenus ecclesiasticæ pacis obtineat tranquillitatem, et post istius temporis decursum ad æternam perveniat hereditatem. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. ¶. Amen.

In fine Metropolitanus dat benedictionem solemnem, ut supra; qua data, singuli ad sua revertuntur.

DE BENEDICTIONE

ET CORONATIONE REGINÆ.

Si vero tunc Regina benedicenda sit, et coronanda, quam primum, ipso Rege inthronizato, et orationibus expletis, Metropolitanus cum Prælatis paratis ad altare reversus in faldistorio sedet. Rex de solio suo surgens, cum comitiva sua, coronam in capite et sceptrum in manu gestans, ante altare ad Metropolitanum proficiscitur, et facta ei reverentia, stans, detecto capite, petit Reginam benedici et coronari, sub his verbis :

Reverendissime Pater, postulamus, ut Consortem nostram nobis a Deo conjunctam benedicere, et corona Reginali decorare dignemini, ad laudem et gloriam Salvatoris nostri Jesu Christi.

Deinde ad solium suum revertitur.

Tunc Regina, quæ in aliquo loco ad partem in Ecclesia a principio steterat, a duobus Episcopis paratis (non his qui Regem deduxerunt, sed primis post eos), crine soluto et capite velato, in vestibus suis communibus ad Metropolitanum ante altare ducitur; et facta Metropolitanano reverentia, coram illo genuflectit, et ejus manum osculatur.

Tunc surgit Metropolitanus cum mitra, et in faldistorio procumbit. Regina vero ad ejus sinistram in terram se prosternit; et inchoantur ac perficiuntur Litaniæ, ut supra, pag. 29. Quibus

finitis, Metropolitanus, deposita mitra, surgit, et stans versus ad illam ante se genuflexam, dicit sequentem Orationem intelligibili voce; quam etiam et alia sequentia adstantes Prælati parati submissa voce dicunt :

OREMUS.

Omnipotens sempiterne Deus, hanc famulam tuam *N.* cœlesti bene † dictione sanctifica, quam in adiutorium regni Reginam eligimus, tua ubique sapientia eam doceat et confortet, atque Ecclesia tua fidellem famulam semper agnoseat. Per eumdem Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus,

Deinde, extensis manibus ante pectus, dicit :

Per omnia sœcula sœculorum. *R. Amen.*

¶. Dominus vobiscum. R. Et cum spiritu tuo.

¶. Sursum corda. R. Habemus ad Dominum.

¶. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere; Domine sancte, Pater omnipotens, æterne Deus, honorum cunctorum auctor ac distributor, benedictionumque omnium largus infusor, tribue super hanc famulam tuam Reginam bene † dictionis tuæ copiam; et quam humana electio sibi præesse gaudet, tua supernæ electionis et benedictionis infusio accumulet. Concede ei, Domine, auctoritatem regiminis, consilii magnitudinem, sapientiæ, prudentiæ, et intellectus abundantiam, religionis ac pietatis custodiam; quatenus mereatur benedici et augmentari in nomine, ut Sara; visitari et fœcundari, ut Rebecca; contra omnium maniri vitiorum monstra, ut Judith; in regimine regni eligi, ut Esther; ut, quam

humana nititur fragilitas benedicere, cœlestis potius intimi roris replete infusio. Et quæ a nobis eligitur, et bene † dicitur in Reginam ; a te mereatur obtinere præmium æternitatis perpetuæ. Et sicut ab hominibus sublimatur in nomine, ita a te sublimetur fide et operatione. Illo etiam sapientiae tuæ eam rore perfunde, quem beatus David in reprobatione, et filius ejus Salomon percepit in locupletatione. Sis ei, Domine, contra cunctorum ictus inimicorum lorica ; in adversis galea ; in prosperis sapientia ; in protectione clypeus sempiternus. Sequatur pacem, diligit charitatem, abstineat se ab omni impietate ; loquatur justitiam, custodiat veritatem, sit cultrix justitiae et pietatis, amatrix religionis. Vigeatque præsenti bene † dictione in hoc ævo annis plurimis, et in sempiterno sine fine æternis.

Quod sequitur, dicit submissa voce legendo, ita tamen, quod a circumstantibus audiatur.

Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R. Amen.**

Qua Præfatione expleta, sedet Metropolitanus, et accepta mitra, inungit in modum crucis cum oleo Catechumenorum illius brachium dexterum, inter juncturam manus et juncturam cubiti, atque inter scapulas, dicens :

Deus Pater æternæ gloriæ sit tibi adjutor ; et Omnipotens benedicat tibi ; preces tuas exaudiat ; vitam tuam longitudine dierum adimpleat ; benedictionem tuam jugiter confirmet ; te cum omni populo in æternum conservet ; inimicos tuos confusione induat ; et super te Christi sanctificatio, atque hujus olei infusio floreat ; ut , qui tibi in terris tribuit benedictionem, ipse in cœlis conferat meritum Angelorum ; ac benedicat te, et custodiat in vitam æter-

nam Jesus Christus Dominus noster, qui vivit et regnat Deus, in sæcula sæculorum. ¶ Amen.

Quo facto, surgit Regina, et a suis ducitur ad sacristiam seu papilionem, ubi Rex regales vestes induitus est, ibi et ipsa induitur vestibus reginalibus, quibus induita reducitur ad Metropolitatum adhuc cum mitra in faldistorio sedentem, qui imponit illi ante se genuflexæ coronam, dicens :

Accipe coronam gloriæ, ut scias te esse consortem Regni, populoque Dei semper prospere consulas; et quanto plus exaltaris, tanto amplius humilitatem diligas et custodias, in Christo Jesu Domino nostro.

Et mox dat ei sceptrum, dicens :

Accipe virgam virtutis ac veritatis, et esto pauperibus misericors et affabilis; viduis, pupillis et orphanis diligentissimam curam exhibeas; ut omnipotens Deus augeat tibi gratiam suam, qui vivit et regnat in sæcula sæculorum. ¶ Amen.

Quo facto, surgit Regina, et Episcopi parati qui ipsam ad altare deduxerunt, eam associant usque ad suum thalamum, ubi sedet in solio suo, matronis ejus ipsam comitantibus; deinde dicitur Alleluia, sive ultimus Versus Tractus vel Sequentiæ, Evangelium, et Offertorium. Quo dicto, Regina cum Rege a suis tantum associati, vadunt ad offerendum Metropolitano, in faldistorio ante medium altaris sedenti, de auro quantum volunt, et manum Metropolitani recipientis osculantur; deinde revertuntur ambo ad thalamum suum, et proceditur in Missa usque ad communionem. Data pace Regi et Reginæ, per primum ex Prælatis paratis, cum instrumento ad hoc ordinato, Rex et Regina a suis tantum associati descendunt de

thalamis, et veniunt ad altare, ubi in supremo gradu genuflectunt; et percepta communione, Metropolitanus ponit ambas hostias consecratas super patenam, et conversus ad Regem et Reginam, eos communicat.

Rex, priusquam communionem sumat, osculatur manum dexteram Metropolitanus, tum simili modo communicat Reginam, quæ similiter ejus manum osculatur, et successive ambos ex calice suo purificat. qui purificati ad thalamos suos revertuntur, eo ordine quo venerunt. Metropolitanus vero ablutionem sumit; et accepta mitra, lavat manus, perficitque Missam, et in fine dat benedictionem solemnem. Qua data, Rex et Regina vadunt ad palatium suum; et Metropolitanus, atque alii Prælati omnes deponunt vestes sacras, et ad propria quisque revertitur.

DE BENEDICTIONE ET CORONATIONE REGINÆ SOLIUS.

Si autem, Rege jam pridem coronato, Regina sola, ut conjux illius, coronanda sit, parantur duo thalami, et alias locus in quo Regina a principio officii usque ad tempus coronationis expectat. Vocantur omnes Prælati regni, atque omnia alia sunt, quæ supra pro coronatione Regis ordinata sunt.

Die autem statuto, Metropolitanus et Prælati in Ecclesia constitutis et se vestientibus, Rex vestibus regalibus induitus cum corona in capite, et sceptro in manu. ense precedente, a suis associatus venit ad Ecclesiam, et ascendit thalamum suum; et Metropolitanus ac Prælati omnibus paratis, incipitur Missa, more solito, et continuatur usque ad Alleluia,

sive ultimum Versum Tractus vel Sequentiae exclusive. Tum Rex coronam et sceptrum ferens, descendit de thalamo suo, et Metropolitanus in faldistorio ante altare cum mitra sedente, stans, detecto capite, petit ab eo Reginam benedici et coronari, sub his verbis :

Reverendissime Pater, postulamus, ut Consortem nostram nobis a Deo conjunctam benedicere, et corona reginali decorare dignemini, ad laudem et gloriam Salvatoris nostri Jesu Christi.

Deinde ad thalamum suum revertitur; et Reginæ, quæ usque tunc in aliquo loco ad partem in Ecclesia stelerat, a duobus prioribus Prælatis paratis, crine soluto et capite velato, ducitur ad Metropolitanum ante altare sedentem, et facta ei reverentia, coram eo genuflectit, et ejus manum osculatur. Tunc surgit Metropolitanus, et cum mitra procumbit supra faldistorium. Reginæ vero ad ejus sinistram se in terram prosternit, et inchoantur Litanie prout supra, pag. 29, et perficiuntur, atque omnia alia fiunt, quæ supra in coronatione Reginæ dicta sunt, usque ad Offertorium, ad quod poterit Rex cum Reginæ procedere, vel Reginæ sola, prout Regi placet.

Facta communione per Metropolitanum, communicatur Reginæ.

Deinde perficitur Missa, et in fine Metropolitanus dat benedictionem solemnem etc.

DE BENEDICTIONE

ET CORONATIONE REGINÆ UT REGNI DOMINÆ.

Si vero Regina coronanda est, ut regni Domina, et absque Rege, tunc paratur thalamus unus in Ecclesia; vocantur Prælati regni, et omnia alia similiiter sunt, quæ supra pro coronatione Regis ordinata sunt. Die statuto, conveniunt in Ecclesia in qua coronatio fieri debet; ubi Metropolitanus, aut aliis ad quem spectat, cum Episcopis aliis parat se, et sedent ante altare ut supra dictum est. Interim Regina consuetis vestibus induita, cum suis Prælatis, Baronibus, et Matronis, atque aliis domesticis venit ad Ecclesiam; et cum fuerit prope presbyterium, duo priores Episcopi parati veniunt ei obviam, et cum mitris capita illi aliquantulum inclinantes, ipsam inter se medianam usque ad Metropolitanum deducunt, cui Regina caput inclinans, humilem reverentiam exhibet; qua facta, prior ipsorum deducentium, detecto capite, versus ad Metropolitanum, dicit :

Reverendissime Pater, postulat sancta Mater Ecclesia catholica, ut præsentem circumspectam mulierem ad dignitatem reginalem sublevetis.

Tunc interrogat Metropolitanus :

Scitis illam esse dignam, et utilem ad hanc dignitatem ?

Ille respondet :

Et novimus, et credimus eam esse dignam, et utillem Ecclesiæ Dei, et ad regimen hujus regni.

Metropolitanus dicit :

Deo gratias.

Tunc sedet Regina media inter ipsos Episcopos deducentes, congruenti spatio a Metropolitanu, ita ut illi faciem vertat; ipsi etiam deducentes Episcopi, senior ad dexteram, alius ad sinistram Reginæ se collocant, ita ut et ipsi ad alterutrum facies vertant. Ipsi sic sedentibus, postquam aliquantulum quievèrent, Metropolitanus coronandam Reginam admonet, dicens :

Cum hodie per manus nostras, circumspecta mulier, qui Christi Salvatoris nostri vice in hac re fungimur (quamvis indigni), sacram unctionem et Regni insignia sis susceptura; bene est, ut te prius de onere, ad quod destinaris, moneamus. Regiam hodie suscipis dignitatem, et regendi fideles populos tibi commissos curam sumis. Praeclarum sane inter mortales locum, sed discriminis, laboris atque anxietatis plenum. Verum, si consideraveris, quod omnis potestas a Domino Deo est, per quem Reges regnant, et legum conditores justa decernunt; tu quoque de grege tibi commisso ipsi Deo rationem es redditura. Primum, pietatem servabis, et Dominum Deum tuum tota mente ac puro corde coles. Christianam religionem ac fidem catholicam, quam ab incunabulis professa es, ad finem usque inviolatam retinebis, eamque contra omnes adversantes pro viribus defendes. Ecclesiarum Prælatis, ac reliquis Sacerdotibus condignam reverentiam exhibebis. Ecclesiasticam libertatem non conculcabis. Justitiam, sine qua nulla societas diu consistere potest, erga omnes inconcusse administrabis, bonis præmia, noxiis debitas penas retribuendo. Viduas, pupilos, pauperes, ac debiles ab omni oppressione defendes. Omnibus te adeuntibus benignam, mansuetam, atque affabilem, pro regia tua dignitate, te præbebis. Et ita te geres, ut non ad tuam, sed totius populi utilitatem regnare, præmiumque bene-

factorum tuorum, non in terris, sed in cœlo expectare videaris. Quod ipse præstare dignetur, qui vivit et regnat Deus in sæcula sæculorum. ¶ Amen.

Regina electa accedit ad Metropolitanum, et genuflexa facit hanc professionem, dicens :

Ego N., Deo annuente, futura *Regina N* profiteor, et promitto coram Deo et Angelis ejus, deinceps legem, justitiam et pacem Ecclesiæ Dei, populoque mihi subjecto, pro posse et nosse, facere ac servare; salvo condigno misericordiæ Dei respectu, sicut in consilio fidelium meorum melius potero invenire. Pontificibus quoque Ecclesiarum Dei condignum et canonicum honorem exhibere; atque ea, quæ ab Imperatoribus et Regibus Ecclesiis collata et redditæ sunt, inviolabiliter observare. Abbatibus, Comitibus, et Vassallis meis congraum honorem, secundum consilium fidelium meorum præstare.

Deinde ambabus manibus tangit librum Evangeliorum, quem Metropolitanus coram ea super genibus aperatum tenet, inferiori parte libri Regina versa, dicens :

Sic me Deus adjuvet, et hæc sancta Dei Evangelia.

Et post Regina electa Metropolitani manum reverenter osculatur. Quo facto, Metropolitanus surgit, et cum mitra procumbit in faldistorio. Regina vero ad ejus sinistram in terram se prosternit.

Et cantores incipiunt, schola prosequente, Litanias, ut supra, pag. 29, in quibus cum dictum fuerit Ut omnibus fidelibus etc. ¶ Te rogamus audi nos.

Metropolitanus surgit, et accepto baculo Pastorali in sinistra, super illam dicit :

Ut hanc electam in Reginam coronandam bene + dicere digneris. ¶ Te rogamus audi nos.

Secundo dicit :

Ut hanc electam in Reginam coronandam bene †-dicere, et conse † crare digneris. *R.* Te rogamus audi nos.

Producendo semper super Reginam signum crucis. Idem dicunt et faciunt Episcopi parati, genuflexi tamen permanentes. Quo dicto, Metropolitanus redit ad accubitum, cantoribus Litanias resumentibus et perficientibus. Quibus finitis, Metropolitanus, deposita mitra, surgit, Reginam prostrata manente, et dicit super eam intelligibili voce Orationem sequentem, quam adstantes Episcopi, etiam sine mitris in locis suis stantes, submissa voce pronuntiant.

OREMUS.

Omnipotens sempiterne Deus, hanc famulam tuam cœlesti bene † dictione sanctifica, quam in gubernationem regni Reginam eligimus; tua ubique sapientia eam doceat et confortet, atque Ecclesia tua fidelem famulam semper agnoscat. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus.

Tum surgit Reginæ, et coram Pontifice genuflectit. Deinde Pontifex mediocri voce, extensis manibus ante pectus, dicit Praefationem quæ habetur supra, pag. 175. Qua Praefatione cum sua conclusione expleta, sedet Metropolitanus, et accepta mitra, intingit pollicem dexteræ manus in oleum Catechumenorum; et inungit in modum crucis brachium dexterum Reginæ, inter juncturam manus et juncturam cubiti, atque inter scapulas, dicens :

Deus Pater æternæ gloriæ sit tibi adjutor; et omnipotens benedicat tibi; preces tuas exaudiat; vitam longitudine dierum adimpleat: benedictionem

tuam jugiter confirmet; te cum omni populo in æternum conservet; inimicos tuos confusionem induat; et super te Christi sanctificatio, atque hujus olei infusio floreat; ut, qui tibi in terris tribuit benedictionem, ipse in cœlis conferat meritum Angelorum; ac benedicat te, et custodiat in vitam æternam Jesus Christus Dominus noster, qui vivit et regnat Deus, in sæcula sæculorum.

¶. Amen.

Quo facto, surgit Regina, et ad partem se retrahit, ubi Prælati sui domestici ei assistunt. Metropolitanus vero mica panis abstergit pollicem, et lavat manus; deinde accedit ante altare, et deposita mitra, cum suis ministris facit Confessionem. Idem faciunt Episcopi parati juxta sedes suas sine mitris stantes. Facta Confessione, Metropolitanus ascendit ad altare, osculatur, incensat, et procedit in Missa usque ad Alleluia exclusive, sive ultimum Versum Tractus vel Sequentiæ, si dicitur, more consuelto. Regina vero ducitur a suis ad sacristiam vel papilionem, ubi accipit vestes reginales. Deinde redit cum illis ad thalamum, ubi manet usque ad dictum Graduale: non tamen sedet in solio, sed super aliquod scabellum sibi paratum genuflexa procumbit, audiens Missam. Missa dicitur de die, et cum Oratione diei, dicitur pro ipsa electa Regina sub uno Per Dominum.

ORATIO.

Quæsumus, omnipotens Deus, ut famula tua N. Regina nostra, quæ tua miseratione suscepit regni gubernacula, virtutum etiam omnium percipiat incrementa, quibus decenter ornata, et vitiorum monstra devitare, et ad te qui via, veritas et vita es, gratiosa valeat pervenire. Per Dominum nostrum Jesum Christum Filium tuum, qui tecum vivit, et

regnat in unitate Spiritus sancti Deus, per omnia sæcula sæculorum. ¶. Amen.

Graduali cantato, Metropolitanus sedet ante altare in faldistorio cum mitra, et Regina a suis associata, media inter priores duos Prælatos paratos, ad Metropolitanum reducitur, cui, facta reverentia, ut prius, genuflectit coram eo. Tunc imponitur ei corona, quam omnes Episcopi parati, qui adsunt, de altari per Metropolitanum sumptam manibus tenent, ipso Metropolitanō illam regente, et capiti illius imponente, ac dicente :

Accipe coronam regni, quæ, licet ab indignis, Episcoporum tamen manibus, capiti tuo imponitur. In nomine Pa† tris, et Fi† lii, et Spiritus † sancti, quam sanctitatis gloriam, et honorem, et opus fortitudinis significare intelligas, et per hanc te participem ministerii nostri non ignores. Ita ut sicut nos in interioribus pastores, rectoresque animarum intelligimus, ita et tu in exterioribus vera Dei cultrix, strenuaque contra omnes adversitates Ecclesiæ Christi defensatrix assistas, regnique tibi a Deo dati, et per officium nostræ benedictionis in vice Apostolorum, omniumque Sanctorum regimini tuo commissi, utilis executrix, proficuaque regnatrix semper appareas; ut inter gloriosos athletas, virtutum gemmis ornata, et præmio sempiternæ felicitatis coronata, cum Redemptore ac Salvatore nostro Jesu Christo, cuius nomen vicemque gestare crederis, sine fine glorieris. Qui vivit, et imperat Deus cum Patre et Spiritu sancto in sæcula sæculorum. ¶. Amen.

Et mox dat ei sceptrum in manum, dicens :

Accipe virgam virtutis ac veritatis, et esto pauperibus misericors et affabilis; viduis, pupillis, et orphanis diligentissimam curam exhibeas, ut omnipotens Deus augeat tibi gratiam suam, qui vivit et regnat in sæcula sæculorum. ¶. Amen.

Tum surgunt omnes, et Metropolitanus cum omnibus Episcopis paratis deducit Reginam, coronam in capite et sceptrum in manu ferentem, medium inter se et digniorem Episcopum paratum, supra solium, ubi stans cum mitra, una cum eodem digniore Episcopo, inthronizat eam in solio, dicens :

Sta, et retine amodo locum tibi a Deo delegatum per auctoritatem omnipotentis Dei, et per præsentem traditionem nostram, omnium scilicet Episcoporum, ceterorumque Dei servorum; et quanto clerum sacris altaribus propinquiores perspicis, tanto ei potiorem in locis congruis honorem impendere memineris; quatenus mediator Dei et hominum, te mediatrixem cleri et plebis permanere faciat.

Deinde Metropolitanus, deposita mitra, inchoat, schola sequente, Hymnum :

Te Deum laudamus, pag. 83.

Qui totus dicitur; quo incepto, Metropolitanus accedit ad dexteram Reginæ, ibi continuo manens usque ad finem Hymni. Finito Hymno, Metropolitanus stans, ut prius, juxta Reginam sine mitra, dicit super illam :

- †. Firmetur manus tua, et exaltetur dextera tua.
- ¶. Justitia et judicium præparatio sedis tuæ.
- †. Domine, exaudi orationem meam. ¶. Et clamor meus ad te veniat.
- †. Dominus vobiscum. ¶. Et cum spiritu tuo.

OREMUS.

Deus, qui victrices Moysi manus in oratione firmasti, qui quamvis ætate languesceret, infatigabili sanctitate pugnabat, ut dum Amalec iniquus vincitur, dum profanus nationum populus subjugatur, exterminatis alienigenis, hereditati tuæ possessio

copiosa serviret ; opus manuum tuarum pia nostræ orationis exauditione confirma ; habemus et nos apud te, sancte Pater , Dominum Salvatorem , qui pro nobis manus suas extendit in cruce , per quem etiam precamur, Altissime, ut tua potentia suffragante , universorum hostium frangatur impietas , populusque tuus , cessante formidine, te solum timere condiscat. Per eundem Christum Dominum nostrum. R. Amen.

Quibus finitis, Metropolitanus cum Episcopis paratis revertitur ad sedem suam, vel ad faldistorium prope altare; et dicitur Alleluia, sive ultimus Versus Tractus vel Sequentiæ, Evangelium, et alia usque ad Offertorium inclusive. Quo dicto, Metropolitanus sedet in faldistorio ante medium altaris cum mitra, et Reginæ a suis Prælatis, Magnatibus, et aliis associata venit ante Metropolitanum, coram quo genuflexa, offert ei aurum, quantum sibi placet, et manum Metropolitani recipientis osculatur. Deinde ad solium suum revertitur. Metropolitanus lavat manus, surgit, et accedit ad altare, et prosequitur Missam usque ad Communionem.

Cum Secreta diei, dicitur pro Reginæ, sub uno Per Dominum,

SECRETA.

Munera, quæsumus Domine, oblata sanctifica, ut et nobis Unigeniti tui Corpus et Sanguis fiant, et Reginæ nostræ ad obtinendam animæ corporisque salutem, et ad peragendum injunctum officium, te largiente, usquequaque proficiant. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Pax datur Reginæ per primum ex Prælatis pa-

ratis cum instrumento ad hoc ordinato. Postquam Metropolitanus se communicaverit de Corpore et Sanguine, Regina sine corona et sine sceptro, de thalamo suo a suis dumtaxat associata, accedit ad altare; genuflectit in supremo gradu altaris, et Metropolitanus conversus ad Reginam, eam communicat. Regina, antequam sumat Sacramentum, osculatur manum dexteram Metropolitanus, et sumpta communione, ex calice de manu Metropolitanus se purificat, et purificata ad thalamum suum revertitur cum suis, ut venit. Metropolitanus vero ablutionem sumit, et accepta mitra, lavat manus, et perficit Missam.

Cum Postcommunione diei, dicitur pro Regina, sub uno Per Dominum,

POSTCOMMUNIO.

Hæc, Domine, oblatio salutaris famulam tuam N. Reginam nostram ab omnibus tueatur adversis; quatenus ecclesiasticæ pacis obtineat tranquillitatem, et post istius temporis decursum ad æternam perveniat hereditatem. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

In fine Metropolitanus dat benedictionem solemnem, qua data, omnes vadunt in pace.

**DE BENEDICTIONE
ET CORONATIONE REGIS IN CONSORTEM ELECTI.**

Cum autem Regina jam pridem, ut regni domina, benedicta et coronata, deinde consortem

sibi elegerit, quem postea statuerit coronari, ad diem ordinatam vocantur omnes Prælati regni; parantur duo thalami, atque omnia alia ordinantur, prout supra in coronatione Regis posita sunt. Die autem statuto, Metropolitano et Prælati in Ecclesia constitutis, et se vestientibus, Regina reginalibus vestibus induta cum corona in capite et sceptro in manu, a suis associata, venit ad Ecclesiam, et ascendit thalamum suum. Illis autem paratis, et suo ordine sedentibus, ut supra in coronatione Regis ordinatum est, Regina de thalamo suo descendens cum corona in capite et sceptro in manu, venit coram Metropolitano, a quo, facta ei reverentia, petit Regem consortem suum benedici et coronari, sub his verbis :

Reverendissime Pater, postulamus ut consortem nostrum a Deo nobis conjunctum benedicere, et corona regali decorare dignemini, ad laudem et gloriam Salvatoris nostri Iesu Christi.

Deinde ad thalamum suum revertitur. Interim Rex vestibus militaribus indutus venit ad Ecclesiam, a suis Prælati domesticis non paratis, et Comitibus, Magnatibus regni et aliis associatus. Qui cum venerit prope presbyterium, duo priores Episcopi ex paratis ei obviam veniunt, et cum mitris capita illi aliquantulum inclinantes, ipsum, bireto deposito, usque ante Metropolitanum deducunt; coram quo Rex caput inclinans, humilem ei reverentiam exibet. Qua facta, prior Episcoporum deducentium stans, detecto capite, versus ad Metropolitanum, voce intelligibili dicit :

Reverendissime Pater, postulat sancta mater Ecclesia catholica, ut praesentem egregium militem ad dignitatem regiam sublevetis.

Et omnia alia suo ordine funt, prout habetur.

*supra sub prima rubrica de benedictione, et corona-
tione Regis, pag. 161, usque ad aliam rubri-
cam de coronatione Reginæ, quæ hic omittitur,
cum sit prius coronata.*

DE BENEDICTIONE

NOVI MILITIS.

*Miles creari, et benedici potest quacumque die,
loco, et hora; sed si inter Missarum solemnia
creandus est, Pontifex in eo habitu, in quo Mis-
sam celebravit aut illi interfuit, in faldistorio
ante medium altaris stans vel sedens, prout con-
venit, finita Missa, id peragit. Si autem extra di-
vina, in stola supra rochetum, vel si sit regularis,
supra superpelliceum id facit. Et primo ensem,
quem aliquis coram eo genuflexus evaginatum
tenet, stans, detecto capite, benedicit, si non sit
benedictus, dicens :*

†. Adjutorium nostrum in nomine Domini. ¶. Qui
fecit cœlum, et terram.

†. Domine, exaudi orationem meam. ¶. Et clা-
mor meus ad te veniat.

†. Dominus vobiscum. ¶. Et cum spiritu tuo.

OREMUS.

Exaudi, quæsumus Domine, preces nostras, et
hunc ensem, quo hic famulus tuus circumcingi de-
siderat, majestatis tuæ dextera dignare bene + di-
cere, quatenus esse possit defensor Ecclesiarum, vi-
duarum, orphanorum, omniumque Deo servientium
contra sævitiam paganorum, atque hæreticorum;
aliisque sibi insidiantibus sit terror, et formido. Per
Christum Dominum nostrum. ¶. Amen.

OREMUS.

Bene † dic, Domine sancte, Pater omnipotens, æterne Deus, per invocationem sancti nominis tui, et per adventum Jesu Christi Filii tui Domini nostri, et per donum sancti Spiritus Paracliti, hunc ensem, ut hic famulus tuus, qui hodierna die eo tua pietate præcinctus, visibiles inimicos conculces, victoriaque per omnia potitus, semper maneat illæsus. Per Christum Dominum nostrum. ¶ Amen.

Deinde dicit, stans ut prius :

PSALMUS 143.

Benedictus Dominus meus, qui docet manus meas ad prælium : * et digitos meos ad bellum. Misericordia mea, et refugium meum : * susceptor	meus, et liberator meus. Protector meus, et in ipso speravi : * qui subdit populum meum sub me. Gloria Patri. Sicut erat etc.
--	---

¶. Salvum fac servum tuum, Domine. ¶. Deus meus sperantem in te.

¶. Esto ei, Domine, turris fortitudinis. ¶. A facie inimici.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Domine sancte, Pater omnipotens, æterne Deus, qui cuncta solus ordinas et recte disponis, qui ad coercendam malitiam reproborum, et tuendam iustitiam, usum gladii in terris hominibus tua salubri dispositione permisisti, et militarem ordinem ad populi protectionem institui voluisti ; quique per beatum Joannem militibus ad se in deserto venientibus, ut neminem concuterent, sed propriis contenti essent stipendiis, dici fecisti; clementiam tuam, Domine, suppliciter exoramus, ut sicut David puero

tuo Goliam superandi largitus es facultatem, et Judam Machabæum de feritate gentium nomen tuum non invocantium triumphare fecisti ; ita et huic famulo tuo, qui noviter jugo militiae colla supponit, pietate cœlesti vires et audaciam ad fidei et justitiae defensionem tribuas, et præstes ei fidei, spei, et charitatis augmentum ; et da tui timorem pariter et amorem, humilitatem, perseverantiam, obedientiam et patientiam bonam, et cuncta in eo recte disponas, ut neminem cum gladio isto vel alio, injuste lædat : et omnia cum eo justa et recta defendat : et sicut ipse de minori gradu ad novum militiae promovetur honorem, ita veterem hominem deponens cum actibus suis, novum induat hominem : ut te timeat et recte colat, perfidorum consortia vitet, et suam in proximum charitatem extendat, præposito suo in omnibus recte obediat, et suum in cunctis juste officium exequatur. Per Christum Dominum nostrum. ¶ Amen.

Tum ensem aqua benedicta aspergit.

Si autem ensis sit prius benedictus, omnia prædicta omittuntur. Post hæc Pontifex sedens, accepta mitra, dat ensem nudum novo Militi ante se genuflexo in manum dexteram, dicens :

Accipe gladium istum in nomine Pa†tris, et Fi†lli, et Spiritus † sancti, et utaris eo ad defensionem tuam, ac sanctæ Dei Ecclesiæ, et ad confusione inimicorum crucis Christi, ac fidei christianæ ; et quantum humana fragilitas permiserit, cum eo neminem injuste lædas : quod ipse præstare dignetur, qui cum Patre, et Spiritu sancto vivit et regnat Deus per omnia sæcula sæculorum. ¶ Amen.

Deinde ensis in vaginam reponitur, et Pontifex cingit Militem novum ense, dicens :

Accingere gladio tuo super femur tuum poten-

tissime; et attende, quod Sancti non in gladio, sed per fidem vicerunt regna.

Ense igitur accinctus Miles novus surgit, et ensem de vagina educit, et evaginatum ter viriliter vibrat, et super brachium sinistrum tergit, et in vaginam reponit.

Tunc Pontifex dat novo Militi osculum pacis, dicens :

Pax tecum.

Et iterum ensem evaginatum in dexteram accipiens, Militem novum ante se genuflexum cum ipso ense evaginato ter super scapulas leviter percutit, interim semel tantum dicens :

Esto miles pacificus, strenuus, fidelis, et Deo devotus.

Deinde reposito ense in vaginam, Pontifex manu dextera dat novo Militi leviter alapam, dicens :

Exciteris a somno malitiæ, et vigila in fide Christi et fama laudabili.

Et Milites adstantes imponunt novo Militi calcaria; et Pontifex sedens cum mitra, dicit Antiphonam :

Speciosus forma præ filiis hominum, accingere gladio tuo super femur tuum, potentissime.

Surgit Pontifex, et versus ad novum Militem stans, et detecto capite, dicit :

Dominus vobiscum. ¶ Et cum spiritu tuo.

OREMUS.

Omnipotens sempiterne Deus, super hunc famulum tuum, qui hoc eminenti mucrone circumcingi desiderat, gratiam tuæ bene † dictionis infunde, et eum dexteræ tuæ virtute fretum, fac contra cuncta adversantia cœlestibus armari præsidiis, quo nullis

in hoc sæculo tempestatibus bellorum turbetur. Per Christum Dominum nostrum. R. Amen.

His dictis, novus Miles osculatur manum Pontificis; et depositis ense et calcaribus, vadit in pace.

DE CREATIONE MILITIS REGULARIS.

Cum summus Pontifex committit aliquem creari in Militem ordinis militaris, Pontifex, cui creatio hujusmodi commissa est, in primis imponit ei habitum illum, quo Milites illius ordinis, quem intendit profiteri, uti consueverunt. Deinde recipit ab eo adhuc genuflexo professionem, per tales emitti solitam, votorum, secundum illius ordinis instituta.

FINIS PRIMÆ PARTIS.

PONTIFICALIS

PARS SECUNDA.

DE BENEDICTIONE ET IMPOSITIONE PRIMARII LAPIDIS PRO ECCLESIA AEDIFICANDA.

Nemo Ecclesiam ædificet, priusquam Pontificis judicio locus et atrium designentur, et quid ad luminaria, quid ad rectoris ministrorumque stipendia sufficiat, quidque ad Ecclesiæ dotem pertineat, definiatur; et per eum, vel ejus auctoritate, per Sacerdotem crux in loco figatur, et lapis primarius in fundamento ponatur. Pridie igitur lignea crux in loco ubi debet esse altare, figatur. Sequenti vero die, lapis in Ecclesiæ fundatione ponendus, qui debet esse quadratus et angularis, benedici debet hoc modo. Pontifex paratus supra rochetum, vel, si sit regularis, supra superpelliceum, amictu, alba, cingulo, stola, et pluviali albi coloris, et mitra simplici, et baculum Pastoralis in sinistra tenens, stans, cum mitra, in loco ubi Ecclesia est fundanda, benedit sal et aquam, dicens :

- a. Adjutorium nostrum in nomine Domini.**
- b. Qui fecit cœlum et terram.**

Exorcizo te, creatura salis, per Deum † vivum, per Deum † verum, per Deum † sanctum, per Deum, qui te per Eliseum Prophetam in aquam mitti jussit, ut sanaretur sterilitas aquæ; ut efficiaris sal exorcizatum in salutem credentium; et sis

omnibus sumentibus te sanitas animæ et corporis, et effugiat atque discedat a loco, in quo aspersum fueris, omnis phantasia et nequitia vel versutia diabolice fraudis, omnisque spiritus immundus, adjuratus per eum qui venturus est judicare vivos et mortuos, et sæculum per ignem. ¶ Amen.

Deinde, depositis baculo Pastorali et mitra, junctis manibus, dicit:

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

. OREMUS.

Immensam clementiam tuam, omnipotens æterne Deus, humiliter imploramus, ut haec creaturam salis quam in usum generis humani tribuisti, beneficere, et sancti † dicere, et sancti † ficare tua pietate digneris; ut sit omnibus sumentibus salus mentis et corporis; ut quidquid ex eo tactum vel repersum fuerit, carreat omni immunditia, omnique impugnatione spiritualis nequitiae. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Tum acceptis mitra et baculo Pastorali, super aquam absolute dicit:

Exorcizo te, creatura aquæ, in nomine Dei Patris omnipotentis, et in nomine Iesu Christi Fili ejus Domini nostri, et in virtute sancti † Spiritus, ut fias aqua exorcizata ad effugandam omnem potestatem inimici, et ipsum inimicum eradicare et extirpare valeas, cum angelis suis apostaticis, per virtutem ejusdem Domini nostri Iesu Christi, qui venturus est judicare vivos et mortuos, et sæculum per ignem. ¶ Amen.

*Deinde, depositis baculo Pastorali et mitra,
junctis manibus, dicit :*

*. Domine, exaudi orationem meam. R. Et clamor meus ad te veniat.

*. Dominus vobiscum. R. Et cum spiritu tuo.

OREMUS.

Deus, qui ad salutem humani generis maxima quæque Sacra menta in aquarum substantia condidisti, adesto propitiis invocationibus nostris, et elemento huic multimodis purificationibus præparato virtutem tuæ bene † dictionis infunde; ut creatura tua mysteriis tuis serviens, ad abjiciendos dæmones morbosque pellendos, divinæ gratiæ sumat effectum; ut quidquid in domibus, vel in locis fidelium, hæc unda reperserit, careat omni immunditia, liberetur a noxa: non illic resideat spiritus pestilens, non aura corrumpens; discedant omnes insidiæ latentis inimici, et si quid est quod aut incolumenti habitantium invidet aut quieti, aspersione hujus aquæ effugiat; ut salubritas per invocationem sancti tui nominis expetita, ab omnibus sit impugnationibus defensa. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæculum sæculorum. R. Amen.

*Pontifex mittit sal in aquam, in modum crucis,
dicendo semel :*

Commixtio salis et aquæ pariter fiat. In nomine Patris tris, et Fili lii, et Spiritus sancti. R. Amen.

*. Dominus vobiscum. R. Et cum spiritu tuo.

OREMUS.

Deus, invictæ virtutis auctor, et insuperabilis imperii rex, ac semper magnificus triumphator, qui adversæ dominationis vires reprimis, qui inimici

rugientis sævitiam superas, qui hostiles nequicias potenter expugnas, te, Domine, trementes et supplices deprecamur ac petimus, ut hanc creaturam salis et aquæ dignanter aspicias, benignus illustres, pietatis tuæ rore sanctifices: ut ubicumque fuerit aspersa, per invocationem sancti tui nominis, omnis infestatio immundi spiritus abigatur, terrorque venenosí serpentis procul pellatur, et præsentia sancti Spiritus nobis misericordiam tuam poscentibus, ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. R. Amen.

Tum Pontifex accipit mitram, et schola cantat Antiphonam et Psalmum sequentes. Interim dum ea cantantur, Pontifex cum mitra aspergit locum ubi crux posita est, cum aqua per eum benedicta.

ANTIPHONA.

Signum salutis pone, Domine Jesu Christe, in loco isto, et non permittas introire angelum percutientem.

PSALMUS 83.

Quam dilecta tabernacula tua Domine virtutum,
* concupiscit et deficit anima mea in atria Domini.

Cor meum et caro mea:
* exultaverunt in Deum vivum.

Etenim passer invenit sibi domum: * et turtur nidum sibi, ubi ponat pullos suos.

Altaria tua, Domine virtutum: * Rex meus, et Deus meus.

Beati qui habitant in domo tua Domine: * in sæcula sæculorum laudabunt te.

Beatus vir cuius est auxilium abs te: * ascensiones in corde suo disposuit in valle lacrymarum, in loco quem posuit.

Etenim benedictionem dabit legislator, ibunt de virtute in virtutem: * viderbitur Deus deorum in Sion.

**Domine Deus virtutum,
exaudi orationem meam :
* auribus percipe, Deus Ja-
cob.**

**Protector noster aspice,
Deus : * et respice in fa-
ciem Christi tui.**

**Quia melior est dies una
in atriis tuis : * super mil-
lia.**

**Elegi abjectus esse in
domo Dei mei : * magis**

*Finitis Antiphona et Psalmo prædictis, Pon-
tifex stans versus ad locum per eum aspersum,
deposita mitra, dicit :*

OREMUS.

**Domine Deus, qui licet cœlo et terra non capiaris,
domum tamen dignaris habere in terris, ubi nomen
tuum jugiter invocetur : locum hunc, quæsumus,
beatæ Mariæ semper virginis, et beati N. (nomi-
nando Sanctum, vel Sanctam, in cuius honorem
ac nomen fundabitur Ecclesia), omniumque Sanc-
torum intercedentibus meritis, sereno pietatis tuæ
intuitu visita, et per infusionem gratiæ tuæ ab omni
inquinamento purifica, purificatumque conserva, et
qui dilecti tui David devotionem, in filii sui Salo-
monis opere complevisti, in hoc opere desideria nos-
tra perficere digneris, effugiantque omnes hinc ne-
quitiæ spirituales. Per Dominum nostrum Jesum
Christum Filium tuum, qui tecum vivit et regnat in
unitate Spiritus sancti Deus, per omnia sæcula sæ-
culorum. ¶ Amen.**

*Post hæc stans adhuc sine mitra Pontifex, bene-
dicit primarium lapidem, dicens :*

***. Adjutorium nostrum in nomine Domini. ¶ Qui
fecit cœlum et terram.**

**quam habitare in taberna-
culis peccatorum.**

**Quia misericordiam et
veritatem diligit Deus : *
gratiam et gloriam dabit
Dominus.**

**Non privabit bonis eos
qui ambulant in innocen-
tia : * Domine virtutum,
beatus homo qui sperat in
te.**

Gloria Patri. Sicut erat.

reditas Domini, filii, merces fructus ventris.

Sicut sagittæ in manu potentis : * ita filii excusorum.

Beatus vir qui implevit

desiderium suum ex ipsis :
* non confundetur cum loquetur inimicis suis in porta.

Gloria Patri. Sicut erat
etc.

Quo dicto, Pontifex stans cum mitra tangit et ponit ipsum primarium lapidem in fundamento, dicens :

In fide Jesu Christi collocamus lapidem istum primarium in hoc fundamento : In nomine Patris, et Filii, et Spiritus sancti, ut vigeat vera fides hic, et timor Dei, fraternaque dilectio, et sit hic locus destinatus orationi, et ad invocandum et laudandum nomen ejusdem Domini nostri Jesu Christi qui cum Patre et Spiritu sancto vivit, et regnat Deus, per omnia saecula saeculorum. ¶ Amen.

Interim cæmentarius locat ipsum lapidem cum cæmento, postea Pontifex spargit super lapidem aquam benedictam, dicens :

Asperges me, Domine, hyssopo, et mundabor : lavabis me, et super nivem dealbabor.

*Psalmus 50. Miserere mei Deus : * secundum magnam misericordiam tuam etc. Et totus dicitur cum Gloria Patri, ut supra habetur, pag. 97.*

Quo dicto, Pontifex spargit aquam benedictam per omnia fundamenta, si sunt aperta ; si non sunt aperta, circuit aspergendo fundamenta Ecclesiæ designata, hoc modo. Incipiens aspergere et circuire, inchoat, schola prosequente, Antiphonam :

O quam metuendus est locus iste ! vere non est hic aliud, nisi domus Dei, et porta cœli.

PSALMUS 86.

Fundamenta ejus in montibus sanctis : * diligit Dominus portas Sion, super omnia tabernacula Jacob.

Gloriosa dicta sunt de te : * civitas Dei.

Memor ero Rahab, et Babylonis : * scientium me.

Ecce alienigenæ, et Tyrus, et populus Æthiopum : * hi fuerunt illuc.

Numquid Sion dicet : Homo, et homo natus est in ea : * et ipse fundavit eam Altissimus ?

Dominus narrabit in scripturis populorum, et principum : * horum, qui fuerunt in ea.

Sicut lætantium omnium * habitatio est in te.

Gloria Patri. Sicut erat etc.

Et repetitur Antiphona. Interim aspergendo procedit usque ad tertiam partem fundamentorum apertorum, seu designatorum, ubi subsistit; et repetita Antiphona, Pontifex stans ibidem, deposita mitra, dicit : Oremus.

Et ministri : Flectamus genua. ¶ Levate.

Omnipotens et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine digne perfecteque ab eis agitur, a te fieri credatur ; quæsumus immensam clementiam tuam, ut quidquid modo visitaturi sumus, visites ; et quidquid benedicturi sumus, benedicas ; sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. ¶ Amen.

Deinde inchoat, schola prosequente, Antiphonam :

Pax æterna ab Æterno huic domui. Pax perennis, Verbum Patris, sit pax huic domui. Pacem pius consolator huic præstet domui.

Interim Pontifex, accepta mitra, aspergendo procedit usque ad aliam tertiam partem funda-

mentorum apertorum, seu designatorum, ibidem subsistens; et finita Antiphona, stans cum mitra, dicit :

Omnipotentem Deum, fratres charissimi, in cuius domo multæ sunt mansiones, supplices deprecemur, ut locum istum nomini suo ædificandum per serenissimam pietatem suam bene † dicere, sancti † ficare, et conse † crare dignetur. Per Dominum nostrum Jesum Christum, qui cum Patre et Spiritu sancto vivit et regnat Deus, per omnia sæcula sæculorum. ¶ Amen.

Deinde inchoat, schola prosequente, Antiphonam :

Bene fundata est domus Domini supra firmam petram.

PSALMUS 121.

Lætatus sum in his, quæ dicta sunt mihi : * In dominum Dominus ibimus.

Stantes erant pedes nostri * in atriis tuis Jerusalem.

Jerusalem, quæ ædificatur ut civitas : * cujus participatio ejus in idipsum.

Illuc enim ascenderunt tribus, tribus Domini : * testimonium Israel ad confitendum nomini Domini.

Quia illic sederunt sedes

in judicio, * sedes super dominum David.

Rogate quæ ad pacem sunt Jerusalem : * et abundantia diligentibus te.

Fiat pax in virtute tua : * et abundantia in turribus tuis.

Propter fratres meos et proximos meos, loquebar pacem de te.

Propter domum Domini Dei nostri * quæsivi bona tibi.

Gloria Patri. Sicut erat.

Et repetitur Antiphona. Interim Pontifex aspergendo procedit per ultimam tertiam partem fundamentorum apertorum, seu designatorum, revertens ad locum in quo lapidem imposuit; ubi repetita Antiphona, stans, deposita mitra, dicit : Oremus.

Et ministri : Flectamus genua. ¶ Levate.

Deus , qui ex omnium cohabitatione Sanctorum , aeternum majestati tuæ condis habitaculum, da ædificationi tuæ incrementa cœlestia ; ut, quod te jubente fundatur , te largiente perficiatur. Per Christam Dominum nostrum. ¶ Amen.

Subsequenter Pontifex ibidem stans sine mitra, inchoat, schola prosequente, Hymnum Veni Creator, pag. 50.

Quo inchoato , Pontifex genuflectit usque ad finem primi versus. Tunc surgit stans, detecto capite, usque ad finem Hymni; quo finito, dicit :

Descendat, quæsumus, Domine Deus noster, Spiritus tuus sanctus super hanc domum ædificandam, qui et dona nostra et populi tui in ea sanctificet, et ipsius corda dignanter emundet. Per Christum Dominum nostrum. ¶ Amen.

OREMUS.

Deus, qui in omni loco dominationis tuæ clemens ac benignus dedicator assistis , exandi nos , quæsumus, et concede, ut inviolabilis hujus loci permaneat constructio ; et beneficia tui muneris , universitas fidelium , quæ tibi supplicat , percipere mereatur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus , per omnia sæcula sæculorum. ¶ Amen.

Hoc facto, accepta mitra, Pontifex , si placet , sedens ibidem in faldistorio, exhortatur populum ad contribuendum pro structura Ecclesie novæ et aliis opportunis. Deinde dat benedictionem solemnem, dicens :

Sit nomen Domini benedictum etc.

Et in fine concedit indulgentias. His expletis, si velit, parat se ad celebrandum Missam in dicto loco, de Sancto in cuius nomine Ecclesia fundatur.

DE ECCLESIAE DEDICATIONE
SEU CONSECRATIONE.

Ecclesiarum consecratio quamvis omni die de jure fieri possit, decentius tamen in Dominicis diebus, vel Sanctorum solemnitatibus fit.

Quando autem Ecclesia fuerit dedicanda, debet Archidiaconus prænuntiare clero et populo qui bus est Ecclesia consecranda; ut, priusquam consecretur, jejunent. Nam Pontifex consecrans, et qui petunt sibi Ecclesiam consecrari, præcedenti die jejunare debent. Sane sero ante diem dedicationis, Pontifex parat Reliquias in altari consecrando includendas, ponens eas in decenti et mundo vasculo, cum tribus granis thuris; ponit etiam in eo chartulam de pergamo, scriptam sub hac forma: M.DCCC etc..... die N. mensis N. Ego N. Episcopus N. consecravi Ecclesiam et altare hoc, in honorem sancti N., et Reliquias sanctorum Martyrum N. et N. in eo inclusi, et singulis Christi fidelibus, hodie unum annum, et in die anniversario consecrationis hujusmodi ipsam visitantibus quadraginta dies de vera indulgentia, in forma Ecclesiæ consueta concessi.

Sigillans ipsum vasculum diligenter, et illud in honesto et mundo loco, vel sub tentorio ante foras Ecclesiæ consecrandæ parato ponens, et super ornatum feretrum decenter collocans, cum duobus candelabris et luminaribus ardentibus.

Celebrandæque sunt vigiliæ ante Reliquias ipsas, et canendi Nocturni et matutinæ Landes, in honorem Sanctorum quorum Reliquiæ sunt recon-

dendæ ; imagines vero, cruces et alia ipsa nocte remaneant in Ecclesia consecranda.

Parantur etiam in Ecclesia, quæ ad dedicacionem ipsius Ecclesiæ et altaris sunt necessaria, videlicet sanctum Chrisma in vasculo, et ampulla; Oleum sanctum Catechumenorum etiam in vasculo, et ampulla; duæ libræ thuris, cujus medias sit in granis; thuribulum cum navicula et cochleari; vas cum prunis ardentibus; vas cum cineribus, pro quantitate Ecclesiæ; vas cum sale; vas vini; aspersorium factum de herba hyssopi; mantilia ex tela grossa, ad extergendum mensam altaris, quoties expedierit; coopertura linea cerrata, ad mensuram altaris, pro quolibet altari consecrando; quinque cruces parvæ etiam pro quolibet altari consecrando, factæ de candelis ceræ subtilibus; aliquæ spatulæ ligneæ parvæ, ad abradendum de altari combustiones candelarum et thuris; vas in quo ipsæ rasuræ deponantur; calx, arena, sive tegula trita ad faciendum cæmentum, pro liniendo sepulchro Reliquiarum, et junctura mensæ altaris cum stipite; cæmentarius, qui hoc agat; duo intortitia accensa, quæ semper præcedant Pontificem, quocumque ierit; vasa cum aqua, ad ablueras manus Pontificis; et medulla panis, ac mantilia pro extergendis manibus; duæ libræ bombycis pro extergendis crucibus unctis, quæ fiant in parietibus Ecclesiæ et in stipite altaris; duo vasa cum aqua benedicenda, unum extra Ecclesiam, et aliud intus in presbyterio; tobaleæ novæ mundæ, et vasa atque ornamenta ad cultum Dei et Ecclesiæ et altaris, postquam consecrata fuerint, pertinentia, benedicenda. Item, depingantur in parietibus Ecclesiæ intrinsecus per circuitum duodecim cruces, circa decem palmos super terram, videlicet tres pro quolibet ex qua-

tuor parietibus. Et ad caput cuiuslibet crucis figatur unus clavus, cui affigatur una candela unius unciae. Scala, super quam ascendens Pontifex possit attingere ipsas duodecim cruces; fontes Ecclesiae, in quibus conservatur aqua benedicta, vacui sint et bene mundi. Et provideatur, quod Ecclesia possit exterius libere circumiri.

Pontifex mane in suo habitu quotidiano venit ad Ecclesiam; ordinat in Ecclesia consecranda, quæ ordinanda sunt; et ejus jussu accenduntur præmissæ duodecim candelæ; et faldistorium ornatum ponitur supra tapete in medio Ecclesiae; et mox Pontifex exit Ecclesiam, cunctis inde exire jussis, uno tantum Diacono amictu, alba, cingulo, et stola albi coloris parato intus remanente; et Ecclesiæ fores clauduntur.

Tunc Pontifex cum clero et populo accedit ad locum, ubi pridie Reliquiæ positæ fuerunt, et ibi incipit et dicit voce submissa cum clericis septem Psalmos Pœnitentiales cum Antiphona Ne reminiscaris Domine etc. (sine Litaniis), ut supra, pag. 106, induens interim amictum, albam, cingulum, stolam, et pluviale albi coloris, accipiens mitram simplicem in capite, et baculum, Pastoralem in manu sinistra. Alter quoque Diaconus, paratus similiter amictu, alba, cingulo, et stola albi coloris; Subdiaconus etiam amictum, albam, et cingulum indutus; Acolyti et alii ministri superpelliceis parati adsint. Septem Psalmis expletis, redit Pontifex cum ministris ante fores Ecclesiæ consecrandæ, et parato ibi alio super tapete faldistorio, Pontifex, deposito baculo Pastorali et stans sine mitra, inchoat et schola prosequitur Antiphonam :

Adesto Deus unus omnipotens, Pater et Filius et Spiritus sanctus.

Deinde dicit, stans eodem modo :

OREMUS.

Actiones nostras, quæsumus Domine, aspirando præveni, et adjuvando prosequere; ut cuncta nostra oratio et operatio a te semper incipiat, et per te cœpta finiatur. Per Christum Dominum nostrum. R. Amen.

Qua dicta, Pontifex, accepta mitra, procumbit supra faldistorium ibidem præparatum, et cantores, incipiunt Litanias (ut supra, pag. 29), et eas prosequuntur usque ibi: Ab omni malo, Libera nos Domine, exclusive. Tunc surgens Pontifex ab accubitu, et stans cum mitra, benedicit ibidem aquam et sal, prout supra habetur, pag. 195. Expleta aquæ benedictione, Pontifex stans sine mitra, aspergit se et circumstantes cum illa, inchoans, schola prosequente, Antiphonam:

*Asperges me, Domine, hyssopo, et mundabor:
lavabis me, et super nivem dealbabor.*

Qua incepta, imposita sibi mitra, stans ante fores Ecclesiæ, præcedentibus ipsum duobus Acolythis cum candelis accensis, incipit circuire ad manum dexteram, procedens cum clero et populo, et aspergens cum ipsa aqua forinsecus parietes Ecclesiæ in superiori parte eorum, et cæmeterium, dicens semper:

In nomine Pa † tris, et Fi † lii, et Spiritus † sancti.

Interim, finita dicta Antiphona, schola cantat Responsorium:

Fundata est domus Domini super verticem montium, et exaltata est super omnes colles, et venient ad eam omnes gentes. Et dicent: gloria tibi Domine.

¶. Venientes autem venient cum exultatione, portantes manipulos suos. * Et dicent.

Expleto circuitu, Pontifex perveniens ante ostium, stans ibidem versus ad ostium, depositis aspersorio et mitra, dicit : Oremus.

Et ministri : Flectamus genua. ¶ Levate.

Omnipotens sempiterne Deus, qui in omni loco dominationis tuæ totus assistis, totus operaris; adesto supplicationibus nostris, et hujus domus cuius es fundator, esto protector; nulla hic nequitia contrariæ potestatis obsistat, sed virtute Spiritus sancti operante, fiat hic tibi semper purum servitum, et devota libertas. Per Christum Dominum nostrum. ¶ Amen.

Quo dicto, Pontifex, acceptis mitra et baculo Pastorali, ad ostium Ecclesiae appropinquans, perculit illud semel cum inferiori parte ejusdem baculi Pastoralis, super liminare, dicens intelligibili voce :

Attollite portas, principes, vestras, et elevamini portæ æternales, et introibit Rex gloriæ.

Diaconus intus existens dicit alta voce :
Quis est iste rex gloriæ?

Pontifex respondet :

Dominus fortis, et potens : Dominus potens in prælio.

Deinde Pontifex, deposito baculo Pastorali, et accepto aspersorio, iterum circuit Ecclesiam cum clero et populo, incipiens ad eamdem manum dexteram, aspergendo parietes juxta fundamentum ipsorum, et cæmeterium, dicens semper :

In nomine Pa † tris, et Fi † lii, et Spiritus † sancti.

Interim schola cantat Responsorium :
Benedic, Domine, domum istam quam ædificavi

nominì tuo. Venientium in loco isto, * Exaudi preces in excelso solio gloriæ tuæ. ¶ Domine, si conversus fuerit populus tuus, et egerit pœnitentiam, veniensque oraverit in loco isto. * Exaudi.

Expleto circuitu, Pontifex perveniens ante ostium, stans ibidem versus ad illud, depositis aspersorio et mitra, dicit : Oremus.

Et ministri : Flectamus genua. ¶ Levate.

Omnipotens sempiterne Deus, qui per Filium tuum, angularem scilicet lapidem, duos ex diverso venientes, ex circumcitione et præputio parietes, duosque greges ovium sub uno eodemque pastore unisti ; da famulis tuis, per hæc nostræ devotionis officia, indissolubile vinculum charitatis, ut nulla divisione mentium, nullaque perversitatis varietate sequestrentur, quos sub unius regimine pastoris unus grex continet, uniusque te custode ovis septa concludunt. Per eundem Christum Dominum nostrum. ¶ Amen.

Tum, acceptis mitra et baculo Pastorali, appropinquans iterum ad ostium, percudit secundo, cum eodem baculo Pastorali, superliminare, dicens simili voce, ut prius :

Attollite portas, principes, vestras, et elevamini portæ æternales, et introibit rex gloriæ.

Diaconus intus existens, dicit :

Quis est iste rex gloriæ?

Pontifex respondet :

Dominus fortis, et potens : Dominus potens in prælio.

Deinde, deposito baculo Pastorali et accepto aspersorio, circuit tertio Ecclesiam cùm clero et populo, incipiens ad sinistram manum, proceditque aspergens exterius cum eadem aqua parietes in media

parte eorum, id est, circa altitudinem faciei suæ, et cæmeterium, dicens semper :

In nomine Pa † tris, et Fi † lii, et Spiritus † sancti.

Interim schola cantat Responsorium :

Tu Domine universorum, qui nullam habes indigentiam, voluisti templum tuum fieri in nobis.

* Conserva domum istam immaculatam in æternum, Domine. ¶ Tu elegisti, Domine, domum istam ad invocandum nomen tuum in ea; ut esset domus orationis et obsecrationis populo tuo. * Conserva.

Expleto cantu et circuitu, cum Pontifex pervernerit ante ostium, stans ibidem versus ad illud, depositis aspersorio et mitra, dicit : Oremus.

Et ministri : Flectamus genua. ¶ Levate.

Omnipotens et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine digne perfecteque ab eis agitur, a te fieri credatur: quæsumus immensam clementiam tuam, ut quidquid modo visitaturi sumus, visites; et quidquid benedicturi sumus, benedicas; sitque ad nostræ humilitatis introitam, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. ¶ Amen.

Tum, acceptis mitra et baculo Pastorali, appropinquans tertio ad ostium Ecclesiæ, percutit iterum superliminare cum eodem baculo Pastorali, dicens :

Attollite portas, principes, vestras, et elevamini portæ æternales, et introibit rex gloriæ.

Diaconus intus existens, dicit :

Quis est iste rex gloriæ?

Pontifex et universus clerus respondet :

Dominus virtutum ipse est rex gloriæ.

Adjicientes : Aperite, Aperite, Aperite. . .

Pontifex facit crucem super liminare in ostio cum inferiori parte baculi Pastoralis, dicens :

Ecce cru † cis signum , fugiant phantasmata cuncta.

Et aperto ostio , intrat Ecclesiam solus cum ministris, clericis, et choro, et cæmentariis qui collocare et linire debent lapidem super sepulchrum Reliquarum et mensam altaris, si est remota aut separata a stipite, dimisso ab extra clero et populo, et clauso Ecclesiæ ostio post eos. Ingressus autem Pontifex Ecclesiam , dicit intelligibili voce : Pax huic domui.

Et Diaconus, qui est intus, respondet :
In introitu vestro.

Et omnes dicunt : Amen.

Tum schola, sive cantores cantant Antiphonam :
Pax æterna ab Æterno huic domui. Pax perennis,
Verbum Patris, sit pax huic domui. Pacem pius
Consolator huic præstet domui.

Qua dicta, cantant etiam sequentem Antiphonam :

Zachæe, festinans descendere, quia hodie in domo tua oportet me manere. At ille festinans descendit, et suscepit illum gaudens in domum suam. Hodie huic domui salus a Deo facta est , alleluia.

Hæc dum cantantur, Pontifex procedit usque ad medium Ecclesiæ, ubi faldistorium paratum est ; et expletis prædictis Antiphonis, depositis baculo et mitra, flexis ibi genibus, versus ad altare majus inchoat, schola prosequente, Hymnum :

Veni Creator Spiritus.

Et dicitur totus, prout habetur supra, pag. 50.
Finito primo versu, surgit Pontifex, et stat usque ad finem, sine mitra.

Interim unus ex ministris spargit cinerem per pavimentum Ecclesiæ in modum crucis, faciendo ex eo lineas duas , quamlibet latitudinis fere unius palmi; unam ab angulo Ecclesiæ ad sinistram manum per principalem portam intrantis, ad angulum

transversum illius, id est, dexterum intrantis, ad caput Ecclesiae; et aliam ab angulo dexteram manum intrantis, ad angulum transversum illius, id est, sinistrum ipsius, ad caput Ecclesiae: vel si Ecclesia sit magna, fieri possunt loco primae linea viginti quatuor Areolæ æquali spatio distantes, ex cinere; et loco secundæ, viginti tres.

Finito Hymno, Pontifex accepta mitra, accumbit super faldistorium, et schola iterum incipit et prosequitur Litanias, ut supra, pag. 29, in quibus suo loco nominetur bis Sanctus ille, in cuius honore et nomine Ecclesia vel altare dedicatur; et illi quorum Reliquiae in eo includuntur. Postquam autem dictum fuerit.

Ut omnibus fidelibus, etc. ¶. Te rogamus audi nos.

Pontifex ab accubitu surgit, et baculum Pastoralis in sinistra tenens, dicit in eodem tono :

Ut locum istum visitare digneris. ¶. Te rogamus audi nos.

Secundo dicit :

Ut in eo Angelorum custodiam deputare digneris
¶. Te rogamus audi nos.

Deinde dexteram in altum extendens, producit communiter super Ecclesiam et altare consecrandum, ter successive signum crucis, dicens primo :

Ut Ecclesiam et altare hoc, ad honorem tuum,
et nomen sancti N. consecranda bene † dicere digneris. ¶. Te rogamus audi nos.

Secundo dicit :

Ut Ecclesiam et altare hoc, ad honorem tuum,
et nomen sancti N. consecranda bene † dicere et sancti † ficare digneris. ¶. Te rogamus audi nos.

Tertio dicit :

Ut Ecclesiam et altare hoc, ad honorem tuum,
et nomen sancti N. consecranda bene † dicere,

sancti † dicare, et conse † crare digneris. ¶ Te rogamus audi nos.

Quo facto, deposito baculo Pastorali, iterum accumbit super faldistorium, schola Litanias resumente et perficiente; quibus finitis, ab accubitu surgit, deposita mitra, et stans ibidem versus ad altare majus, dicit intelligibili voce:

OREMUS.

Et ministri: Flectamus genua. ¶ Levate.

Præveniat nos, quæsumus Domine, misericordia tua, et, intercedentibus omnibus Sanctis tuis, voces nostras clementia tuae propitiationis anticipet. Per Christum Dominum nostrum. ¶ Amen.

Alia Oratio. OREMUS.

Magnificare Domine Deus noster in Sanctis tuis, et hoc in templo tibi ædificato appare, ut qui cuncta in filiis adoptionis operaris, ipse semper in tua hereditate lauderis. Per Christum Dominum nostrum. ¶ Amen.

Finitis Orationibus, schola incipit et prosequitur Antiphonam:

O quam metuendus est locus iste! vere non est hic aliud, nisi domus Dei et porta cœli.

CANTICUM ZACHARIAE. *Lucæ 1.*

Benedictus Dominus Deus Israël: * quia visitavit, et fecit redemptiōnem plebis suæ.

Repetitur tota Antiphona.

Et erexit cornu salutis nobis, * in domo David pueri sui.

Repetitur Antiphona, ut prius.

Sicut locutus est per os

Sanctorum, qui a sœculo sunt, prophetarum ejus.

Repetitur iterum Antiphona, ut prius.

Salutem ex inimicis nostris * et de manu omnium, qui oderunt nos.

Iterum repetitur Antiphona.

Ad faciendam misericordiam cum patribus nostris:

* et memorari testamenti sui sancti.

Repetitur Antiphona.

Jusjurandum quod juravit ad Abraham patrem nostrum, * daturum se nobis.

Repetitur iterum Antiphona.

Ut sine timore de manu inimicorum nostrorum liberati, * serviamus illi.

Iterum repetitur Antiphona.

In sanctitate et justitia coram ipso, * omnibus diebus nostris.

Repetitur, ut prius, Antiphona.

E tu, puer, propheta Altissimi vocaberis: * præibis enim ante faciem Domini parare vias ejus.

Antiphona repetitur, ut prius.

Ad dandam scientiam

Tandem iterum Antiphona repetitur.

Interim, dum præmissa cantantur, Pontifex, acceptis mitra et baculo Pastorali, incipiens ab angulo Ecclesiæ ad sinistram intrantis, prout supra lineæ factæ sunt, extremitate baculi Pastoralis scribit super cineres alphabetum Græcum, ita distinctis litteris, ut totum spatiū occupent, his videlicet :

Deinde simili modo incipiens ab angulo Ecclesiæ ad dexteram intrantis, scribit alphabetum Latinum, super cineres distinctis litteris, his videlicet :

salutis plebi ejus : * in remissionem peccatorum eorum.

Repetitur, ut prius, Antiphona.

Per viscera misericordiæ Dei nostri ; * in quibus visitavit nos oriens ex alto.

Antiphona repetitur, ut prius.

Illuminare his qui in nebris et in umbra mortis sedent : * ad dirigendos pedes nostros in viam pacis.


Repetitur, ut prius, Antiphona.

Gloria Patri, et Filio, * et Spiritui sancto.

Ut prius, Antiphona repetitur.

Sicut erat in principio, et nunc, et semper : * et in sæcula sæculorum.

Amen.



Post hæc Pontifex cum mitra accedit versus altare majus consecrandum, et distans ab illo, spatio congruenti, depositis baculo et mitra, genuflexus, competenti voce dicit :

Deus, in adjutorium meum intende.

Quo dicto, Pontifice surgente, Chorus respondet : Domine, ad adjuvandum me festina.

Tum Pontifex stans sine mitra in eodem loco, dicit :

Gloria Patri, et Filio, et Spiritui sancto.

Chorus respondet :

Sicut erat in principio, et nunc, et semper, et in sæcula sæculorum. Amen, sine Alleluia.

Et id eisdem modo et loco, secundo et tertio fit, voce semper altius elevata. Quibus dictis, Pontifex stans in eodem loco cum mitra, benedicit aliam aquam cum sale, cinere et vino, incipiens absolute exorcismum salis.

Exorcizo te creatura salis, in nomine Domini nostri Jesu Christi, qui Apostolis suis ait : Vos estis sal terræ, et per Apostolum dicit : Sermo vester semper in gratia sale sit conditus ; ut sancti † ficeris ad consecrationem hujus Ecclesiae et altaris, ad expellendas omnes dæmonum tentationes ; et omnibus, qui ex te sumpserint, sis animæ et corporis testamentum, sanitas, protectio et confirmatio salutis. Per eumdem Dominum nostrum Jesum Christum Filium tuum, qui venturus est judicare vivos et mortuos, et sæculum per ignem. R. Amen.

Deinde, deposita mitra, dicit :

¶. Dominus vobiscum. R. Et cum spiritu tuo.

OREMUS.

Domine Deus, Pater omnipotens, qui hanc gratiam cœlitus sali tribuere dignatus es, ut ex illo pos-

sint universa condiri, quæ hominibus ad escam procreasti, bene † dic hanc creaturam salis, ad effugandum inimicum; et ei salubrem medicinam immitte, ut proficiat sumentibus ad animæ et corporis sanitatem. Per Christum Dominum nostrum. R. Amen.

Tum, assumpta mitra, dicit absolute exorcismum aquæ.

Exorcizo te creatura aquæ, in nomine Dei Patris, et Filii † Iesu, et Spiritus † sancti, ut repellas diabolum a termino justorum, ne sit in umbraculis hujus Ecclesiae et altaris. Et tu, Domine Iesu Christe, infunde Spiritum sanctum in hanc Ecclesiam tuam et altare; ut proficiat ad sanitatem corporum, animarumque adorantium te, et magnificetur nomen tuum in gentibus; et increduli corde convertantur ad te, et non habeant alium Deum, praeter te Dominum solum, qui venturus es judicare vivos et mortuos, et sæculum per ignem. R. Amen.

Deinde deposita mitra, dicit :

†. Domine, exaudi orationem meam. R. Et clamor meus ad te veniat.

†. Dominus vobiscum. R. Et cum spiritu tuo.

OREMUS.

Domine Deus, Pater omnipotens, statutor omnium elementorum, qui per Jesum Christum Filium tuum Dominum nostrum elementum hoc aquæ in salutem humani generis esse voluisti, te supplices deprecamur, ut, exauditis orationibus nostris, eam tuæ pietatis aspectu sancti † fices; atque ita omnium spirituum immundorum ab ea recedat incurso, ut ubicumque fuerit in nomine tuo aspersa, gratia tuæ benedictionis adveniat, et mala omnia, te propitiante, procul recedant. Per eumdem Dominum nostrum Jesum Christum Filium tuum, qui

tecum vivit et regnat Deus, per omnia sæcula sæculorum. **R.** Amen.

Tum stans sine mitra, dicit super cineres.

BENEDICTIO CINERUM.

†. Domine, exaudi orationem meam. **R.** Et clamor meus ad te veniat.

†. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, parce pœnitentibus, propitiare supplicantibus, et mittere digneris sanctum Angelum tuum de cœlis, qui bene † dicat, et sancti † facet hos cineres, ut sint remedium salubre omnibus nomen sanctum tuum humiliter implorantibus, ac semetipsos pro conscientia delictorum suorum accusantibus, ante conspectum divinæ clementiæ tuæ facinora sua deplorantibus, vel serenissimam pietatem tuam suppliciter obnixèque flagitantibus; et præsta, per invocationem sanctissimi nominis tui, ut quicumque eos super se asperserint, pro redemptione peccatorum suorum, corporis sanitatem et animæ tutelam percipient. Per Christum Dominum nostrum. **R.** Amen.

Tum Pontifex accipit sal, et miscet cineri in modum crucis, dicens :

Commixtio salis et cineris pariter fiat. In nomine Pa † tris, et Fi † lii, et Spiritus † sancti. **R.** Amen.

Deinde accipiens pugillum de mixtura salis et cinerum, in modum crucis ter emittit in aquam, qualibet vice dicens :

Commixtio salis, cineris, et aquæ pariter fiat. In nomine Pa † tris, et Fi † lii, et Spiritus † sancti. **R.** Amen.

Deinde stans sine mitra, dicit super vinum,

BENEDICTIO VINI.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Domine Jesu Christe, qui in Cana Galilææ ex aqua vinum fecisti, quique es vitis vera, multiplica super nos misericordiam tuam; et bene † dicere ac sancti † ficare digneris hanc creaturam vini, ut ubiquecumque fusum fuerit vel aspersum, divinæ id benedictionis tuæ opulentia repleatur et sanctificetur. Qui cum Patre, et Spiritu sancto vivis et regnas Deus, per omnia sæcula sæculorum. ¶. Amen.

Deinde mittit, in modum crucis, vinum in aquam ipsam, dicens :

Commixtio vini, salis, cineris et aquæ pariter fiat. In nomine Pa † tris, et Fi † lii, et Spiritus † sancti. ¶. Amen.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Omnipotens sempiterne Deus, creator et conservator humani generis, et dator gratiæ spiritualis, ac largitor æternæ salutis, emitte Spiritum sanctum tuum super hoc vinum cum aqua, sale et cinere mixtum; ut armatum cœlestis defensione virtutis, ad consecrationem hujus Ecclesiæ et altaris tui proficiat. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶. Amen.

Tum Pontifex, assumpta mitra, dicit absolute super aquam prædictam :

Sancti † ficare per verbum Dei unda cœlestis;

sanctifi † care aqua calcata Christi vestigiis ; quæ montibus pressa non clauderis ; quæ scopulis illisa non frangeris ; quæ terris diffusa non deficis. Tu sustines aridam , tu portas montium pondera, nec demergeris ; tu cœlorum vertice contineris ; tu circumfusa per totum, lavas omnia , nec lavaris. Tu fugientibus populis Hebræorum in molem durata constricta es : tu rursum salsis resoluta vorticibus Nili accolas perdis , et hostilem globum freto sæviente persequeris : una , eademque es salus fidelibus, et ultio criminosis. Te per Moysen percussa rupes evomuit, neque abdita cautibus latere potuisti cum majestatis imperio jussa prodires : tu gestata nubibus imbre jucundo arva fœcundas. Per te, aridis æstu corporibus, dulcis ad gratiam, salutaris ad vitam potus infunditur : tu intimis scaturiens venis, aut spiritum inclusa vitalem, aut succum fertilem præstas, ne siccatis exinanita visceribus solemnes neget terra proventus : per te initium, per te finis exultat ; vel potius ex Deo est , tuum ut terminum nesciamus ; aut tuorum, omnipotens Deus, cuius virtutum non nescii, dum aquarum merita promimus, operum insignia prædicamus. Tu benedictionis auctor, tu salutis origo : te suppliciter deprecamur ac quæsumus , ut imbre gratiæ tuae super hanc domum cum abundantia tuae bene † dictionis infundas ; bona omnia largiaris ; prospera tribuas ; adversa repellas ; malorum facinorum dæmonem destruas ; Angelum lucis amicum, bonorum provisorem defensoremque constituas. Domum in tuo nomine cœptam, te adjutore perfectam, bene † dictio tua in longum mansuram confirmet. Tuum hæc fundamenta præsidium , culmina tegumentum, ostia introitum, penetralia mereantur accessum. Sit per illustrationem vultus tui utilitas hominum, stabilitas parietum.

Tum Pontifex accedit ad ostium Ecclesiæ, et cum extremitate baculi Pastoralis facit crucem in parte superiori, et aliam in parte inferiori intrinsecus.

Quo facto, deposito baculo, stans ibidem prosequitur, dicens :

Sit positis crux invicta liminibus ; utriusque postes gratiæ tuæ inscriptione signentur ; ac per multitudinem propitiationis tuæ visitatoribus domus sit pax cum abundantia, sobrietas cum modestia, redundantia cum misericordia. Inquietudo omnis et calamitas longe recedant. Inopia , pestis, morbus , languor, incursusque malorum spirituum tua semper visitatione discedant ; ut tua fusa in hoc loco visitationis gratia extensos ejus terminos et atria circumacta percurrat ; sitque per cunctos ejus angulos ac recessus hujus gurgitis purificatio per lavacrum, ut semper hic lætitia quietis, gratia hospitalitatis, abundantia frugis, reverentia religionis , copiaque sit salutis. Et , ubi invocatur sanctum nomen tuum , bonorum omnium succedat copia , malorum tentamenta procul effugiant ; et mereamur habere nobiscum Angelum pacis , castitatis, charitatis, ac veritatis , qui semper ab omnibus malis nos custodiat, protegat et defendat. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus , per omnia sæcula sæculorum. ¶ Amen.

Deinde redit ad dictum locum, ubi aquam benedixit, et stans ibidem versus ad altare majus, mitram in capite tenens , dicit :

Deum Patrem omnipotentem, fratres charissimi, in cuius domo mansiones multæ sunt, supplices deprecemur, ut habitaculum istud bene † dicere, et custodire dignetur, per aspersionem hujus aquæ cum vino, sale, et cinere mixtæ. Per Dominum nos-

trum Jesum Christum Filium suum , qui cum eo vivit et regnat in unitate Spiritus sancti Deus, per omnia sæcula sæculorum. R. Amen.

Post hæc Pontifex procedit ad altare cum mitra; et ibidem inchoat, schola prosequente, Antiphonam sequentem :

CONSECRATIO ALTARIS.

Advertendum quod, si plura altaria in eadem Ecclesia tunc fuerint consecranda; Pontifex eosdem actus et cæremonias facit, sub eisdem verbis, in singulis altaribus successive, sicut facit in primo altari.

Introibo ad altare Dei : ad Deum qui lætificat juventutem meam.

PSALMUS 42.

Judica me, Deus, et discerne causam meam de gente non sancta : * ab homine iniquo, et doloso erue me.

Repetitur tota Antiphona prædicta, si necesse fuerit.

Quia tu es, Deus, fortitudo mea : * quare me repulisti, et quare tristis incedo, dum affligit me inimicus?

Iterum repetitur Antiphona.

Emitte lucem tuam, et veritatem tuam : * ipsa me deduxerunt et adduxerunt in montem sanctum tuum,

et in tabernacula tua.
Antiphona tota repetitur.

Et introibo ad altare Dei : * ad Deum qui lætificat juventem meam.

Iterum Antiphona repetitur.

Confiteor tibi in cithara, Deus, Deus meus : * quare tristis es anima mea, et quare conturbas me?

Repetitur, ut prius Antiphona.

Spera in Deo, quoniam adhuc confitebor illi : * salutare vultus mei, et Deus meus.

Et non dicitur Gloria Patri, sed Antiphona prædicta repetitur.


Incepit prima Antiphona, Pontifex, retenta mitra, stans ante altare intingit pollicem dexteræ manus in aqua prædicta, ultimo per eum benedicta, et cum eo et aqua hujusmodi facit crucem in medio tabulæ altaris, dicens :

Sancti † fitetur hoc altare, in honorem Dei omnipotentis, et gloriosæ virginis Mariæ, atque omnium Sanctorum, et ad nomen ac memoriam sancti N. In nomine Pa † tris, et Fi † lii, et Spiritus † sancti.

Pax tibi.

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa.

Sancti † fitetur hoc altare etc. Facit autem primam crucem in dextera parte posteriori altaris, id est, ubi legitur Evangelium, secundam in sinistra parte anteriori transversa primæ, tertiam in dextera anteriori, quartam in sinistra posteriori tertie transversa in hunc modum.



Quo facto, et finitis Antiphona et Psalmo prædictis, Pontifex stans ibidem, deposita mitra, dicit : Oremus.

Et ministri : Flectamus genua. ¶ Levate.

Singulare illud propitiatorium in altari crucis pro nobis redimendis oblatum, in cuius præfiguratione Patriarcha Jacob lapidem erexit in titulum, quo fieret sacrificium, et portæ cœli desuper aperiretur oraculum ; supplices tibi, Domine, preces fun-

dimus, ut lapidis hujus expolitam materiam, supernis sacrificiis imbuendam, ipse tuæ ditari sanctificationis ubertate præcipias, qui quondam lapideis legem scripsisti in tabulis. Per Christum Dominum nostrum. R. Amen.

Oratione expleta, Pontifex circuit septies tabulam altaris, aspergens eam et stipitem de aqua prædicta ultimo per eum benedicta, cum aspersorio de herba hyssopi facto, hoc modo. Stans enim ante medium altaris inchoat Antiphonam, et schola prosequitur:

Asperges me, Domine, hyssopo, et mundabor:
lavabis me, et super nivem dealbabor.

PSALMUS 50.

Miserere mei Deus : *
secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab iniuitate mea : * et a peccato meo munda me.

Interim Pontifex, accepta mitra, circuit altare, illudque aspergit, et redit ad locum ante medium altaris, unde discesserat.

Finitis dictis Versibus, Pontifex ibidem stans cum mitra inchoat secundo, ut prius, Antiphonam :

Asperges me, et schola prosequitur, Domine, hyssopo, et mundabor : lavabis me, et super nivem dealbabor.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut iustificeris in sermonibus tuis, et vincas cum judicaris.

Ecce enim in iniquitatibus conceptus sum : * et in peccatis concepit me mater mea.

Interim Pontifex circuit secundo, aspergitque et reddit, ut prius; et finitis Versibus, stans ut supra Pontifex cum mitra inchoat tertio Antiphonam :

Asperges me, et schola prosequitur, Domine, hyssopo, et mundabor : lavabis me, et super nivem dealbabor.

Ecce enim veritatem di-

lexisti : * incerta et occulta sapientiae tuæ manifestasti mihi.

Asperges me hyssopo, et mundabor : * lavabis me, et super nivem dealbabor.

Auditui meo dabis gaudium et lætitiam : * et exultabunt ossa humiliata.

Interim Pontifex circuit tertio, aspergitque et reddit, ut prius; et finitis Versibus prædictis, stans cum mitra ut supra, inchoat quarto Antiphonam :

Asperges me, et schola prosequitur, Domine, hysso, et mundabor : lavabis me et super nivem dealbabor.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me a facie tua : * et Spiritum sanctum tuum ne auferas a me.

Et interim Pontifex circuit quarto, aspergitque et reddit, ut prius; et finitis Versibus prædictis, stans cum mitra in capite, inchoat quinto, stans ut supra, Antiphonam :

Asperges me, et schola prosequitur, Domine, hysso, et mundabor : lava-

bis me, et super nivem dealbabor.

Redde mihi lætitiam salutaris tui : * et spiritu principali confirma me.

Docebo iniquos vias tuas: et impii ad te convertentur.

Libera me de sanguinibus, Deus, Deus salutis meæ : * et exultabit lingua mea justitiam tuam.

Interim Pontifex circuit quinto, aspergitque et reddit, ut prius; et finitis Versibus prædictis, stans cum mitra, ut supra, inchoat sexto Antiphonam :

Asperges me, et schola prosequitur, Domine, hysso, et mundabor : lavabis me, et super nivem dealbabor.

Domine, labia mea aperies : * et os meum annuntiabit laudem tuam.

Quoniam si voluisses, sacrificium dedissem utique : * holocaustis non delectaberis.

Sacrificium Deo spiritus contribulatus : * cor contritum et humiliatum Deus non despicies.

Interim Pontifex circuit sexto, aspergitque et reddit, ut prius; et finitis dictis Versibus, stans cum mitra ut supra inchoat septimo Antiphonam :

*Asperges me, et schola prosequitur, Domine, hysopo, et mundabor : * lavabis me, et super nivem dealbabor.*

*Benigne fac, Domine, in bona voluntate tua Sion : * ut ædificantur muri Jerusalem.*

*Tunc acceptabis sacrificium justitiae, oblationes et holocausta : * tunc im-*

ponent super altare tuum vitulos.

Et non dicitur Gloria Patri. Interim Pontifex circuit septimo, aspergitque et reddit, ut supra.

Subsequeenter circuit ter Ecclesiam interius, tantum aspergendo parietes ejus cum prædicta aqua benedicta, hoc modo.

Finitis dictis Versibus, et septimo circuitu per Pontificem, ut supra, facto, schola cantat Antiphonam :

Hæc est domus Domini firmiter ædificata : bene fundata est supra firmam petram.

*Psalmus Lætatus sum in his quæ dicta sunt mihi : * In domum Domini ibimus. Et dicitur totus prout supra in Benedictione primarii lapidis, pag. 204, sed in fine non dicitur Gloria Patri.*

Interim incepta Antiphona prædicta, Pontifex cum mitra, incipiens retro altare majus, procedit ad dexteram partem, circuiens intrinsecus Ecclesiam et parietes illius; aspergit eam a parte inferiori, juxta terram, rediens usque ad locum retro altare, unde discessit : quo facto, ac finitis Antiphona et Psalmo prædictis, schola cantat Antiphonam :

Exurgat Deus, et dissipentur inimici ejus, et fugiant qui oderunt eum a facie ejus.

PSALMUS 67.

*In Ecclesiis benedicite Deo Domino, * de fontibus Israel.*

Ibi Benjamin adolescen-

*tulus : * in mentis excessu.*

*Principes Juda duces eorum : * principes Zabu-*

lon , principes Nephthali.

Manda Deus virtuti tuæ : * confirma hoc Deus, quod operatus es in nobis.

A templo sancto tuo in Jerusalem, * tibi offerent reges munera.

Increpa seras arundinis; congregatio taurorum in vaccis populorum : * ut excludant eos qui probati sunt argento.

Dissipa gentes , quæ bella volunt, venient legati ex Ægypto : * Æthiopia præveniet manus ejus Deo.

Et non dicitur Gloria Patri.

Interim Pontifex secundo, per eamdem viam circuiens, aspergit parietes Ecclesie in medio, id est, circa altitudinem faciei suæ, rediens usque ad locum unde discessit : quo facto, ac finitis Antiphona et Psalmo prædictis, schola cantat Antiphonam :

Qui habitat in adjutorio Altissimi, in protectione Dei cœli commorabitur.

PSALMUS 90.

Dicet Domino : Susceptor meus es tu, et refugium meum : * Deus meus, sperabo in eum.

Quoniam ipse liberavit me de laqueo venantium, * et a verbo aspero.

Scapulis suis obumbrabit tibi : * et sub pennis ejus sperabis.

Scuto circumdabit te veritas ejus : * non timebis a timore nocturno.

Regna terræ cantate
Deo : * psallite Domino.

Psallite Deo , qui ascen-
dit super cœlum cœli : * ad orientem.

Ecce dabit voci suæ vo-
cem virtutis , date gloriam
Deo super Israel ; * magni-
ficentia ejus, et virtus ejus
in nubibus.

Mirabilis Deus in sanctis
suis, Deus Israel ipse dabit
virtutem, et fortitudinem
plebi suæ : * benedictus
Deus.

A sagitta volante in die,
a negotio perambulante in
tenebris : * ab incursu et
dæmonio meridiano.

Cadent a latere tuo
mille , et decem millia a
dextris tuis : * ad te autem
non appropinquabit.

Verumtamen oculis tuis
considerabis : * et retribu-
tionem peccatorum vide-
bis.

Quoniam tu es, Domine,

*spes mea : * altissimum
posuisti refugium tuum.*

*Non accedet ad te malum : * et flagellum non appropinquabit tabernaculo tuo.*

*Quoniam Angelis suis mandavit de te, * ut custodiant te in omnibus viis tuis.*

*In manibus portabunt te : * ne forte offendas ad lapidem pedem tuum.*

*Super aspidem et basiscum ambulabis : * et*

Et non dicitur Gloria Patri.

Interim Pontifex tertio circuit Ecclesiam, incipiens a sinistra parte; et aspergit parietes illius, altius quam secundo, rediens ad locum, unde recessit. Quo facto, adhuc mitram in capite tenens aspergit cum praedicta aqua pavimentum Ecclesiae per medium, incipiens ante altare, usque ad portam principalem, deinde per transversum, de uno pariete ad alium. Interim schola cantat tres sequentes Antiphonas cum suis Versiculis :

Domus mea, domus orationis vocabitur. ¶. Narrabo nomen tuum fratribus meis, in medio Ecclesiae laudabo te, sine Gloria.

ALIA ANTIPHONA.

Domine dilexi decorem domus tuæ. ¶. Et locum habitationis gloriae tuæ, sine Gloria.

ALIA ANTIPHONA.

Non est hic aliud nisi domus Dei, et porta cœli.

Dictis Antiphonis praedictis, et aspersione, ut præmittitur, facta, Pontifex stans cum mitra in

concubabis leonem et draconem.

*Quoniam in me speravit, liberabo eum : * protegam eum, quoniam cognovit nomen meum.*

*Clamabit ad me, et ego exaudiam eum : * cum ipso sum in tribulatione ; eripiam eum et glorificabo eum.*

*Longitudine dierum replebo eum : * et ostendam illi salutare meum.*

medio Ecclesiæ versus ad altare majus, inchoat et schola prosequitur Antiphonam :

Vidit Jacob scalam, summitas ejus cœlos tangebat, et descendentes Angelos, et dixit : Vere locus iste sanctus est.

Dum cantatur Antiphona prædicta, Pontifex stans cum mitra in medio Ecclesiæ aspergit aquam per pavimentum, versus Orientem, Occidentem, Aquilonem, et Austrum.

Finita Antiphona, Pontifex, deposita mitra, stans ibidem in medio Ecclesiæ, conversus ad portam principalem, dicit competenti voce : Oremus.

Et ministri : Flectamus genua. R. Levate.

Deus, qui loca nomini tuo dicanda sanctificas, effunde super hanc orationis domum gratiam tuam, ut ab omnibus hic nomen tuum invocantibus, auxilium tuæ misericordiæ sentiatur. Per Christum Dominum nostrum. R. Amen.

Tum ibidem stans, adhuc conversus ut prius, dicit : Oremus.

Et ministri : Flectamus genua. R. Levate.

Deus sanctificationum, omnipotens dominator, cuius pietas sine fine sentitur; Deus, qui cœlestia simul et terrena complecteris, servans misericordiam tuam populo tuo ambulanti ante conspectum gloriæ tuæ: exaudi preces servorum tuorum, ut sint oculi tui aperti super domum istam die ac nocte; hanc quoque basilicam in honorem sanctæ et victoriosissimæ crucis, et memoriam sancti tui N. sacris mysteriis institutam clementissimus dedi † ca; miseratus illus † tra, proprio splendore clari † fica; omnemque hominem venientem adorare te in hoc loco placatus admitte, propitius respicere dignare; et propter nomen tuum magnum, et manum tuam fortēm, et brachium tuum excelsum, in hoc

tabernaculo tuo supplicantes libens protege, dignanter exaudi, æterna defensione conserva; ut semper felices, semperque in tua religione lætantes, constanter in sanctæ Trinitatis confessione, fide Catholica perseverent. Per Dominum nostrum Iesum Christum Filium tuum, qui tecum vivit et regnat in unitate Spiritus sancti Deus.

Deinde stans adhuc conversus, ut prius, ibidem extensis manibus ante pectus, dicit Præfationem:

Per omnia sæcula sæculorum. *R. Amen.*

V. Dominus vobiscum. R. Et cum spiritu tuo.

R. Sursum corda. R. Habemus ad Dominum.

V. Gratias agamus Domino Deo nostro. R. Dignum et justum est.

Vere dignum et justum est, æquum et salutare; nos tibi semper, et ubique gratias agere, Domine sancte, Pater omnipotens, æterne Deus, adesto precibus nostris, adesto Sacramentis, adesto etiam piis famulorum tuorum laboribus, nobisque misericordiam tuam poscentibus. Descendat quoque in hanc Ecclesiam tuam, quam sub invocatione sancti nominis tui, in honorem sanctæ crucis, in qua coæternus tibi Filius tuus Dominus noster Jesus Christus pro redemptione mundi pati dignatus est, et memoriam sancti tui *N.* nos indigni consecramus, Spiritus sanctus tuus, septiformis gratiæ ubertate redundans; ut quotiescumque in hac domo tua sanctum nomen tuum fuerit invocatum, eorum, qui te invocaverint, a te pio Domino preces exaudiantur. O beata et sancta Trinitas, quæ omnia purificas, omnia mundas, et omnia perornas. O beata majestas Dei, quæ cuncta imples, cuncta contines, cuncta disponis. O beata et sancta manus Dei, quæ omnia sanctificas, omnia benedicis, omnia locupletas. O sancte Sanctorum Deus, tuam clementiam humil-

lima devotione depositimus, ut hanc Ecclesiam tuam per nostræ humilitatis famulatum, in honorem sanctæ et victoriosissimæ crucis, et memoriam sancti tui N. puri † ficare, bene † dicere, et conse † crare perpetua sanctificationis tuæ ubertate digneris. Hic quoque Sacerdotes sacrificia tibi laudis offerant. Hic fideles populi vota persolvant. Hic peccatorum onera solvantur, fidelesque lapsi reparentur. In hac ergo, quæsumus Domine, domo tua Spiritus sancti gratia ægroti sanentur; infirmi recuperentur; claudi currentur; leprosi mundentur; cæci illuminentur; dæmonia ejificantur. Cunctorum hic debilium incommoda, te Domine annuente, pellantur, omniumque vincula peccatorum absolvantur. Ut omnes, qui hoc templum beneficia juste deprecatur ingrediuntur, cuncta se impetrasse lætentur; ut concessa misericordia quam precantur, perpetuo miserationis tuæ munere glorientur.

Quod sequitur, dicit submissa voce legendō, ita tamen, quod a circumstantibus audiri possit:
Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶ Amen.

Præfatione finita, Pontifex, accepta mitra, procedit ante altare, et ibi cum præmissa aqua benedicta facit maltam, seu cæmentum, quod mox, deposita mitra, stans ibidem benedicit, dicens:

¶. Dominus vobiscum. ¶. Et cum spiritu tuo.

OREMUS.

Summe Deus, qui summa et media, imaque custodis, qui omnem creaturam intrinsecus ambiendo concludis, sancti † fica, et bene † dic has creatureas calcis et sabuli. Per Christum Dominum nostrum. ¶ Amen.

Cœmentum benedictum reservatur, sed residuum aquæ benedictæ funditur ad basim, sive pedem stipitis altaris per circuitum.

Pontifex deinde procedit processionaliter cum cruce et clero ad locum in quo Reliquiæ nocte præterita conservatæ fuerunt; et defertur Chrisma usque ad fores Ecclesiæ; sed priusquam locum ipsum ingrediatur, stans ab extra, deposita mitra, dicit: Oremus.

Et ministri: Flectamus genua. ¶ Levate.

Aufer a nobis, quæsumus, Domine, cunctas iniurias nostras; ut ad Sancta Sanctorum puris me reamur mentibus introire. Per Christum Dominum nostrum. ¶ Amen.

Deinde Pontifice, accepta mitra, locum ipsum cum Presbyteris et clero ingrediente, schola cantat Antiphonas sequentes:

O quam gloriosum est regnum, in quo cum Christo gaudent omnes Sancti! amicti stolis albis, sequuntur Agnum quocumque ierit.

ALIA ANTIPHONA.

Movete vos, Sancti Dei, de mansionibus vestris, ad loca festinate, quæ vobis parata sunt.

ALIA ANTIPHONA.

Ecce populus custodiens judicium, et faciens veritatem, in te speraverunt, Domine, usque in æternum.

ALIA ANTIPHONA.

Via Sanctorum facta est recta, et iter eorum præparatum est.

PSALMUS 94.

<i>Venite, exultemus Domino: * jubilemus Deo salutari nostro.</i>	<i>Præoccupemus faciem ejus in confessione: * et in psalmis jubilemus ei.</i>
---	---

**Quoniam Deus magnus
Dominus, * et rex magnus
super omnes deos.**

**Quoniam non repellat
Dominus plebem suam, *
quia in manu ejus sunt
omnes fines terræ, et alti-
tudines montium ipse
conspicit.**

**Quoniam ipsius est ma-
re, et ipse fecit illud : *
et aridam fundaverunt
manus ejus.**

**Venite adoremus, et
procidamus ante Deum : *
ploremus coram Domino,
qui fecit nos, quia ipse
est Dominus Deus noster.**

Nos autem populus ejus :

*Et non dicitur Gloria Patri, vel, si magis pla-
cket, omissis omnibus præmissis Antiphonis cum
Psalmo, schola cantat Responsorium de illo
Sancto, cujus sunt ipsæ Reliquiæ. Interim Pon-
tifex manet stans juxta Reliquias. Finitis autem
Antiphonis cum Psalmo vel Responsorio prædic-
tis, Pontifex stans ibidem coram Reliquiis, detecto
capite, dicit : Oremus.*

Et ministri : Flectamus genua. ¶. Levate.

**Fac nos, quæsumus Domine, Sanctorum tuorum
tibi specialiter dedicata membra digne contingere,
quorum patrocinia cupimus incessanter habere. Per
Christum Dominum nostrum. ¶. Amen.**

*Tum Pontifex, accepta mitra, imponit incen-
sum in thuribulo, et fit processio, hoc ordine.
Procedunt duo ceroferarii cum luminaribus,
deinde crux, tum clerus cantans Antiphonas sub-
sequentes; post hos, Sacerdotes portantes fere-*

*** et oves pascuæ ejus.**

**Hodie si vocem ejus au-
dieritis, * nolite obdurare
corda vestra.**

**Sicut in exacerbatione ; *
secundum diem tentatio-
nis in deserto.**

**Ubi tentaverunt me pa-
tres vestri : * probaverunt,
et viderunt opera mea.**

**Quadraginta annis pro-
ximus sui generationi
huic ; * et dixi : Semper
hi errant corde!**

**Ipsi vero non cognove-
runt vias meas, quibus
juravi in ira mea ; * si in-
troibunt in requiem meam.**

trum cum Reliquiis, et juxta eos thuriferarius continuo Reliquias ipsas incensans, et immediate ante Reliquias ipsas præcedant aliqua intortitia, deinde Pontifex paratus cum suis ministris. Processione igitur locum ipsum exeunte, Pontifex inchoat primam Antiphonam, schola ipsam et omnes alias sequentes prosequente :

Cum jucunditate exhibitis, et cum gaudio deducemini : nam et montes et colles exilient, expectantes vos cum gaudio, alleluia.

ALIA ANTIPHONA.

Surgite, Sancti Dei, de mansionibus vestris, loca sanctificate, plebem benedicite, et nos homines peccatores in pace custodite.

ALIA ANTIPHONA.

Ambulate, Sancti Dei, ingredimini in civitatem Domini, ædificata est enim vobis Ecclesia nova, ubi populus adorare debet majestatem Domini.

ALIA ANTIPHONA.

Istorum est enim regnum cœlorum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

Eis igitur ad Ecclesiæ consecrandæ foras pervenientibus, priusquam ingrediantur, dimissa ante fores Ecclesiæ schola Antiphonas prædictas cantante, Pontifex, præcedentibus ipsum duobus ceroferariis, cruce, thuriferario, et Sacerdotibus feretrum Reliquiarum portantibus, circuit Ecclesiam cum ipsis Reliquiis, populo sequente et clamante :

Kyrie eleison.

Quo facto, Pontifex sedens cum mitra in faldistorio, ante fores Ecclesiæ ad id parato, brevi sermone populum alloquitur.

Quanta, fratres charissimi, Ecclesiis et Deo dicitatis locis habenda sit reverentia, canones, et leges, et universalis religiosus fidelium cultus declarat. Nullibi enim quam in sacris basilicis, Domino offerri sacrificium debet. Præcipiente siquidem Domino per Moysen, tabernaculum cum mensa, atque altari, et æreis vasis, utensilibusque consecratum est ad divinum cultum explendum; ipsum quoque tabernaculum non solum sacrasse, sed oleo quoque linivisse legimus. In ipso autem tabernaculo non alii quam sancti Sacerdotes et Levitæ vestibus sacris ornati Sacraenta tractabant, et pro populo oblationes offerebant. Postmodum tam Reges Hebræorum suum templum, quam Romani christiani principes basilicas a se constructas summa in veneratione habuerunt; immunesque ab omni vulgari strepitu et negotio esse voluerunt; ut domus orationis ad aliud nullum commercium atque usum accommodaretur. Eamque privilegii et immunitatis prærogativam habere voluerunt; ut si quis temerarie sacrilegas manus apposuisset, gravissimis suppliciis afficeretur. Non enim justum visum est, domum Dei altissimi temerariis præsumptionibus expositam esse, nec latronum (juxta verbum Veritatis) speluncam esse. Locus est salutis, portus naufragantibus, ad quem de tempestatibus anchora jacitur. Hanc beneficia petituri adeunt, et justæ eorum preces exaudiuntur. Capitalium criminum rei ad hanc fugientes, impunitatem facti, implorantibus Sacerdotibus, accipiunt. Magna ergo veneratione sacras Domino basilicas adeatis, fratres charissimi, mundique facinoribus Domino oblationes cordis vestri offeratis. De quibus basilicis hæc una est, cui N. et N. Summi Pontifices privilegia concesserunt, quam vos ædificari fecistis (*vel N. ædificari fecit*), et nobis humiliter supplicastis *vel*

supplicavit), ut eam consecrare dignaremur. Nos autem vestris (*vel suis*) honestis supplicationibus inclinati, eam in honorem omnipotentis Dei, beatæ Mariæ semper virginis, et omnium sanctorum, ac memoriam sancti *N.* dedicamus; et in ejus altari Reliquias sanctorum *N.* et *N.*, Deo propitio, poni decrevimus, et in altari *N.* vel in loco *N.* sunt corpora, vel Reliquiæ sanctorum *N.* et *N.* quæ (*vel quas*) qui devote visitaverit, indulgentiam *N.* per *N.* concessam obtinebit. Vos insuper moneo, fratres charissimi, ut decimas quæ sunt divina tributa, integre Ecclesiis et Sacerdotibus persolvatis. Has sibi Dominus ad universalis dominii signum reservavit. Audite sanctum Augustinum : Decimæ tributa sunt egentium animarum. Quod si decimas dederis, non solum abundantiam fructuum recipies, sed etiam et sanitatem corporis et animæ consequeris. Non igitur Dominus Deus præmium postulat, sed honorem. Deus enim noster, qui dignatus est totum dare, decimam a nobis dignatus est recipere, non sibi, sed nobis sine dubio profuturam. Sed si tardius dare peccatum est, quanto pejus est non dedisse? De militia, de negotio, de artificio redde decimas. Cum enim decimas dando, et terrena et cœlestia possis præmia promereri, quare pro avaritia dupli benedictione fraudaris? Hæc est enim Dei justissima consuetudo, ut si tu illi decimam non dederis, tu ad decimam revoceris. Dabis impio militi, quod non vis dare Sacerdoti; et hoc tollit fiscus, quod non accipit Christus. Revertimini ad me, inquit Dominus apud Prophetam, et revertar ad vos. Et dixistis : In quo revertemur? Si affiget homo Deum, quia vos configitis me? Et dixistis : In quo configimus te? In decimis, et in primitiis. Et in penuria vos maledicti estis, et me vos configitis gens tota. Inferte omnem decimam in

horreum, et sit cibus in domo mea, et probate me super hoc, dicit Dominus : si non aperuero vobis cataractas cœli, et effudero vobis benedictionem usque ad abundantiam, et increpabo pro vobis devorantem, et non corrumpet fructum terræ vestræ : nec erit sterilis vinea in agro, dicit Dominus exercituum. Et beatos vos dicent omnes gentes : eritis enim vos terra desiderabilis, dicit Dominus exercituum. Evitanda est itaque Domini indignatio, solvendæ decimæ, et tributa divina persolvenda, nec pro temporali commodo amittenda sunt secutura bona, quæ expectantur. Memores ergo hæc accipite, fratres charissimi, et intellecta pro desiderio complete, ut æterna pro temporalibus accipere beneficia mereamini.

Archidiaconus legat sequentia duo decreta sacrosancti Concilii Tridentini. Sess. xxij. cap. xj. de Reformat.

Si quem clericorum vel laicorum, quacumque is dignitate, etiam imperiali aut regali præfulgeat, in tantum malorum omnium radix cupiditas occupaverit, ut alicujus Ecclesiæ, seu cuiusvis sæcularis vel regularis beneficii, Montium pietatis, aliorumque piorum locorum jurisdictiones, bona, census, ac jura etiam feudalia et emphyteutica, fructus, emolumenta, seu quascumque obventiones, quæ in ministrorum et pauperum necessitates converti debent, per se vel per alios, vi vel timore incusso, seu etiam per suppositas personas clericorum aut laicorum, seu quacumque arte, aut quocumque quæsito colore, in proprios usus convertere, illosque usurpare præsumpscerit, seu impedire, ne ab iis, ad quos jure pertinent, percipientur; is anathemati tamdiu subjaceat, quamdiu jurisdictiones, bona, res, jura, fructus, et redditus, quos occu-

paverit, vel qui ad eum quomodocumque etiam ex donatione suppositæ personæ pervenerint, Ecclesiæ, ejusque administratori, sive beneficiato, integre restituerit, ac deinde a Romano Pontifice absolutionem obtinuerit. Quod si ejusdem Ecclesiæ patronus fuerit, etiam jure patronatus, ultra prædictas pœnas, eo ipso privatus existat. Clericus vero, qui nefandæ fraudis et usurpationis hujusmodi fabricator seu consentiens fuerit, eisdem pœnis subjaceat, nec non quibuscumque beneficiis privatus sit, et ad quæcumque alia beneficia inhabilis efficiatur; et a suorum Ordinum executione, etiam post integrum satisfactionem et absolutionem, sui ordinarii arbitrio suspendatur.

Conc. Trid. Sessione xxv. cap. xij de Reformat.

Non sunt ferendi, qui variis artibus decimas Ecclesiis obvenientes, subtrahere moliuntur, aut qui ab aliis solvendas temere occupant, et in rem suam vertunt, cum decimarum solutio debita sit Deo: et qui eas dare noluerint aut dantes impediunt, res alienas invadunt. Præcipit igitur sancta Synodus omnibus, cujuscumque gradus et conditionis sint, ad quos decimarum solutio spectat, ut eas ad quas de jure tenentur, in posterum Cathedrali, aut quibuscumque aliis Ecclesiis, vel personis, quibus legitime debentur, integre persolvant. Qui vero eas aut subtrahunt, aut impediunt, excommunicentur, nec ab hoc crimine, nisi plena restitutione secuta, absolvantur. Hortatur dehinc omnes et singulos pro christiana charitate, debitoque erga Pastores suos munere; ut de bonis sibi a Deo collatis, Episcopis et parochis, qui tenuioribus præsunt Ecclesiis, large subvenire ad Dei laudem, atque ad Pastorum suorum, qui pro eis invigilant, dignitatem tuendam, non graventur.

Postea Pontifex ad fundatorem dicat :

Scias, frater charissime, quoniam non permittunt jura Ecclesias sine ministris ac dote consecrari. Quemadmodum enim dos matrimonium consequitur, sic et ad sustentationem ministrorum facultates necessariæ sunt. Ea itaque ratione, frater charissime, scire volumus, quot Sacerdotes et clericos, et qualem eis honorem vis exhibere, et de quo Ecclesiam dotare proponis. Et, ut intelligas, qualem tibi atque heredibus tuis honorem et commoditatem exhibit Ecclesia, scias, ut gratitudinem ipsam ad fundatores ostendat, quod a sanctis Patribus statutum est, in diei dedicationis anniversario solemnni, fundatores et eorum heredes in processionibus primos esse debere; et si casu ad egestatem pervenerint, grata recordatione, Ecclesia fundatoris piam liberalitatem recognoscit.

Qui ad interrogata, prout sibi placuerit, respondebit; de quo fiat publicum instrumentum, si numerus clericorum, honor, et dos sufficiens fuerit. Tunc fundator ipse et plebs profitentur se iussa Pontificis impleturos. Deinde Pontifex jubet Deum deprecari pro eo qui Ecclesiam construxit et dotavit, et pro eo qui eam consecrari petiit; et concedit illis partem in omnibus bonis, quæ ibi fieri contingit. Quo facto, Pontifice sic sedente, antequam quis Ecclesiam ingrediatur, schola cantat Responsorium :

Erit mihi Dominus in Deum, et lapis iste, quem erexit, in titulum : et vocabitur domus Dei, et de universis, quæ dederis mihi, * Decimas et hostias pacificas offeram tibi. ¶ Si reversus fuero ad dominum patris mei, * Decimas.

Tum Pontifex, deposita mitra, surgit; et versus ad ostium Ecclesiæ, ibidem stans dicit : Oremus.

Et ministri : Flectamus genua. ¶ Levate.

Domum tuam, quæsumus Domine, clementer ingredere, et in tuorum cordibus fidelium perpetuam tibi construe mansionem; et præsta, ut domus hæc, quæ tua subsistit dedicatione solemnis, tua fiat habitatione sublimis. Per Christum Dominum nostrum. ¶ Amen.

Qua Oratione finita, Pontifex, accepta mitra, priusquam ingrediatur, intingit pollicem dextere manus in sanctum Chrisma, et cum eo, in modum crucis, signat ostium Ecclesiæ exterius, dicens :

In nomine Pa † tris, et Fi † lii, et Spiritus † sancti. Porta sis benedicta, sanctificata, consecrata, consignata, et Domino Deo commendata; porta sis introitus salutis et pacis; porta sis ostium pacificum, per eum, qui se ostium appellavit, Jesum Christum Dominum nostrum, qui cum Patre, et Spiritu sancto vivit et regnat Deus in sæcula sæculorum. ¶ Amen.

Quo dicto, Presbyteri elevant feretrum Reliquarum, et ingrediendo Ecclesiam cum clero et populo processionaliter, Pontifex cum mitra incipit et schola prosequitur Antiphonam :

Ingredimini Sancti Dei, præparata est enim a Domino habitatio sedis vestræ : sed et populus fidelis cum gudio insequitur iter vestrum; ut oretis pro nobis majestatem Domini. Alleluia.

ALIA ANTIPHONA.

Gaudent in cœlis animæ Sanctorum, qui Christi vestigia sunt secuti; et quia pro ejus amore sanguinem suum fuderunt, ideo cum Christo exultant sine fine.

Interim processionaliter vadunt per Ecclesiam. Cum pervenerint ad altare, in quo Reliquæ sun-

condendæ, Reliquis ipsis cum feretro prope altare positis, et luminaribus juxta illas ardentibus, Pontifex stans cum mitra ante altare, inchoat, schola prosequente, Antiphonam :

Exultabunt Sancti in gloria, et lætabuntur in cibilibus suis.

PSALMUS 149.

Cantate Domino cantum novum : * laus ejus in Ecclesia sanctorum.

Lætetur Israel in eo, qui fecit eum : * et filii Sion exultent in rege suo.

Laudent nomen ejus in choro : * in tympano et psalterio psallant ei.

Quia beneplacitum est Domino in populo suo : * et exaltabit mansuetos in salutem.

Exultabunt Sancti in gloria : * lætabuntur in cibilibus suis.

Exaltationes Dei in gutture eorum : * et gladii ancipites in manibus eorum.

Ad faciendam vindicatum in nationibus : * increpationes in populis.

Ad alligandos reges eorum in compedibus : * et nobiles eorum in manicis ferreis.

Ut faciant in eis iudicium conscriptum : * gloria hæc est omnibus sanctis ejus.

PSALMUS 150.

Laudate Dominum in sanctis ejus ; * laudate eum in firmamento virtutis ejus.

Laudate eum in virtutibus ejus : * laudate eum secundum multitudinem magnitudinis ejus.

Laudate eum in sono tubæ : * laudate eum

in psalterio, et cithara.

Laudate eum in tympano, et choro : * laudate eum in chordis, et organo.

Laudate eum in cymbalis benesonantibus, laudate eum in cymbalis jubilationis : * omnis spiritus laudet Dominum.

Et non dicitur Gloria Patri, sed repetitur Antiphona. Qua dicta, Pontifex, deposita mitra, versus ad altare dicit :

OREMUS.

Deus, qui in omni loco dominationis tuæ clemens ac benignus dicator assistis, exaudi nos, quæsumus, et concede, ut inviolabilis permaneat hujus loci consecratio; et beneficia tui muneric universitas fidelium, quæ tibi supplicat, percipere mereatur. Per Christum Dominum nostrum. R. Amen.

Tum Pontifex, accepta mitra, intingit pollicem dexteræ manus in sanctum Chrisma, et cum eo signat Confessionem, id est, sepulchrum altaris, in quo Reliquæ sunt reponendæ, in quatuor angulis, faciens in singulis signum crucis, et dicens:

Conse † cretur, et sancti † ficetur hoc sepulchrum. In nomine Pa † tris, et Fi † lii, et Spiritus † sancti. Pax huic domui.

Deinde, deposita mitra, recondit veneranter vasculum ipsum cum Reliquiis et aliis, prout hesterna die per eum fuit sigillatum, in sepulchro altaris; quibus reconditis, Pontifex inchoat, schola prosequente, Antiphonam :

Sub altare Dei sedes accepistis, Sancti Dei; intercedite pro nobis ad Dominum Jesum Christum. R. Exultabunt Sancti in gloria. R. Et lætabuntur in cubilibus suis.

Et non dicitur Gloria Patri, sed Antiphona repetitur.

Interim dum præmissa cantantur, Pontifex sine mitra thurificat Reliquias inclusas. Quo facto, imposita sibi mitra, accipit tabulam seu lapidem cum quo debet claudi sepulchrum, in manum sinistram; et pollicem dexteræ manus intingit in sanctum Chrisma; et cum eo facit in medio dictæ tabule sive lapidis, de subtus, signum crucis, dicens :

Conse † cretur, et sancti † ficitur hæc tabula,
(vel hic lapis) per istam unctionem, et Dei benedictionem. In nomine Pa † tris, et Fi † lii, et Spiritus sancti. Pax tibi.

Et mox linit cum cæmento, ponit et coaptat tabulam seu lapidem super sepulchrum, claudens illud, et inchoans, schola prosequente, Antiphonam :

Sub altare Dei audivi voces occisorum dicentium : Quare non defendis sanguinem nostrum ? Et acceperunt divinum responsum : Adhuc sustinete modicum tempus, donec impleatur numerus fratrum vestrorum.

ALIA ANTIPHONA.

Corpora Sauctorum in pace sepulta sunt : et vivent nomina eorum in æternum. ¶ Gloria Patri, et Filio, et Spiritui sancto. Sicut erat in principio, et nunc, et semper : et in sæcula sæculorum. Amen.

Post hæc Pontifex, deposita mitra, dicit :

OREMUS.

Deus, qui ex omnium cohabitatione Sanctorum æternum majestati tuæ condis habitaculum, da ædificationi tuæ incrementa cœlestia; et præsta, ut quorum hic Reliquias pio amore complectimur, eorum semper meritis adjuvemur. Per Christum Dominum nostrum. ¶ Amen.

Tunc accepta mitra, Pontifex prius incipiente, cæmentarii cum cæmento benedicto firmant ipsam tabulam, seu lapidem, super sepulchrum; deinde Pontifex intingit iterum pollicem dexteræ manus in sanctum Chrisma, et cum eo format signum crucis super eamdem tabulam, sive lapidem, dicens :

Signe † tur, et sanctifi † cetur hoc altare. In nomine Pa † tris, et Fi † lii, et Spiritus † sancti. Pax tibi.

Tum imponit incensum in thuribulum, dicens :
Ab illo benedicaris, in cuius honore cremaberis.
In nomine Pa † tris, et Fi † lii, et Spiritus † sancti
¶. Amen.

Et dextera manu producit desuper signum
crucis, et deposita mitra, inchoat, schola prose-
quente, cantum :

Stetit Angelus juxta aram templi, habens thuri-
bulum aureum in manu sua; et data sunt ei incensa
multa; et ascendit fumus aromatum in conspectu
Dei. Alleluia.

Interim cum mitra thurificat altare undique ad
dexterum et sinistrum latus, ante et desuper,
donec præmissus cantus finiatur; quo finito,
stans coram altari sine mitra, dicit :

OREMUS.

Dirigatur oratio nostra, quæsumus Domine,
 sicut incensum in conspectu tuo, et copiosa bene-
 ficia christianus populus assequatur; ut quicum-
 que tibi in hoc altari sacranda libamina devotus
 obtulerit, vel sacrata suscepere; et vitæ subsidia
 præsentis accipiat, et remissionem omnium pecca-
 torum pariter consequatur, et gratiam sempiternæ
 redemptionis percipiatur. Per Christum Dominum
 nostrum. ¶. Amen.

Post hæc Pontifex, accepta mitra, sedet, et mi-
nistri extergunt mensam altaris cum linteo mundo;
et mox Pontifex thurificat super illam in modum
crucis, in medio, et in quatuor ejus cornibus:
quo facto, Pontifex ponit iterum incensum in
thuribulo, et illud benedicit, ut supra, videlicet,
Ab illo benedicaris etc., ac tradit uni Sacerdoti
superpelliceo induito, qui continue altare circuit
incensando, donec consecratio perficiatur, excepto
so tempore, quo Pontifex illud incensat; tunc

enim Pontifici thuribulum præsentat; et per Pontificem thurificato, illud iterum accipit, et ut prius, incensat. Tum Pontifex adhuc cum mitra stans inchoat, schola prosequente, Responsorium:


Dirigatur oratio mea sicut incensum in conspectu tuo, Domine. ¶. Elevatio manuum mearum sacrificium vespertinum.

Quod dum cantatur, Pontifex circuit ter altare ad dexteram continue thurificando. Finita incensatione, Pontifex inchoat, schola prosequente, Antiphonam:

Erexit Jacob lapidem in titulum fundens oleum desuper: votum vovit Deo Jacob.

Psalmus 83. Quam dilecta tabernacula tua, Domine virtutum : concupiscit et deficit anima mea in atria Domini. Et dicitur totus prout habetur supra, pag. 198. Sed in fine non dicitur Gloria Patri.*

Dum Antiphona et Psalmus prædicti cantantur, Pontifex stans cum mitra, intingit pollicem dexteræ manus in oleum Catechumenorum, et cum eo facit quinque cruces, videlicet in medio altaris, et quatuor ejus cornibus, in locis in quibus fecerat cruces de aqua benedicta, videlicet, primam in medio altaris, secundam in dextero posteriori, id est, Evangelii, tertiam in sinistro anteriori, quartam in dextero anteriori, quintam in sinistro posteriori, hoc ordine:



Dicens, dum singulas cruces facit :

Sancti † ficetur, et conse † cretur lapis iste. In nomine Pa † tris, et Fi † lii, et Spiritus † sancti, in honorem Dei, et gloriosæ virginis Mariæ atque omnium Sanctorum, ad nomen et memoriam sancti N. Pax tibi.

Deinde Pontifex, accepto thuribulo a Sacerdote altare incensante, imposito et benedicto, ut prius, incenso, stans cum mitra inchoat, schola prosequente, Responsorium :

Dirigatur.

Et dicitur totum prout supra habetur, pag. 246. Quo incepto, Pontifex circuit semel altare ad dexteram, thurificando illud; deinde restituto thuribulo Sacerdoti, et Responsorio finito, deposita mitra, dicit : Oremus.

Et ministri : Flectamus genua. ¶ Levate.

Adsit, Domine, misericordiæ tuæ ineffabilis pietas, et super hunc lapidem opem tuæ bene †-dictionis, et virtutem tuæ unctionis infunde; ut, te largiente, referat præmium quisquis intulerit votum. Per Christum Dominum nostrum. ¶ Amen.

Oratione finita, Pontifex inchoat, schola prosequente, Antiphonam :

Mane surgens Jacob erigebat lapidem in titulum, fundens oleum desuper : votum vovit Domino : vere locus iste sanctus est, et ego nesciebam.

PSALMUS. 91.

Bonum est confiteri Do-
mino, * et psallere nomini
tuo, Altissime.

Adannuntiandum mane
misericordiam tuam, * et
veritatem tuam per noc-
tem.

In decachordo psalterio:
* cum cantico in cithara.

Quia delectasti me, Do-
mine, in factura tua, * et
in operibus manuum tua-
rum exultabo.

Quam magnifica sunt

opera tua, Domine : * ni-
mis profundæ factæ sunt
cogitationes tue.

Vir insipiens non co-
gnoscet : * et stultus non
intelliget hæc.

Cum exorti fuerint pec-
catores sicut fanum : * et
apparuerint omnes , qui
operantur iniquitatem.

Ut intereant in sæculum
sæculi : * tu autem altissi-
mus in æternum Domine.

Quoniam ecce inimici
tui Domine, quoniam ecce
inimici tui peribunt : * et
dispergentur omnes , qui
operantur iniquitatem.

Et exaltabitur sicut uni-
cornis cornu meum : * et

Et non dicitur Gloria Patri.

Incepta Antiphona , Pontifex , accepta mitra ,
facit iterum quinque cruces cum pollice de eodem
oleo Catechumenorum , in eisdem locis altaris , et
eo ordine , prout prius fecit , dicens , dum singulas
cruces facit :

Sancti † ficitur , et conse † cretur lapis iste . In
nomine Pa † tris , et Fi † lii , et Spiritus † sancti ,
in honorem Dei , et gloriose virginis Mariæ , atque
omnium Sanctorum , ad nomen et memoriam sancti
N. Pax tibi.

Deinde Pontifex , accepto thuribulo a Sacerdote
altare incensante , imposito et benedicto , ut
prius , incenso , stans cum mitra inchoat iterum ,
schola prosequente , Responsorium :

Dirigatur.

Et dicitur totum prout habetur supra , pag . 246.

senectus mea in misericor-
dia uberi.

Et despexit oculus me-
us inimicos meos : * et ab
insurgentibus in me ma-
lignantibus , audiet auris
mea.

Justus ut palma flore-
bit : * sicut cedrus Libani
multiplicabitur.

Plantati in domo Domi-
ni , * in atris domus Dei
nostri florebunt.

Adhuc multiplicabuntur
in senecta uberi : * et be-
ne patientes erunt , ut an-
nuntient.

Quoniam rectus Domi-
nus Deus noster : * et non
est iniquitas in eo.

Quo incepto, circuit iterum semel altare ad dexteram, illud incensando; quo facto, restituto thuribulo Sacerdoti, et Responsorio finito, Pontifex, deposita mitra, dicit: Oremus.

Et ministri: Flectamus genua. R. Levate.

Adesto, Domine, dedicationi hujus mensæ tuæ, et in eam, quæ a nobis indignis sancto linita est oleo, bene † dictionis et sancti † ficationis tuæ virtutem, et consecrationem infunde. Qui vivis et regnas Deus, per omnia sæcula sæculorum. R. Amen.

Alia Oratio. OREMUS.

Omnipotens sempiterne Deus, altare hoc, quod in honorem tuum, et in memoriam sancti tui N. nos indigni consecramus; virtute tuæ benedictionis sanctifica; et omnibus te hic invocantibus atque in te sperantibus, auxilii tui munus ostende; ut huic altari imposita munera semper accepta fieri digneris; et in eo Sacramentorum virtus, et votorum semper obtineatur effectus. Per Christum Dominum nostrum. R. Amen.

Qua finita, Pontifex incipit, schola prosequente, Antiphonam:

Unxit te Deus, Deus tuus, oleo lætitiae præ consortibus tuis.

PSALMUS. 44.

Eructavit cor meum verbum bonum: * dico ego opera mea regi.	Accingere gladio tuo su- per femur tuum, * poten- tissime.
---	--

Lingua mea calamus
 scribæ, * velociter scri-
 bentis.

Speciosus forma præ fl-
 liis hominum, diffusa est
 gratia in labiis tuis: *
 propterea benedixit te
 Deus in æternum.

Specie tua, et pulchritu- dine tua, * intende, pros- pere procede, et regna.
--

Propter veritatem, ei
 mansuetudinem, et justi-
 tiam, * et deducet te mi-
 rabiliter dextera tua.

Sagittæ tuæ aculæ, po-

puli sub te cadent, * in corda inimicorum regis.

Sedes tua, Deus, in sæculum sæculi : * virga directionis, virga regni tui.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiae præ consortibus tuis.

Myrrha, et gutta, et cassia a vestimentis tuis, a domibus eburneis : * ex quibus delectaverunt te filiæ regum in honore tuo.

Astitit regina a dextris tuis in vestitu deaurato, * circumdata varietate.

Audi filia, et vide, et inclina aurem tuam : * et obliviscere populum tuum, et domum patris tui.

Et concupiscet rex decorem tuum : * quoniam ipse est Dominus Deus

tuus et adorabunt eum.

Et filiæ Tyri in muneribus * vultum tuum deprecabuntur : omnes divites plebis.

Omnis gloria ejus filiæ regis ab intus : * in flimbriis aureis, circumamicta varietatibus.

Adducentur regi virginis post eam : * proximæ ejus afferentur tibi.

Afferentur in lætitia, et exultatione : * adducentur in templum regis.

Pro patribus tuis nati sunt tibi filii : * constitues eos principes super omnem terram.

Memores erunt nominis tui : * in omni generatione et generationem.

Propterea populi confitentur tibi in æternum * et in sæculum sæculi.

Et non dicitur Gloria Patri.

Incepit Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ altaris, et in quatuor ejus angulis, ordine supra posito, ad quamlibet crucem dicens :

Sancti † sicet, et conse † cretur lapis iste. In nomine Pa † tris, et Fi † lii, et Spiritus † sancti, in honorem Dei, et gloriosæ virginis Mariæ, atque omnium Sanctorum, ad nomen et memoriam sancti N. Pax tibi.

Deinde Pontifex, accepto thuribulo a Sacerdote

incensante, imposito et benedicto, ut prius, incenso, stans cum mitra inchoat, schola prosequente, Responsorium :

Dirigatur.

Et dicitur totum prout supra habetur pag. 246. Quo incepto, Pontifex circuit semel altare ad sinistram, illud incensans, ut prius; quo incensato, restituto thuribulo Sacerdoti, et Antiphona finita, Pontifex, deposita mitra, dicit : Oremus.

Et ministri : Flectamus genua. ¶ Levate.

Descendat, quæsumus Domine Deus noster, Spiritus tuus sanctus super hoc altare, qui et dona nostra et populi tui in eo sanctificet, et sumentum corda dignanter emundet. Per Christum Dominum nostrum. ¶ Amen.

Qua dicta, Pontifex inchoat et schola prosequitur Antiphonam :

Sanctificavit Dominus tabernaculum suum : quia hæc est domus Dei, in qua invocabitur nomen ejus, de quo scriptum est : Et erit nomen meum ibi, dicit Dominus.

PSALMUS 45.

Deus noster refugium,
et virtus ; * adjutor in tribulationibus, quæ inveniunt nos nimis.

Propterea non timebimus dum turbabitur terra : * et transferentur montes in cor maris.

Sonuerunt, et turbatæ sunt aquæ eorum : * conturbati sunt montes in fortitudine ejus.

Fluminis impetus lætitificat civitatem Dei : * sanctificavit tabernaculum suum Altissimus.

Deus in medio ejus non commovebitur : * adjuvabit eam Deus mane diluculo.

Conturbatæ sunt gentes, et inclinata sunt regna : dedit vocem suam, mota est terra.

Dominus virtutum nobiscum : susceptor noster Deus Jacob.

Venite, et videte opera Domini, quæ posuit prodigia super terram : auferens bella usque ad finem terræ.

Arcum conteret et con-

fringet arma : * et scuta comburet igni.

Vacate, et videte quoniam ego sum Deus : * exaltabor in gentibus, et exaltabor in terra.

Dominus virtutum nobiscum : susceptor noster Deus Jacob.

Et non dicitur Gloria Patri.

Interim dum Antiphona et Psalmus prædicti dicuntur, Pontifex, accepta mitra, fundit et spargit de oleo Catechumenorum, et Chrismate pariter super altare, illud manu dextera confri- cans, liniens et perungens. Quo facto, incipit, schola prosequente, Antiphonam :

Ecce odor filii mei, sicut odor agri pleni, cui benedixit Dominus : crescere te faciat Deus meus, sicut arenam maris : et donet tibi de rore cœli benedictionem.

PSALMUS 86. Fundamenta ejus in montibus sanctis : diligit Dominus portas Sion, super omnia tabernacula Jacob. Et dicitur totus prout habetur supra, pag. 203. Sed in fine non dicitur Gloria Patri.

Finito Psalmo, Pontifex stans cum mitra, dicit :

Lapidem hunc, fratres charissimi, in quo unguentum sacræ unctionis effunditur, ad suscipienda populi sui vota et sacrificia, oremus ut Dominus noster benedicat et consecret, et quod est unctum a nobis, sit unctum in nomine ejus; ut plebis vota suscipiat, et altari per sacram unctionem perfecto, dum propitiationem sacrorum imponimus, ipsi propitiatores Dei esse mereamur. Per Jesum Christum Dominum nostrum, qui cum eo et Spiritu sancto

vivit, et regnat Deus in sæcula sæculorum. ¶ Amen.

Quo dicto, inchoat Antiphonam, schola ipsam et Psalmum ac sequentia Responsoria prosequente.

ANTIPHONA.

Lapides pretiosi omnes muri tui, et tarres Jerusalem gemmis ædificabuntur.

PSALMUS 147.

Lauda Jerusalem Dominum : * lauda Deum tuum Sion.

Quoniam confortavit seras portarum tuarum : * benedixit filiis tuis in te.

Qui posuit fines tuos pacem : * et adipe frumenti satiat te.

Qui emittit eloquium suum terræ : * velociter currit sermo ejus.

Qui dat nivem sicut lanam : * nebulam sicut cinerem spargit.

Mittit chrystallum suam

sicut buccellas : * ante faciem frigoris ejus quis sustinebit?

Emittet verbum suum, et liquefaciet ea : * flabit spiritus ejus, et fluent aquæ.

Qui annuntiat verbum suum Jacob : * justias, et judicia sua Israel.

Non fecit taliter omni nationi : * et judicia sua non manifestavit eis.

Gloria Patri. Sicut erat etc.

Deinde dicitur Responsorium.

'Hæc est Jerusalem civitas illa magna cœlestis, ornata tanquam sponsa Agni. * Quoniam tabernaculum facta est, Alleluia. *. Portæ ejus non claudentur per diem, nox enim non erit in ea. * Quoniam.

Aliud Responsorium.

Plateæ tuæ, Jerusalem, sternentur auro mundo, alleluia, et cantabitur in te canticum lætitiae, alleluia. * Et per omnes vicos tuos dicetur ab universis, alleluia, alleluia. *. Lucc splendida fulgebis : et omnes fines terræ adorabunt te. * Et per omnes.

Incepta Antiphona, interim dum ipsa et Psalmus ac Responsoria prædicta cantantur, Pontifex cum mitra incipiens retro altare, et procedens ad ejus dexteram, inungit Chrismate cum pollice dextero singulas duodecim cruces in parietibus Ecclesiæ depictas, ad unamquamque crucem dicens :

*Sancti † sicetar, et conse † cretur hoc templum.
In nomine Pa † tris, et Fi † lii, et Spiritus † sancti,
in honorem Dei, et gloriosæ virginis Mariæ, atque
omnium Sanctorum, ad nomen et memoriam sancti
N. Pax tibi.*

Et peruncta qualibet cruce, mox accepto thuribulo, illam incensat triplici ductu.

His peractis, Pontifex ad altare revertitur, ac stans cum mitra, et thurificans super illud, inchoat, schola prosequente, Antiphonam :

Ædificavit Moyses altare Domino Deo, offerens super illud holocausta et immolans victimas, fecit sacrificium vespertinum in odorem suavitatis Domino Deo, in conspectu filiorum Israel.

Qua finita, stans adhuc cum mitra, dicit :

Dei Patris omnipotentis misericordiam supplices imploremus, fratres charissimi, ut altare hoc sacrificiis spiritualibus imbuendum, nostræ vocis exoratus officio præsenti bene † dictione sanctificet, atque in eo semper oblationes famulorum suorum studio sanctæ devotionis impositas bene † dicere et sancti † facere dignetur; et spirituali placatus incenso precibus familiæ suæ promptus exauditor assistat. Per Christum Dominum nostrum. ¶ Amen.

Deinde benedicit incensum super altare cremandum, stans ibibem, deposita mitra, dicens Versus.

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Domine Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur; dignare respicere, bene † dicere, et sancti † facere hanc creaturam incensi, ut omnes languores, omnesque infirmitates, atque insidiæ inimici odorem ejus sentientes effugiant, et separentur a plasmate tuo, quod pretioso Filii tui sanguine redemisti, ut numquam laedatur a morsu iniqui serpentis. Per eundem Christum Dominum nostrum. ¶. Amen.

Deinde aspergit ipsum aqua benedicta et, accepta mitra, format propria manu ex ipso incenso quinque cruces, quamlibet de quinque granis, super illa quinque loca altaris, in quibus cruces de aqua, et oleo, ac Chrismate factæ prius fuerunt; et super quamlibet crucem thuris ponit unam crucem factam de subtili candela, ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur et cremetur. Omnibus autem crucibus accensis, Pontifex, deposita mitra, flexis coram altari genibus, inchoat, schola prosequente:

Alleluia. Veni sancte Spiritus, reple tuorum corda fidelium, et tui amoris in eis ignem accende.

Nisi consecratio fiat inter Dominicam Septuagesimæ, et festum Paschæ Resurrectionis Domini nostri Jesu Christi: quia tunc, omissa Alleluia, dicitur Versus tantum. Quo dicto, surgit Pontifex stans ibidem versus ad altare sine mitra, et schola cantat Antiphonas duas sequentes.

ANTIPHONA.

Ascendit fumus aromatum in conspectu Domini de manu Angeli.

ALIA ANTIPHONA.

Stetit Angelus juxta aram templi, habens thuribulum aureum in manu sua : et data sunt ei incensa multa ; et ascendit fumus aromatum in conspectu Dei.

Sine Alleluia. Quibus finitis, Pontifex adhuc stans ante altare sine mitra, dicit : Oremus.

Et ministri : Flectamus genua. ¶ Levate.

Domine sancte, Pater omnipotens, æterne Deus, clemens et propitius, preces nostræ humilitatis exaudi, et respice ad hujus altaris tui holocaustum, quod non igne visibili probetur, sed infusum sancti Spiritus tui gratia in odorem suavitatis ascendet, et legitime se sumentibus Eucharistia medicabilis fiat, ad vitamque proficiat sempiternam. Per Christum Dominum nostrum. ¶ Amen.

Post hæc, combustis candelis et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrario. Interim Pontifex sine mitra stans ante gradus altaris, versus ad altare, dicit : Oremus.

Et ministri : Flectamus genua. ¶ Levate.

Deus omnipotens, iu cuius honorem, ac beatissimæ virginis Mariae, et omnium Sanctorum, ac nomen et memoriam sancti tui N. nos indigni altare hoc consecramus, clemens et propitius preces nostræ humilitatis exaudi, et præsta, ut in hac mensa sint libamina tibi accepta, sint grata, sint pinguia, et sancti Spiritus tui semper rore perfusa; ut omni tempore hoc in loco supplicantis tibi fa-

miliae tuæ anxietates releves, ægritudines cures, preces exaudias, vota suscipias, desiderata confimes, postulata concedas. Per Dominum nostrum Jesum Christum filium tuum, qui tecum vivit, et regnat in unitate ejusdem Spiritus sancti Deus.

Deinde eodem modo stans dicit mediocri voce, extensis manibus ante pectus, Præfationem hanc:

Per omnia sæcula sæculorum. **R.** Amen.

V. Dominus vobiscum. **R.** Et cum spiritu tuo.

V. Sursum corda. **R.** Habemus ad Dominum.

V. Gratias agamus Domino Deo nostro. **R.** Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus : Et, ut propensiore cura, et attentiori famulatu tibi servitutis officia deferamus, hoc præsertim tempore, quo religiosarum mentium habitum ultra parietum ornatum delegisti; templum istud, in quo sancti tui *N.* mentio habetur, bene † dicere et sancti † ficare digneris : per cuius sacram reverentiam et honorem, sacratissimo nomini tuo hoc altare dedicamus. Hujus igitur, Domine, efflagitatus precibus, dignare hoc altare cœlesti sancti † ficatione perfundere, et bene † dicere. Assistant Angeli claritatis, et sancti Spiritus illustratione perfulgeat. Sit illius quoque apud te gratiæ, cuius fuit illud quod Abraham, pater fidei, in nostræ figuram redemptionis, filium immolaturus exstruxit; quod Isaac in conspectu tuæ majestatis instituit; quod Jacob Dominum magna videns visione erexit; ut hic orantes exaudias; hic oblata sancti † fices; hic quoque superposita bene † dicas; hic quoque benedicta distribuas. Sit ergo Ecclesiæ tuæ titulus sempiterminus, sit mensa cœlesti spiritualique convivio præ-

parata. Tu igitur, Domine, proprio ore tuo hostias super eam impositas bene † dico, et benedictas suscipito. Ac nobis omnibus tribue, ut participatione earum vitam acquiramus sempiternam.

Quod sequitur, dicit submissa voce legendo, ita tamen, quod a circumstantibus audiatur.

Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum.
¶. Amen.

Præfatione finita, Pontifex inchoat, schola prosequente, Antiphonam :

Confirma hoc, Deus, quod operatus es in nobis, a templo sancto tuo, quod est in Jerusalem. Alleluia.

*Psalmus 67. Exurgat Deus, et dissipentur inimici ejus, * et fugiant qui oderunt eum, a facie ejus. Et dicitur prout habetur supra, pag. 125.*

Incepta Antiphona, Pontifex, accepta mitra, cum pollice dexteræ manus Chrismate intincto facit crucem in fronte altaris, nihil dicens. Quo facto, ac prædictis Antiphona et Psalmo finitis, deposita mitra, dicit :

OREMUS.

Majestatem tuam, Domine, humiliter imploramus ut altare hoc sacræ unctionis libamine ad suscipienda populi tui munera inunctum potenter bene † dicere et sancti † ficare digneris; ut quod nunc a nobis indignis, sub tui nominis invocatione, in honorem beatissimæ virginis Mariæ, et omnium Sanctorum, atque in memoriam sancti lui N. sacro-sancti Chrismatis unctione delibutum est, placeat tibi, atque altare maneat perpetuum; ut quidquid deinceps super illud oblatum sacratumve fuerit, dignum tibi fiat holocaustum; atque omnium hie

offerentium sacrificia a te pio Domino benigne suscipiantur, et per ea vincula peccatorum nostrorum absolvantur; maculæ deleantur; veniæ impetrantur; gratiæ acquirantur: quatenus una cum Sanctis et Electis tuis vitam percipere mereamur æternam. Per Christum Dominum nostrum. R. Amen.

Tum Pontifex, accepta mitra, cum pollice dexteræ manus Chrismate intincto inungit in modum crucis conjunctiones mensæ seu tabulæ altaris, et tituli sive stipitis, quatuor angulis, quasi illa conjungens, ad singulas cruces, dicens :

In nomine Pa † tris, et Fi † lii, et Spiritus † sancti.

Deinde, deposita mitra, dicit :

OREMUS.

Suplices te deprecamur, omnipotens æterne Deus, per unigenitum Filium tuum Dominum nostrum Jesum Christum, ut altare hoc sanctis usibus præparatum, cœlesti bene † dictione sanctifices; et, sicut Melchisedech Sacordotis præcipui oblationem dignatione mirabili suscepisti, ita imposita huic novo altari munera, semper accepta ferre digneris; ut populus, qui in hanc Ecclesiæ domum sanctam conveniet, per hæc libamina cœlesti sanctificatione salvatus, animarum quoque suarum salutem perpetuam consequatur. Per eundem Christum Dominum nostrum. R. Amen.

Post hæc Subdiaconi abstergunt diligenter cum mantilibus telæ grossæ mensam altaris; et Pontifex accedit ad sedem suam juxta altare, in qua cum mitra sedens fricat bene manus cum medulla panis, ac lavat, et extergit. Quo facto, Subdiaconis, seu Acolythis præsentantibus ipsi Pontifici tobaleas novas et mundas, ac vasa, et ornamenta ad cultum Dei et Ecclesiæ, ac altaris con-

*secratorum pertinentia, Pontifex, deposita mitra,
surgit, et stans illa benedicit, dicens :*

BENEDICTIO

TOBALEARUM, VASORUM, ET ORNAMENTORUM
ECCLESIAE, ET ALTARIS CONSECRATORUM.

†. Adjutorium nostrum in nomine Domini. ¶. Qui
fecit cœlum et terram.

†. Dominus vobiscum. ¶. Et cum spiritu tuo.

OREMUS.

Omnipotens et misericors Deus, qui ab initio utilia et necessaria hominibus creasti, templaque manu hominum facta nomini tuo sancto dicari, tuæque habitationis loca vocari voluisti, qui per famulum tuum Moysen vestimenta Pontificalia, et Sacerdotalia, seu Levitica, et alia quæque diversi generis ornamenta ad cultum et decorem tabernaculi et altaris tui fieri decrevisti; exaudi propitius preces nostras, et omnia hæc diversarum specierum ornamenta, in usum hujus Ecclesiae tuæ et altaris ad honorem et gloriam tuam præparata, purificare, bene † dicere, sancti † ficare, et conse † crare per nostræ humilitatis servitium digneris, ut divinis cultibus et sacris mysteriis apta existant, hisque confectioni Corporis et Sanguinis Jesu Christi Filii tui Domini nostri dignis pareatur famulatibus. Qui tecum vivit et regnat in unitate Spiritus sancti Deus per omnia sæculorum. ¶. Amen.

Deinde aspergit illa aqua benedicta; tum ministri ponunt super altare Chrismale, sive pannum lineum ceratum, ad mensuram altaris factum; deinde vestiunt altare tobaleis et ornamentis benedictis, ponentes desuper crucem, et alia ornamenta. Interim Pontifex stans ibidem inchoat

Antiphonam primam, schola ipsam ac alias Antiphonas sequentes, et Responsoria cum suis Versibus et Psalmis prosequente.

ANTIPHONA.

Circumdate, Levitæ, altare Domini Dei, vestite vestimentis albis, estote et vos canentes hymnum novum, dicentes Alleluia. ¶ Mirabilis Deus in Sanctis suis, et sanctus in omnibus operibus suis. ¶ Gloria Patri, et Filio, et Spiritui sancto. ¶ Sicut erat in principio, et nunc, et semper, et in sæculorum. Amen.

ALIA ANTIPHONA.

Circumdate Sion, et complectimini eam, narrate in turribus ejus. ¶ Magnus Dominus et laudabilis nimis, in civitate Dei nostri, in monte sancto ejus.

Deinde dicitur Responsorium.

Induit te Dominus tunica jucunditatis, et impo-
suit tibi coronam. * Et ornavit te ornamenti sanc-
tis. ¶ Luce splendida fulgebis, et omnes fines terræ
adorabunt coram to. * Et ornavit te. ¶ Nationes ex
longinquo ad te venient, et munera deferentes ado-
rabunt Dominum; et terram tuam in sanctificatione
habebunt, et nomen magnum tuum invocabunt. * Et
ornavit te. ¶ Benedicti erunt, qui te ædificaverunt;
tu autem lætaberis in filiis tuis, quoniam omnes
benedicentur, et congregabuntur ad Dominum. * Et
ornavit te.

*Et non dicitur Gloria, sed sequens Antiphona
cantatur.*

In velamento alarum tuarum protege nos Domine,
et in laude tua gloriemur.

PSALMUS 62.

Deus Deus meus, * ad | * quam multipliciter tibi
te de luce vigilo. | caro mea.
Sicut in te anima mea, | In terra deserta, et in-

via, et in aquosa : * sic in sancto apparui tibi, ut viderem virtutem tuam, et gloriam tuam.

Quoniam melior est misericordia tua super vitas : * labia mea laudabunt te.

Sic benedicam te in vita mea : * et in nomine tuo levabo manus meas.

Sicut adipe, et pinguedine repleatur anima mea : et labiis exultationis laudabit os meum.

Si memor fui tui super stratum meum, in matutinis meditabor in te : * quia fuisti adjutor meus.

Finito Psalmo, Pontifex, deposita mitra, ascendit ad altare, et facta cruci super altari positæ reverentia, incipit, schola prosequente, Antiphonam :

Omnis terra adoret Deus, et psallat tibi ; psalmum dicat nomini tuo Domine.

Interim, dum Antiphona cantatur, Pontifex incensat super altare in modum crucis : et Antiphona finita, Pontifex eam reincipit, et schola prosequitur ; et interim iterum ipse Pontifex super altare in modum crucis incensat, quod et tertio facit ; quo facto, stans ante medium altaris, dicit :

OREMUS.

Descendat, quæsumus, Domine Deus noster, Spiritus tunc sanctus super hoc altare, qui et dona nostra et populi tui in eo sanctificet, et sumentium corda dignanter emundet. Per Christum Dominum nostrum. R. Amen.

Et in velamento alarum tuarum exultabo, adhaesit anima mea post te ; * me suscepit dextera tua.

Ipsi vero in vanum quæsierunt animam meam, introibunt in inferiora terræ : * tradentur in manus gladii, partes vulpium erunt.

Rex vero lætabitur in Deo, laudabuntur omnes qui jurant in eo : * quia obstructum est os loquentium iniqua.

Gloria Patri etc. Sicut erat etc.

OREMUS.

Omnipotens sempiterne Deus, altare hoc nomini tuo dedicatum cœlestis virtutis benedictione sanctificata; et omnibus in te sperautibus auxilii tui munus ostende; ut hic Sacramentorum virtus, et votorum obtineatur effectus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R. Amen.*

V. Dominus vobiscum. R. Et cum spiritu tuo.

V. Benedicamus Domino. R. Deo gratias.

Quo dicto, Pontifex accedit ad sacristiam, sive sacrarium, ubi deposito pluviali, si celebrare voluerit, quod conveniens est, accipit sandalia, dicens Psalmum Quam dilecta, cum aliis; deinde, lotis manibus, accipit omnia paramenta Pontificalia albi coloris. Interim ornatur Ecclesia, et luminaria super altari, et credentia, atque alibi, ubi placuerit, accenduntur. Tunc exit Pontifex Missam celebraturus. Si vero fatigatus nimis celebrare noluerit, facit Missam solemniter per aliquem Sacerdotem celebrari.

Missa dicitur prout in Missali, in ipsa die Dedicationis Ecclesiæ.

In fine Pontifex dat benedictionem solemnem, dicens:

Sit nomen Domini benedictum etc.

Et indulgentias supra declaratas. Quibus publicatis, revertitur ad sacristiam, ubi, depositis sacris vestibus, vadit in pace.

Deinde cineres per Ecclesiam aspersi, in quibus litteræ Græcæ et Latinæ scriptæ sunt, per ministros Ecclesiæ tolluntur, et Ecclesia totaliter mundatur.

DE ALTARIS CONSECRATIONE

QUÆ FIT SINE ECCLESIÆ DEDICATIONE.

Altaris consecratio, quamvis omni die de jure fieri possit, decentius tamen in Dominicis diebus vel Sanctorum solemnitatibus fit. Sane sero ante diem consecrationis, Pontifex parat Reliquias in altari consecrando includendas, ponens eas in decenti et mundo vasculo, cum tribus granis thuris: ponit etiam in eo chartulam de pergameno, scriptam sub hac forma : M. DCCC..... etc, die N. mensis N. Ego N. Episcopus N. consecravi altare hoc, in honorem sancti N. et Reliquias Sanctorum Martyrum N. et N. in eo inclusi, et singulis Christi fidelibus, hodie unum annum, et in die anniversario consecrationis hujusmodi ipsam visitantibus quadraginta dies de vera indulgentia, in forma Ecclesiæ consueta, concessi.

Sigillans ipsum vasculum diligenter, et in honesto et mundo loco ponens, cum duobus candelabris et luminaribus ardentibus. Celebrandæque sunt Vigiliæ ante Reliquias ipsas, et canendi Nocturni, et matutinæ Laudes, in honorem Sanctorum quorum Reliquiæ sunt recondendæ.

Parantur etiam in Ecclesia, quæ ad altaris consecrationem sunt necessaria, videlicet sanctum Chrismia in vasculo, et ampulla; oleum sanctum Catechumenorum, etiam in vasculo, et ampulla; una libra thuris, cuius medietas sit in granis; thuribulum cum navicula et cochleari;

vas cum prunis ardentibus; vas aqua plenum, quod in presbyterio ponitur; vas cum cineribus; vas cum sale; vas vini; aspersorium factum de herba hyssopi; mantilia ex tela grossa ad extergendum mensam altaris consecrandi, quoties expedierit; coopertura linea cerata ad mensuram ipsius altaris consecrandi; quinque cruces parte factæ de candelis ceræ subtilibus; aliquæ spatulae ligneæ parvæ, ad abradendum de altari combustiones candelarum et thuris; vas, in quo ipse rasuræ deponantur; calx, arena, sive tegula trita ad faciendum cæmentum, pro liniendo sepulchro Reliquiarum et junctura mensæ altaris cum stipite; cæmentarius, qui hoc agat; duo intortitia accensa, quæ semper præcedant Pontificem, quo cumque ierit; vas cum aqua, ad ablueras manus Pontificis, et medulla panis, ac mantilia, pro extergendis manibus; bombyæ pro extergenda cruce, quæ fit in stipite altaris; tobaleæ novæ mundæ et vasa, atque ornamenta ad cultum Dei et altaris, postquam consecratum fuerit, pertinentia benedicenda.

Pontifex mane in suo habitu quotidiano venit ad Ecclesiam, et sedens in sede ad dexteram, vel in faldistorio ad sinistram altaris consecrandi, incipit et dicit voce submissa cum clericis septem Psalmos cum Antiphona Ne reminiscaris etc, ut supra, pag, 106, sine Litaniis. Induens interim amictum, albam, cingulum, stolam, et pluviale albi coloris, accipiens mitram simplicem in capite, et baculum Pastoralem in manu sinistra. Sicque paratus, septem Psalmis expletis, Pontifex cum ministris accedit coram altari consecrando; ubi deposito baculo Pastorali, et, stans sine mitra, inchoat, et schola prosequitur sequentem Antiphonam.

ANTIPHONÁ.

**Adesto Deus, unus omnipotens, Pater, et Filius,
et Spiritus sanctus.**

Deinde dieit, stans eodem modo :

OREMUS.

**Actiones nostras, quæsumus Domine, aspirando
præveni, et adjuvando prosequere; ut cuncta nostra
oratio et operatio a te semper incipiat, et per te
cœpta finiatur. Per Christum Dominum nostrum
¶. Amen.**

*Qua dicta, Pontifex, accepta mitra, procubuit
super faldistorium ibidem præparatum, et can-
tores incipiunt Litanias ut supra, pag. 29, vel,
cantoribus defcientibus, Pontifex eas legit, in
quibus suo loco nominetur bis Sanctus ille, in
cujus honore et nomine dedicatur ipsum altare,
et illi quorum Reliquiæ in eo includuntur. Post-
quam autem dictum fuerit :*

**Ut omnibus fidelibus, etc. ¶. Te rogamus audi
nos.**

*Pontifex ab accubitu surgit, et baculum Pas-
toralem in sinistra tenens, dexteram in altum
extendens, producit communiter super aram et
stipitem altaris consecrandi ter successive signum
crucis, dicens primo :*

**Ut altare hoc ad honorem tuum, et nomen sancti
N. consecrandum bene † dicere digneris. ¶. Te ro-
gamus audi nos.**

Secundo dicit :

**Ut altare hoc ad honorem tuum, et nomen sancti
N. consecrandum bene † dicere et sancti † sicare
digneris. ¶. Te rogamus audi nos.**

Tertio dicit :

Ut altare hoc ad honorem tuum, et nomen sancti N. consecrandum bene † dicere, sancti † ficare, et conse † crare digneris. ¶ Te rogamus audi nos.

Quo dicto, et deposito baculo Pastorali, iterum accumbit super faldistorium, et perficiuntur Litania. Quibus finitis, ab accubitu surgit, et cum mitra accedit versus altare consecrandum, et distans ab illo spatio congruenti, deposita mitra, genuflexus dicit cantando, si in cantu fit officium, alioquin competenti voce dicit sine notis: quod etiam in omnibus aliis sequentibus observatur.

Deus in adjutorium meum intende.

Quo dicto, Pontifice surgente, chorus seu ministri respondent :

Domine ad adjuvandum me festina.

Tum Pontifex stans sine mitra in eodem loco, dicit :

Gloria Patri, et Filio, et Spiritui sancto.

Chorus seu ministri respondent :

Sicut erat in principio, et nunc, et semper, et in sæcula sæculorum. Amen.

Sine Alleluia. Et id eisdem modo et loco, secundo et tertio fit, voce semper altius elevata. Quibus dictis Pontifex stans in eodem loco cum mitra benedicit aquam cum sale, cinere, et vino, incipiens absolute exorcismum salis; et faciens, prout habetur supra sub Ecclesiæ Dédicatione, pag. 218; usque ad Orationem.

Omnipotens sempiterne Deus, creator et conservator humani generis etc. inclusive.

Post hæc Pontifex procedit ad altare cum mitra, et ibidem inchoat, schola prosequente, Antiphonam sequentem :

Introibo ad altare Dei : ad Deum qui lætificat juventutem meam.

PSALMUS 42.

*Judica me, Deus, et discerne causam meam de gente non sancta : * ab homine iniquo et doloso erue me.*

Repetitur tota Antiphona prædicta, si necesse fuerit.

*Quia tu es, Deus, fortitudo mea : * quare me repulisti, et quare tristis incedo, dum affligit me inimicus ?*

Iterum repetitur Antiphona.

*Emitte lucem tuam et veritatem tuam : * ipsa me deduxerunt et adduxerunt in montem sanctum tuum,*

Et non dicitur Gloria Patri, sed Antiphona prædicta repetitur :

Incepit prima Antiphona, Pontifex, retenta mitra, stans ante altare, intingit pollicem dexteræ manus in aqua prædicta per eum benedicta, et cum eo et aqua hujusmodi facit crucem in medio tabulae altaris, dicens :

Sancti † sicut hoc altare, in honorem Dei omnipotentis, et gloriosæ virginis Mariæ, atque omnium Sanctorum, et ad nomen ac memoriam sancti N. In nomine Pa † tris, et Fi † lii, et Spiritus † sancti. Pax tibi.

Deinde facit, ex eadem aqua cum eodem pollice, qualuor cruces in qualuor cornibus altaris, repetens in qualibet cruce verba præmissa.

Sancti † sicut hoc altare etc..

Facit autem primam crux in dextera parte posteriori altaris, id est, ubi legitur Evangelium, se-

et in tabernacula tua.

Antiphona tota repetitur.

*Et introibo ad altare Dei : * ad Deum qui lætitificat juventutem meam.*


Iterum Antiphona repetitur.

*Confitebor tibi in cithara, Deus, Deus meus : * quare tristis es anima mea, et quare conturbas me ?*

Repetitur, ut prius, Antiphona.

*Spera in Deo, quoniam adhuc confitebor illi : * salutare vultus mei, et Deus meus.*

cundam in sinistra parte anteriori transversa primæ, tertiam in dextera anteriori, quartam in sinistra posteriori tertiae transversa, in hunc modum :



Quo facto, et finitis Antiphona et Psalmo prædictis, Pontifex stans ibidem, deposita mitra, dicit: Oremus.

Et ministri : Flectamus genua. R. Levate.

Singulare illud propitiatorium in altari crucis pro nobis redimendis oblatum, in cuius præfiguratione Patriarcha Jacob lapidem erexit in titulum, quo fieret sacrificium, et portæ cœli desuper aperiretur oraculum; supplices tibi, Domine, preces fundimus, ut lapidis hujus expolitam materiam, supernis sacrificiis imbuendam, ipse tuæ ditari sanctificationis ubertate præcipias, qui quondam lapideis legem scripsisti in tabulis. Per Christum Dominum nostrum. R. Amen.

Oratione expleta, Pontifex circuit septies tabulam altaris, aspergens eam et stipitem de aqua prædicta cum cinere et vino benedicta, cum aspersorio de herba hyssopi facta, hoc modo. Stans enim ante medium altaris inchoat Antiphonam, et schola prosequitur :

Asperge me Domine. Quæ tota dicitur, et repetitur cum Psalmo Miserere, eo modo, prout supra, pag. 226, de Consecratione altaris in Ecclesiæ Dedicatione ordinatum est. Quo facto, Pontifex stans sine mitra ante medium altaris, dicit :

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, qui es visibilium rerum omnium et invisibilium conditor, et cunctarum sanctificationum consecrator, ad dedicationem hujus Dominicæ mensæ adesse dignare; et quæ sacrato oleo et Christate a nobis indignis est linienda et benedicenda, tuæ sancti † ficationis in eam infunde virtutem et consecrationem; ut omnes qui ad eam te deprecati accesserint, tuae propitiationis auxilium sentiant. Per Christum Dominum nostrum. ¶. Amen.

Deinde ibidem cum præmissa aqua benedicta facit maltam, seu cæmentum, quod mox deposita mitra benedit, dicens :

†. Dominus vobiscum. ¶. Et cum spiritu tuo.

OREMUS.

Summe Deus, qui summa et media, iماque custodis, qui omnem creaturam intrinsecus ambiendo concludis, sancti † fica et bene † dic has creatureas calcis et sabuli. Per Christum Dominum nostrum. ¶. Amen.

Cæmentum benedictum reservatur, sed residuum aquæ benedictæ funditur ab basim sive pedem stipitis altaris per circuitum; Pontifex deinde procedit processionaliter cum cruce et clero ad locum, in quo nocte præterita conservatæ Reliquiæ fuerunt: sed priusquam locum ipsum ingrediatur, stans ab extra, deposita mitra, dicit : Oremus.

Et ministri : Flectamus genua. ¶. Levate.

Aufer a nobis, quæsumus, Domine, cunctas iniqüitates nostras; ut ad Sancta Sanctorum puris mereamur mentibus introire. Per Christum Dominum nostrum. ¶. Amen.

Ingressus vero sine mitra, stans juxta et versus ad Reliquias, dicit :

OREMUS.

Fac nos, quæsumus Domine, Sanctorum tuorum tibi specialiter dedicata membra digne contingere, quorum patrocinia cupimus incessanter habere. Per Christum Dominum nostrum. ¶ Amen.

Qua dicta, Pontifex sine mitra accipit reverenter vasculum Reliquiarum : tum, accepta mitra, portat eas solemniter et processionaliter ad altare consecrandum ; vel, si sint super feretrum, per Sacerdotes ferri facit, inchoans, schola prosequente, Antiphonam.

Cum jucunditate exhibitis, et cum gudio deducemini, nam et montes et colles exilient expectantes vos cum gudio. Alleluia.

Poterit deinde etiam dici, si expedierit, sequens Responsorium :

Surgite Sancti Dei de mansionibus vestris, loca sanctificate, plebem benedicite, * Et nos homines peccatores in pace custodite. ¶ Ambulate Sancti Dei ad locum prædestinatum, qui vobis præparatus est. * Et nos.

Cumque pervenerit prope ipsum altare, deponit eas reverenter cum luminaribus super feretrum vel aliquam tabulam honeste ibidem paratum, luminaribus juxta illas ardentibus, et mox Pontifex cum mitra stans prope altare inchoat, schola seu ministris prosequentibus, Antiphonam :

Exultabunt Sancti in gloria : lætabuntur in cubilibus suis.

*Psalmus 149. Cantate Domino canticum novum : * laus ejus, ut supra, pag. 243.*

Deinde Psalmus 150. Laudate Dominum in Sanc-

tis ejus : * laudate eum , ut supra , pag. 243 , sine Gloria Patri, in fine utriusque, sed his Psalmis dictis, *Antiphona repetitur. Qua finita, Pontifex, deposita mitra, stans versus ad altare, dicit :*

OREMUS.

Deus, qui in omni loco dominationis tuæ clemens ac benignus dedicator assistis, exaudi nos, quæsumus, et concede, ut inviolabilis permaneat hujus loci consecratio ; et beneficia tui muneric, universitas fidelium quæ tibi supplicat, percipere mereatur. Per Christum Dominum nostrum
¶. Amen.

Et mox Pontifex, accepta mitra, signat cum pollice dexteræ manus de chrismate confessionem, id est, sepulchrum altaris, in quo Reliquiæ sunt reponendæ, in quatuor angulis ; faciens in singulis signum crucis, et dicens, dum unamquamque crucem facit :

Conse† cretur , et sancti † ficetur hoc sepulchrum. In nomine Pa† tris, et Fi† lii, et Spiritus † sancti. Pax huic domui.

Deinde, deposita mitra, recondit ibi vasculum cum Reliquiis et aliis in eo inclusis veneranter, inchoans, schola seu ministris prosequentibus Antiphonam :

Sub altare Dei sedes accepistis, Sancti Dei, intercedite pro nobis ad Dominum Jesum Christum.
¶. Exultabunt Sancti in gloria. ¶. Lætabuntur in cubilibus suis.

Et non dicitur Gloria Patri, sed repetitur Antiphona. Interim dum præmissa dicuntur, Pontifex stans sine mitra, imposito et benedicto incenso in thuribulo, et illo a Diacono accepto, thurificat Reliquias inclusas ; quo facto, imposta sibi mitra, accipiens lapidem, seu tabulam, cum quo debet claudi sepulchrum, facit cum pollice crucem de Chrismate in medio ejus de subtus, dicens :

Conse † cretur , et sancti † ficitur haec tabula, (vel hic lapis) per istam unctionem, et Dei benedictionem. In nomine Pa † tris , et Fi † lii, et Spiritus † sancti. Pax tibi.

Et mox ponit, et coaptat tabulam, seu lapidem, super sepulchrum, claudens illud, et inchoans, schola seu ministris prosequentibus, Antiphonam :

Sub altare Dei audivi voces occisorum dicentium: Quare non defendis sanguinem nostrum? et acceperunt divinum responsum : Adhuc sustinete modicum tempus , donec impleatur numerus fratrum vestrorum.

Alia Antiphona :

Corpora Sanctorum in pace sepulta sunt : et vivent nomina eorum in æternum.

¶. Gloria Patri , et Filio , et Spiritui sancto.
¶. Sicut erat in principio , et nunc , et semper , et in sæcula sæculorum. Amen.

. Post hæc Pontifex, deposita mitra, dicit :

OREMUS.

Deus, qui ex omnium cohabitatione Sanctorum æternum majestati tuæ condis habitaculum, da ædificationi tuæ incrementa cœlestia ; et præsta, ut quorum hic Reliquias pio amore complectimur , eorum semper meritis adjuvemur. Per Christum Dominum nostrum. ¶. Amen.

Tunc, accepta mitra, Pontifice prius incipiente, cæmentarii cum cæmento benedicto firmant ipsam tabulam, seu lapidem super sepulchrum; deinde Pontifex facil crucem desuper ex Chrismale cum pollice dexteræ manus, dicens :

Signe † tur , et sanctifi † cetur hoc altare. In nomine Pa † tris , et Fi † lii , et Spiritus † sancti. Pax tibi.

Tum, deposita mitra, inchoat, schola seu ministris prosequentibus, Antiphonam :

Stetit Angelus juxta aram templi habens thuribulum aureum in manu sua ; et data sunt ei incensa multa ; et ascendit fumus aromatum in conspectu Dei. Alleluia.

Interim cum mitra thurificat altare undique ad dexterum et sinistrum latus, ante et desuper, donec præmissus cantus finiatur; quo finito, stans coram altari sine mitra, dicit :

OREMUS.

Dirigatur oratio nostra, quæsumus Domine, sicut incensum in conspectu tuo, et copiosa beneficia christianus populus assequatur ; ut quicumque tibi in hoc altari sacranda libamina devotus obtulerit, vel sacrata suscepit ; et vitæ subsidia præsentis accipiat, et remissionem omnium peccatorum pariter consequatur, et gratiam sempiternæ redemp-
tionis percipiat. Per Christum Dominum nostrum.
R. Amen.

Post hæc Pontifex, accepta mitra, sedet, et ministri extergunt mensam altaris cum linteo mundo, et mox Pontifex thurificat super illam in modum crucis in medio, et in quatuor ejus cornibus ; quo facto, Pontifex ponit iterum incensum in thuribulo, et illud benedicit, ut supra, videlicet, Ab illo benedicaris etc. ac tradit uni Sacerdoti superpellico induto ; qui continuo altare circuit, incensando, donec consecratio perficiatur, excepto eo tempore, quo Pontifex illud incensat ; tunc enim Pontifici thuribulum præsentat ; et per Pontificem thurificato, illud iterum accipit, et, ut prius, incensat. Tum Pontifex adhuc cum mitra stans inchoat, schola seu ministris prosequentibus, *Responsorium :*

Dirigatur oratio mea sicut incensum in conspectu

tuo, Domine. ¶ Elevatio manuum mearum sacrificium vespertinum.

Quod dum cantatur, Pontifex circuit ter altare ad dexteram continue thurificando. Finita incensatione, Pontifex inchoat, schola sive ministris prosequentibus, Antiphonam :

Erexit Jacob lapidem in titulum, fundens oleum desuper : votum vovit Deo Jacob.

PSALMUS 83.

Quam dilecta tabernacula tua, Domine virtutum,
* concupiscit et desicit anima mea in atria Domini,

Repetitur Antiphona.

Cor meum et caro mea :
* exultaverunt in Deum vivum.

Repetitur Antiphona.

Etenim passer invenit sibi domum : * et turtur nidum sibi, ubi ponat pullos suos.

Repetitur Antiphona.

Altaria tua, Domine virtutum : * Rex meus, et Deus meus.

Repetitur Antiphona.

Beati qui habitant in domo tua Domine : * in sæcula sæculorum laudabunt te.

Repetitur Antiphona.

Beatus vir cuius est auxilium abs te ; * ascensiones in corde suo disposuit in valle lacrymarum, in loco quem posuit.

Repetitur Antiphona.

Etenim benedictionem dabit legislator, ibunt de virtute in virtutem : * videtur Deus deorum in Sion.

Repetitur Antiphona.

Domine Deus virtutum, exaudi orationem meam : * auribus percipe, Deus Jacob.

Repetitur Antiphona.

Protector noster aspice, Deus : * et respice in faciem Christi tui.

Repetitur Antiphona.

Quia melior est dies una in atris tuis : * super milia.

Repetitur Antiphona.

Elegi abjectus esse in domo Dei mei : * magis quam habitare in tabernaculis peccatorum.


Repetitur Antiphona.

Quia misericordiam et veritatem diligit Deus : * gratiam et gloriam dabit Dominus.

Repetitur Antiphona.

Non privabit bonis eos | beatus homo qui sperat in
qui ambulant in innocen- | te.
tia : * Domine virtutum ,

*Et non dicitur Gloria Patri, sed Antiphona repe-
petitur. Dum Antiphona et Psalmus prædicti di-
cuntur, Pontifex stans cum mitra, intingit pollicem
dexteræ manus in oleum Catechumenorum, et cum
eo facit quinque cruces, videlicet in medio altaris, et
in quatuor ejus cornibus, in locis in quibus fecerat
cruces de aqua benedicta, videlicet primam in medio
altaris, secundam in dextero posteriori, id est,
Evangelii, tertiam in sinistro anteriori; quartam in
dextero anteriori, quintam in sinistro posteriori,
hoc ordine :*



Dicens dum singulas cruces facit :

*Sancti † fitetur, et conse † cretur lapis iste. In
nomine Pa † tris, et Fi † lii, et Spiritus † sancti, in
honorem Dei, et gloriosæ Virginis Mariæ, atque
omnium Sanctorum, ad nomen et memoriam sancti
N. Pax tibi.*

*Deinde Pontifex, accepto thuribulo a Sacerdote
altare incensante, imposito et benedicto, ut prius,
incenso, stans cum mitra inchoat, schola seu minis-
tris prosequentibus, Responsorium :*

Dirigatur oratio mea sicut incensum in conspectu tuo, Domine. ¶ Elevatio manuum mearum sacrificium vespertinum.

Quo incepto, Pontifex circuit semel altare ad dexteram thurificando illud; deinde, restituto thuribulo Sacerdoti, et Responsorio finito, sine mitra, dicit: Oremus.

Et ministri: Flectamus genua. ¶ Levate.

Adsit, Domine, misericordiae tuæ ineffabilis pietas, et super hunc lapidem opem tuæ bene dictio[n]is, et virtutem tuæ unctionis infunde; ut, te largiente, referat præmium quisquis intulerit votum. Per Christum Dominum nostrum. ¶ Amen.

Oratione finita, Pontifex inchoat, et schola seu ministri prosequuntur, Antiphonam:

Mane surgens Jacob erigebat lapidem in titulum, fundens oleum desuper: votum vovit Domino: vere locus iste sanctus est, et ego nesciebam.

PSALMUS. 91.

*Bonum est confiteri Domino, * et psallere nomini tuo, Altissime.*

Repetitur Antiphona.

*Ad annuntiandum mane misericordiam tuam, * et veritatem tuam per noctem.*

Repetitur Antiphona.

*In decachordo psalterio: * cum cantico in cithara.*

Repetitur Antiphona.

*Quia delectasti me, Domine, in factura tua, * et in operibus manuum tua-rum exultabo.*

Repetitur Antiphona.

*Quam magnifica sunt opera tua, Domine: * nimis profundæ factæ sunt cogitationes tuæ.*

Repetitur Antiphona.

*Vir insipiens non co-gnoscet: * et stultus non intelliget hæc.*

Repetitur Antiphona.

*Cum exorti fuerint pec-catores sicut fœnum: * et apparuerint omnes, qui operantur iniq[ue]itatem.*

Repetitur Antiphona.

Ut intereant in sæculum

seculi : * tu autem altissimus in æternum Domine.

Repetitur Antiphona.

Quoniam ecce inimici tui, Domine, quoniam ecce inimici tui peribunt : * et dispergentur omnes, qui operantur iniqutatem.

Repetitur Antiphona.

Et exaltabitur sicut unicornis cornu meum : * et senectus mea in misericordia uberi.

Repetitur Antiphona.

Et despexit oculus meus inimicos meos : * et ab insurgentibus in me mali-

gnantibus, audiet auris mea.

Repetitur Antiphona.

Justus ut palma florebit : * sicut cedrus Libani multiplicabitur.

Repetitur Antiphona.

Plantati in domo Domini, * in atriis domus Dei nostri florebunt.

Repetitur Antiphona.

Adhuc multiplicabuntur in senecta uberi : * et bene patientes erunt, ut annuntient.

Repetitur Antiphona.

Quoniam rectus Dominus Deus noster : * et non est iniquitas in eo.

Et non dicitur Gloria Patri, sed Antiphona repetitur. Interim Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis altaris, et eo ordine, prout prius fecit, dicens dum singulas cruces facit :

Sancti † fitetur, et conse † cretur lapis iste. In nomine Pa † tris, et Fi † lii, et Spiritus † sancti, in honorem Dei, et gloriosæ Virginis Mariæ, atque omnium Sanctorum, ad nomen et memoriam sancti N. Pax tibi.

Deinde Pontifex, accepto thuribulo a Sacerdote altare incensante, imposito et benedicto, ut prius, incenso, stans cum mitra inchoat iterum, schola seu ministris prosequentibus, Responsorium :

Dirigatur oratio mea, sicut incensum in conspectu tuo, Domine. †. Elevatio manuum mearum sacrificium vespertinum.

Quo incepto, Pontifex circuit iterum semel altare ad dexteram, illud incensando; quo facto, restituto thuribulo Sacerdoti, et Responsorio finito, Pontifex, deposita mitra, dicit : Oremus.

Et ministri : Flectamus genua. R. Levate.

Adesto, Domine, dedicationi hujus mensæ tuæ, et in eam, quæ a nobis indignis sancto linita est oleo, bene † dictionis et sancti † ficationis tuæ virtutem et consecrationem infunde. Qui vivis et regnas Deus, per omnia sæcula sæculorum. R. Amen.

Alia Oratio. OREMUS.

Omnipotens sempiterne Deus, altare hoc quod in honorem tuum, et in memoriam sancti tui N. nos indigni consecramus, virtute tuæ bene † dictionis sanctifica; et omnibus te hic invocantibus atque in te sperantibus auxilii tui munus ostende; ut huic altari imposita munera semper accepta fieri digneris; et in eo Sacmentorum virtus, et votorum semper obtineatur effectus. Per Christum Dominum nostrum. R. Amen.

Qua finita, Pontifex incipit, schola seu ministris prosequentibus, Antiphonam :

Unxit te Deus, Deus tuus, oleo lætitiae præ consortibus tuis.

PSALMUS 44.

*Eructavit cor meum verbum bonum : * dico ego opera mea regi.*

Repetitur Antiphona.

*Lingua mea calamus scribæ, * velociter scribentis.*

Repetitur Antiphona.

Speciosus forma præ filiis hominum, diffusa est

*gratia in labiis tuis : * propterea benedixit te Deus in æternum.*

Repetitur Antiphona.

*Accingere gladio tuo super femur tuum, * potentissime.*

Repetitur Antiphona.

*Specie tua, et pulchritudine tua, * intende, pros-*

pere procede, et regna.

Repetitur Antiphona.

Propter veritatem, et mansuetudinem, et justitiam, * et deducet te mirabiliter dextera tua.

Repetitur Antiphona.

Sagittæ tuæ acutæ, populi sub te cadent, * in corda inimicorum regis.

Repetitur Antiphona.

Sedes tua, Deus, in sæculum sæculi : * virga directionis, virga regni tui.

Repetitur Antiphona.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiae præ consortibus tuis.

Repetitur Antiphona.

Myrrha, et guitta, et cassia a vestimentis tuis, a domibus eburneis : * ex quibus delectaverunt te filii regum in honore tuo.

Repetitur Antiphona.

Astitit regina a dextris tuis in vestitu deaurato, * circumdata varietate.

Repetitur Antiphona.

Audi filia et vide, et inclina aurem tuam : * et obliviscere populum tuum, et domum patris tui.

Et non dicitur Gloria Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum

Repetitur Antiphona.

Et concupiscat rex de- cōrem tuum : * quoniam ipse est Dominus Deus tuus et adorabunt eum.

Repetitur Antiphona.

Et filiæ Tyri in muneribus : * vultum tuum depre- cabuntur omnes divites plebis.

Repetitur Antiphona.

Omnis gloria ejus filiæ regis ab intus : * in flimbriis aureis, circumamicta varietatibus.

Repetitur Antiphona.

Adducentur regi virgi- nes post eam : * proximæ ejus afferentur tibi.

Repetitur Antiphona.

Afferentur in lætitia, et exultatione : * adducentur in templum regis.

Repetitur Antiphona.

Pro patribus tuis nati sunt tibi filii : * constitues eos principes super om- nem terram.

Repetitur Antiphona.

Memores erunt nominis tui : * in omni generatione et generationem.

Repetitur Antiphona.

Propterea populi confi- tebuntur tibi in æternum * et in sæculum sæculi.

*pollice dexteræ manus in medio tabulæ altaris,
et in quatuor ejus angulis, ordine supra posito,
ad quamlibet crucem dicens :*

*Sancti † sicet, et conse † cretar lapis iste. In
nomine Pa † tris, et Fi † lii, et Spiritus † sancti,
in honorem Dei, et gloriosæ Virginis Mariæ, atque
omnium Sanctorum, ad nomen et memoriam sancti
N. Pax tibi.*

*Deinde Pontifex, accepto thuribulo a Sacer-
dote incensante, imposito et benedicto, ut prius,
incenso, stans cum mitra inchoat, schola seu mi-
nistris prosequentibus, Responsorium :*

*Dirigatur oratio mea sicut incensum in conspectu
tuo, Domine †. Elevatio manuum mearum sacri-
ficium vespertinum.*

*Quo incepto, Pontifex circuit semel altare ad
sinistram, illud incensans, ut prius; quo incen-
sato, restituto thuribulo Sacerdoti, et Antiphona
finita, Pontifex, deposita mitra, dicit : Oremus.*

Et ministri : Flectamus genua. ¶ Levate.

*Descendat, quæsumus Domine Deus noster, Spi-
ritus tuus sanctus super hoc altare, qui et dona
nostra et populi tui in eo sanctificet, et sumentum
corda dignanter emundet. Per Christum Dominum
nostrum. ¶ Amen.*

*Qua dicta, Pontifex inchoat, et schola seu mi-
nistri prosequuntur, Antiphonam :*

*Sanctificavit Dominus tabernaculum suum ; quia
hæc est domus Dei, in qua invocabitur nomen ejus,
de quo scriptum est : Et erit nomen meum ibi, di-
cit Dominus.*

PSALMUS 45.

Deus noster refugium,
et virtus : * adjutor in tri-
bulationibus, quæ invene-
runt nos nimis.

Repetitur Antiphona.

Propterea non timebimus
dum turbabitur terra : * et
transferentur montes in
cor maris.

Repetitur Antiphona.

Sonuerunt, et turbatæ
sunt aquæ eorum : * con-
turbati sunt montes in for-
titudine ejus.

Repetitur Antiphona.

Fluminis impetus læ-
tificat civitatem Dei : *
sanctificavit tabernacu-
lum suum Altissimus.

Repetitur Antiphona.

Deus in medio ejus non
commovebitur : * adjuva-
bit eam Deus mane dilu-
culo.

Repetitur Antiphona.

Conturbatæ sunt gentes,

et inclinata sunt regna : *
dedit vocem suam, mota
est terra.

Repetitur Antiphona.

Dominus virtutum no-
biscum : * susceptor noster
Deus Jacob.

Repetitur Antiphona.

Venite, et videte opera
Domini, quæ posuit pro-
digia super terram : * au-
ferens bella usque ad finem
terræ.

Repetitur Antiphona.

Arcum conteret et con-
fringet arma : * et scuta
comburet igni.

Repetitur Antiphona.

Vacote, et videte quo-
niā ego sum Deus : *
exaltabor in gentibus, et
exaltabor in terra.

Repetitur Antiphona.

Dominus virtutum no-
biscum : * susceptor noster
Deus Jacob.

*Et non dicitur Gloria Patri, sed Antiphona re-
petitur. Interim dum Antiphona et Psalmus præ-
dicti dicuntur, Pontifex, accepta mitra, fundit
et spargit oleum Catechumenorum et Chrisma
pariter desuper altare, illud manu dextera con-
fricens, liniens et perungens. Quo facto, inci-
pit, schola seu ministris prosequentibus, Anti-
phonam :*

*Ecce odor filii mei, sicut odor agri pleni, cui be-
nedixit Dominus : crescere te faciat Deus meus,*

sicut arenam maris : et donet tibi de rore cœli benedictionem.

*Psalmus 86. Fundamenta ejus in montibus sanctis : * diligit Dominus portas Sion , super omnia tabernacula Jacob. Et dicitur totus prout habetur supra , pag. 203. Sed in fine non dicitur Gloria Patri.*

Finito Psalmo, Pontifex stans cum mitra, dicit :

Lapidem hunc, fratres charissimi, in quo unguentum sacræ unctionis effunditur ad suscipienda populi sui vota et sacrificia, oremus ut Dominus noster bene † dicat et conse † cret, et quod est unctum a nobis, sit unctum in nomine ejus; ut plebis vota suscipiat, et altari per sacram unctionem perfecto, dum propitiatiōnem sacrorum imponimus, ipsi propitiatores Dei esse mereamur. Per Jesum Christum Dominum nostrum, qui cum eo, et Spiritu sancto vivit, et regnat Deus in sæcula sæculorum. R. Amen.

Quo dicto, inchoat, schola seu ministris prosequentibus, Antiphonam :

Ædificavit Moyses altare Domino Deo, offerens super illud holocausta : et immolans victimas, fecit sacrificium vespertinum in odorem suavitatis Domino Deo, in conspectu filiorum Israel.

Qua finita, stans adhuc cum mitra, dicit :

Dei Patris omnipotentis misericordiam supplices imploremus, fratres charissimi, ut altare hoc sacrificiis spiritualibus imbuendum, nostræ vocis exoratus officio præsenti bene † dictione sanctificet, atque in eo semper oblationes famulorum suorum studio suæ devotionis impositas bene † dicere, et sancti † ficare dignetur; et spirituali placatus

incenso precibus familiæ suæ promptus exaudiitor assistat. Per Christum Dominum nostrum.
¶. Amen.

Deinde benedicit incensum super altare cremandum, stans ibidem, deposita mitra, et dicens Versus :

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Domine Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur, dignare respicere, bene † dicere, et sancti † ficare hanc creaturam incensi, ut omnes languores, omnesque infirmitates, atque insidiæ iniunici odorem ejus sentientes effugiant et separentur a plasmate tuo, quod pretioso Filii tui Sanguine redemisti, ut nunquam lædatur a morsu iniqui serpentis. Per eundem Christum Dominum nostrum. ¶. Amen.

Deinde aspergit ipsum aqua benedicta, et accepta mitra, format propria manu ex ipso incenso quinque cruces, quamlibet de quinque granis, super illa quinque loca altaris, in quibus cruces de aqua et oleo ac Chrismate factæ prius fuerunt, et super quamlibet crucem thuris ponit unam crucem factam de subtili candela; ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur et cremetur. Omnibus autem crucibus accensis, Pontifex, deposita mitra, flexis coram altari genibus, inchoat, schola seu ministris prosequentibus :

Alleluia. †. Veni sancte Spiritus, reple tuorum corda fidelium, et tui amoris in eis ignem accende.

Nisi Consecratio hujusmodi fieret inter Dominicam Septuagesimæ et Festum Paschæ Resurrectionis Domini nostri Jesu Christi, quia tunc, omisso Alleluia, dicitur Versus tantum. Quo dicto, surgit Pontifex stans ibidem versus ad altare, sine mitra; et schola seu ministri cantant Antiphonas duas sequentes :

Ascendit famus aromatum in conspectu Domini de manu Angeli.

ALIA ANTIPHONA.

Stetit Angelus juxta aram templi, habens thuribulum aureum in manu sua : et data sunt ei ineensa multa; et ascendit famus aromatum in conspectu Dei.

Quibus finitis, Pontifex adhuc stans ante altare sine mitra, dicit : Oremus.

Et ministri : Flectamus genua. ¶ Levate.

Domine sancte, Pater omnipotens, æterne Deus, clemens et propitius, preces nostræ humilitatis exaudi, et respice ad hujus altaris tui holocaustum, quod non igne visibili probetur, sed infusum sancti Spiritus tui gratia in odorem suavitatis ascendat, et legitime se sumentibus Eucharistia medicabilis fiat, ad vitamque proficiat sempiternam. Per Christum Dominum nostrum. ¶ Amen.

Post hæc, combustis candelis et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris, versus ad altare, dicit : Oremus.

Et ministri : Flectamus genua. ¶ Levate.

Deus omnipotens, in ejus honorem, ac beatissimæ Virginis Marie, et omnium Sanctorum, ac

nomen et memoriam sancti tui N. nos indigni. altare hoc consecramus, clemens et propitius preces nostræ humilitatis exaudi; et præsta, nt in hac mensa sint libamina tibi accepta, sint grata, sint pinguia, et sancti Spiritus tui semper rore perfusa; ut omni tempore hoc in loco supplicantis tibi familiæ tuæ anxietates releves, ægritudines cures, preces exaudias, vota suscipias, desiderata confirmes, postulata concedas. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus.

Deinde eodem modo stans, dicit mediocri voce, extensis manibus ante pectus, hanc Præfationem :

Per omnia sæcula sæculorum. R. Amen.

V. Dominus vobiscum. R. Et cum spiritu tuo.

V. Sursum corda. R. Habemus ad Dominum.

V. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere; Domine sancte, Pater omnipotens, æterne Deus, et clemens: cuius nec initium, nec finis advertitur; qui quantum es, tantus esse voluisti, sanctus scilicet ac mirabilis Deus, cuius majestatem elementa non capiunt. Te benedicimus, te supplices deprecamur, ut tibi sit altare hoc, sicut illud quod Abel salutaris mysterii in passione præcursor, jugulatus a fratre, novo sanguine imbuit, et sacravit. Sit tibi, Domine, altare hoc, sicut illud quod Abraham pater noster, qui videre te meruit, fabricavit, et invocato tuo nomine consecravit. In quo Sacerdos Melchisedech sacrificii formam triumphalis expressit. Sit tibi, Domine, altare hoc, sicut illud super quod Abraham seminarium fidei nostræ Isaac filium suum, dum tibi toto corde credidit, toto corde imposuit. In

quo salutaris mysterii Sacramentum dominicæ Passionis ostensum est, dum offertur Filius, Agnus occiditur. Sit tibi, Domine, altare hoc, sicut illud quod Isaac puteum profundæ puritatis inveniens, abundantiae ei nomen imponens, tuæ majestati ducavit. Sit tibi, Domine, altare hoc, sicut ille lapis quem Jacob supponens capiti suo, ascendentes et descendentes Angelos per scalæ mysterium, somno revelante, cognovit. Sit tibi, Domine, altare hoc, sicut illud quod Moyses, susceptis mandatis, in præfiguratione Apostolica, duodecim lapidum constructione firmavit. Sit tibi, Domine, altare hoc, sicut illud quod Moyses septem dierum purificatione mundavit, et cœlesti tuo colloquio, Sancta Sanctorum vocavit. Sicut locutus est ad Moysen, dicens: Si quis tetigerit altare hoc, sanctificatus habeatur. Sit in hoc ergo altari innocentiae cultus, immoletur superbia, iracundia juguletur, luxuria, omnisque libido feriatur; offeratur pro turturibus sacrificium castitatis, et pro pullis columbarum innocentiae sacrificium.

Quod sequitur, dicit submissa voce legendo, ita tamen, quod a circumstantibus audiri possit : Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Præfatione finita, Pontifex, accepta mitra, inungit cum pollice dexteræ manus Chrismate intincto, frontem altaris in modum crucis, inchoans, schola seu ministris prosequentibus, Antiphonam :

Confirma hoc, Deus, quod operatus es in nobis, a templo sancto tuo, quod est in Jerusalem, Alleluia.

Psalmus 67. Exurgat Deus, et dissipentur ini-

mici ejus , * et fugiant qui oderunt eum , a facie ejus.

Et totus dicitur prout habetur supra, pag. 125.

Quo dicto, Pontifex, deposita mitra, dicit :

OREMUS.

Majestatem tuam , Domine , humiliter imploramus, ut altare hoc sacræ unctionis libamine ad suscipienda populi tui munera inunctum potenter bene † dicere et sancti † ficare digneris ; ut quod nunc a nobis indignis, sub tui nominis invocatione, in honorem beatissimæ Virginis Mariæ, et omnium Sanctorum, atque in memoriam sancti tui N. sacro-sancti Chrismatis unctione delibutum est, placeat tibi, atque altare maneat perpetuum ; ut quidquid deinceps super illud oblatum sacramatum fuerit, dignum tibi fiat holocaustum , atque omnium hic offerentium sacrificia a te pio Domino benigne suscipiantur, et per ea vincula peccatorum nostrorum absolvantur; maculæ deleantur ; veniæ impetrentur ; et gratiæ acquirantur : quatenus una cum Sanctis et Electis tuis vitam percipere mereamur æternam. Per Christum Dominum nostrum. R. Amen.

Tum Pontifex, accepta mitra, cum pollice dexteræ manus Chrismate intineto, inungit in modum crucis conjunctiones mensæ seu tabulæ altaris et tituli, sive stipitis, in quatuor angulis, quasi illa conjungens, ad singulas cruces dicens :

In nomine Pa † tris, et Fi † lii, et Spiritus † sancti.

Deinde, deposita mitra, dicit :

OREMUS.

Supplices te deprecamur , omnipotens æterne Deus, per unigenitum Filium tuum Dominum nos-

trum Jesum Christum, ut altare hoc sanctis usibus præparatum, cœlesti bene + dictione sanctifices; et sicut Melchisedech sacerdotis præcipui oblationem dignatione mirabili suscepisti, ita imposita huic novo altari munera, semper accepta ferre digneris; ut populus, qui in hanc Ecclesiæ domum sanctam conveniet, per hæc libamina cœlesti sanctificatione salvatus, animarum quoque suarum salutem perpetuam consequatur. Per eumdem Christum Dominum nostrum. ¶ Amen.

Post hæc Subdiaconi abstergunt diligenter cum mantilibus telæ grossæ mensam altaris; et Pontifex accedit ad sedem suam juxta altare, in qua cum mitra sedens fricat bene manus cum medulla panis, ac lavat, et extergit. Quo facto, Subdiaconis seu Acolythis præsentantibus ipsi Pontifici tobaelas novas et mundas, ac vasa, et ornamenta ad cultum Dei et altaris consecrati pertinentia, Pontifex, deposita mitra, surgit, et stans benedicit illa, dicens :

**BENEDICTIO TOBALEARUM,
VASORUM, ET ORNAMENTORUM ALTARIS CONSEGRATI.**

¶. Adjutorium nostrum in nomine Domini. ¶. Qui fecit cœlum et terram.

¶. Dominus vobiscum. ¶. Et cum spiritu tuo.

OREMUS.

Omnipotens et misericors Deus, qui ab initio utilia et necessaria hominibus creasti, quique per famulum tuum Moysen vestimenta pontificalia et sacerdotalia, seu levitica Sacerdotibus et Levitis, atque ornamenta et linteamina facere famulum tuum Moysen per quadraginta dies docuisti, atque etiam quæ Maria texuit et fecit, in usum ministerii tabernaculi fœderis ordinasti, purificare, bene +

dicere, sancti † dicare, et conse † crare per nostræ humilitatis servitium digneris, hæc ornamenta et linteamina in usum altaris tui, ut divinis cultibus et sacris mysteriis apta existant, hisque confectioni Corporis et Sanguinis Jesu Christi Filii tui Domini nostri dignis pareatur famulatibus. Qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Deinde aspergit illa aqua benedicta. Tum ministri ponunt super altare Chrismale, sive pannum lineum ceratum ad mensuram altaris factum; deinde vestiunt altare tobaleis et ornamentis benedictis, ponentes desuper crucem, et alia ornamenta. Interim Pontifex stans ibidem, inchoat Antiphonam primam, schola seu ministris prosequentibus ipsam, et alias Antiphonas sequentes, et Responsoria cum suis Versibus et Psalmis :

ANTIPHONA.

Circumdate, Levitæ, altare Domini Dei, vestite vestimentis albis, estote et vos canentes hymnum novum dicentes, alleluia.

¶. Mirabilis Deus in Sanctis suis, et sanctus in omnibus operibus suis.

Gloria Patri, et Filio, et Spiritui sancto.

Sicut erat in principio, et nunc, et semper : et in sæcula sæculorum. Amen.

ALIA ANTIPHONA.

Circumdate Sion, et complectimini eam, narrate in turribus ejus. ¶ Magnus Dominus et laudabilis nimis, in civitate Dei nostri in monte sancto ejus.

Deinde dicitur Responsorium :

Induit te Dominus tunica jucunditatis, et impo-
suit tibi coronam. * Et ornavit te ornamenti sanc-

tis. ¶ Luce splendida fulgebis, et omnes fines terræ adorabunt coram te. * Et ornavit te. ¶ Nationes ex longinquo ad te venient, et munera deferentes adorabunt Dominum; et terram tuam in sanctificatione habebunt, et nomen magnum tuum invocabunt. * Et ornavit te. ¶ Benedicti erunt, qui te ædificaverunt: tu autem lætaberis in filiis tuis, quoniam omnes benedicentur, et congregabuntur ad Dominum. * Et ornavit te.

Et non dicitur Gloria Patri, sed sequens Antiphona dicitur:

In velamento alarum tuarum protege nos, Domine, et in laude tua gloriemur.

*Psalmus 62. Deus Deus meus, * ad de te luce vigilo.*

Et dicitur totus prout habetur supra, pag. 262. cum Gloria Patri, in fine.

Finito Psalmo, Pontifex, deposita mitra, ascendit ad altare, et facta cruci super altari positæ reverentia, incipit, schola seu ministris prosequentibus, Antiphonam :

Omnis terra adoret te, Deus, et psallat tibi: psalmum dicat nomini tuo, Domine.

Interim dum Antiphona cantatur, Pontifex incensat super altare in modum crucis; et Antiphona finita, Pontifex eam reincipit et schola prosequitur, et interim iterum ipse Pontifex super altare in modum crucis incensat, quod et tertio facit: quo facto, stans ante medium altaris, dicit:

OREMUS.

Descendat, quæsumus, Domine Deus noster, Spiritus tuus sanctus super hoc altare, qui et dona nostra et populi tui in eo sanctificet, et sumentium

**corda dignanter emundet. Per Christum Dominum ,
nostrum. ¶ Amen.**

OREMUS.

**Omnipotens sempiterne Deus, altare hoc nomini
tuo dedicatum cœlestis virtutis bene + dictione
sanctifica; et omnibus in te sperantibus auxili tui
munus ostende; ut hic Sacramentorum virtus, et
votorum obtineatur effectus. Per Dominum nostrum
Jesum Christum Filium tuum, qui tecum vivit et
regnat in unitate Spiritus sancti Deus , per omnia
sæcula sæculorum. ¶ Amen.**

¶. Dominus vobiscum. ¶. Et cum spiritu tuo.

¶. Benedicamus Domino. ¶. Deo gratias.

*Quo dicto, Pontifex accedit ad sacristiam sive
sacrarium, ubi, deposito pluviali, parat se ad ce-
lebrandum Missam, si voluerit, vel facit per
aliquem Sacerdotem in dicto altari consecrato
solemniter celebrari. Missa dicitur ut in Missali,
in ipsa die Dedicationis Altaris.*

*Finita Missa, Pontifex dat benedictionem so-
lemnem et indulgentias, exuit se sacris vestibus,
et vadit in pace.*

DE CONSECRATIONE ALTARIS

**CUJUS SEPULCHRUM RELIQUIARUM EST IN MEDIO SUMMITATIS
STIPITIS.**

*Ordo prædictus consecrandi altare semper ser-
vatur, quando sepulchrum Reliquiarum est in
medio tabulæ altaris, a parte superiori, vel in .
stipite a parte anteriori, aut posteriori. Si vero
sepulchrum est in medio summitatis stipitis, supra
autem sit ponenda ipsa tabula, sive mensa alta-
ris; finita aquæ benedictione cum vino et ci-
nere, ut supra, pag. 219, atque Oratione Omni-*

**potens sempiterne Deus , creator et conservator
humani generis etc., pag. 221.**

*Pontifex stans cum mitra , et aqua benedicta
hujusmodi , vino et cinere mista , facit maltam ,
sive cæmentum ex calce et sabulo , seu tegula trita
ad hoc paratis , quod deinde , deposita mitra , be-
nedicit , dicens :*

†. Dominus vobiscum. ¶. Et cum spiritu tuo.

OREMUS.

**Summe Deus , qui summa et media , imaque cus-
todis , qui omnem creaturam intrinsecus ambiendo
concludis , sancti † fica et bene † dic has creaturas
calcis et sabuli . Per Christum Dominum nostrum.
¶. Amen.**

*Quo facto , tabula ipsa altaris a stipite separata
jacente , debet fieri Reliquiarum deportatio , et in-
clusio , Pontifice processionaliter accidente ad
locum ubi Reliquie sunt depositæ , in quo Ponti-
flex stans ab extra sine mitra , dicit : Oremus.*

Et ministri : Flectamus genua. ¶. Levate.

*Aufer a nobis , quæsumus etc , et continuans per
omnia usque ad Conse † cretur , et sanctifi † cetur
hæc tabula , inclusive , prout supra ordinatum est ,
pag. 271 , et seq. Quibus dictis , Sacerdotes et Le-
vitæ elevate aram , sive tabulam , seu mensam al-
taris , et collocant eam super stipitem ; et cæmen-
tarii cum dicto cæmento benedicto ipsam liniunt
et firmant , schola interim cantante , seu minis-
tris dicentibus Responsorium :*

*Vos Sacerdotes et Levitæ sanctificamini . * Et af-
ferte aram Domini Dei Israel ad locum qui ei pa-
ratus est . †. Vos sancti Domini vocabimini ministri
Dei nostri ; dicetur vobis : sit timor Dei vobiscum ,
et cum diligentia cuncta facite . * Et .*

Levata itaque ara , et collocata , ac cum cæmen-

to prædicto bene firmata, Pontifex inchoat Antiphonam :

Sub altare Dei, ut supra, pag. 274, et continuat usque ad Orationem, Dirigatur, inclusive : quæ dicta, prosequitur altaris consecrationem, accedens ad altare cum mitra, et stans ante illud, deposita mitra, incipit, schola seu ministris prosequentibus, Antiphonam :

Introibo ad altare Dei, ut supra, pag. 268, cum omnibus sequentibus, usque ad Orationem, Deus, qui es visibilium rerum omnium etc., inclusive.

Quæ dicta, Pontifex accepta mitra sedet, et ministri extergunt mensam altaris cum linteo mundo; et mox Pontifex thurificat super illam in modum crucis in medio, et in quatuor ejus angulis, inchoans, schola seu ministris prosequentibus, Responsorium :

Dirigatur oratio mea, sicut incensum in conspectu tuo, Domine.

¶. *Elevatio manuum mearum sacrificium vespertinum.*

Et omnia alia deinde fiunt, prout supra ordinata sunt, usque ad finem, pag. 276 et seq.

DE ALTARIS PORTATILIS CONSECRATIONE.

Altaris portatilis consecratio potest fieri quocumque die et loco, jejuno tamen stomacho.

Parantur in loco ubi consecratio hujusmodi fieri debet, in primis aliquæ Reliquiæ cum tribus granis incensi in altari recludendæ; sanctum Chrisma in vasculo, et ampulla; Oleum sanctum Cathecumenorum etiam in vasculo, et ampulla ; media libra thuris, cuius medietas sit in granis ; thuribu-

lum cum navicula et cochleari; vas cum prunis ardentibus; vas aquæ mundæ; vas cum cineribus; vas cum sale; vas vini; aspersorium factum de herba hyssopi; mantilia ex tela grossa ad extergendum altare consecrandum, quoties expedierit; quinque cruces parvæ factæ de candelis ceræ subtilibus; aliquæ spatulæ ligneæ parvæ, ad abradendum de altari combustiones candelarum et thuris; vas in quo ipsæ rasuræ deponantur; duo candelabra cum duobus cereis continuo ardentibus prope Reliquias; vas cum aqua ad abluerandas manus Pontificis, et medulla panis, ac mantilia pro extergendis manibus.

Pontifex igitur, paratus amictu, alba, cingulo, stola, pluviali albi coloris, et mitra simplici, si consecrationem hujusmodi publice facere velit, vel, si in camera sua aut alio loco secreto, stolam habeat supra rochetum vel supra superpelliceum, si sit regularis, ab humeris dependentem, et mitram simplicem, stans ante tabulam ipsam, sive altare consecrandum positum super aliquam mensam, vel altare, mitram in capite tenens, absolute dicit :

Deum omnipotentem, fratres charissimi, votis exultantibus deprecemur, ut qui per omnem mundum fidem sparsit et Ecclesiam congregavit, qui est lapis de monte sine manibus abscissus, qui angularem compagem solidavit, hanc petram serenus illustret, eamque æterno lumine irrigatam ita multiplicibus et diversis charismatibus locupletet, ut super illam, administrandam sui Corporis hostiam bene † dicat, et suscipiat consecratam. Qui cum Deo Patre vivit, et regnat in unitate Spiritus sancti Deus, per omnia sæculorum. ¶ Amen.

Deinde, detecto capite, genuflexus ante altare consecrandum, dicit :

Deus in adjutorium meum intende.

Quo dicto, Pontifice surgente, chorus respondet :

Domine ad adjuvandum me festina.

Tum Pontifex, stans sine mitra in eodem loco, dicit :

Gloria Patri, et Filio, et Spiritui sancto.

Chorus respondet :

Sicut erat in principio, et nunc, et semper : et in sæcula sæculorum. Amen.

Sine Alleluia. Et id eisdem modo et loco, secundo et tertio fit, voce semper altius elevata.,

Quibus dictis, Pontifex stans in eodem loco cum mitra, benedicit aquam cum sale, cinere et vino, incipiens absolute exorcismum salis, prout habetur supra sub Ecclesiæ Dedicatione, pag. 218. usque ad Orationem Omnipotens sempiterne Deus, creator, et conservator humani generis etc, prout supra, pag. 221. inclusive, hoc salvo, quod ubiquecumque fit mentio de Ecclesiæ consecratione, dicit solum de altaris, vel tabulæ.


Aqua igitur benedicta, Pontifex, retenta mitra, stans ante altare intingit pollicem dexteræ manus in aqua prædicta per eum benedicta; et cum eo et aqua hujusmodi facit crucem in medio tabulæ vel altaris, dicens :

**Sancti † sicutur, et conse † cretur hæc tabula.
In nomine Pa † tris, et Fi † lii, et Spiritus † sancti.
Pax tibi.**

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa.

Sancti † sicutur, et conse † cretur hæc tabula etc.

Facit autem primam crucem in dextera parte posteriori lapidis, id est, Evangelii, secundam in sinistra parte anteriori transversa prime, tertiam in dextera anteriori, quartam in sinistra posteriori tertiae transversa in hunc modum.



*Quo facto, inchoat, ministris prosequentibus,
Antiphonam :*

Asperges me, Domine, hyssopo, et mundabor:
lavabis me, et super nivem dealbabor.

PSALMUS 50.

Miserere mei Deus : * secundum magnum misericordiam tuam.

Et totus dicitur ut supra, pag. 97, sine Gloria Patri. Sed in fine repetitur ipsa Antiphona, et interim dum dicuntur Antiphona et Psalmus predicti, Pontifex cum mitra aspergit cum aspersorio de herba hyssopi facto de ipsa aqua tabulam, per ejus circuitum tribus vicibus. Quo facto, tabula abstergitur cum mundo panno lineo; deinde Pontifex, deposita mitra, dicit :

*. Domine, exaudi orationem meam. ¶. Et clamor meus ad te veniat.

*. Dominus vobiscum. ¶. Et cum spiritu tuo.

OREMUS.

Deus, qui es visibilium omnium rerum et invisibilium conditor, et cunctarum sanctificationum consecrator, ad Dedicationem hujus dominicæ mensæ adesse dignare; et quæ sacrato Oleo et Chrismate a nobis indignis est linienda et benedicta, tuæ sancti ficationis in eam infunde virtutem et consecrationem; ut omnes qui ad eam te deprecaturi accesserint, tuæ propitiationis auxilium sentiant. Per Christum Dominum nostrum.
¶. Amen.

Tum inchoat, ministris prosequentibus, Antiphonam :

Dirigatur oratio mea sicut incensum in conspectu tuo, Domine.



Qua incepta, Pontifex, accepta mitra, thurificat tertio tabulam per circuitum ejus. Finita incensatione, Pontifex inchoat, ministris prosequentibus, Antiphonam :

Erexit Jacob lapidem in titulum, fundens oleum desuper.

*Psalmus 83. Quam dilecta tabernacula tua, Domine virtutum : * concupiscit et deficit anima mea in atria Domini. Et dicitur totus prout habetur supra, pag. 198. Sed in fine non dicitur Gloria Patri.*

Dum Antiphona et Psalmus dicuntur, Pontifex stans cum mitra, intingit pollicem dexteræ manus in oleum Catechumenorum, et cum eo facit quinque cruces, videlicet, in medio altaris et quatuor ejus cornibus, in locis in quibus fecerat cruces de aqua benedicta, videlicet, primam in medio altaris, secundam in dextero cornu posteriori, id est, Evangelii, tertiam in sinistro anteriori,

quartam in dextero anteriori, quintam in sinistro posteriori hoc ordine :



Dicens, dum singulas cruces facit :

Sancti † fitetur, et conse † cretur hæc tabula. In nomine Pa † tris, et Fi † lii, et Spiritus † sancti. Pax tibi.

Deinde Pontifex inchoat, ministris prosequentibus, Antiphonam :

Dirigatur oratio mea sicut incensum in conspectu tuo, Domine.

Et dum Antiphona dicitur, Pontifex thurificat semel tabulam per circuitum; deinde, restituto thuribulo, et Antiphona finita, deposita mitra, dicit : Oremus.

Et ministri : Flectamus genua. R. Levate.

Adsit, Domine, misericordiæ tuæ ineffabilis pietas, et super hanc tabulam opem tuæ bene † dictionis et virtutem tuæ unctionis infunde; ut, te largiente, referat præmium quisquis intulerit votum. Per Christum Dominum nostrum. R. Amen.

Oratione finita, Pontifex inchoat, ministris prosequentibus, Antiphonam :

Mane surgens Jacob erigebat lapidem in titulum,

fundens oleum desuper, votum vovit domino : vere locus iste sanctus est, et ego nesciebam.

*Psalmus 91. Bonum est confiteri Domino : * et psallere nomini tuo, Altissime. Et totus dicitur prout supra habetur sub Dedicatione Ecclesiæ, pag. 248. Et in fine non dicitur Gloria Patri.*

Incepit Antiphona, Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis altaris, et eo ordine, prout prius fecit, dicens, dum singulas cruces facit :

Sancti † fitetur, et consecretur hæc tabula. In nomine Pa † tris, et Fi † lii, et Spiritus † sancti. Pax tibi.

Deinde Pontifex inchoat, ministris prosequentibus, Antiphonam :

Dirigatur oratio mea, sicut incensum in conspectu tuo, Domine.

Interim dum Antiphona dicitur, Pontifex, retenta mitra, thurificat iterum semel tabulam per circuitum. Quo facto, Pontifex, deposita mitra, dicit : Oremus.

Et ministri : Flectamus genua. R. Levate.

Adesto, Domine, dedicationi hujus mensæ tuæ, et in eam, quæ a nobis indignis sancto linita est oleo, bene † dictionis et sancti † ficationis tuæ virtutem et consecrationem infunde. Qui vivis et regnas Deus, per omnia sæcula sæculorum. R. Amen.

Qua finita, Pontifex incipit, schola seu ministris prosequentibus, Antiphonam :

Unxit te Deus, Deus tuus, oleo lætitiae præ consortibus tuis.

Psalmus 45. Deus noster refugium, et virtus : adjutor in tribulationibus, quæ invenerunt nos nimis. Et totus dicitur prout habetur supra sub Dedicatione Ecclesiæ, pag. 252, et in fine non dicitur Gloria Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabula altaris et in quatuor ejus angulis, ordine supra posito, ad quamlibet crucem dicens :

Sancti † sicet, et conse † cretur hæc tabula. In nomine Pa † tris, et Fi † lii, et Spiritus † sancti. Pax tibi.

Deinde Pontifex, accepto thuribulo a Sacerdote incensante, imposito et benedicto incenso, stans cum mitra inchoat, et schola seu ministri prosequuntur, Antiphonam :

Dirigatur oratio mea, sicut incensum in conspectu tuo, Domine.

Qua incepta, Pontifex, retenta mitra, iterum semet thurificat tabulam per circuitum, deinde, deposita mitra, dicit : Oremus.

Et ministri : Flectamus genua. ¶ Levate.

Exaudi nos, Deus noster, et precum nostrarum libenter accipe vota, et altare hoc ad celebranda divina mysteria præparatum cœlestis unguenti odore asperge, et aromata divinæ sanctificationis illi infunde; et sicut lapidem Jacob patriarchæ erectum unguenti perfusione dicasti, et angelicis visionibus per scalam gradus Ecclesiæ figurasti, sic quoque super hunc lapidem altari coaptandum cœlestis gratiam sancti † ficationis immitté; ut dum tibi super eum sacri Corporis et Sanguinis unigeniti Filii tui

mysteria consecrantur, potentibus peccata dimittantur, et merentibus influas gratiam sempiternam. Per Christum Dominum nostrum. *R. Amen.*

Oratione dicta, Pontifex, accepta mitra, intingit pollicem dexteræ manus in sanctum Chrisma, et cum eo signat confessionem, id est, sepulchrum, in quo Reliquæ sunt reponendæ, in medio formando signum, dicens :

Conse† secretur, et sancti† fitetur hoc sepulchrum. In nomine Pa† tris, et Fi† lii, et Spiritus† sancti. Pax huic domui.

Deinde, deposita mitra, recondit veneranter Reliquias cum tribus granis in tabula sive altari, et sepulchrum Reliquiarum hujusmodi claudit. Quo facto, adhuc stans sine mitra, dicit:

OREMUS.

*Deus, qui ex omnium cohabitatione Sanctorum æternum Majestati tuæ condis habitaculum, da ædificationi tuæ incrementa celestia; et praesta, ut quorum hic Reliquias pio amore complectimur, eorum semper meritis adjuvemur. Per Christum Dominum nostrum. *R. Amen.**

Tum inchoat Pontifex, schola seu ministris prosequentibus, Antiphonam :

Ecce odor filii mei, sicut odor agri pleni, cui benedixit Dominus : crescere te faciat Deus meus, sicut arenam maris : et donet tibi de rore cœli benedictionem.

*Psalmus 86. Fundamenta ejus in montibus sanctis : * diligit Dominus portas Sion, super omnia tabernacula Jacob. Et dicitur totus prout habetur supra, pag. 203. Sed in fine non dicitur Gloria Patri.*

Dum Antiphona et Psalmus prædicti dicuntur, Pontifex, accepta mitra, fundit et spargit oleum Catechumenorum et sanctum Chrisma, manu dextera confricans, liniens, et perungens totum lapidem.

Finito Psalmo, Pontifex stans cum mitra, dicit :

Lapidem hunc , fratres charissimi , in quo unguentum sacrae unctionis effunditur, ad suscipienda populi sui vota et sacrificia, oremus ut Dominus noster bene † dicat et conse † cret, et quod est unctum a nobis , sit unctum in nomine ejus ; ut plebis vota suscipiat, et altari per sacram unctionem perfecto, dum propitiationem sacrorum imponimus, ipsi propitiatores Dei esse mereamur. Per Jesum Christum Dominum nostrum, qui cum eo, et Spiritu sancto vivit, et regnat Deus in sæculorum sæculorum. **R. Amen.**

Quo dicto, inchoat, schola seu ministris prosequentibus, Antiphonam :

Ædificavit Moyses altare Domino Deo, offerens super illud holocausta : et immolans victimas, fecit sacrificium vespertinum in odorem suavitatis Domino Deo, in conspectu filiorum Israel.

Qua finita, stans adhuc cum mitra Pontifex, dicit :

Dei Patris omnipotentis misericordiam supplices imploremus, fratres charissimi, ut altare hoc sacrificii spiritualibus imbuendum, nostræ vocis exortatus officio præsenti bene † dicione sanctificet, atque in eo semper oblationes famulorum suorum studio sanctæ devotionis impositas bene † dicere et sancti † ficare dignetur ; et spirituali placatus incenso precibus familæ suæ promptus exauditor assistat. Per Christum Dominum nostrum. **R. Amen.**

*Deinde benedicit incensum super altare cre-
mandum, et stans ibidem, deposita mitra, dicit :*

*. Domine , exaudi orationem meam. ¶. Et cla-
mor meus ad te veniat.

*. Dominus vobiscum. ¶. Et cum spiritu tuo.

OREMUS.

**Domine Deus omnipotens , cui assistit exercitus
Angelorum cum tremore , quorum servitium spiri-
tuale et igneum esse cognoscitur ; dignare respicere,
bene † dicere, et sancti † ficare hanc creaturam
incensi, ut omnes languores, omnesque infirmitates
atque insidiæ inimici odorem ejus sentientes effu-
giant, et separentur a plasmate tuo ; ut numquam
lædatur a morsu antiqui serpentis, quod pretioso
Filii tui Sanguine redemisti. Per eundem Christum
Dominum nostrum. ¶. Amen.**

*Deinde aspergit ipsum aqua benedicta, et ac-
cepta mitra, format propria manu ex ipso quinque
cruces, quamlibet de quinque granis, super illa
quinque loca altaris, in quibus cruces de aqua,
Oleo, et Chrismate factæ prius fuerunt, et super
quamlibet crucem thuris ponit unam crucem fac-
tam de subtili candela ad mensuram crucis de
grulis incensi factæ, et cujuslibet crucis capita
accenduntur, ut cum ipsis thus comburatur et
cremetur. Omnibus autem crucibus accensis, Pon-
tifex, deposita mitra, flexis coram altari genibus,
inchoat et schola seu ministri prosequuntur :*

**Alleluia. *. Veni sancte Spiritus : reple tuorum
corda fidelium, et tai amoris in eis ignem accende.**

*Nisi Consecratio fiat inter Dominicam Septua-
gesimæ et festum Paschæ Resurrectionis Domini
nostrí Jesu Christi, quia tunc omissa Alleluia,
dicitur Versus tantum. Quo dicto, surgit Ponti-*

sex stans ibidem versus ad altare sine mitra, et schola seu ministri dicunt Antiphonas duas sequentes :

Ascendit fumus aromatum in conspectu Domini de manu Angeli.

ALIA ANTIPHONA.

Stetit Angelus juxta aram templi , habens thuribulum aureum in manu sua : et data sunt ei incensa multa ; et ascendit fumus aromatum in conspectu Dei. *Sine Alleluia.*

Quibus finitis, Pontifex adhuc stans ante altare sine mitra, dicit : Oremus.

Et ministri : Flectamus genua. ¶ Levate.

Hujus altaris , Domine , holocaustum sancti Spiritus tui gratia infusam in odorem tuæ suavitatis ascendet. Per Christum Dominum nostrum. ¶ Amen

Post hæc combustis candelis et thure , cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris versus ad altare, dicit :

OREMUS.

Suplices tibi, Domine Deus, Pater omnipotens, preces effundimus , ut metalli hujus expolitam materiam supernis sacrificiis imbuendam ipse tua ditare sancti † ficationis ubertatem digneris, qui quondam legem in tabulis scripsisti lapideis. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus,

Deinde eodem modo stans , mediocri voce extensis manibus ante pectus, dicit Praefationem hanc :

Per omnia sæcula sæculorum. ¶. Amen.

¶. Dominus vobiscum. ¶. Et cum spiritu tuo.

¶. Sursum corda. ¶. Habemus ad Dominum.

¶. Gratias agamus Domino Deo nostro. ¶. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus : Qui post offendicula lapsus primi hominis, instituisti tibi offerri propitiatorii delibamenta libaminis ; ut culpa, quæ præcesserat per superbiam, futuris temporibus expiaretur per munera, quibus honorarentur altaRIA, honorificarentur et templa. Quod tibi primus Noe præparavit officio, rursus Abraham immolatus filium, dehinc Jacob erigens et ungens lapidem in titulum. Te, Redemptor mundi, exoramus, ut lapidem istum seu mensam, in honorem tuum, glorioseque Virginis Mariæ, et omnium Sanctorum conse† crare, et sancti † ficare digneris benedictionis tuæ illapsu, manibus nostris opem tuæ benedictionis infundens, et sacri hujus mysterii sicut institutor, ita etiam et sanctificator appare, qui te angularem lapidem, et saxum sine manibus abscissum nominari voluisti. Inhaeresas hic placido æternæ majestatis obtutu, ut quidquid sacro ritu super hoc immolabitur, sicut Melchisedech oblatum tibi placeat holocaustum. Adsit misericordiæ tuæ inefabilis pietas : ut, te largiente, referat præmium, quisquis intulerit votum.

Quod sequitur dicit submissa voce legendo, ita tamen, quod a circumstantibus audiatur.

Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum ¶. Amen.

Præfatione finita, Pontifex inchoat, et schola seu ministri prosequuntur, Antiphonam :

Confirmata hoc, Deus, quod operatus es in nobis a templo sancto tuo, quod est in Jerusalem.

¶. Gloria Patri, et Filio, et Spiritui sancto.
¶. Sicut erat in principio, et nunc, et semper, et in sæcula sæculorum. Amen.

Deinde repetitur Antiphona. Qua dicta, Pontifex sine mitra dicit :

OREMUS.

Quæsumus, omnipotens Deus, universarum rerum rationabilis artifex, qui inter ceteras creaturarum formas lapideum metallum ad obsequium tui sacrificii condidisti, ut legitimæ libationi præpararetur altare: annue dignanter, ut quidquid hic oblatum sacratumve fuerit, nomini tuo assurgat, Religioni proficiat, spei innitatur, et fidei sit honori. Per Christum Dominum nostrum. ¶. Amen.

Postea inchoat, schola seu ministris prosequentibus, Antiphonam :

Omnis terra adoret te Deus, et psallat tibi: psalmum dicat nomini tuo, Domine.

Qua incepta, Pontifex, accepta mitra, thurifecat super tabulam in modum crucis, deinde, deposita mitra, dicit :

Descendat, quæsumus Domine Deus noster, Spiritus tuus sanctus super hoc altare, qui et dona nostra et populi tui in eo sanctificet, et sumentium corda dignanter emundet. Per Christum Dominum nostrum. ¶. Amen.

Postremo extergitur tabula per ministros cum panno lineo. Tum Pontifex parat se ad celebrandum si voluerit, vel facit per aliquem Sacerdo-

tem super dictam tabulam consecratam Missam celebrari.

Missa dicitur ut in Missali, in ipsa die Dedicationis altaris.

DE CÆMETERII BENEDICTIONE.

Die præcedenti ponuntur in cæmeterio benedicendo quinque ligneæ cruces, videlicet una allior in medio, et quatuor aliæ, quælibet ad staturam hominis, quarum una in extremitate cæmeterii ante crucem medium, alia in alia extremitate cæmeterii retro crucem medium, tertia in tertia extremitate a dextris, et quarta in quarta extremitate cæmeterii a sinistris crucis mediæ; et ante quamlibet ex dictis quinque crucibus ponitur seu figitur in terram aliquod lignum in ejus summittate aptum ad affgendum illi tres candelas, trium unciarum quamlibet, vel circa; scala super quam ascendens Pontifex possit attingere summitates ipsarum crucum; vas magnum aqua plenum benedicta; et vas cum sale.

Mane vero Pontifex in sacristia paratus amictu, alba, cingulo, stola, pluviali albi coloris, mitra simplici, et baculo Pastorali, accedit cum ministris ad cæmeterium benedicendum, ubi faldistorium ante crucem in medio positam sibi paratur, super quo residens facit populo brevem sermonem de sanctitate et libertate cæmeterii.

Qvo facto, affiguntur et accenduntur quindecim candelæ, tres ante quamlibet crucem super ligna, ut supra ordinata; quibus ardentibus,

Pontifex ante medium crucem et candelas stans, deposita mitra, dicit :

OREMUS.

Omnipotens Deus, qui es custos animarum, et tutela salutis, et fides credentium, respice propitiis ad nostræ servitutis officium ; ut ad introitum nostrum purgetur, bene † dicatur, sancti † ficetur, et conse † cretur hoc cœmeterium, ut humana corpora hic post vitæ cursum quiescentia, in magno judicii die simul cum felicibus animabus mereantur adipisci vitæ perennis gaudia. Per Christum Dominum nostrum. ¶ Amen.

Et mox ante ipsam crucem super faldistorio Pontifex, accepta mitra, accumbit, et cantor incepit et prosequitur Litanias, ut supra, pag. 29.

Cumque dictum fuerit :

Ut omnibus fidelibus defunctis requiem aeternam donare digneris. ¶ Te rogamus audi nos.

Pontifex surgit ab accubitu, et baculum Pastoralis in sinistra tenens, producit signum crucis super cœmeterium, dicens primo :

Ut hoc cœmeterium purgare, et bene † dicere digneris. ¶ Te rogamus audi nos.

Secundo dicit :

Ut hoc cœmeterium purgare, bene † dicere, et sancti † ficare digneris. ¶ Te rogamus audi nos.

Tertio dicit :

Ut hoc cœmeterium purgare, bene † dicere, sancti † ficare, et conse † crare digneris. ¶ Te rogamus audi nos.

Quo facto; redit ad accubitum, cantore Litanias perficiente.

Quibus finitis, surgit cum mitra ab accubitu

Pontifex, et stans juxta aquam ibidem in vase paratam, benedicit eam et sal simpliciter, prout supra sub benedictione et impositione primarii lapidis pro Ecclesia ædificanda, pag. 195. Aqua igitur taliter benedicta, Pontifex accedens ad crucem ante medium positam, mitra ibidem deposita, inchoat, schola prosequente, Antiphonam :

*Asperges me, Domine, hyssopo, et mundabor:
lavabis me, et super nivem dealbabor.*

*Psalmus 50. Miserere mei Deus : * secundum.
Et totus dicitur ut supra, pag. 97, cum Gloria Patri in fine. Quo dicto, Antiphona repetitur.
Dum Antiphona et Psalmus dicuntur, Pontifex, accepta mitra, circuit et perambulat totum locum cæmeterii, incipiens circuire ad ejus dexteram, aspergens aquam benedictam ubique. Expleto autem circuitu, rediens ante crucem, quæ est ante medium, deposita mitra, respiciens ad ipsam crucem, dicit :*

OREMUS.

Deus, qui es totius orbis conditor, et humani generis redemptor, cunctarumque creaturarum visibilium et invisibilium perfectus dispositor, te supplici voce ac puro corde exposcimus, ut hoc cæmeterium sive polyandrum, in quo famulorum famularumque tuarum corpora quiescere debent post curricula hujus vitæ labentia, pur + gare, bene + dicere, et sancti + fieare digneris; qui que remissionem omnium peccatorum per tuam magnam misericordiam in te confidentibus præstitisti, corporibus quoque eorum in hoc cæmeterio quiescentibus, et tubam primi Archangeli hic expectantibus consolationem perpetuam largiter impertire. Per Christum Dominum nostrum. B. Amen.

Deinde thurificat ipsam crucem, et figit in summitate ipsius unam ex tribus candelis ardentibus, et alias duas similiter ardentes in duobus brachiiis ejusdem crucis. Quo facto, accepta mitra, accedit ad crucem retro medium positam, aspergendo semper aquam benedictam per cæmeterium, interim dicens cum ministris sequentes Psalmos.

*Psalmus 6. Domine ne in furore tuo arguas me : * neque in ira tua etc., ut supra sub benedictione Abbatis, pag. 106, sine Gloria Patri, in fine.*

Deinde Psalmus 31. Beati quorum remissæ sunt etc., ut supra, pag. 107, sine Gloria Patri, in fine.

Quibus expletis, Pontifex stans ante ipsam crucem, deposita mitra, dicit :

OREMUS.

Domine sancte, Pater omnipotens, æterne Deus, trina Majestas, et una Deitas, Pater, et Filius, et Spiritus sanctus, justitiae auctor, veniæ largitor, bonorum dator, sanctitatis origo, charismatum distributor, omniumque ad te venientium pius receptor : præsta propitius, ut hoc cæmeterium, in honorem nominis tui compositum, bene † dici, et sancti † ficari concedas ; qui beato Abrahæ Patriarchæ famulo tuo terram, a filiis Hebron comparatam, in sepulturam benedixisti ; et qui populo Israelitico promissionis tellurem in ævo durantem concessisti, famulorum famularumque tuarum corporibus in hoc cæmeterium intrantibus quietis sedem, et ab omni incursione malorum spirituum tutelam benignus largitor tribuas ; ut post animarum, corporumque resurrectionem coadunatam, te donante atque concedente, beatitudinem sempiternam percipere mereantur, qui in Trinitate perfecta vivis et regnas Deus, per omnia sæcula sæculorum. ¶ Amen.

Tum thurificat ipsam crucem, et figit in summitate ejus unam ex tribus candelis ardentibus, et alias duas in duobus brachiis ejusdem crucis, et, accepta mitra, vadit ad crucem ad dexteram mediæ positam, aspergendo aquam benedictam per cœmeterium, et dicendo cum ministris sequentem Psalmum:

*Psalmus 37. Domine ne in furore tuo arguas me : * neque in ira tua corripias me.*

Quoniam sagittæ tuæ infixæ sunt. Et totus dicitur, ut supra sub Benedictione Abbatis, pag. 107, sine Gloria Patri, in fine.

Quo dicto, Pontifex stans ante ipsam crucem, deposita mitra, dicit :

OREMUS.

Domine Deus, pastor æternæ gloriæ, lux et honor sapientiæ, custos et vigor prudentiæ, salus ægrotantium, valetudo potentium, mœstorum solamen, vita justorum, gloria humilium; te supplices flagitamus, ut hoc servorum tuorum cœmeterium ab omni spurcitiæ inquinamento et immundorum spirituum insidiis custodire, mundare, et bene † dicere digneris, atque corporibus humanis in hunc locum advenientibus sinceritatem perpetuam tribuere non desinas, ut quicumque Baptismi Sacramentum perceperint, et in fide Catholica usque ad vitæ terminum perseverantes fuerint, atque, decurso hujus ævi termino, corpora sua in hoc cœmitorio requiei commendaverint, angelicis tubis concrepantibus, animæ simul cum corporibus præmia cœlestium gaudiorum percipiant sempiterna. Per Christum Dominum nostrum. ¶. Amen.

Deinde thurificat ipsam crucem, et figit in summitate ejus unam ex tribus candelis ardentibus,

et alias duas in duobus brachiis ipsius crucis. Tum, accepta mitra, rudit ad crucem, quæ est ad sinistram mediæ crucis posita, aspergendo semper aquam benedictam per cæmeterium, dicendo cum ministris sequentem Psalmum :

*Psalmus 109. Domine exaudi orationem meam : * et clamor meus ad te veniat.*

Non avertas faciem tuam a me. Et totus dicitur ut supra sub Benedictione Abbatis, pag. 109. Sed in fine non dicitur Gloria Patri.

Quo dicto, stans ante ipsam crucem, deposita mitra, dicit :

OREMUS.

Domine Jesu Christe, qui corpus humanum de terra pro angelica reparatione formasti, et in te pro redemptione assumpsisti, in terram pro conditione carnis resolvis, et de terra pro immortalitate resuscitabis : hanc terram, quæsumus, ad usum sepulturæ de benedictione tui sepulti corporis consecrare dignare; et in Baptismate tibi consepultos, in natura carnis hic consepeliendos, sub spe tuæ resurrectionis in tuæ redemptionis misericordia requiescere concede. Qui venturus es judicare vivos et mortuos, et sæculum per ignem. **R. Amen.**

Tum thurifcat ipsam crucem, et figit in ejus summitate unam de tribus candelis ardentibus, et alias duas in duobus brachiis ejusdem crucis; et accepta mitra, revertitur ad crucem medium, aspergendo semper per cæmeterium aquam benedictam, dicendo cum ministris sequentes Psalms.

*Psalmus 129. De profundis clamavi ad te Domine : * Domine exaudi vocem meam, ut supra, sub benedictione Abbatis, pag. 110.*

Deinde Psalmus 142. Domine exaudi orationem

meam : auribus percipe obsecrationem meam : * in veritate tua, ut supra, pag. 111. Sed in fine utriusque Psalmi non dicitur Gloria Patri.

Quibus finitis, Pontifex stans ante ipsam crucem medium, deposita mitra, dicit :

OREMUS.

Adesto, quæsumus Domine Deus, obsequiis nostris, in nomine tuo hunc locum visitantibus, et nostræ fragilitatis ministerio ; et sicut benedixisti per manus servorum tuorum Abrahæ, Isaac et Jacob terram sepulturæ suæ peregrinationis, ita, quæsumus, Domine, bene † dicere, sancti † ficare, et conse † crare digneris hoc cœmeterium pretio unigeniti Filii tui Domini nostri Jesu Christi Sanguinis typice comparatum, ad nostræ peregrinationis corpora quiescenda, donec per eundem Dominum nostrum Jesum Christum de pulvere ad gloriam dones resurgenda. Qui tecum vivit et regnat in unitate Spiritus Sancti Deus.

Deinde mediocri voce, extensis manibus ante pectus, dicit Præfationem :

Per omnia sæcula sæculorum. ¶. Amen.

¶. Dominus vobiscum. ¶. Et cum spiritu tuo.

¶. Sursum corda. ¶. Habemus ad Dominum.

¶. Gratias agamus Domino Deo nostro. ¶. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus, per Christum Dominum nostrum. Qui est dies æternus, lux indeficiens, claritas sempiterna. Qui sic sequaces suos in lucem præcipit ambulare, ut noctis æternæ valeant caliginem evadere, et ad lucis patriam feli-citer pervenire. Qui per humanitatem assumptam

Lazarum flevit, per divinitatis potentiam vitæ redditum, atque humanum genus, quadrifida peccatorum mole obrutum, ad vitam reduxit. Per quem te, Domine, suppliciter deprecamur, ut qui in hoc sepelientur polyandro, in novissimo, cum tubæ perstrepuerint Angelorum, a peccatorum nexibus absoluti, et æternæ felicitati redditi, et Sanctorum cœtibus connumerati, te, qui es vita æterna, benignum et misericordem inveniant, ut te auctorem vitæ exultantes cum omnibus Sanctis collaudent.

Quod sequitur dicit submissa voce legendo, ita tamen, quod a circumstantibus audiatur.

Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.
R. Amen.

Tum thurificat crucem ipsam, et figit in summitate ejus unam de tribus candelis ardentibus, et alias duas in duobus brachiis ejusdem crucis. Quo facto, stans versus ad ipsam crucem, dicit: Oremus.

Et ministri: Flectamus genua. R. Levate.

Domine sancte, Pater omnipotens, æterne Deus, locorum omnium sanctificator, et in melius reformato, a quo et per quem omnis benedictio de cœlis descendit in terris; bene † dicere dignare locum istum, ut sit polyandrum seu cœmeterium, dulcis requies et pausatio mortuorum, quorum animæ, quarum corpora hic sepulta vel sepelienda sunt, jucunditatis tuæ dulcedine potiantur; sintque interim in superna Jerusalem gaudentes et lætantes, donec in magno judicii die de sepulchris propria corpora recipient, et sic venienti Domino ad iudicandum obviam cum fructu bonæ operationis occurrant. Per Dominum nostrum Jesum Christum

Filiū tuūm, qui tecūm vivit et regnat in unitate
Spiritus sancti Deus, per omnia sēcula sēculorum.
¶. Amen.

His peractis, Pontifex solemniter benedicit populo, dicens :

Sit nomen Domini benedictum etc.

Deinde intrat Ecclesiam, et, si velit, parat se ad Missam : si vero celebrare noluerit, facit per aliquem Sacerdotem solemniter celebrari.

Missa dicitur de die, et cum Oratione diei dicitur sub uno Per Dominum nostrum, sequens Oratio :

Deus, cuius miseratione animæ fidelium requiescunt, huic cōmēterio, quæsumus Domine, Angelum tuum sanctum deputa custodem ; et quorum quarumque corpora hic sepeliuntur, animas eorum ab omnibus absolve vinculis delictorum, ut in te semper cum Sanctis tuis sine fine lātentur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sēcula sēculorum. ¶. Amen.

Cum Secreta diei dicitur sub uno Per Dominum, sequens Secreta.

Munera, Domine, oblata sanctifica, et qui te ipsum in sepulchro poni voluisti, et exemplum resurgendi fidelibus tuis largiri dignatus es, da, quæsumus, fidelium tuorum animabus hic in te quiescentibus, veniam peccatorum ; ut hæc salutaris hostia sit remedium et requies animarum eorum et corporum. Qui vivis et regnas cum Deo Patre in unitate Spiritus sancti Deus, in sēcula sēculorum.
¶. Amen.

Cum Postcommunione diei dicitur sub uno Per Dominum nostrum, sequens Postcommunio.

Muneribus sacris satiati quæsumus, Domine Deus noster, ut plebs tua, quæ in futuro a morte corporis resurrectura creditur, te miserante, a morte animæ resurgere mereatur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæculorum. R. Amen.

DE ECCLESIAE, ET CÆMETERII RECONCILIATIONE.

Ecclesiæ et cæmeterii reconciliatio omni die fieri potest.

In primis in mane diei qua reconciliatio fieri debet, paratur faldistorium super tapete in medio cæmeterii, et altare Ecclesiæ omnino nudatur. Parantur etiam duo vasa cum aqua, unum in cæmeterio, et aliud in Ecclesia in Presbyterio; et ibidem unum vas vini; vas cum sale; vas cum cineribus; et aspersorium de herba hyssopi factum. Providetur etiam quod Ecclesiam possit libere circuiri. Si vero Ecclesia tantum sit reconcilianda, paratur faldistorium super tapetem ante portam principalem Ecclesiæ, et ibidem vas cum aqua, et aspersorium de herba hyssopi factum, ac alia in Ecclesia, quæ supra sunt ordinata.

Quibus omnibus sic paratis, Pontifex in sacristia vel alio condecenti loco ornatus amictu, alba, cingulo, stola, pluviali albo, mitra simplici, et baculo Pastorali, procedit ad cæmeterium, si est reconciliandum, alias ante portam principalem Ecclesiæ; ubi stans juxta faldistorium sibi paratum, benedicit aquam ibidem in vasa positam simpliciter cum sale,

prout habetur supra in benedictione et impositione primarii lapidis pro Ecclesia ædificanda, pag. 195. Aqua igitur benedicta, Pontifex sine mitra inchoat, schola prosequente, Antiphonam :

*Asperges me, Domine, hyssopo, et mundabor:
lavabis me, et super nivem dealbabor.*

*Psalmus 50. Miserere mei Deus : * secundum magnam misericordiam tuam etc., ut supra, pag. 97.
Totus dicitur cum Gloria Patri, et Sicut erat.*

Quo finito, Antiphona repetitur. Interim dum Antiphona et Psalmus dicuntur, Pontifex, accepta mitra, aspergit cum ipsa aqua in circuitu de foris Ecclesiam et cæmeterium simul, aspergendo aquam alternatim nunc ad murum Ecclesie, nunc ad terram cæmeterii, et specialiter loca contaminata. Quo facto, rediens ad locum ubi aquam benedixit, stans deposita mitra, dicit :

OREMUS.

Omnipotens et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine digne perfecteque ab eis agitur, a te fieri credatur, quæsumus immensam clementiam tuam, ut quod modo visitaturi sumus, visités, et quidquid benedicturi sumus, bene † dicas; sitque ad nostræ humilitatis introitum Sanctorum tuorum meritis fuga dæmonum, Angeli pacis ingressus. Per Christum Dominum nostrum. ¶ Amen.

Deinde iterum dicit : Oremus.

Et ministri : Flectamus genua. ¶ Levate.

Aufer a nobis, quæsumus, Domine, cunctas iniqüitates nostras; ut ad loca tuo sancto nomini purificanda puris mereamur mentibus introire. Per Christum Dominum nostrum. ¶ Amen.

Et si Ecclesia reconciliatur sine cæmeterio, omittitur sequens Oratio. Si vero Ecclesia simul cum cæmeterio reconciliatur, Pontifex, finita præcedente, mox dicit : Oremus.

Et ministri : Flectamus genua. ¶ Levate.

Domine pie, qui agrum figuli pretio sanguinis tui in sepulturam peregrinorum comparari voluisti: quæsumus, dignanter reminiscere clementissimi hujus mysterii tui. Tu es enim, Domine, figulus noster, tu quietis nostræ ager, tu agri hujus es pretium, tu dedisti etiam et suscepisti, tu de pretio et in pretio tui vivifici Sanguinis nos requiescere donasti; tu ergo, Domine, qui es offensionis nostræ clementissimus indultor, exspectantissimus judicator, judicii tui superabundantissimus miserator, judicium tuæ justæ severitatis abscondens, post miserationem tuæ piæ redēptionis adesto exauditor et effector nostræ reconciliationis, hocque cœmeterium, mausoleum peregrinorum tuorum cœlestis patriæ incolatum expectantium, benignus purifica et reconcilia; et hic tumulatorum et tumulandorum corpora, de potentia et pietate tuæ resurrectionis ad gloriam incorruptionis non damnans, sed glorificans resuscita, qui venturus es judicare vivos et mortuos, et sæculum per ignem. ¶ Amen.

Postea cantor incipit Litania, ut supra, pag. 29. et Pontifex, accpta mitra, ingreditur Ecclesiam cum Clero, cantando eas; acceditque ante altare magius, coram quo paratur ei faldistorium, super quod Pontifex cum mitra procumbit. Cumque dictum fuerit :

Ut omnibus fidelibus etc. ¶ Te rogamus audinos.

Pontifex surgit de accubitu, et baculum Pastoram in sinistra tenens, producit signum crucis super altare, Ecclesiam, et cœmeterium, dicens :

Ut hanc Ecclesiam, et altare hoc, ac cœmeterium purgare et recon + ciliare digneris. ¶ Te rōgamus audi nos.

Secundo dicit :

Ut hanc Ecclesiam, et altare hoc, ac cœmeterium purgare, recon + ciliare, et sancti + ficare digneris. ¶ Te rogamus audi nos.

Tertio dicit :

Ut hanc Ecclesiam, et altare hoc, ac cœmeterium purgare, recon + ciliare, sancti + ficare, et conse + crare digneris. ¶ Te rogamus audi nos.

Si autem cœmeterium non sit pollutum et sic neque reconciliandum, non fit de cœmeterio mentio. Quibus dictis, iterum super faldistorio accumbit, cantore Litania resumente et perficiente. Quibus finitis, Pontifex surgit et, deposita mitra, stans versus ad dictum altare, dicit : Oremus.

Et ministri : Flectamus genua. ¶ Levate.

Deus, qui peccati veteris hereditariam mortem, in qua posteritatis genus omne successerat , Christi Filii tui Domini nostri passione solvisti : da propitius , ut conformes eidem effecti , sicut imaginem terreni parentis naturæ necessitate portavimus , ita imaginem cœlestis gratiæ sanctificatione portemus, p̄r virtutem ejusdem Christi Filii tui Domini nostri qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Deinde Pontifex genuflectit ante faldistorium prædictum, et sine mitra cantando dicit, prout etiam habetur supra in Ecclesiæ Dedicatione.

Deus in adjutorium meum intende.

Tunc surgit Pontifex e! Chorus respondet :

Domine ad adjuvandum me festina.

Tunc Pontifex stans sine mitra, dicit :
Gloria Patri, et Filio, et Spiritui sancto.

Chorus respondet :

*Sicut erat in principio, et nunc, et semper : et in
 sæcula sæculorum. Amen. Absque Alleluia.*

*Idem fit eisdem modo et loco secundo, et tertio,
 voce semper altius elevata. Quibus dictis, Pontifex
 stans in eodem loco, accepta mitra, benedicit aliam
 aquam ibidem in Presbyterio in aliquo vase paratam
 cum sale, cinere, et vino, incipiens absolute :*

Exorcizo te creatura salis etc., etc.

*Prout habetur supra in Dedicacione Ecclesie in
 secunda aquæ benedictione, pag. 218, continuans
 usque ad Orationem. Omnipotens sempiterne Deus,
 creator et conservator humani generis etc. inclusive.*

*Qua dicta, Pontifex inchoat, schola prosequente,
 Antiphonam :*

*Exurgat Deus, et dissipentur inimici ejus, et fu-
 giant, qui oderunt eum, a facie ejus.*

*Incepta Antiphona, Pontifex facit, ut in fine
 Psalmi habetur.*

PSALMUS. 67.

*In ecclesiis benedicite
 Deo Domino, * de fonti-
 bus Israëti.*

Repetitur Antiphona.

*Ibi Benjamin adoles-
 centulus, * in mentis ex-
 cessu.*

Repetitur Antiphona.

*Principes Juda duces
 eorum : * principes Zabu-
 lon, principes Nephthali.*

Repetitur Antiphona.

Manda Deus virtuti tuæ :

** confirma hoc, Deus,
 quod operatus es in nobis.
 Repetitur Antiphona.*

*A templo sancto tuo in
 Jerusalem, * tibi offerant
 reges munera.*

Repetitur Antiphona.

*Increpa feras arundinis;
 congregatio taurorum in
 vaccis populorum : * ut
 excludant eos qui probati
 sunt argento.*

Repetitur Antiphona.

Dissipa gentes , quæ
bella volunt , venient legati
ex Ægypto : * Æthiopia
præveniet manus ejus Deo.

Repetitur Antiphona.

Regna terræ cantate
Deo : * psallite Domino.

Repetitur Antiphona.

Psallite Deo , qui ascen-
dit super cœlum cœli ,
ad Orientem.

Repetitur Antiphona.

*Et non dicitur Gloria Patri, sed Antiphona repe-
titur.*

*Interim dum Antiphona et Psalmus prædicti
dicuntur, Pontifex, accepta mitra, circuit ter Eccle-
siam intrinsecus, aspergendo in primo circuitu pa-
ristes in superiori parte ; in secundo autem in
inferiori parte eorum ; in tertio vero pavimentum
Ecclesiæ ; aspergit etiam specialiter loca contami-
nata, quando Ecclesia principaliter est polluta vel
violata. Quo facto, Pontifex stans in Presbyterio
cum mitra versus ad altare, dicit :*

Deum indultorem criminum , Deum sordium
mundatorem , Deum qui corruptum peccatis origi-
nalibus mundum adventus sui nitore purificavit,
fratres charissimi, supplices deprecemur, ut contra
diaboli furentis insidias fortis nobis propugnator
assistat ; ut si quid ejus virosa calliditate quotidiana
insectationibus maculatum in isto loco corrup-
tumque fuerat , efficiatur cœlesti miseratione pur-
gatum , quia sicut illius est solidum perfectumque
quassare, ita auctoris est nostri lapsa restituere,
nutantia stabilire , et corrupta purgare. Qui cum
Deo Patre et Spiritu sancto vivit et regnat Deus.

Ecce dabit voci suæ
vocem virtutis , date glo-
riam Deo super Israel ; *
magnificentia ejus , et
virtus ejus in nubibus.

Repetitur Antiphona.

Mirabilis Deus in sanctis
suis , Deus Israël ipse dabit
virtutem , et fortitudinem
plebi suæ , * benedictus
Deus.

Deinde, deposita mitra, mediocri voce, extensis· manibus ante pectus, dicit Praefationem.

Per omnia sæcula sæculorum. **R.** Amen.

V. Dominus vobiscum. **R.** Et cum spiritu tuo.

V. Sursum corda. **R.** Habemus ad Dominum.

V. Gratias agamus Domino Deo nostro. **R.** Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus. Cujus immensa bonitas, ut non habuit principium, ita nec terminum habebit. Qui divina naturalique pietate plenus, eligis in nobis magis restituere perdita, quam percutere peritura. Et si quid aut negligenter polluit, aut ira committit, aut stimulat ebrietas, aut libido subvertit, hoc, Domine, clementi patientia sustines; ut ante per gratiam purifices, quam percutias per furorem. Et operis tui providus plasmator eligis potius erigere jacentia quam punire damnanda. Te Domine, supplices deprecamur, ut hujus tabernaculi receptaculum placatus aspicias, et altare tuum, quod insectantis est inimici fraude pollutum, per infusionem gratiæ cœlestis purifices, purificatum possideas, posses sumque, ne deinceps aliqua labe sordescat, custodias. Absint in posterum omnes nequitiae spirituales et eliminentur; extinguatur antiqui serpentis invidia, et cum omnibus fraudibus suis diaboli turma propellatur. Efferat secum maculam quam ingessit, et perennibus quandoque suppliciis deputandus operum suorum semina secum colligat peritura. Nihil hic in posterum noceat præteriti culpa contagii, nihil sit quod remaneat inimici fraude pollutum, quandoquidem spiritus tui est infusione purgatum. Resurgat Ecclesiæ tuae pura sim-

plicitas, et candor innocentiae hoc tenus maculatus, dum receperit gratiam, resurgat ad gloriam; ut popolorum fidelium hic turba conveniens, dum petitionis ingerit vota, votorum sentiat se obtinuisse suffragia.

Quod sequitur dicit submissa voce legendo, ita tamen quod a circumstantibus audiri possit.

Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia saecula saeculorum. R. Amen.

Post haec Pontifex, accepta mitra, ascendit ad altare, et ibi inchoat, schola prosequente, Antiphonam:

Introibo ad altare Dei : ad Deum qui laetificat Juventutem meam.

PSALMUS 42.

Judica me, Deus, et discerne causam meam de gente non sancta : * ab homine iniquo et doloso erue me.

Quia tu es, Deus, fortitudo mea : * quare me repulisti, et quare tristis incedo, dum affligit me inimicus ?

Emitte lucem tuam et veritatem tuam : * ipsa me deduxerunt et adduxerunt

in montem sanctum tuum, et in tabernacula tua.

Et introibo ad altare Dei : * ad Deum qui laetificat juventutem meam.

Confitebor tibi in cithara, Deus, Deus meus : * quare tristis es anima mea, et quare conturbas me ?

Spera in Deo, quoniam adhuc confitebor illi : * salutare vultus mei, et Deus meus.

Et non dicitur Gloria Patri, sed Antiphona repetitur. Qua repetita, Pontifex, deposita mitra, dicit :

Oremus.

Et ministri : Flectamus genua. R. Levate.

Deus, qui in omni loco dominationis tue clemens ac benignus dedicator assistis, exaudi nos, quæsu-

mus, et concede, ut in posterum inviolabilis hujus loci permaneat consecratio; et tui munieris beneficia universitas fidelium, quæ supplicat, percipere mereatur. Per Christum Dominum nostrum. **R. Amen.**

Deinde stans ibidem inchoat, schola prosequente, Antiphonam:

Confirma hoc, Deus, quod operatus es in nobis,
a templo sancto tuo, quod est in Jerusalem.

Psalmus 67. Exurgat Deus, et dissipentur etc.

Et dicitur totus cum Gloria Patri, et Sicut erat, prout habetur supra, pag. 125, cum Antiphona predicta. Incepta Antiphona, Pontifex accipit mitram, stans cum ea dicto loco, usque ad finem Psalmi. Quo dicto, Pontifex, deposita mitra, stans adhuc ibidem dicit :

OREMUS.

Deus, qui Ecclesiam tuam sanctam, de omnibus mundi finibus congregatam, per tui lateris admirabile sacramentum cunctarum gentium matrem esse dixisti, quam etiam populorum varietate depietam, sanctorum Martyrum tuorum meritis decorasti; bene † dic, Domine, quæsumus, Sanctorum tuorum opitulante suffragio, tam altare quod eorum exornatur, te juvante, Reliquiis, quam Ecclesiam; ac fidelium tuorum tibi pie offerentium vota in illa sanctifica. Qui cum Deo Patre et Spiritu sancto vivis et regnas Deus, in sæcula sæculorum. **R. Amen.**

*Tum Pontifex benedicit populo solemniter, dicens:
Sit nomen Domini benedictum etc.*

Deinde, si velit, parat se ad celebrandum Missam. Sed si celebrare noluerit, facit per aliquem Sacerdotem solemniter Missam celebrari.

Missa dicitur de die, et cum Oratione diei dicitur sequens Collecta sub uno Per Dominum.

ORATIO.

Deus, qui dixisti : Domus mea domus orationis vocabitur, domum istam infidelium spurciis contaminatam mundare et sanctificare digneris, et omnium preces et vota hoc in loco ad te clamantium clementer exaudias, et benignus suscipias. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R. Amen.**

SECRETA.

Hæc hostia, quæsumus, Domine, et locum istum ab omnibus immunditiis expurget, et supplicationes nostras semper et ubique reddat tibi acceptas. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R. Amen.**

POSTCOMMUNIO.

Percipientes, Domine, munera salutis æternæ, supplices exoramus, ut templum hoc et cœmeterium ab infidelium inquinamentis emundatum, benedictione tua maneat sanctificatum, et pectora nostra ab omni sorde vitiorum alienata, tibique devota semper existant. Per Dominum nostrum Jesum Christum Filium tuum, qui tecum vivit et regnat Deus, per omnia sæcula sæculorum. **R. Amen.**

DE RECONCILIATIONE COEMETERII SINE ECCLESIAE RECONCILIATIONE.

Quando cœmeterium benedictum violatum seu pollutum, separatum est ab Ecclesia, et propterea ipsa

non habetur pro violata vel polluta, reconciliatio cæmeterii fieri poterit quocumque die, hoc ordine :

In mane diei, qua reconciliatio fieri debebit, parantur in medio cæmeterii faldistorium pro Pontifice, et vas aquæ mundæ benedicendæ, et vas salis; deinde hora convenienti Pontifex indutus in sacristia, aut alio convenienti loco, amictu, alba, cingulo, stola, pluviali albi coloris, et mitra simplici, baculum Pastoralem in manu tenens, accedit ad medium cæmeterii, ubi supra faldistorium ornatum procumbit; et cantores ibidem incipiunt et prosequuntur Litanias, ut supra, pag. 29, in quibus cum dictum fuerit :

Ut omnibus fidelibus etc. R. Te rogamus audi nos.

Pontifex surgit cum mitra, et baculum Pastoralem in manu sinistra tenens, producit signum crucis super cæmeterium, dicens :

Ut hoc cæmeterium reconci † liare digneris. R. Te rogamus audi nos.

Secundo dicit :

Ut hoc cæmeterium reconci † liare, et sancti †ificare digneris. R. Te rogamus audi nos.

Tertio dicit :

Ut hoc cæmeterium reconci † liare, sancti †ificare, et conse † crare digneris. R. Te rogamus audi nos.

Quibus dictis, Pontifex iterum super faldistorium procumbit, cantoribus Litanias perficientibus. Quibus finitis, surgit Pontifex ab accubitu, et benedicit ibi sal et aquam simpliciter, prout habetur supra in benedictione et impositione primarii lapidis pro Ecclesia ædificanda, pag. 195. Quo facto, Pontifex in eodem loco stans sine mitra inchoat, schola prosequente, Antiphonam :

*Asperges me , Domine , hyssopo , et mundabor :
lavabis me , et super nivem dealbabor.*

*Psalmus 50. Miserere mei Deus : * secundum
magnum misericordiam tuam , ut supra , pag. 97,*

Et dicitur totus sine Gloria Patri.

*Incepta Antiphona , Pontifex mitram accipit , et
dum Antiphona et Psalmus prædicti dicuntur , cir-
cuit totum cæmeterium incipiens ad ejus dexteram ,
aspergens semper et ubique aquam benedictam cum
aspersorio , et potissime in loco ubi pollutio vel vio-
latio commissa est . Quo peracto , redit ad locum
ubi Litaniæ dictæ fuerunt . Finito Psalmo prædicto ,
et cæmeterio undique asperso , Pontifex stans ante
saldistorium suum , deposita mitra , dicit : Oremus .*

Et ministri : Flectamus genua . R. Levate.

Domine pie , qui agrum figuli pretio sanguinis
tui in sepulturam peregrinorum comparari voluisti ;
quæsumus , dignanter reminiscere clementissimi
hujus mysterii tui ; tu es enim , Domine , figulus
noster , tu quietis nostræ ager ; tu agri hujus es
premium ; tu dedisti etiam et suscepisti ; tu de pre-
tio et in pretio tui vivifici sanguinis nos requies-
cere donasti . Tu ergo , Domine , qui es offensionis
nostræ clementissimus indultor , expectantissimus
judicator , judicii tui superabundantissimus misera-
tor , judicium tuæ justæ severitatis abscondens post
miserationem tuæ piæ redemptionis , adesto exau-
ditor et effector nostræ reconciliationis ; hocque
cæmeterium , mausoleum peregrinorum tuorum
cœlestis patriæ incolatum expectantium , benignus
purifica , et reconcilia ; et hic tumulatorum et tu-
mulandorum corpora de potentia et pietate tuæ
resurrectionis ad gloriam incorruptionis non dam-
nans , sed glorificans resuscita . Qui venturus es
judicare vivos et mortuos , et sæculum per ignem .
R. Amen .

His dictis, Pontifex stans in loco prædicto, dat benedictionem solemnem populo, dicens :

Sit nomen Domini benedictum etc.

Tum redit ad sacristiam, aut alium locum, in quo paramenta accepit, ubi depositis sacris vestibus, vadit in pace.

DE PATENÆ, ET CALICIS CONSECRATIONE.

Pontifex ad consecrationem Calicis, vel cuiuslibet indumenti seu ornamenti ecclesiastici procedere volens, debet semper stolam circa collum habere, et mitram tenere poterit ubi convenit. Quandocumque enim Episcopalia agit, episcopalibus, non sacerdotalibus, debet esse paramentis ornatus. Omnia quoque mobilium Benedictiones hujusmodi possunt fieri, ubi Pontifici placuerit, et omni die.

In Patenæ igitur consecratione, pro qua parandum est sanctum Chrisma, et vas aquæ benedicte cum aspersorio, Pontifex stans cum mitra, dicit :

℣. Adjutorium nostrum in nomine Domini. ℟. Qui fecit cœlum et terram.

Oremus, fratres charissimi, ut divinæ gratiæ benedictio consecret et sanctificet hanc Patenam, ad confringendum in ea corpus Domini nostri Iesu Christi, qui crucis passionem sustinuit pro nostrum omnium salute.

Tum deposita mitra, dicit :

℣. Dominus vobiscum. ℟. Et cum spiritu tuo.

OREMUS.

Omnipotens sempiterne Deus, qui legalium ins-

titutor es hostiarum, quique inter eas conspersam similaginem deferri in Patenis aureis et argenteis ad altare tuum jussisti, bene † dicere, sancti † siccari, et conse † crare digneris hanc Patenam, in administrationem Eucharistiae Jesu Christi Filii tui, qui pro nostra omniumque salute seipsum tibi Deo Patri in patibulo crucis elegit immolari, ac tecum vivit et regnat in unitate Spiritus sancti Deus, per omnia sæcula sæculorum. R. Amen.

Tum Pontifex, accepta mitra, facit cum pollice dexteræ manus Chrismate intincto crucem super Patenam, ab ora in oram, et mox linit et perungit totam ejus superficiem cum ipso pollice, dicens :

Conse † crare, et sancti † siccari digneris, Domine Deus, Patenam hanc per istam unctionem, et nostram bene † dictionem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Deinde stans adhuc cum mitra procedit ad benedictionem Calicis, dicens :

Oremus, fratres charissimi, ut Deus et Dominus noster Calicem istum in usum ministerii sui consecrandum cœlestis gratiæ inspiratione sanctificet, et ad humanam consecrationem plenitudinem divini favoris accommodet. Per Christum Dominum nostrum. R. Amen.

Tum, deposita mitra, dicit :

†. Dominus vobiscum. R. Et cum spiritu tuo.

OREMUS.

Dignare, Domine Deus noster, Calicem hunc bene † dicere in usum ministerii tui pia famulatus devotione formatum, et ea sancti † siccatione perfundere, qua Melchisedech famuli tui sacratum Calicem perfudisti, et quod arte vel metalli natura effici non

potest altaribus tuis dignum, fiat tua bene + dictioñe sanctificatum. Per Christum Dominum nostrum.
¶. Amen.

Deinde, accepta mitra, facit crucem cum pollice dexteræ manus de Chrismate intra ipsum Calicem a labio ejus in labium, et mox linit et perungit interius ipsum totum, dicens :

Conse + crare, et sancti + ficare digneris, Domine Deus, Calicem hunc per istam unctionem, et nostram bene + dictioñem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæculorum. ¶. Amen.

Tum, deposita mitra, dicit super Calicem et Patenam :

*. Dominus vobiscum. ¶. Et cum spiritu tuo.

OREMUS.

Omnipotens sempiterne Deus, manibus nostris, quæsumus, opem tuae benedictionis infunde, ut per nostram bene + dictioñem hoc vasculam et Patenam sanctificantur, et Corporis et Sanguinis Domini nostri Jesu Christi novum sepulchrum sancti Spiritus gratia efficiantur. Per eundem Dominum nostrum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶. Amen.

Denum aspergit Calicem et Patenam cum aqua benedicta, quod fieri debet in omnibus quarumlibet benedictionibus rerum. Quo facto, abstergi facit per aliquem Sacerdotem Patenam et Calicem cum mica panis, et bene mundari; deinde extensiones projiciuntur in ignem vel sacrarium.

DE BENEDICTIONE
SACERDOTALIUM INDUMENTORUM IN GENERE.

Pontifex sacerdotalia indumenta benedicere volens, stans sine mitra, dicit :

- *. Adjutorium nostrum in nomine Domini R. Qui fecit cœlum et terram.
†. Dominus vobiscum. R. Et cum spiritu tuo.

OREMUS.

Omnipotens sempiterne Deus, qui per Moysen famulum tuum, pontificalia et sacerdotalia, seu levitica vestimenta ad explendum in conspectu tuo ministerium eorum, ad honorem et decorem nominis tui fieri decrevisti; adesto propitius invocationibus nostris, et hæc indumenta sacerdotalia de super irrigante gratia tua, ingenti benedictione per nostræ humilitatis servitium puri † ficare, bene † dicere, et conse † crare digneris, ut divinis cultibus et sacris mysteriis apta et benedicta existant; his quoque sacris vestibus Pontifices et Sacerdotes seu Levitæ tui induti, ab omnibus impulsionibus seu tentationibus malignorum spirituum muniti et defensi esse mereantur, tuisque mysteriis apte et condigne servire et inhærere, atque in his tibi placide et devote perseverare tribue. Per Christum Dominum nostrum. R. Amen.

Alia Oratio. OREMUS.

Deus invictæ virtutis triumphator, et omnium rerum creator ac sanctificator, intende preces nostras, et hæc indumenta leviticæ, sacerdotalis, et

334 BENEDICTIO SPECIALIS CUJUSLIBET INDUMENTI.
pontificalis gloriæ ministris tuis fruenda tuo ore
proprio bene † dicere, santi † ficare, et conse †-
crare digneris, omnesque eis utentes tuis mysteriis
aptos, et tibi in eis devote et laudabiliter servien-
tes, gratos efficere digneris. Per Dominum nostrum
Jesum Christum Filium tuum, qui tecum vivit et
regnat in unitate Spiritus sancti Deus, per omnia
sæcula sæculorum. **R. Amen.**

Deinde aspergit ipsa indumenta aqua benedicta.

SPECIALIS BENEDICTIO CUJUSLIBET INDUMENTI.

†. Adjutorium nostrum in nomine Domini. R. Qui
fecit cœlum et terram.

†. Dominus vobiscum. R. Et cum spiritu tuo.

OREMUS.

Deus omnipotens, bonarum virtutum dator, et
omnium benedictionum largus infusor, supplices te
rogamus, ut manibus nostris opem tuæ benedictionis
infundas, et has caligas et sandalia, *vel* amictum,
vel albam, *vel* cingulum, *vel* stolam, *vel*
manipulum, *vel* tunicellam, *vel* dalmaticam, *vel*
planetam, divino cultui præparatam, virtute sancti
Spiritus bene † dicere, sancti † ficare, et conse †-
crare digneris, et omnibus ea, *vel* eo, *vel* eis uten-
tibus gratiam sanctificationis sacri mysterii tui
benignus concede; ut in conspectu tuo sancti et
immaculati atque irreprehensibiles appareant, et
auxilium misericordiae tuæ acquirant. Per Dominum
nostrum Jesum Christum Filium tuum, qui tecum
vivit et regnat in unitate ejusdem Spiritus sancti
Deus, per omnia sæcula sæculorum. **R. Amen.**

Deinde aspergit ea aqua benedicta.

DE BENEDICTIONE MAPPARUM, SEU LINTEAMINUM

SACRI ALTARIS.

*Pontifex mappas seu linteamina sacri altaris
benedicturus, stans sine mitra, dicit :*

℣. Adjutorium nostrum in nomine Domini. ℣. Qui
fecit cœlum et terram.

℣. Dominus vobiscum. ™. Et cum spiritu tuo.

OREMUS.

**Exaudi, Domine, preces nostras, et hæc linteamina
sacri altaris usui præparata bene † dicere, et
sancti † ficare digneris. Per Christum Dominum
nostrum. ™. Amen.**

OREMUS.

**Domine Deus omnipotens, qui ornamenta et linteamina
facere Moysen famulum tuum per quadra-
ginta dies docuisti, quæ etiam Maria texuit, et
fecit in usum ministerii tabernaculi fœderis, bene-
dicere, sancti † ficare, et conse † crare digneris
hæc linteamina ad tegendum involvendumque altare
gloriosissimi Filii tui Domini nostri Jesu Christi,
qui tecum vivit et regnat in unitate Spiritus sancti
Deus, per omnia sæcula sæculorum. ™. Amen.**

Deinde aspergit ea aqua benedicta.

DE BENEDICTIONE CORPORALIUM.

*Pontifex corporalia benedicere volens, stans
sine mitra, dicit :*

- †. Adjutorium nostrum in nomine Domini.
- ¶. Qui fecit cœlum et terram.
- †. Dominus vobiscum. ¶. Et cum spiritu tuo.

OREMUS.

Clementissime Domine , cujus inenarrabilis est virtus , cujus mysteria arcanis mirabilibus celebrantur , tribue quæsumus , ut hoc linteamen tuæ propitiationis bene † dictione sanctificetur , ad consecrandum super illud Corpus et Sanguinem Dei et Domini nostri Jesu Christi Filii tui , qui tecum vivit et regnat in unitate Spiritus sancti Deus , per omnia sæcula sæculorum. ¶. Amen.

Alia Oratio. OREMUS.

Omnipotens sempiterne Deus , bene † dicere , sancti † ficare , et conse † crare digneris linteamen istud ad tegeendum involvendumque Corpus et Sanguinem Domini nostri Jesu Ch̄risti Filii tui , qui tecum vivit et regnat in unitate Spiritus sancti Deus , per omnia sæcula sæculorum. ¶. Amen.

Alia Oratio. OREMUS.

Omnipotens Deus , manibus nostris opem tuæ benedictionis infunde , ut per nostram bene † dictiōnēm hoc linteamen sanctificetur , et Corporis ac Sanguinis Redemptoris nostri , novum sudarium Spiritus sancti gratia efficiatur. Per eundem Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus , per omnia sæcula sæculorum. ¶. Amen.

Deinde aspergit ea aqua benedicta.

DE BENEDICTIONE NOVÆ CRUCIS.

Nova Crux, seu tabula in qua Crucifixus est depictus, hoc modo benedicitur. Paratis thure, thuribuloque cum igne, et aqua benedicta, Pontifex paratus supra rochetum, amictu, stola, pluviali rubri coloris, et mitra simplici, stans sine mitra, dicit :

- ¶. Adjutorium nostrum in nomine Domini.
¶. Qui fecit cœlum, et terram.
¶. Dominus vobiscum. ¶. Et cum spiritu tuo.

OREMUS.

Bene † dic, Domine Jesu Christe, hanc Crucem tuam, per quam eripuisti mundum a potestate dæmonum, et superasti Passione tua suggestorem peccati, qui gaudebat in prævaricatione primi hominis per ligni vetiti sumptionem. Qui cum Deo Patre, et Spiritu sancto vivis et regnas in sæcula sæculorum. ¶. Amen.

Alia Oratio. OREMUS.

Rogamus te, Domine sancte, Pater omnipotens, sempiterne Deus, ut digneris bene † dicere hoc lignum Crucis tuæ, ut sit remedium salutare generi humano; sit soliditas fidei, profectus bonorum operum, redemptio animarum; sit solamen et protectio ac tutela contra sæva jacula inimicorum. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus,

*Deinde dicit voce mediocri, extensis manibus
ante pectus, Præfationem.*

Per omnia sæcula sæculorum. **R.** Amen.

V. Dominus vobiscum. **R.** Et cum spiritu tuo.

V. Sursum corda. **R.** Habemus ad Dominum.

V. Gratias agamus Domino Deo nostro. **R.** Dignum et justum est.

Vere dignum, et justum est, æquum, et salutare, nos tibi semper, et ubique gratias agere, Domine sancte, Pater omnipotens, æterne Deus, cuius sanctum ac terribile nomen inter ceteras visibles creaturas, ligna quoque fructifera laudare ac benedicere non cessant : Qui in figuram unigenitæ sapientiæ tuæ, ligno vitæ a principio paradisum voluptatis ornasti, ut ejusdem fructus sacro mysterio protoparentes nostri generis mortem cavere et vitam admoneres obtinere perpetuam : quique nos vctitæ arboris attactu justæ morti addictos, ejusdem coæternæ tibi sapientiæ Dei et Domini nostri Jesu Christi innoxia morte ad vitam misericorditer revocare dignatus es : te supplices exoramus, ut hoc singulare signum, quod ad exemplum primi illius sacratissimi vexilli, quo pretioso Filii tui Sanguine triumphasti, fidelium tuorum devotione compactum erectumque est, cœlesti tua bene + dictione sanctificare digneris ; ut omnibus hic genua flectentibus, ac tuæ majestati supplicantibus, largior et cordis compunctio, et admissorum indulgentia concedatur ; atque intercedente ipsa victoriosissima unigeniti Filii tui Passione, et tibi placita postulare, et citius valeant postulata percipere. Da quæsumus, clementissime Pater, in quo vivimus, movemur, et sumus, ut quoties triumphum divinæ humilitatis, quæ superbiam nostri hostis dejecit, oculis intuemur, quotiesque mente

recolimus , et contra hostem ipsum fiduciam fortitudinis , et majorem tibi devotæ humilitatis gratiam consequamur. Quatenus in illo tremendo tuæ maiestatis examine , cum paventibus elementis , cœlorumque commotis virtutibus , signum istud glorificum Redemptionis nostræ apparuerit in cœlo, ipsi de morte ad vitam transire , ac perpetua beatæ resurrectionis videre gaudia mereamur.

Quod sequitur dicit submissa voce legendo, ita tamen quod a circumstantibus audiri possit.

Per eundem Dominum nostrum Jesum Christum Filium tuum , qui tecum vivit et regnat in unitate Spiritus sancti Deus, per omnia sæcula sæculorum.
¶. Amen.

OREMUS.

Deus , qui beatæ Crucis patibulum , quod prius erat scelestis ad pœnam , convertisti redemptis ad vitam ; concede plebi tuæ ejus vallari præsidio , cuius est armata vexillo. Sit ei Crux fidei fundatum , spei suffragium , in adversis defensio , in prosperis adjuvamen; sit ei in hostes victoria , in civitate custodia , in campis protectio , in domo fultura; ut per eam pastor in futuro gregem conservet incolumem , quæ nobis , Agno † vincente , conversa est in salutem. Per eundem Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. ¶. Amen.

Alia Oratio. OREMUS.

Sancti † fica, Domine Jesu Christe , signaculum istud Passionis tuæ, ut sit inimicis tuis obstaculum , et credentibus in te perpetuum efficiatur victoriæ vexillum. Qui cum Deo Patre vivis et regnas in unitate Spiritus sancti Deus , per omnia sæcula sæculorum. ¶. Amen.

Tum offertur Pontifici thus in navicula, aut alio vase, quod Pontifex stans sine mitra benedicit dicens :

OREMUS.

Domine Deus omnipotens , cui assistit exercitus Angelorum cum tremore, quorum servitium spirituale et igneum esse cognoscitur, dignare respicere, bene † dicere , et sancti † ficare hanc creaturam incensi : ut omnes languores, omnesque infirmitates atque insidiæ inimici odorem ejus sentientes effugiant , et separentur a plasmate tuo ; ut numquam lædatur a morsu antiqui serpentis , quod pretioso Filii tui Sanguine redemisti. Per eundem Christum Dominum nostrum. R. Amen.

Quo facto, Pontifex imponit thus in thuribulum. Deinde aspergit crucem aqua benedicta, et mox eam incensat. Tum dicit adhuc stans sine mitra :

Sanctificetur lignum istud, In nomine Pa † tris, et Fi † lii , et Spiritus † sancti : et benedictio illius ligni, in quo membra sancta Salvatoris suspensa sunt, sit in isto ligno ; ut orantes, inclinantesque se propter Deum ante istam crucem , inventiant corporis et animæ sanitatem. Per eundem Dominum nostrum Jesum Christum. R. Amen.

Tum Pontifex, flexis ante crucem genibus, ipsam devote adorat, et osculatur. Idem faciunt quicumque alii voluerint. Si vero crux est ex metallo, vel lapide, loco præcedentis orationis, videlicet, Sanctificetur, etc.

Pontifex stans sine mitra, dicit sequentem Orationem :

Deus gloriae , Deus excelse Sabaoth , fortissime Emmanuel, Deus Pater veritatis , pater sapientiae, pater beatitudinis , pater illuminationis ac vigila-

tionis nostræ , qui mundum regis, qui cuncta regna disponis, qui es bonorum collator munerum , et bonorum omnium attributor ; cui omnes gentes , populi, tribus, et linguæ serviunt ; cui assistit omnis Angelorum legio ; qui largiris famulis tuis fidem et laudem tui nominis, ut debita tibi oblata persolvant ; cui prius fides offerentium complacet , deinde sacrificatur oblatio , quæsumus exorabilem misericordiæ tuæ pietatem , ut sancti † fices tibi hoc signum crucis et conse † cres , quod tota mentis devotione famulorum tuorum religiosa fides construxit , trophæum scilicet victoriæ tuae ac redemptionis nostræ, quod in amorem Christi triumphalis gloria consecravit. Aspice hoc signum crucis insuperabile, per quod diaboli est exinanita potestas , mortalium restituta libertas : quæ licet fuerit aliquando in pœnam , sed nunc versa est in honorem per gratiam ; et quæ reos quondam puniebat supplicio , nunc et noxios absolvit a debito. Et tibi quid per hoc placere potuit, nisi id per quod tibi placuit nos redimere? Et nullum tibi debitum amplius munus est , quam quod tibi tunc corporis dedicavit affixio ; nec tibi est magis familiaris oblationis, quam quæ familiari manuum tuarum extensione sacrata est. Illis ergo manibus hanc crucem accipe, quibus illam amplexus est, et de sanctitate illius hanc sancti † fica; et sicuti per illam mundus expiatus est a reatu, ita offerentium famulorum tuorum animæ devotissimæ hujus crucis merito , omni careant perpetrato peccato ; et tuæ veræ crucis obtectu , enitescant successibus assiduis triumphatores. Radiet hic unigeniti Filii tui Domini nostri splendor divinitatis in auro ; emicet gloria passionis ejus in ligno ; in cruce rutilet nostræ mortis redemptio ; in crystalli splendore vitæ nostræ purificatio. Sit suorum protectio ; spei certa

fiducia; eos simul cum gente et plebe, fide confirmet; spe et pace consociet; augeat triumphis; amplificet in secundis; proficiat eis ad perpetuitatem temporis, ad vitam æternitatis; ut eos temporali florentes gloria muniat, et ad perpetuam redemptos coronam, ad regna cœlestia potenti virtute perducat. Præsta, per propitiationem Sanguinis ejus, per ipsum datorem, qui seipsum dedit redemptionem pro multis, qui se hostiam pro delictis offerre dignatus est, qui exaltatus in ligno crucis suæ, principatus et potestates humiliavit, qui tecum sidereo consideret throno, indissolubili connexione Spiritus sancti, per infinita sæculorum sæcula.

R. Amen.

Tum Pontifex, flexis ante crucem genibus, eam devote adorat, et osculatur; idem faciunt quicunque alii voluerint.

DE BENEDICTIONE CRUCIS PECTORALIS.

Ad benedicendam Crucem pectoralem, Pontifex potest uti forma assignata pro Benedictionne Crucis proficiscentium in subsidium Terræ sanctæ, ut infra, pag. 363.

DE BENEDICTIONE IMAGINIS

B. MARIAE VIRGINIS.

Pontifex benedicturus Imaginem beate Mariæ Virginis, paratus supra rochetum, amictu, stola, pluviali albi coloris, et mitra simplici, stans sine mitra, dicit :

¶. Adjutorium nostrum in nomine Domini.
¶. Qui fecit cœlum et terram. ¶. Dominus vobis-
cum. ¶. Et cum spiritu tuo.

OREMUS.

Deus, qui de beatæ Mariæ Virginis utero Ver-
bum tuum, Angelo nuntiante, carnem suscipere
voluisti; præsta supplicibus tuis, ut qui vere eam
Genitricem Dei credimus, ejus apud te intercessio-
nibus adjuvemur. Per eumdem Christum Dominum
nostrum. ¶. Amen.

*Quo facto, aspergit figuram aqua benedicta.
Deinde inchoat, schola prosequente, Antiphonam
Sub tuum præsidium.*

*Qua incepta, et dum ea cantatur, thurificat
Imaginem ipsam ter ducens thuribulum. Deinde
sedet, reassumpta mitra, donec compleantur An-
tiphonæ et Psalmi sequentes.*

ANTIPHONA.

Sub tuum præsidium confugimus, sancta Dei
Genitrix, nostras deprecationes ne despicias in ne-
cessitatibus; sed a periculis cunctis libera nos sem-
per, Virgo gloriosa, et benedicta.

*Tempore Pascali; Antiphona:
Alleluia, Alleluia.*

*Psalmus 86. Fundamenta ejus in montibus sanc-
tis : * diligit Dominus portas Sion, super omnia ta-
bernacula Jacob. Et totus dicitur prout habetur
supra, pag. 203, cum Gloria Patri.*

Deinde dicitur Antiphona.

*Ave Maria, gratia plena, Dominus tecum, be-
nicta tu in mulieribus. Alleluia.*

PSALMUS 122.

Ad te levavi oculos meos : * qui habitas in cœlis.

Ecce sicut oculi servorum : * in manibus dominorum suorum.

Sicut oculi ancillæ in manibus dominæ suæ : * ita oculi nostri ad Dominum Deum nostrum, donec misereatur nostri.

Miserere nostri, Domine, miserere nostri : * quia multum repleti sumus despectione.

Quia multum repleta est anima nostra : * opprobrium abundantibus, et despicio superbis.

Gloria patri. Sicut erat etc.

Finitis Antiphonis et Psalmis prædictis, Pontifex surgit, deposita mitra, et dicit :

OREMUS.

Deus, qui virginalem aulam beatæ Mariæ Virginis, in qua habitares, eligere dignatus es : da, quæsumus, ut sua nos defensione munitos, jucundos facias suæ interesse commemorationi. Qui vivis et regnas cum Deo Patre in unitate Spiritus sancti Deus, per omnia sæcula sæculorum. R. Amen.

Deinde Pontifex incipit Antiphonam, schola prosequente. Qua incepta, sedet cum mitra, donec perficiatur Antiphona.

O gloria Dei Genitrix virgo semper Maria, quæ Dominum omnium meruisti portare, et Regem Angelorum sola virgo lactare, nostri, quæsumus, pia memorare et pro nobis Jesum Christum deprecare; ut tuis fulti patrocinii, ad cœlestia regna mereamur pervenire.

Canticum B. Mariæ Virginis. Lucæ. 1.

Magnificat* anima mea Dominum.

Et exultavit spiritus meus : * in Deo salutari meo.

Quia respexit humilitatem ancillæ suæ : * ecce enim ex hoc beatam me dicent omnes generaciones.

Quia fecit mihi magna
qui potens est,* et sanctum nomen ejus.

Et misericordia ejus a progenie in progenies * timentibus eum.

Fecit potentiam in brachio suo : * dispersit superbos mente cordis sui.

Deposit potentes de sede, * et exaltavit humiles.

Esurientes implevit bonis : * et divites dimisit inanes.

Suscepit Israel puerum suum, * recordatus misericordiae suæ.

Sicut locutus est ad patres nostros, * Abraham, et semini ejus in sæcula.

Gloria Patri. Sicut erat etc.

Finita Antiphona, surgit Pontifex, sine mitra stans usque ad finem Cantici. Quo finito, dicit :

OREMUS.

Deus, qui de beatæ Mariæ Virginis utero, Verbum tuum, Angelo nuntiante, carnem suscipere voluisti : præsta supplicibus tuis, ut qui vere eam Genitricem Dei credimus, ejus apud te intercessiōnibus adjuvemur. Per eumdem Christum Dominum nostrum. ¶ Amen.

OREMUS.

Omnipotens sempiterne Deus, clementissima cuius dispensatione cuncta creantur ex nihilo ; hanc imaginem in honorem piissimæ Genitricis Filii tui Domini nostri Jesu Christi venerabiliter adaptatam bene † dicere et sancti † ficare digneris; et præsta, misericordissime Pater, per invocationem nominis tui atque ejusdem unigeniti Filii tui Domini nostri Jesu Christi, quem pro salute generis humani, integritate Virginis Mariæ servata, incarnari voluisti, quatenus precibus ejusdem sacratissimæ Virginis, quicumque eamdem misericordiæ Reginam et gratiosissimam Dominam nostram coram hac effigie suppliciter honorare studuerint, et de instantibus periculis eruantur, et in conspectu

divinæ majestatis tuæ de commissis et omissis veniam impetrent; ac mereantur in præsenti gratiam quam desiderant adipisci, et in futuro perpetua salvatione cum electis tuis valeant gratulari. Per eumdem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Ultimo aspergat imaginem aqua benedicta.

DE BENEDICTIONE IMAGINUM

ALIORUM SANCTORUM.

Pontifex stans sine mitra, dicit :

- †. Adjutorium nostrum in nomine Domini.
- ¶. Qui fecit cœlum et terram.
- †. Domine, exaudi orationem meam. ¶. Et clamor meus ad te veniat.
- †. Dominus vobiscum. ¶. Et cum spiritu tuo.

OREMUS.

Omnipotens sempiterne Deus, qui Sanctorum tuorum imagines seu effigies sculpi aut pingi non reprobas, ut quoties illas oculis corporeis intuemur, toties eorum actus et sanctitatem ad imitandum memoriae oculis meditemur, hanc, quæsumus, imaginem, seu sculpturam in honorem ac memoriam beati N. Apostoli tui, vel Martyris, vel Confessoris, aut Pontificis, vel Virginis adaptatam bene † dicere, ac sancti † sicare digneris; et præsta, ut quicumque coram illa ipsum gloriosissimum Apostolum tuum, vel Martyrem, vel Confessorem, aut Pontificem, vel Virginem suppliciter honorare studuerit, illius precibus ac obtentu, a te gratiam in præsenti, et æternam gloriam obtineat

in futuro. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus, per omnia sæcula sæculorum.
¶. Amen.

Ultimo aspergat eas aqua benedicta.

DE BENEDICTIONE
SACRORUM VASORUM ET ALIORUM ORNAMENTORUM
IN GENERE.

Pontifex sacra vasa, vel alia ornamenta benedicere volens, stans sine mitra, dicit :

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Dominus vobiscum. ¶. Et cum spiritu tuo.

OREMUS.

Exaudi, Domine, Pater clementissime, preces nostras, et hæc purificanda vasa et ornamenta, sacri altaris atque Ecclesiæ tuæ sacri ministerii usui præparata, bene † dicere et sancti † ficare digneris. Per Christum Dominum nostrum. ¶. Amen.

OREMUS.

Omnipotens sempiterne Deus, a quo omnia immunda purgantur, et in quo omnia purgata clarescunt, supplices omnipotentiam tuam invocamus, ut ab his vasis et ornamentis, quæ tibi offerunt famuli tui, omnis spiritus immundus confusus longe discedat, et per tuam bene † dictionem ad usum et ministerium sancti altaris et Ecclesiæ tuæ sanctificata permaneant. Per Christum Dominum nostrum. ¶. Amen.

Deinde aspergit ea aqua benedicta.

DE BENEDICTIONE TABERNACULI,

SIVE VASCULI PRO SACROSANCTA EUCHARISTIA
CONSERVANDA.

Pontifex tabernaculum sive vasculum pro conservanda sacrosancta Eucharistia benedicere volens, stans sine mitra, dicit :

†. Adjutorium nostrum in nomine Domini. ¶. Qui fecit cœlum et terram.

†. Dominus vobiscum. ¶. Et cum spiritu tuo.

OREMUS.

Omnipotens sempiterne Deus, majestatem tuam supplices deprecamur, ut vasculum hoc pro corpore Filii tui Domini nostri Jesu Christi in eo condendo-fabricatum, bene † dictionis tuæ gratia dicare digneris. Per eundem Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia sæcula sæculorum. ¶. Amen.

Tum aspergit illud aqua benedicta.

DE BENEDICTIONE CAPSARUM

PRO RELIQUIIS ET ALIIS SANCTUARIIS INCLUDENDIS.

Pontifex capsas pro Reliquiis et aliis sanctuaris includendis, benedicere volens, stans cum mitra, dicit :

†. Adjutorium nostrum in nomine Domini. ¶. Qui fecit cœlum et terram.

Oremus, dilectissimi nobis, Deum Patrem omni-

potentem, ut qui omnia per unigenitum Filium suum in virtute Spiritus sancti valde bona creavit, ipse nobis indignis ad consecrationem harum capsarum Reliquiis Sanctorum suorum condendis paratarum, rorem gratiae suae clementer infundere dignetur. Per eundem Dominum nostrum Jesum Christum Filium suum, qui cum eo vivit et regnat in unitate Spiritus sancti Deus.

Deinde, deposita mitra, extensis manibus ante pectus, dicit Præfationem.

Per omnia sæcula sæculorum. *R. Amen.*

†. Dominus vobiscum. R. Et cum spiritu tuo.

†. Sursum corda. R. Habemus ad Dominum.

†. Gratias agamus Domino Deo nostro. R. Dignum, et justum est.

Vere dignum, et justum est, æquum, et salutare, nos tibi semper, et ubique gratias agere, Domine sancte, Pater omnipotens, æterne Deus inæstimabilis, Deus ineffabilis, Deus misericordiarum et totius consolationis. Qui Moysi famulo tuo præcepisti, ut juxta exemplar quod ei in monte demonstrasti, arcam de lignis imputribilibus construeret, et eam auro mundissimo circumdaret, in qua urna aurea manna cœlesti plena, cum tabulis testamenti digito majestatis tuæ conscriptis, in testimonium futuris generationibus servari deberet. Quique nostris sæculis eadem sacratius intelligenda manifestasti, dum corpus unici Filii tui, opere Spiritus sancti de incorrupta Virgine conceptum, et anima rationali vivificatum, omni plenitudine divinitatis replesti; te suppliciter imploramus, omnipotens Deus, Pater Domini nostri Jesu Christi, ex quo omnis paternitas in cœlo et in terra nominatur; ut hæc vascula Sanctorum tuorum pignoribus præparata, eisdem Sanctis tuis intercedentibus, cœlesti

bene † dictione profundere digneris; quatenus qui horum patrocinia requirunt, ipsis intercedentibus, cuncta sibi adversantia, te adjuvante, superare, et omnia commode profutura, abundantia largitatis tuæ mereantur invenire. Et sicut illi, te Domine inspirante, spiritualium nequitiarum versutias cavere, et humanitus exquisita tormenta non solum contemnere, sed etiam penitus evincere, Christo Domino confortante, potuerunt; ita ipsorum merita venerantibus, et Reliquias humiliiter amplectentibus, contra diabolum et angelos ejus, contra fulmina et tempestates, contra grandines et varias pestes, contra corruptum aerem, et mortes hominum vel animalium, contra fures et latrones, sive gentium incursiones, contra malas bestias, et serpentium ac reptantium diversissimas formas, contra malorum hominum adinventiones pessimas, eorumdem Sanctorum tuorum precibus complacatus, dexteram invictæ potentiae tuæ ad depulsionem nocivorum et largitatem proficuorum semper et ubique propitius extende.

Quod sequitur dicit submissa voce legendo, ita tamen quod a circumstantibus possit audiri.

Per eumdem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. R. Amen.

Tum adhuc sine mitra stans dicit :

¶. Dominus vobiscum. R. Et cum spiritu tuo.

OREMUS.

Domine Deus omnipotens, qui ut murmur insani populi compesceres, et sacerdotium Aaron tibi placitum comprobares, virgam ejus aridam germinare et flores fructiferos producere fecisti, eamdemque in arca testamenti pro signo virtutis tuæ poni jus-

sisti; sed et nobis eodem præsagio Christum in ara crucis arefactum, tertia die resurrectione resflorecere, et in Ecclesia novissimo tempore resuscitanda, per mortem suam die ac nocte fructificare demonstrasti: te, quæsumus, indulgentissime generis humani provisor, ut hæc vascula Sanctorum tuorum receptaculo præparata, ita gratuita gratia sanctifices, ut ubicumque in tuo nomine perlata fuerint, intercedentibus habitatorum ipsorum meritis, cuncta adversa repellas et nullifices, et omnia utilia multiplices atque custodias; quatenus fideles tui magnitudine sive universitate beneficiorum tuorum, in parte modica Reliquiarum integra Sanctorum corpora se perceperisse gratulentur; et per tempora loca ipsorum precibus impensa, ad æterna cum eis gaudia possidenda fiducialius animentur. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.
¶. Amen.

Tunc aspergit eas aqua benedicta.

DE BENEDICTIONE

SIGNI, VEL CAMPANÆ.

Signum vel Campana debet benedici, antequam ponatur in campanili, hoc ordine. In primis debet Campana ipsa ita suspendi et situari, ut commode possit intus et extra tangi, tractari, et circuiri; deinde prope ipsam Campanam benedicendam paratur Pontifici faldistorium; vas aquæ benedicendæ; aspersorium; vas cum sale; linteum munda ad extergendum Campanam, quando opus

erit; vas Olei sancti infirmorum; sanctum Chrisma; thymiana: thus; myrrha, et thuribulum cum igne. Diaconus etiam accipit amictum, albam, cingulum, manipulum, stolam, et dalmaticam albi coloris. Quibus ordinatis, Pontifex in sacristia aut alio convenienti loco paratus amictu, alba, cingulo, stola, pluviali albi coloris, et mitra simplici, baculum Pastoralem manu gestans, venit prope Campanam, ubi sedens super faldistorium ibidem sibi paratum, dicit cum ministris Psalmos sequentes, videlicet :

*Psalmum 50. Miserere mei Deus, * secundum magnam misericordiam tuam. Totus dicitur cum Gloria Patri, et Sicut erat, prout supra habetur, pag. 97.*

PSALMUS 53.

Deus in nomine tuo salvum me fac: * et in virtute tua judica me.

Deus exaudi orationem meam: * auribus percipe verba oris mei.

Quoniam alieni insurrexerunt adversum me, et fortes quæsierunt animam meam: * et non proposuerunt Deum ante conspectum suum.

Ecco enim Deus adjuvat me: * et Dominus sus-

ceptor est animæ meæ.

Averte mala inimicis meis: * et in veritate tua disperde illos.

Voluntarie sacrificabo tibi, * et confitebor nomini tuo, Domine, quoniam bonum est.

Quoniam ex omni tribulatione eripuisti me: * et super inimicos meos despexit oculus meus.

Gloria Patri. Sicut erat etc.

PSALMUS 56.

Miserere mei, Deus, miserere mei: * quoniam in te confidit anima mea.

Et in umbra alarum tuarum sperabo, * donec transeat iniqüitas.

Clamabo ad Deum altissimum, * Deum qui beneficit mihi.

Misit de cœlo, et liberavit me: * dedit in opprobrium conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum: dormivi conturbatus.

Fili hominum dentes eorum arma et sagittæ: * et lingua eorum gladius acutus.

Exaltare super cœlos Deus, * et in omnem terram gloria tua.

Laqueum paraverunt pedibus meis: * et incurvaverunt animam meam.

Foderunt ante faciem meam foveam: * et inciderunt in eam.

Paratum cor meum Deus, paratum cor meum: * cantabo, et psalmum dicam.

Exurge gloria mea, exurge psalterium et cithara: * exurgam diluculo.

Confitebor tibi in populis, Domine: * et psalmum dicam tibi in gentibus.

Quoniam magnificata est usque ad cœlos misericordia tua, * et usque ad nubes veritas tua.

Exaltare super cœlos, Deus; * et super omnem terram gloria tua.

Gloria Patri. Sicut erat etc.

PSALMUS 66.

Deus misereatur nostri, et benedicat nobis: * illuminet vultum suum super nos, et misereatur nostri.

Ut cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur et exultent Gentes: * quoniam judicas

populos in æquitate, et Gentes in terra dirigis.

Confiteantur tibi populi Deus, confiteantur tibi populi omnes: * terra reddit fructum suum.

Benedicat nos Deus, Deus noster, benedicat nos Deus, * et metuant eum omnes fines terræ.

Gloria Patri. Sicut erat etc.

PSALMUS 69.

Deus in adjutorium meum intende: * Domine ad adjuvandum me festina.

Confundantur, et reve-

reantur, * qui quærunt animam meam.

Avertantur retrorsum et erubescant: * qui volunt mihi mala.

Avertantur statim erubescentes, * qui dicunt mihi : Euge , euge.

Exultent et lætentur in te omnes , qui quærunt te, * et dicant semper : Magnificetur Dominus . qui diligunt salutare tuum.

Ego vero egenus et pauper sum : * Deus adjuva me.

Adjutor meus , et liberator meus es tu : * Domine ne moreris.

Gloria Patri. Sicut erat etc.

PSALMUS 85.

Inclina , Domine , aurem tuam , et exaudi me , * quoniam inops , et pauper sum ego.

Custodi animam meam , quoniam sanctus sum : * salvum fac servum tuum , Deus meus , sperantem in te.

Miserere mei , Domine , quoniam ad te clamavi tota die : * lætifica animam servi tui , quoniam ad te , Domine , animam meam levavi.

Quoniam tu , Domine , suavis et mitis , * et multæ misericordiæ omnibus invocantibus te.

Auribus percipe , Domine , orationem meam : * et intende yoci deprecationis meæ.

In die tribulationis meæ clamavi ad te : * quia exaudisti me.

Non est similis tui in diis , Domine : * et non

est secundum opera tua.

Omnes gentes quascumque fecisti , venient et adorabunt coram te , Domine : * et glorificabunt nomen tuum.

Quoniam magnus es tu , et faciens mirabilia : * tu es Deus solus.

Deduc me , domine , in via tua , et ingrediar in veritate tua : * lætetur cor meum ut timeat nomen tuum.

Confitebor tibi , Domine Deus meus , in toto corde meo , * et glorificabo nomen tuum in æternum.

Quia misericordia tua magna est super me : * et eruisti animam meam ex inferno inferiori.

Deus , iniqui insurrexerunt super me , et synagoga potentium quæserunt animam meam : * et non proposuerunt te in conspectu suo.

Et tu Domine Deus misericordia, et misericors, * patiens, et multæ misericordiæ, et verax.

Respic in me, et miserere mei, * da imperium tuum pueru tuo : et salvum fac filium ancillæ tuæ.

Fac mecum signum in bonum, ut videant qui oderunt me, et confundantur : * quoniam tu, Domine, adjuvisti me, et consolatus es me.

Gloria Patri. Sicut erat etc.

Postremo dicitur Psalmus 129. De profundis clamavi ad te Domine, prout habetur supra in Benedictione Abbatis, pag. 110.

*Expletis Psalmis, surgit Pontifex, et stans cum mitra benedicit sal et aquam dicens : *. Adjutorium nostrum etc., prout habetur supra in benedictione et impositione primarii lapidis, pag. 195, et continuens usque ad Orationem, Deus qui ad salutem humani generis etc., inclusive.*

Qua dicta, Pontifex adhuc sine mitra stans dicit absolute sequentem Orationem.

Bene † dic, Domine, hanc aquam benedictione cœlesti, et assistat super eam virtus Spiritus sancti; ut cum hoc vasculum, ad invitandos filios sanctæ Ecclesiæ præparatum, in ea fuerit tinctum, ubique sonuerit hoc tintinnabulum, procul recessat virtus insidianum, umbra phantasmatum, incursio turbinum, percussio fulminum, læsio tonitruorum, calamitas tempestatum, omnisque spiritus procellarum; et cum clangorem illius audierint filii Christianorum, crescat in eis devotionis augmentum, ut festinantes ad piæ matris Ecclesiæ gremium, cantant tibi in Ecclesia Sanctorum canticum novum, deferentes in sono præconium tubæ, modulationem psalterii, suavitatem organi, exultationem tympani, jucunditatem cymbali; quatenus in templo sancto gloriæ tuæ suis obsequiis et pre-

cibus invitare valeant multitudinem exercitus Angelorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia saecula saeculorum. **R. Amen.**

Post haec Pontifex mittit sal in aquam, in modum crucis, dicendo semel.

Commixtio salis et aquæ pariter fiat. In nomine Patris, et Filii, et Spiritus sancti. **R. Amen.**

†. Dominus vobiscum. **R. Et cum spiritu tuo.**

OREMUS.

Deus invictæ virtutis auctor, et insuperabilis imperii rex, ac semper magnificus triumphator; qui adversæ dominationis vires reprimis; qui inimici rugientis saevitiam superas; qui hostiles nequitias potenter expugnas; te, Domine, trementes et supplices deprecamur ac petimus, ut hanc creaturam salis et aquæ dignanter aspicias, benignus illustres, pietatis tuæ rore sanctifices; ut ubique fuit aspersa, per invocationem sancti tui nominis, omnis infestatio immundi spiritus abigatur, terrorque venenosæ serpentis procul pellatur; et præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia saecula saeculorum. **R. Amen.**

His peractis, Pontifex accepta mitra, incipit lavare campanam cum dicta aqua; et ministri prosequuntur lotionem; lavantes eam totaliter intus et extra, deinde cum linteo mundo extergunt. Pontifice interim cum mitra sedente, et cum aliis Ministris dicente Psalmum cum aliis sequentibus.

PSALMUS 145.

Lauda anima mea Dominum, laudabo Dominum in vita mea: * psallam Deo meo quamdiu fuero.

Nolite confidere in principibus; * in filiis hominum, in quibus non est salus.

Exibit spiritus ejus, et revertetur in terram suam: * in illa die peribunt omnes cogitationes eorum.

Beatus, cuius Deus Jacob adjutor ejus, spes ejus, in Domino Deo ipsius: * qui fecit cœlum et terram, mare, et omnia quæ in eis sunt.

Qui custodit veritatem

in sœculum, facit iudicium injuriam patientibus: * dat escam esurientibus.

Dominus solvit compeditos: * Dominus illuminat cæcos.

Dominus erigit elisos, * Dominus diligit justos.

Dominus custodit advenas, pupillum et viduam suscipiet: * et vias peccatorum disperdet.

Regnabit Dominus in sæcula, Deus tuus Sion: * in generationem et generationem.

Gloria Patri. Sicut erat etc.

PSALMUS 146.

Laudate Dominum, quoniam bonus est psalmus: * Deo nostro sit jucunda, decoraque laudatio.

Ædificans Jerusalem Dominus: * dispersiones Israelis congregabit.

Qui sanat contritos corde: * et alligat contritiones eorum.

Qui numerat multitudinem stellarum: * et omnibus eis nomina vocat.

Magnus Dominus nos-

ter, et magna virtus ejus: * et sapientiæ ejus non est numerus.

Suscipiens mansuetos Dominus: * humilians autem peccatores usque ad terram.

Præcinite Domino in confessione: * psallite Deo nostro in cithara.

Qui operit cœlum nubibus: * et parat terræ pluviam.

Qui producit in montibus fœnum, * et herbam servituti hominum.

**Qui dat jumentis escam
ipsorum , * et pullis cor-
vorum invocantibus eum.**

**Non in fortitudine equi
voluntatem habebit : nec
in tibiis viri beneplacitum
erit ei.**

**Beneplacitum est Domi-
no super timentes eum : *
et in eis qui sperant super
misericordia ejus.**

**Gloria Patri. Sicut erat
etc.**

*Deinde Psalm. 147. Lauda Jerusalem Dominum,
prout habetur supra in dedicatione Ecelesiæ,
pag. 254, cum Gloria Patri.*

PSALMUS 148.

**Laudate Dominum de
cœlis : * laudate eum in
excelsis.**

**Laudate eum omnes An-
geli ejus : * laudate eum
omnes Virtutes ejus.**

**Laudate eum sol et
luna : * laudate eum omnes
stellæ et lumen.**

**Laudate eum cœli cœ-
lorum : * et aquæ omnes ,
quæ super cœlos sunt ,
laudent nomen Domini.**

**Quia ipse dixit , et facta
sunt : * ipse mandavit , et
creata sunt.**

**Statuit ea in æternum ,
et in sæculum sæculi : *
præceptum posuit , et non
præteribit.**

**Laudate Dominum de
terra , * dracones , et om-
nes abyssi.**

Ignis , grando , nix ,

Sine Gloria Patri.

**glacies , spiritus procella-
rum : * quæ faciunt ver-
bum ejus.**

**Montes et omnes col-
les : * ligna fructifera , et
omnes cedri :**

**Bestiæ et universa pe-
cora : * serpentes , et vo-
lucres pennatæ.**

**Reges terræ , et omnes
populi : * principes , et
omnes judices terræ.**

**Juvenes et virgines ,
senes cum junioribus
laudent nomen Domini : *
quia exaltatum est nomen
ejus solius.**

**Confessio ejus super
cœlum et terram : * et e-
xaltavit cornu populi sui.**

**Hymnus omnibus sanctis
ejus : * filiis Israel ,
populo appropinquanti
sibi.**

Deinde Psalm. 149. Cantate Domino canticum

*novum, * laus ejus, prout habetur supra in Dedicatione Ecclesiæ, pag. 243.*

Postremo Psal. 150. Laudate Dominum in sanctis ejus, subsequenter pag. 243, sed in fine dicitur Gloria Patri, et Sicut erat etc.

Quibus finitis, surgit Pontifex cum mitra, et cum pollice dexteræ manus facit ab extra supra campanam de Oleo sancto infirmorum signum crucis; quo facto, deposita mitra dicit :

OREMUS.

Deus qui per beatum Moysen legiferum famulum tuum tubas argenteas fieri præcepisti, quibus dum Sacerdotes tempore sacrificii clangerent, sonitu dulcedinis populus monitus ad te adorandum fieret præparatus, et ad celebranda sacrificia conveniret; quarum clangore hortatus ad bellum, molimina prosterneret adversantium; præsta, quæsumus, ut hoc vasculum sanctæ tuæ Ecclesiæ præparatum sancti † sicutur a Spiritu sancto, ut per illius tactum fideles invitentur ad præmium. Et cum melodia illius auribus insonuerit populorum, crescat in eis devotio fidei; procul pellantur omnes insidiæ inimici, fragor grandinum, procella turbinum, impetus tempestatum; temperentur infesta tonitrua; ventorum flabra fiant salubriter ac moderate suspensa; prosternat aereas potestates dextera tuæ virtutis; ut hoc audientes tintinnabulum contremiscant et fugiant ante sanctæ crucis Filii tui in eo depictum vexillum, cui flectitur omne genu cœlestium, terrestrium et infernorum, et omnis lingua confitetur, quod ipse Dominus noster Jesus Christus, absorpta morte per patibulum crucis, regnat in gloria Dei Patris, cum eodem Patre et Spiritu sancto, per omnia sæcula sæculorum.
R. Amen.

Pontifex, accepta mitra, extergit cum linteo mundo crucem a se factam. Deinde inchoat, schola prosequente, Antiphonam.

Vox Domini super aquas multas, Deus majestatis intonuit : Dominus super aquas multas.

PSALMUS 28.

**Afferte Domino filii
Dei : * afferte Domino fi-
lios arietum.**

**Afferte Domino glo-
riam , afferte Domino glo-
riam nomini ejus : * ado-
rate Dominum in atrio
sancto ejus.**

**Vox Domini super
aquas , Deus majestatis in-
tonuit : , Dominus super
aquas multas.**

**Vox Domini in virtute :
* vox Domini in magnifi-
centia.**

**Vox Domini confrin-
gentis cedros : * et con-
fringet Dominus cedros
Libani.**

**Et comminuet eas tam-
quam vitulum Libani : ***

**et dilectus quemadmo-
dum filius unicornium.**

**Vox Domini interciden-
tis flammam ignis : * vox
Domini concutientis de-
sertum : et commovebit
Dominus desertum Cades.**

**Vox Domini præparan-
tis cervos , et revelabit
condensa : * et in templo
ejus omnes dicent glo-
riam.**

**Dominus diluvium in-
habitare facit : * et sedebit
Dominus rex in æternum.**

**Dominus virtutem po-
pulo suo dabit : * Domi-
nus benedicet populo suo
in pace.**

**Gloria Patri. Sicut erat
etc.**

*Deinde repetitur Antiphona. Interim Pontifer
cum mitra stans facit cum pollice dexteræ manus
de Oleo sancto infirmorum septem cruces exterius
super campanam, et deintus cum Chrismate qua-
tuor pari distantia, dicens, dum quamlibet cru-
cem facit.*

**Sancti † fitetur, et conse† cretur, Domine, signum
istud. In nomine Pa † tris, et Fi † lii, et Spiritus †
sancti. In honorem sancti N. Pax tibi.**

*Deinde finitis Antiphona et Psalmo, ac factis
crucibus prædictis, Pontifex stans, deposita mitra
dicit :*

OREMUS.

Omnipotens sempiterne Deus, qui ante arcam fœderis per clangorem tubarum, muros lapideos, quibus adversantium cingebatur exercitus, cadere fecisti; tu hoc tintinnabulum cœlesti bene † dictione perfunde; ut ante sonitum ejus longius effugientur ignita jacula inimici, percussio fulminum, impetus lapidum, læsio tempestatum; ut ad interrogationem propheticam, quid est tibi mare, quod fugisti? suis motibus cum Jordanico retroactis fluento respondeant: A facie Domini mota est terra, a facie Dei Jacob, qui convertit petram in stagna aquarum, et rupem in fontes aquarum. Non ergo nobis. Domine, non nobis, sed nomini tuo da gloriam, super misericordia tua; ut cum præsens vasculum, sicut reliqua altaris vasa, sacro Chrismate tangitur, Oleo sancto ungitur; quicumque ad sonitum ejus convenerint, ab omnibus inimici tentationibus liberi, semper fidei Catholicæ documenta sectentur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.
¶. Amen.

Tum sedet Pontifex, et accepta mitra, imponit in thuribulo thymiana, thus, et myrrham, si haberi possunt, alioquin, quæ ex ipsis habentur: quibus impositis, thuribulum ipsum supponitur campanæ, seu signo, ut totum fumum recipiat, schola interim cantante Antiphonam.

Deus in sancto via tua : quis Deus magnus, sicut Deus noster?

PSALMUS 76.

Viderunt te aquæ, Deus,
viderunt te aquæ : * et ti-
muerunt, et turbatæ sunt
abyssi.

Multitudo sonitus aqua-
rum : * vocem dederunt
nubes.

Etenim sagittæ tuæ
transeunt : * vox tonitruï
tui in rota.

Illuxerunt coruscatio-
nes tuæ orbi terræ : *

*Quibus dictis, deposita mitra, surgit Pontifer,
et dicit :*

OREMUS.

Omnipotens dominator Christe, quo secundum
carnis assumptionem dormiente in navi, dum oborta
tempestas mare conturbasset, te protinus excitato
et imperante, dissiluit, tu necessitatibus populi tui
benignus succurre; tu hoc tintinnabulum sancti
Spiritus rore perfunde; ut ante sonitum illius sem-
per fugiat bonorum inimicus; invitetur ad fidem
populus Christianus; hostilis terreatur exercitus;
confortetur in Domino per illud populus tuus con-
vocatus: ac sicut Davidica cithara delectatus desu-
per descendat Spiritus sanctus; atque ut Samuele
agnum lactentem mactante in holocaustum regis
æterni imperii, fragor aurarum turbam repulit ad-
versantium: ita dum hujus vasculi sonitus transit
per nubila, Ecclesiæ tuæ conuentum manus con-
servet angelica; fruges credentium, mentes et cor-
pora salvet protectio sempiterna. Per te, Christe
Iesu, qui cum Deo Patre vivis et regnas in unitate
eiusdem Spiritus sancti Deus, per omnia sæcula
sæculorum. R. Amen.

commota est, et contre-
muit terra.

In mari via tua, et se-
mitæ tuæ in aquis multis:
* et vestigia tua non cog-
noscentur.

Deduxisti sicut oves po-
pulum tuum, * in manu
Moysi et Aaron.

Gloria patri. Sicut erat
etc.

Denum Diaconus, sacris vestibus albi coloris paratus, dicit :

*. Dominus vobiscum. ¶. Et cum spiritu tuo.

Sequentia sancti Evangelii secundum Lucam,
cap. 10.

In illo tempore : Intravit Jesus in quoddam castellum ; et mulier quædam Martha nomine , excepit illum in domum suam , et huic erat soror nomine Maria, quæ etiam sedens secus pedes Domini, audiebat verbum illius. Martha autem satagebat circa frequens ministerium ; quæ stetit, et ait : Domine , non est tibi curæ quod soror mea reliquit me solam ministrare ? Dic ergo illi, ut me adjuvet. Et respondens dixit illi Dominus : Martha , Martha , sollicitas es, et turbaris erga plurima. Porro unum est necessarium. Maria optimam partem elegit, quæ non auferetur ab ea.

Finito Evangelio, Pontifex osculatur librum Evangeliorum per unum ex ministris sibi porrectum. Tum producit super Campanam benedictam signum crucis, et reassumpta mitra, discedens revertitur ad locum, ubi paramenta accepit, in quo dimissis sacris vestibus, vadit in pace.

DE BENEDICTIONE

ET IMPOSITIONE CRUCIS PROFICISCENTIBUS IN SUBSIDIUM, ET DEFENSIONEM FIDEI CHRISTIANÆ, SEU RECUPERATIONEM TERRÆ SANCTÆ.

Profecturus in subsidium, et defensionem fidei Christianæ, seu recuperationem Terræ sanctæ, genuflectit ante Pontificem, coram quo unus ministrorum tenet crucem benedicendam illi impo-

*nendam. Tum Pontifex stans sine mitra, dicit
super Crucem :*

℣. Adjutorium nostrum in nomine Domini. ℘. Qui
fecit cœlum et terram.

℣. Dominus vobiscum. ℘. Et cum spiritu tuo.

OREMUS.

Omnipotens Deus, qui crucis signum pretioso Filii tui Sanguine dedicasti, qui per eamdem crucem Filii tui Domini nostri Jesu Christi mundum redimere voluisti, et per virtutem ejusdem venerabilis crucis humanum genus ab antiqui hostis chirographo liberasti; te suppliciter exoramus, ut digneris hanc crucem paterna pietate bene † dicere, et cœlestem ei virtutem et gratiam impartire; ut quicumque eam in passionis et crucis Unigeniti tui signum ad tutelam corporis et animæ super se gestaverit, cœlestis gratiæ plenitudinem in ea, et munimen valeat tuæ benedictionis accipere. Quemadmodum virgam Aaron ad rebellium perfidiam repellendam benedixisti, ita et hoc signum tua dextera bene † dic; et contra omnes diabolicas fraudes virtutem ei tuæ defensionis impendas: ut portantibus illud animæ pariter et corporis prosperitatē conferat salutarem, et spiritualia in eis dona multiplicet. Per eumdem Christum Dominum nostrum.
℟. Amen.

*Deinde Pontifex aspergit Crucem ipsam aqua
benedicta, et super recepturum ipsam dicit :*

OREMUS.

Domine Jesu Christe Fili vivi, qui es verus et omnipotens Deus, splendor, et imago Patris, et vita æterna; qui tuis discipulis asseruisti, ut quicumque vult post te venire, semetipsum abneget, et suam crucem tollens te sequatur; quæsumus immensam clementiam tuam, ut hunc famulum

tuum , qui juxta verbum tuum seipsum abnegare , suamque crucem tollere, et te sequi, ac contra inimicos nostros pro salute populi tui electi properare et pugnare desiderat, semper et ubique protegas, ac a periculis omnibus eruas, et a vinculo peccatorum absolvias, acceptumque votum ad effectum deducas optatum. Tu, Domine, qui es via, veritas, et vita , et in te sperantium fortitudo, ejus iter bene disponas, et prospera cuncta concedas: ut inter præsentis sæculi angustias , tuo semper auxilio gubernetur. Mitte ei, Domine, Angelum tuum Raphaëlem, qui Tobiæ comes fuit in itinere suo, ejusque patrem a corporis cæcitate liberavit, in eundo et redeundo sit ei defensor contra omnes visibles et invisibles hostis insidias, et omnem mentis et corporis ab eo cæcitatem repellat. Qui cum Deo Patre , et Spiritu sancto vivis et regnas Deus , per omnia sæcula sæculorum. **R. Amen.**

Tum Pontifex sedens , accepta mitra , imponit illi Crucem , dicens :

Accipe signum crucis. In nomine Pa † tris , et Fi † lii , et Spiritus † sancti , in figuram crucis , passionis , et mortis Christi , ad tui corporis et animæ defensionem ; ut divinæ bonitatis gratia post iter expletum , salvus et emendatus ad tuos valeas remeare. Per Christum Dominum nostrum. **R. Amen.**

Demum Pontifex aspergit cruce signatum aqua benedicta , qui genuflexus osculatur manum Pontificis , et discedit.

DE BENEDICTIONE ARMORUM.

Pontifex benedicturus arma , quæ aliquis ministrorum coram eo tenet , aut supra altare vel ali-

quam mensam ponuntur, stans sine mitra, dicit :

*. Adjutorium nostrum in nomine Domini. ¶. Qui fecit cœlum et terram.

*. Dominus vobiscum, Et cum spiritu tuo.

OREMUS.

Benedictio Dei omnipotentis Pa † tris, et Fi † lii, et Spiritus † sancti, descendat super hæc arma, et super induentem ea, quibus ad tuendam justitiam induatur. Rogamus te, Domine Deus, ut illum protegas et defendas, qui vivis et regnas Deus, per omnia sæcula sæculorum. ¶. Amén.

Alia Oratio. OREMUS.

Deus omnipotens, in cuius manu victoria plena consistit, quique etiam David ad expugnandum rebellem Goliam vires mirabiles tribuisti, clementiam tuam humili prece deponscimus, ut hæc arma almighty pietate bene † dicere digneris; et concede famulo tuo N. eadem gestare cupienti, ut ad munimen ac defensionem sanctæ matris Ecclesiæ, pupillorum et viduarum, contra invisibilium et visibilium hostium impugnationem, ipsis libere et victoriose utatur. Per Christum Dominum nostrum. ¶. Amen.

Deinde aspergit ea aqua benedicta.

DE BENEDICTIONE ENSIS.

Pontifex ensem benedicere volens, illo cui tradendus est coram eo genuflectente, quem unus ex ministris coram eo tenet, stans sine mitra, dicit :

*. Adjutorium nostrum in nomine Domini.
¶. Qui fecit cœlum et terram.

*. Dominus vobiscum. ¶. Et cum spiritu tuo.

OREMUS.

Bene † dicere digneris, quæsumus, Domine,

DE BENEDICTIONE ET TRADITIONE VEXILLI BELLICI. 367
ensem istum ; et hunc famulum tuum, qui eum, te
inspirante, suscipere desiderat, pietatis tuæ custo-
dia munias , et illæsum custodias. Per Christum
Dominum nostrum. **R.** Amen.

*Deinde aspergat Ensem aqua benedicta. Tum
sedens, accepta mitra, tradit eum illi, cui traden-
dus est, genuflexo coram eo permanente, dicens :*

*Accipe ensem istum, in nomine Pa† tris, et Fi†-
lii, et Spiritus † sancti, et utaris eo ad defensionem
tuam , ac sanctæ Dei Ecclesiæ , et ad confusionem
inimicorum crucis Christi ac fidei christianæ; et
quantum humana fragilitas permiserit, cum eo
neminem injuste lædas ; quod ipse tibi præstare di-
gnetur , qui cum Patre , et Spiritu sancto vivit et
regnat Deus in sæcula sæculorum. **R.** Amen.*

DE BENEDICTIONE ET TRADITIONE VEXILLI BELLICI.

*Pontifex Vexillum bellicum, quod unus ex mi-
nistris coram eo tenet, benedicere volens, stans
sine mitra, dicit :*

X. Adjutorium nostrum in nomine Domini.
R. Qui fecit cœlum et terram.

X. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, qui es cunctorum
benedictio , et triumphantium fortitudo ; respice
propitius ad preces humilitatis nostræ, et hoc Vexil-
lum , quod bellico usui præparatum est , cœlesti
bene † dictione sanctifica ; ut contra adversarias et
rebelles nationes sit validum , tuoque munimine
circumseptum , sitque inimicis christiani populi
terrible, atque in te confidentibus solidamentum ,

368 DE BENEDICTIONE ET TRADITIONE VEXILLI BELLCI.
et certa fiducia victoriae. Tu enim es Deus, qui conteris bella, et cœlestis præsidii sperantibus in te præstas auxilium. Per unicum Filium tuum, Christum Dominum nostrum, qui tecum vivit et regnat in unitate Spiritus sancti Deus, per omnia sæcula sæculorum. **B.** Amen.

Deinde aspergit Vexillum aqua benedicta. Tum sedens, accepta mitra, genuflexo coram eo illo, cui Vexillum tradendum est, consignat ei ipsum Vexillum, dicens :

Accipe Vexillum cœlesti benedictione sanctificatum, sitque inimicis populi Christiani terribile, et det tibi Dominus gratiam, ut ad ipsius nomen et honorem, cum illo hostium cuneos potenter penetres incolumis et securus.

Deinde dat ei osculum pacis, dicens :

Pax tibi.

Qui, accepto Vexillo, osculatur manus Pontificis, surgit, et discedit.

FINIS SECUNDÆ PARTIS.

PONTIFICALIS

PARS TERTIA.

DE PUBLICATIONE FESTORUM MOBILIU

IN EPIPHANIA DOMINI.

In Epiphania Domini, cantato Evangelio, Archidiaconus, sive aliquis Canonicus, vel beneficiatus, aut alius, juxta consuetudinem loci, pluviali paratus, ascendet ambonem, vel pulpitum, et ibidem, vel in alio loco ubi cantari solet Evangelium, e vetusto Ecclesiae sanctae instituto, publicabit Festa mobilia anni currentis juxta infra-scrip-tam formulam, et diem Synodi diecesanæ suo loco promulgabit, licet in formula infra-scripta Dominica secunda post Pascha notata sit.

Noveritis, fratres charissimi, quod annuente Dei misericordia, sicut de Nativitate Domini nostri Iesu Christi gavisi sumus, ita et de Resurrectione ejusdem Salvatoris nostri gaudium vobis annuntiamus. Die prima (*vel alia, prout occurrit.*) (Januarii *vel* Februarii) erit Dominica in Septuagesima. Vigesima (*vel alia quæ occurrit, uti et in sequentibus.*) (Februarii, Martii, ejusdem,) dies Cinerum, et initium jejunii sacratissimæ Quadragesimæ. (Martii, Aprilis,) sanctum Pascha Domini nostri Iesu Christi cum gudio celebrabis. Dominica secunda post Pascha, diecesana Synodus habebitur. (Aprilis, Maii, Junii,) erit Ascensio Domini nostri Iesu Christi. (Maii, Junii, ejusdem,) Festum Pentecostes. (Ejus-

dem Junii,) Festum sacratissimi Corporis Christi.
(Novembris, Decembris,) Dominica prima Adventus Domini nostri Jesu Christi, cui est honor et gloria, in sæcula sæculorum. Amen.

DE EXPULSIONE

PUBLICE POENITENTIUM AB ECCLESIA, IN FERIA QUARTA CINERUM.

In capite Quadragesimæ solemniter pœnitentes de Ecclesia ejiciuntur hoc modo :

Pœnitentes, quibus secundum jus vel consuetudinem, pro gravioribus criminibus solemnis pœnitentia est imponenda, hac die, hora quasi tertia, conveniunt ad Ecclesiam Cathedralem, in vilibus vestimentis, nudis pedibus, et vultibus ad terram demissis, quorum nomina scribi debent; accipientes pœnitentiam juxta modum culpæ ab Episcopi Pœnitentiario, vel ab aliis quibus hoc officium commissum est; et postea omnes emituntur, et manent ante fines Ecclesiæ. Pontifex interim, dicta sexta, si non sit celebraturus, paratur supra rochetum (vel, si sit regularis, supra superpellitum) amictu, alba, cingulo, stola, pluviali violaceis, mitra simplici, et baculo Pastorali. Si autem Pontifex est celebraturus, dum dicitur Nona, more solito accipit sandalia, et cætera paramenta Pontificalia, usque ad dalmaticam inclusive, et desuper pluviale coloris violacei, et mitram simplicem; et benedicit cineres, atque imponit. Quibus peractis, Pontifex cum ministris, schola, et toto Clero, cruce, aqua benedicta, et luobus cereis præcedentibus, egreditur chorum

circa medium Ecclesiæ, ubi parata sit sedes. Tunc Clerus dividitur per duos choros, hinc, indeversus, valvas Ecclesiæ. Pœnitentes vero omnes ingressi prosternunt se cum lacrymis in Ecclesiæ pavimento coram Pontifice inter utrumque chorum. Tunc Pontifex sedens cum mitra, vel Archipresbyter stans, imponit cineres super capita singulorum dicens :

Memento, homo, quia pulvis es, et in pulverem reverteris : age pœnitentiam, ut habeas vitam æternam.

Et unus ex Canonicis aspergit eos aqua benedicta. Postea Pontifex stans, deposita mitra, benedit cilicia, in hunc modum :

*. Adjutorium nostrum in nomine Domini. ¶. Qui fecit cœlum et terram.

*. Domine exaudi orationem meam. ¶. Et clamor meus ad te veniat.

*. Dominas vobiscum. ¶. Et cum spiritu tuo.

OREMUS.

Omnipotens et misericors Deus, qui peccatoribus pietatis tuæ misericordiam quæreribus hoc indumento vestitis, misericordiam tuam et veniam tribuisti, obsecramus clementiam tuam, ut hoc indumentum, quod vocatur cilicium, bene † dicere, et sancti † facere digneris ; ut quicumque eo pro peccatis suis indutus fuerit, et misericordiam tuam imploraverit, veniam et indulgentiam tuæ sanctæ misericordiæ consequatur. Per Christum Dominum nostrum. ¶. Amen.

Aspergantur aqua benedicta. Benedictis cilicis, Pontifex capita eorum cooperit cum eis, dicens :

Apud Dominum misericordia est, et apud Deum redemptio ; ita enim lapsis hominibus subvenit,

non solum per Baptismi, et Confirmationis gratiam, sed etiam per Pœnitentiæ medicinam, ut spiritus humanus vita reparetur æterna. ¶ Deo gratias.

Quo facto, Pontifex incipit Antiphonam : Ne reminiscaris, Domine, dilecta nostra, vel parentum nostrorum; neque vindictam sumas de peccatis nostris, Domine Deus noster.

Et super saldistorium accumbit, et ministri, et totus populus, et pœnitentes prosternunt se in terram, et pro ipsorum pœnitentium absolutione dicunt septem Psalms Pœnitentiales alternatim : prout supra habetur, pag. 106.

Deinde repetitur Antiphona. Ne reminiscaris, Domine, delicta nostra, vel parentum nostrorum; neque vindictam sumas de peccatis nostris, Domine Deus noster.

Postea dicuntur Litaniæ ; ut supra pag. 29.

Quibus finitis, Pontifex dicit super ipsos pœnitentes :

Pater noster. Reliqua secreto.

¶. Et ne nos inducas in temptationem. ¶. Sed libera nos a malo.

¶. Salvos fac servos tuos, et ancillas tuas. ¶. Deus meus sperantes in te.

¶. Mitte eis Domine auxilium de sancto. ¶. Et de Sion tuere eos.

¶. Nihil proficiat inimicus in eis. ¶. Et filius iniquitatis non apponat nocere eis.

¶. Esto eis Domine turris fortitudinis. ¶. A facie inimici.

¶. Domine Deus virtutum, converte nos. ¶. Et ostende faciem tuam, et salvi erimus.

¶. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Exaudi Domine preces nostras, et confitentium tibi parce peccatis, ut quos conscientiae reatus accusat, indulgentia tuae miserationis absolvat. Per Christum Dominum nostrum. ¶. Amen.

OREMUS.

Præveniat hos famulos tuos, *vel*, has famulas tuas, quæsumus Domine, misericordia tua, ut omnes iniquitates eorum celeri indulgentia deleantur. Per Christum Dominum nostrum. ¶. Amen.

OREMUS.

Adesto, Domine, supplicationibus nostris, nec sit ab his familis, *vel*, famulabus tuis, clementiae tuæ longinqua miseratio; sana vulnera, eorumque dimitte peccata; ut ab omnibus iniquitatibus expiati, tibi, Domine, semper valeant adhærere. Per Christum Domiuum nostrum. ¶. Amen.

OREMUS.

Domine Deus noster, qui offensione nostra non vinceris, sed satisfactione placaris; respice, quæsumus, ad hos famulos tuos, *vel*, has famulas tuas, qui, *vel*, quæ se tibi peccasse graviter confitentur; uum est enim absolutionem criminum dare, et veniam præstare peccantibus, qui dixisti te pœnitentiam malle peccatorum quam mortem; concede ergo, Domine, ut tibi pœnitentiæ excubias celebrent, et correctis actibus suis, conferri sibi a te sempiterna gaudia gratulentur. Per Christum Dominum nostrum. ¶. Amen.

His peractis, surgunt pœnitentes, et facit eis Pontifex sermonem; ostendens qualiter Adam propter peccatum ejectus est de paradiſo, et multa maledicta in eum congesta sunt; et qualiter, ejus.

exemplo, ipsi de Ecclesia ad tempus ejiciendi sunt. Quo facto, accipiat unum ex eis per dexteram manum; et omnes alii similiter se manibus tenentes, candelas accensas in manibus habentes, subsequantur eum; et ita eos ejiciat de Ecclesia, cum lacrymis dicens :

Ecce ejicimini vos hodie a liminibus sanctæ matris Ecclesiæ propter peccata et scelera vestra, sicut Adam primus homo ejectus est de paradiſo propter transgressionem suam.

Et interim schola cantat Responsorium :

*In sudore vultus tui vesceris pane tuo, dicit Dominus ad Adam, cum operatus fueris terram, non dabit fructus suos : * Sed spinas et tribulos germinabit tibi. *. Pro eo, quod audisti vocem uxoris tuæ plus quam me : maledicta terra in opere tuo non dabit fructus suos. * Sed spinas.*

Aliud Responsorium :

*Ecce Adam quasi unus e nobis factus est, sciens bonum, et malum. * Videte, ne forte sumat de ligno vitæ, et vivat in æternum. *. Fecitque Dominus Adæ tunicam pelliceam, et induit eum, et ait. * Videlte. *. Gloria. * Videlte.*

Et sic eis extra ejectis, et ante valvas Ecclesiæ genibus flexis gemendo manentibus, Pontifex in limine ostii stans moneat eos, quod de Domini misericordia non desperent, sed jejuniis, orationibus, peregrinationibus, eleemosynis, et aliis bonis operibus invigilent, ut Dominus ad dignum fructum veræ pænitentiæ eos perducat; quodque feria quinta in Cœna Domini redeant, quoniam tunc in sanctam Ecclesiam reducentur, quam usque tunc ingredi non præsumant. Et mox Pontifice cum processione ad chorum redeunte, valva Ecclesiæ ante oculos eorum clauduntur, et incipitur Missa, et proceditur ordine suo.

DE RECONCILIATIONE POENITENTIUM

QUÆ FIT IN FERIA QUINTA COENÆ DOMINI.

Feria quinta Cœnæ Domini reconciliantur pœnitentes, quibus ab Ecclesia solemnem agere pœnitentiam injunctum est, qui in capite Quadragesimæ de ipsa ejecti fuerunt.

Pontifex paratus amictu, alba, stola, pluviali coloris violacei, mitra simplici, et baculo Pastorali, ministris etiam paratis, et insuper quatuor Subdiaconis paratis, et uno Diacono de antiquis vestibus induito solemniter, atque Archidiacono cum amictu, alba, et stola sine dalmatica, prosternit e super faldistorium coram altari, dicens cum iuratis ministris et Clero septem Psalmos pœnitentiales, ut supra, pag. 106, et Litanias, ut supra, pag. 29. Pœnitentes vero tunc ante fores Ecclesiæ nudis pedibus ad terram prostrati manifestent, tenentes in manibus cereos extinctos. Cum ue in Litanis dictum fuerit :

Omnes sancti Patriarchæ, et Prophetæ. R. Orate pro nobis.

Et idem a Choro fuerit responsum, paulisper ubsistitur; et tunc Pontifex mittit ad pœnitentes duos Subdiaconos candelas accensas in manibus erentes. Qui cum ad portam pervenerint stantes in limine ostii, elevatis manibus, ostendunt illis candelas accensas, dicentes Antiphonam :

Vivo ego, dicit Dominus : nolo mortem peccatis, sed ut magis convertatur, et vivat.

Qua finita, extinguunt mox ipsas candelas co-

ram illis et revertuntur ad locum suum. Et proceditur in Litanis. Cumque dictum fuerit :

Omnes sancti Martires. ¶. Orate pro nobis.

Et idem a Choro responsum fuerit, tunc etiam subsistitur a Litanis, et Pontifex mittit ad illos duos alios Subdiaconos, simili modo, cum candelis accensis, qui in limine ostii constituti cantant Antiphonam :

Dicit Dominus : Pœnitentiam agite, appropinquavit enim regnum cœlorum.

Et mox extinctis candelis, ut prius, revertuntur ad locum suum. Et proceditur in Litanis usque ad Agnus Dei exclusive.

Tunc Pontifex mittit ad illos unum senem Diaconum indutum, ut supra, cum magno cereo illuminato. Ille igitur in limine ostii constitutus cantat Antiphonam :

Levate capita vestra, ecce appropinquabit redemptio vestra.

Et tunc accenduntur candelæ pœnitentium ex illo cereo. Cereus autem ille non extinguitur, sed Diaconus cum eo accenso revertitur. Et tunc dicitur in Litanis.

Agnus Dei qui tollis peccata mundi. ¶. Parce nobis Domine.

Et alia usque in finem. Quo dicto, Pontifex ab accubitu surgens cum ministris, et Clero, cruce, thuribulo, cereis, et omni paratu præcedentibus, egreditur extra chorum Ecclesiæ. Et parato sibi quasi in medio Ecclesiæ faldistorio, sedet respiens ad ostium Ecclesiæ, Clero per choros versus ipsum ostium ab utroque latere disposito seriatim. Tunc Archidiaconus paratus, ut præmissum est, stans in limine ostii, excelsa voce in tono lectionis dicit ad illos ante ostium foris stantes :

State in silentio : audientes audite.

Indicto itaque silentio, vertens se ad Pontificem, dicit similiter in tono Lectionis :

Adest, o venerabilis Pontifex, tempus acceptum, dies propitiationis divinæ et salutis humanæ, quo mors interitum, et vita accepit æterna principium; quando in vinea Domini Sabaoth, sic novorum palmitum plantatio sacerienda est, ut purgetur execratio vetustatis. Quamvis enim a divitiis bonitatis et pietatis Dei, nihil temporis vacet, nunc tamen et largior est per indulgentiam remissio peccatorum, et copiosior per gratiam assumptio renascentium. Augemur regenerandis, crescimus reversis. Lavant aquæ; lavant lacrymæ. Inde est gaudium de assumptione vocatorum; binc lætitia de absolutione pœnitentium. Inde est, quod supplices famuli tui, posteaquam in varias formas criminum, neglectu mandatorum cœlestium, et morum probatorum transgressione ceciderunt, humiliati ac prostrati prophetica ad Dominum voce clamant dicentes: Peccavimus, injuste egimus; iniquitatem fecimus. Miserere nostri, Domine. Evangelicam vocem non frustratoria aure capientes: Beati qui lugent, quoniam ipsi consolabuntur. Manducaverunt, sicut scriptum est, panem doloris: lacrymis stratum suum rigaverunt; cor suum luctu, corpus affixerunt jejuniis, ut animarum reciperent, quam perdidérant, sanitatem. Unicum itaque est pœnitentiæ suffragium, quod et singulis prodest, et omnibus in commune succurrit.

His dictis, Pontifex surgens accedit cum ministris ad ostium Ecclesiae, Clericorum Choro se non movente. Et stans in medio ostii facit eis brevem exhortationem de clementia divina, et de veniæ promissione, dicens eis, qualiter mox in

*Ecclesiam reducentur, et qualiter vivere debent.
Quo facto, cantat Antiphonam :*

*Venite, venite, venite filii, audite me, timorem
Domini docebo vos.*

*Qua dicta, Diaconus ex parte pænitentium
stans dicit pro eis :*

Flectamus genua.

Tunc omnes genua flectunt pænitentes.

*Quo facto, Diaconus ex parte Pontificis dicit :
Levate.*

Et Episcopus secundo dicit dictam Antiphonam :

Venite, venite, etc.

Et Diaconus idem iterum dicit :

Flectamus genua.

Et mox Episcopus tertio repetit præfatam Antiphonam :

Venite, venite, etc.

Et Diaconus idem tertio dicit :

Flectamus genua.

Deinde Pontifex ingreditur Ecclesiam, stans infra ostium, distans ab illo spatio convenienti, et tunc Archidiaconus inchoat, et schola prosequitur, Antiphonam :

: Accedite ad eum, et illuminamini : et facies vestræ non confundentur.

PSALMUS 33.

Benedicam Dominum | mecum : * et exaltebo
in omni tempore : * semper nomen ejus in idipsum.
laus ejus in ore meo.

In Domino laudabitur | Exquisivi Dominum :
anima mea : * audiant man- et exaudivit me : * et ex
sueti , et lætentur. omnibus tribulationibus
meis eripuit me.

Magnificate Dominum | Accedite ad eum , et illu-

**minamini : * et facies ves-
træ non confundentur.**

**Iste pauper clamavit ,
et Domihuſ exaudivit
eum : * et de omnibus tri-
bulationibus ejus salvabit
eum.**

**Immittet Angelus Domi-
ni in circuitu timentium
eum : * et eripiet eos.**

**Gustate , et videte quo-
niam suavis est Dominus :
* beatus vir qui sperat in
eo.**

**Timete Dominum omnes
sancti ejus : * quoniam non
est inopia timentibus eum.**

**Divites eguerunt et esu-
rierunt : * inquirentes au-
tem Dominum non mi-
nuentur omni bono.**

**Venite filii , audite me :
* timorem Domini docebo
vos.**

**Quis est homo qui vult
vitam : * diligit dies videre
bonos ?**

**Prohibe linguam tuam
a malo : * et labia tua ne
loquantur dolum.**

Diverte a malo , et fac

*Qua incepta, mox pœnitentes ingredientes in-
fra ostium Ecclesiæ corruunt ad pedes Pontificis,
sicque prostrati et flentes jacent, donec præ-
missa Antiphona et Psalmus compleantur. Quibus
expletis, Archipresbyter dicit in tono Lectionis
id quod sequitur :*

Redintegra in eis, Apostolice Pontifex, quidquid

**bonum : * inquire pacem ,
et persequere eam.**

**Oculi Domini super jus-
tos : * et aures ejus in pre-
ces eorum.**

**Vultus autem Domini
super facientes mala : * ut
perdat de terra memoriam
eorum.**

**Clamaverunt justi , et
Dominus exaudivit eos :
* et ex omnibus tri-
bulationibus eorum libe-
ravit eos.**

**Juxta est Dominus iis ,
qui tribulato sunt corde : *
et humiles spiritu salva-
bit.**

**Multæ tribulationes jus-
torum : * et de omnibus
his liberabit eos Dominus.**

**Custodit Dominus omnia
ossa eorum : * unum ex his
non conteretur.**

**Mors peccatorum pessi-
ma : * et qui oderunt jus-
tum , delinquent.**

**Redimet Dominus ani-
mas servorum suorum : *
et non delinquent omnes
qui sperant in eo.**

diabolo suadente corruptum est; et orationum tuarum patrocinantibus meritis, per divinæ reconciliationis gratiam fac homines proximos Dœ. Ut qui antea in suis sibi perversitatibus displicebant, nunc etiam placere se Domino in regione vivorum, devicto suæ mortis auctore, gratulentur.

Et Pontifex interrogat :

Scis illos reconciliatione fore dignos ?

Et ille respondet :

Scio, et testificor fore dignos.

Et tunc alter Diaconus dicit : Levate.

Quibus surgentibus, Pontifex accipit unum ex illis per manum, omnibus aliis similiter sese ad manus tenentibus. Tunc Archipresbyter dicit alta voce :

¶. Iniquitates meas ego cognosco. ¶. Et peccatum meum contra me est semper.

¶. Averte faciem tuam a peccatis meis. ¶. Et omnes iniquitates meas dele.

¶. Redde mihi lætitiam salutaris tui. ¶. Et spiritu principali confirma me.

Quo dicto, Pontifex inchoat, schola prosequente, Antiphonam :

Dico vobis, gaudium est Angelis Dei super uno peccatore pœnitentiam agente.

Qua dicta, trahit illum quem manu tenet, et ille alios ducens eos usque ad faldistorium in medio Ecclesiæ prius ibi paratum. Et ibi stans super scabellum, conversus ad illos genua flectentes, inchoat Antiphonam :

Oportet te, fili, gaudere, quia frater tuus mortuus fuerat, et revixit; perierat et inventus est.

Qua dicta, dicit in modum Orationis :

Omnipotens Deus vos absolvat ab omni vinculo

peccatorum, ut habeatis vitam æternam, et vivatis. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus.

Deinde dicit super illos voce mediocri, tenens manus apertas ante pectus, hanc Præfationem :

Per omnia sæcula sæculorum. *R. Amen.*

V. Dominus vobiscum. R. Et cum spiritu tuo.

V. Sursum corda. R. Habemus ad Dominum.

V. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus, per Christum Dominum nostrum. Quem omnipotens genitor ineffabiliter nasci voluisti, ut debitum Adæ tibi persolveret æterno Patri, mortemque nostram sua interficeret, et vulnera nostra in suo corpore ferret, nostrasque maculas Sanguine suo dilueret; ut qui antiqui hostis corrueramus invidia, et ipsius resurgeremus clementia. Te per eum, Domine, supplices rogamus, ac petimus, ut pro aliorum excessibus nos digueris exaudire, qui pro nostris non sufficimus exorare. Tu igitur, clementissime Domine, hos famulos tuos, quos a te separaverunt flagitia, ad te revoca pietate solita. Tu namque nec Achab scelestissimi humiliationem despexisti, sed vindictam debitam protelasti. Petrum quoque lacrymantem exaudisti, clavesque postmodum cœlestis regni ipsi tradidisti; et confidenti latroni ejusdem regni præmia promisisti. Ergo, clementissime Domine, hos, pro quibus preces tibi fundimus, clemens recollige, et tuae Ecclesiæ gremio redde, ut nequaquam de eis valeat triumphare hostis, sed tibi reconciliet Filius tibi coæqualis, emundetque eos ab omni faci-

nore, et ad tuæ sacratissimæ Cœnæ dapes dignetur admittere. Sicque sua Carne et Sanguine reficiat, ut post hujus vitæ cursum ad cœlestia regna perducat.

Quod sequitur dicit submissa voce legendo :
Jesus Christus Filius tuus Dominus noster, qui tecum vivit, et regnat in unitate Spiritus sancti Deus, per omnia sœcula sœculorum. R. Amen.

Præfatione finita, Pontifex super baldistorium, et ministri super tapetia, et Clerus, et populus ad terram prosternuntur, et Cantor inchoat, schola prosequente, Antiphonam et Psalmos sequentes :

ANTIPHONA.

Cor mundum crea in me Deus : et spiritum rectum innova in visceribus meis.

Psalmus 50. Miserere mei Deus : * secundum magnam misericordiam tuam etc., ut supra, pag. 97. Totus dicitur cum Gloria Patri, et Sicut erat.

PSALMUS 55.

Miserere mei Deus, quoniam conculcavit me homo : * tota die impugnans tribulavit me.

Conculcaverunt me inimici mei tota die : * quoniam multi bellantes adversum me.

Ab altitudine diei timebo : * ego vero in te sperabo.

In Deo laudabo sermones meos, in Deo speravi : * non timebo quid faciat mihi caro.

Tota die verba mea exe-

crabantur : * adversum me omnes cogitationes eorum in malum.

Inhabitabunt et abscondent : * ipsi calcaneum meum observabunt.

Sicut sustinuerunt animam meam, pro nibilo salvos facies illos : in ira populos confringes.

Deus vitam meam annuntiavi tibi : * posuisti lacrymas meas in conspectu tuo.

Sicut et in promissione tua : * tunc convertentur

inimici **mei retrorsum.**

In quacumque die invo-
cavero te : * ecce cognovi
quoniam Deus meus es.

In Deo laudabo verbum,
in Domino laudabo ser-
monem : * in Deo speravi,
non timebo quid faciat
mihi homo.

In me sunt Deus vota

Psalmus 56. Miserere **mei Deus, miserere** **mei,**
prout supra habetur sub benedictione Campanæ,
pag. 352.

Quibus dictis, Pontifex, ab accubitu surgens,
dicit super pœnitentes :

Kyrie eleison. Christe eleison. Kyrie eleison.

Pater noster. Reliqua secreto.

†. **Et ne nos inducas in tentationem.** ¶. **Sed libe-**
ra nos a malo.

†. **Domine non secundum peccata nostra facias**
nobis. ¶. **Neque secundum iniurias nostras re-**
tribuas nobis.

†. **Domine, ne memineris iniuriam nostrarum**
antiquarum. ¶. **Cito anticipent nos misericordiae**
tuæ.

†. **Converte Domine, usquequo.** ¶. **Et depre-**
cabilis esto super servos tuos.

†. **Salvos fac servos tuos et ancillas tuas.**
¶. **Deus meus, sperantes in te.**

†. **Esto eis, Domine, turris fortitudinis.** ¶. **A fa-**
cie inimici.

†. **Mitte eis, Domine, auxilium de sancto.** ¶. **Et de**
Sion tuere eos.

†. **Domine, exaudi orationem meam.** ¶. **Et clamor**
meus ad te veniat.

†. **Dominus vobiscum.** ¶. **Et cum spiritu tuo.**

tua : * quæ reddam, lau-
dationes tibi.

Quoniam eripuisti ani-
mam meam de morte, et
pedes meos de lapsu : * ut
placeam eoram Deo in lu-
mine viventium.

Gloria Patri. Sicut erat
etc.

OREMUS.

Adesto, Domine, supplicationibus nostris, et me, qui etiam misericordia tua primus indigeo, clementer exaudi, et quem non electione meriti, sed dono gratiae tuæ constituisti hujus operis ministrum, da fiduciam tui moneris exequendi, et ipse in nostro ministerio, quod tuæ pietatis est, operare. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sacula sæculorum. ¶. Amen.

OREMUS.

Præsta, quæsumus Domine, his famulis tuis dignum pœnitentiæ fructum, ut Ecclesiæ tuæ sanctæ, a cuius integritate deviaverant peccando, admissorum veniam consequendo reddantur innoxii Per Christum Dominum nostrum. ¶. Amen.

OREMUS.

Precor, Domine, tuæ clementiam majestatis, ut his famulis tuis peccata et facinora sua confidentibus veniam præstare, et præteritorum criminum vincula relaxare digneris : qui humeris tuis ovem perditam reduxisti ad caulas, et Publicani precess placatus exaudisti ; tu etiam, Domine, his famulis tuis placare ; tu horum precibus benignus assiste ; ut in confessione flebili permanentes, clementiam tuam celeriter exorent, ac sanctis altaribus restituti, spei rursus æternæ, ac cœlesti gloriæ reformatur. Qui vivis et regnas cum Deo Patre in unitate Spiritus sancti Deus, per omnia sacula sæculorum. ¶. Amen.

OREMUS.

Deus, humani generis benignissime conditor, et misericordissime reformator, qui hominem invidia diaboli ab æternitate dejectum, unici Filii tui sanguine redemisti, vivifica hos famulos tuos, quos

tibi nullatenus mori desideras ; et qui non derelinquis devios , assume correctos ; moveant pietatem tuam, quæsumus , Domine, horum famulorum tuorum lacrymosa suspiria ; tu eorum medere vulneribus ; tu jacentibus manum porrige salutarem, ne Ecclesia tua aliqua sui corporis portione vastetur ; ne grex tuus detrimentum sustineat ; ne de familiæ tuæ damno inimicus exultet, ne renatos lavacro salutari mors secunda possideat. Tibi ergo , Domine , supplices fundimus preces, tibi fletum cordis effundimus ; tu parce confitentibus , ut imminentibus poenitentiam futuri judicii, te miserante, non incident ; nesciant quod terret in tenebris, quod stridet in flammis, atque ab erroris via ad iter reversi justitiae, nequaquam ultra novis vulneribus saudentur , sed integrum sit eis ac perpetuum , et quod gratia tua contulit, et quod misericordia reformavit. Per eumdem Christum Dominum nostrum. R. Amen.

OREMUS.

Deus misericors, Deus clemens, Deus qui, secundum multitudinem miserationum tuarum, peccata poenitentium deles et præteriorum criminum culpas venia remissionis evacuas : respice propitius super hos famulos tuos, et remissionem sibi omnium peccatorum suorum tota cordis confessione poscentes, deprecatus exaudi. Renova in eis, piissime Pater, quidquid terrena fragilitate corruptum, vel quidquid diabolica fraude violatum est ; et unitati corporis Ecclesiæ membrum redemptionis annecte. Miserere, Domine, gemitum, miserere lacrymarum eorum ; et non habentes fiducianu nisi in misericordia tua, ad tuæ Sacramentum reconciliationis admitte. Per Christum Dominum nostrum. R. Amen.

OREMUS.

Majestatem tuam supplices deprecamur, omnipotens æterne Deus, ut his famulis tuis, longo squalore poenitentiæ maceratis, miserationis tuae veniam largiri digneris; ut, nuptiali veste recepta, ad regalem mensam, unde ejecti fuerant, mereantur introire. Per Christum Dominum nostrum. **P. Amen.**

ABSOLUTIO.

Dominus Jesus Christus, qui totius mundi peccata sui traditione atque immaculati Sanguinis effusione dignatus est expurgare, quique discipulis suis dixit: Quæcumque ligaveritis super terram, erunt ligata et in cœlis, et quæcumque solveritis super terram, erunt soluta et in cœlis: de quorum numero me, quamvis indignum, ministrum esse voluit, intercedente Dei Genitrice Maria, et beato Michaeli Archangelo, et sancto Petro Apostolo, cui data est potestas ligandi ac solvendi, et omnibus Sanctis; ipse per ministerium meum ab omnibus peccatis vestris, quæcumque aut cogitatione, aut locutione, vel operatione negligenter egistis, vos absolvat sancti sui Sanguinis interventione, qui in remissionem peccatorum effusus est; atque a vinculis peccatorum absolutos perducere dignetur ad regna cœlorum. Qui cum Deo Patre et Spiritu sancto vivit et regnat in sæcula sæculorum. **P. Amen.**

Tunc Pontifex aspergat eos aqua benedicta, et thurificat eos, dicens:

Exurgite qui dormitis, exurgite à mortuis, et illuminabit vos Christus.

Ultimo dat eis indulgentiam, prout sibi placuerit. Qua data, manibus elevatis, et supra illos extensis, dicit solemnem Benedictionem:

Precibus et meritis beatæ Mariæ semper virginis, beati Michaelis Archangeli, beati Joannis Baptiste,

sanctorum Apostolorum Petri et Pauli, et omnium Sanctorum misereatur vestri omnipotens Deus, et dimissis omnibus peccatis vestris perducat vos ad vitam æternam. **R. Amen.**

Indulgentiam, absolutionem, et remissionem omnium peccatorum vestrorum tribuat vobis omnipotens, et misericors Dominus. **R. Amen.**

Ultimo benedicit eis, dicens :

Benedicat vos omnipotens Deus, Pa†ter, et Fi†lius, et Spiritus † sanctus. **R. Amen.**

Quo facto, crines et barbam quam nutrieran, deponunt; et vestibus pænitentialibus dimissis, se cultioribus et mundioribus induunt.

DE OFFICIO

IN FERIA QUINTA COENÆ DOMINI,

CUM BENEDICITUR OLEUM CATECHUMENORUM ET INFIRMORUM,
ET CONFICITUR CHRISMA.

Hac die singulis annis benedicitur Oleum Catechumenorum et Infirmorum, et conficitur Chrisma. Mane itaque Sacrista, vel ille ad quem spectat, omnia quæ ad Oleorum benedictionem et Chrismatis confectionem necessaria sunt, parat, videlicet : Tres ampullas oleo mundissimo plenas quas in sacrario ponit, et diligenter custodit : unam ad Oleum Infirorum, aliam ad Oleum Catechumenorum, tertiam quæ major sit, ad Chrisma, et hæc tertia cooperiri debet de panno sericeo albo ; prima autem et secunda de sericeo panno alterius coloris sint coopertæ ; Duas mappulas mundas, sive vela, pro Diaconis qui ampullas oleorum pro Chrismate et oleo Catechumenorum de sacristia ad Chorum portare debent ; et ultra hæc sedem, seu faldistorium, et credentiam

consuetam. Paratur etiam alia sedes in presbyterio ab opposito altaris, juxta gradus circa finem presbyterii; et ante ipsam sedem versus altare paratur mensa mappis ornata, quæ sit juxta sedem, inter ipsam et altare. Juxta dictam sedem hinc et inde, magis tamen ad finem presbyterii, posita sint scamna pro duodecim Sacerdotibus, ita ut ibidem sedentes facies vertant ad altare.

Deinde hora competenti Pontifex venit ad Ecclesiam, ubi parat se ad Missam omnibus Pontificalibus ornamentis pretiosis albi coloris. Parant se etiam ministri Pontificis, et ultra illos duodecim Presbyteri, septem Diaconi, septem Subdiaconi, Acolyti, et alii necessarii, omnes vestibus albi coloris Ordini suo congruentibus. Quibus omnibus paratis, procedunt ad altare processionaliter, hoc modo :


In primis procedit thuriferarius, quem sequuntur duo ceroferarii; post hos septem Subdiaconi, bini et bini, et in tertio loco tres simul vadunt; tum septem Diaconi, etiam bini et bini, et in tertio loco tres: post hos duodecim Presbyteri, bini et bini, quos sequitur Subdiaconus librum Evangeliorum portans ante pectus, cum manipulo in eo reposito; deinde Diaconus, et a dextris ejus Capellanus Assistens, quos demum Pontifex sequitur incedens medius inter duos digniores Canonicos Ecclesiæ, aut in dignitate constitutos, si Pontifex sit in Ecclesia sua, alioquin ibit medius inter Diaconum et Assistentem. Et si Pontifex sit Archiepiscopus, vel Patriarcha, et in Ecclesia sua, portatur etiam in hujusmodi processione crux per unum ex ministris ad hoc ordinatum, qui medius inter ceroferarios incedit.

Duodecim Presbyteri suo ordine juxta sedilia, in fine presbyterii posita, hinc et inde stabunt, vel se-debunt, aut genuflectent, prout tempus postulabilis,

facies semper ad altare vertentes; post eos stabunt septem Diaconi, et post Diaconos septem Subdiaconi in gradibus presbyterii. Pontifex vero, postquam ante altare pervenerit, facit Confessionem; incipitur Introitus, et proceditur in Missa more consuelo, usque ad illum locum Canonis, ubi dicitur:

Per quem hæc omnia, Domine, semper bona creas, exclusive.

Priusquam ergo Pontifex verba ipsa dicat, facta reverentia Sacramento in altari consecrato, retrahit se ad partem Epistolæ altaris, ubi super alium Calicem vacuum abluit digitos, et ad purificatorium extergit, et ablutio usque post communionem Pontificis reservatur. Tum facta iterum Sacramento reverentia, descendit primum gradum altaris, et ibidem accepta mitra, vadit ad dictam sedem sibi paratam in presbyterio, ab opposito altaris; et sedet super ipsam, versa facie ad altare, dictam mensam ante se habens, circumstantibus ministris, Sacerdotibus, et aliis paratis prædictis, in suis locis manentibus. Tunc Archidiaconus stans apud Pontificem dicit alta voce in tono Lectionis:



0-le-um in-fir-mo-rum.

Et mox unus Subdiaconus ex septem paratis prædictis cum duobus Acolythis, hinc et inde associatus, vadit ad sacristiam, ubi accipiens ampullam olei, quod pro infirmis consecrari debet, coopertam, ut invenit, portet eam sinistro brachio circumdatam ante Pontificem, ubi eam tradit in manibus Archidiaconi, plane dicens:

Oleum infirmorum.

Archidiaconus præsentat illam Pontifici ad benedicendum, idem dicens, collocans eam coram eo supra mensam supradictam.

Pontifex surgens cum mitra exorcizat et benedicit illud voce demissa, ita tamen quod a circumstantibus Sacerdotibus audiri possit, absolute dicens :

Exorcizo te, immundissime spiritus, omnisque incursio satanæ, et omne phantasma. In nomine Patris, et Filii, et Spiritus sancti; ut recedas ab hoc oleo, ut possit effici unctio spiritalis ad corroborandum templum Dei vivi; ut in eo possit Spiritus sanctus habitare, per nomen Dei Patris omnipotentis, et per nomen dilectissimi Filii ejus Domini nostri Jesu Christi, qui venturus est judicare vivos et mortuos, et sæculum per ignem.
¶. Amen.

Deinde, deposita mitra, benedicit ipsum Oleum, dicens eadem voce :


†. Dominus vobiscum. ¶. Et cum spiritu tuo.

OREMUS.

Emitte, quæsumus Domine, Spiritum sanctum tuum paraclitum de cœlis in hanc pinguedinem olivæ, quam de viridi ligno producere dignatus es, ad refectionem mentis et corporis; ut tua sancta bene dictione, sit omni hoc unguento cœlestis medicinæ peruncto, tutamen mentis et corporis, ad evacuandos omnes dolores, omnes infirmitates, omnemque ægritudinem mentis et corporis, unde unxisti Sacerdotes, Reges, Prophetas et Martyres; sit Chrisma tuum perfectum, Domine, nobis a te benedictum, permanens in visceribus nostris. In nomine Domini nostri Jesu Christi.


His explétis, Oleum ipsum eo modo, quo appor-tatum fuit, ad sacrarium reportatur et diligentissime conservatur. Tunc Pontifex, reassumpta mitra, sedet, et lavat manus; tum surgit, et cum mitra, et cum ministris suis (cæteris Sacerdotibus et aliis pa-

ratis in locis suis manentibus) accedit usque ad gradum altaris, ubi, deposita mitra, facit reverentiam Sacramento; tum ascendit ad altare, et incipiens ubi dimiserat, videlicet, Per quem hæc omnia etc. procedit in Missa usque ad communionem Corporis et Sanguinis inclusive, quam Pontifex ipse solus sumit. Quo facto, Diaconus ponit Hostiam consecratam pro crastina die reservandam in Calicem, seu vasculum ad hoc paratum, et reverenter collocat ipsam super medium altaris. Deinde Pontifex communicat Diaconum et Subdiaconum, ac alios de Clero, et postquam se purificaverit, ac etiam primam digitorum ablutionem ex alio Calice sumpserit, facta reverentia Sacramento in altari posito, in secundo gradu altaris mitram accipit, et reddit ad predictam sedem cum ministris suis et aliis Assistantibus, eo ordine quo præmissum est, et ibi cum mitra sedet. Tunc Archidiaconus stans apud Pontificem dicit alta voce in tono Lectionis :



O-le-um ad sanctum Chrisma.

Et mox eadem voce, in tono subjungit :



O-le-um Ca-te-chu-me-no-rum.

Quo dicto, oblato Pontifici thuribulo, Pontifex imponit incensum et benedicit more solito. Tum duodecim Presbyteri, septem Diaconi, et septem Subdiaconi parati prædicti, et alii ministri, quot necessarii fuerint, eo ordine quo venerunt, pergunt ad sacrarium ad deferendum cum omni decore et reverentia Oleum Chrismale et Oleum Catechumenorum, ministris tamen Pontificis cum eo remanentibus. Incedunt autem redeuntes ad Chorum cum


ampullis, hoc ordine : Primo thuriferarius cum thuribulo fumigante, quem sequitur Subdiaconus crucem deferens, medius inter duos Acolybos cum cereis ardentibus ; tum duo Cantores cantantes Versus : O Redemptor, ut infra habentur; quos sequuntur. bini et bini Subdiaconi et Diaconi ; deinde unus Subdiaconus portans vasculum cum balsamo ; tum duo Diaconi ampullas olei ad sanctum Chrisma et pro oleo Catechumenorum portantes, qui habent mappulas mundas, sive vela ad collum, quorum extremitates ante pectus dependent, tenentes ipsas ampullas sinistris brachiis circumdatas, et extremitatibus mappularum, quæ a dextris dependent, involutas et coopertas, ita tamen ut a medio supra videri possint. Diaconus autem, qui Oleum ad sanctum Chrisma portat, a dextris vadit ; hos sequuntur duodecim Sacerdotes, Diaconi, et Subdiaconi prædicti, bini et bini. Quibus sic a sacristia versus Pontificem procedentibus, duo Cantores prædicti cantant Versus sequentes :

O Redemptor, su-me car-men te-me
con-ci-nen-ti-um.

Et Chorus idem replicat. Deinde dicti duo Cantores prosequuntur sequentes versus :


Audi ju-dex mortu-o- rum, u-na spes
morta-li-um, audi vo- ces profe-rentum do-num
pa- cis præ-vi-um.

Chorus repetit versum :




O Redemptor.


Deinde dicti duo Cantores prosequuntur versum :



Ar-bor fœ-ta al-ma lu-ce hoc sacrandum




pro-tu-lit: fert hoc pro-na præ-sens tur-ba Sal-




va-to- ri sæcu-li.

Chorus repetit versum :




O Redemptor.


Tum illi duo Cantores prosequuntur versum :



Stans ad a-ram immo supplex infu-latus




Pontifex, debi-tum persolvit om-ne, con-se-



cra- to Chrismate.

Chorus repetit versum :



O Redemptor.

Deinde illi duo Cantores prosequuntur versum :

Con-se-cra-re tu dig-na-re, Rex pe-re-nis
pa-tri-æ, hoc o-li-vum, signum vivum, ju-ra
con-tra dæmo-num.

Chorus repetit versum.

O Redemptor.

His igitur ordine præmisso in Presbyterium Ecclesiæ cantando versus præmissos pervenientibus, Crux cum candelabris et incenso situatur prope altare, juxta cornu Epistolæ; Archidiaconus, Diaconus, et Subdiaconus, ministrantes sint circa Pontificem, hinc et inde; Sacerdotes vero duodecim parati juxta eos duo cornua faciunt, sex hinc, et sex illinc, vertentes faciem ad altare, a lateribus assistentes Pontifici, tamquam ejus testes et ministerii sacri Chrismatis cooperatores. Diaconi vero post tergum Pontificis, et post eos, Subdiaconi parati stant, tamquam ministri ei inspectores. Interim Diaconi ampullas olei Chris-matis et olei Catechumenorum portantes, et Subdiaconus cum balsamo subsistunt, quousque prædicti in suis locis fuerint ordinati. Omnibus itaque dispositis, Diaconus ampullam olei Chris-matis ferens venit ante Pontificem, et Archidiaconus illam involutam cum mappula, quam Diaconus ipse circa collum portavit, de manu ejus accipiens, eam sic involutam ostendit Pontifici

sedenti, et illam super mensam ante Episcopum positam collocat diligenter, alio Diacono ampullam aliam assidue inter brachia tenente. Tunc Subdiaconus vasculum cum balsamo portans, illud tradit Archidiacono, qui balsamum Pontifici similiter ostendens ipsum supra mensam collocat. Tum Pontifex, deposita mitra, surgit, et versus ad altare, habens ante se super mensam ampullam olei Chrismalis et balsamum, ante omnia benedicit ipsum balsamum, dicens :

¶. Dominus vobiscum. ¶. Et cum spiritu tuo.

OREMUS.

Deus, mysteriorum cœlestium et virtutum omnium præparator, nostras quæsumus preces exaudi, hanc odoriferam sicci corticis lacrymam (quæ felicis virgæ profluendo sudorem, Sacerdotali nos opimat unguento) acceptabilem tuis præsta mysteriis, et concessa benedictione sancti † fica. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶. Amen.

OREMUS.

Creaturarum omnium Domine procreator, qui per Moysen famulum tuum permixtis herbis aromatum fieri præcepisti sanctificationem unguenti; clementiam tuam suppliciter deposcimus, ut huic unguento, quod radix produxit stirpea, spiritualem gratiam largiendo, plenitudinem sancti † ficationis infandas. Sit nobis, Domine, fidei hilaritate conditum; sit sacerdotalis unguenti Chrisma perpetuum; sit ad cœlestis vexilli impressionem dignissimum; ut quicumque Baptismate sacro renati isto fuerint liquore peruncti, corporum atque animarum benedictionem plenissimam consequantur, et beatæ fidei collato munere perenniter amplientur. Per Domi-

num nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Deinde accepta mitra, stans adhuc Pontifex miscet super Patenam, vel in aliquo parvo rasculo balsamum cum modico olei de ampulla Chrismali sumpti, dicens :

Oremus Dominum Deum nostrum omnipotentem, qui incomprehensibilem unigeniti Filii sui sibique coæterni divinitatem mirabili dispositione veræ humanitati inseparabiliter conjunxit, et cooperante gratia Spiritus sancti, oleo exultationis præ participibus suis linivit, ut homo, fraude diaboli perditus, gemina et singulari constans materia, perrenni redderetur, de qua exciderat, hereditati; quatenus hos ex diversis creaturarum speciebus liquores creatos sanctæ Trinitatis perfectione bene † dicat, et benedicendo sancti † facet, concedatque, ut simul permixti unum fiant; et quicumque exterius inde perunctus fuerit, ita interius liniatur, quod omnibus sordibus corporalis materiæ carens, se participem regni cœlestis effici gratuletur. Per eumdem Dominum nostrum Jesum Christum Filium suum, qui cum eo vivit et regnat in unitate ejusdem Spiritus sancti Deus, per omnia sæcula sæculorum. ¶ Amen.

Quo facto, sedet Pontifex, retenta mitra, et halat plane tertio, in modum Crucis, super os ampullæ Chrismalis involutæ ante se super mensam stantis. Deinde duodecim Sacerdotes parati, qui juxta eum sunt, ordinatim facientes reverentiam Sacramento in altari posito et Pontifici, ad mensam prædictam accedunt, et stantes ante eam singuli successive eodem modo, ut Pontifex fecerat, in modum Crucis super os ampullæ prædictæ

halant. Tum reverentiam, ut supra, facientes, ad loca sua revertuntur. Quo facto, surgit Pontifex et stans, cum mitra, legendo dicit exorcismum Chrismalem, absolute dicens :

BENEDICTIO CHRISMATIS.

Exorcizo te, creatura olei, per Deum Patrem omnipotentem, qui fecit cœlum et terram, mare, et omnia quæ in eis sunt, ut omnis virtus adversarii, omnis exercitus diaboli, omnisque incursio, et omne phantasma satanæ eradicetur et effugetur a te ; ut fias omnibus, qui ex te ungendi sunt, in adoptionem filiorum per Spiritum sanctum. In nomine Dei Patris omnipotens, et Jesu Christi Filii ejus Domini nostri, qui cum eo vivit et regnat Deus, in unitate ejusdem Spiritus Sancti.

Deinde, deposita mitra, extensis manibus ante pectus, dicit Præfationem.

Per omnia sæcula sæculorum. *R. Amen.*

V. Dominus vobiscum. R. Et cum spiritu tuo.

V. Sursum corda. R. Habemus ad Dominum.

V. Gratias agamus Domino Deo nostro. R. Dignum et justum est.

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus. Qui in principio, inter cætera bonitatis tuæ munera, terram producere fructifera ligna jussisti, inter quæ bujus pinguissimi liquoris ministræ olivæ nascentur, quarum fructus sacro Chrismati deserviret. Nam et David prophetico spiritu gratiæ tuæ Sacra-menta prænoscens, vultus nostros in oleo exhila-randos esse cantavit : et cum mundi crimina diluvio

quondam expiarentur effuso, similitudinem futuri muneris columba demonstrans per olivæ ramum, pacem terris redditam nuntiavit. Quod in novissimis temporibus manifestis est effectibus declaratum, cum Baptismatis aquis omnium criminum commissa delentibus, hæc olei unctionis vultus nostros jucundos efficit ac serenos. Inde etiam Moysi famulo tuo mandatum dedisti, ut Aaron fratrem suum prius aqua lotum per infusionem hujus unguenti constitueret Sacerdotem. Accessit ad hoc amplior honor, cum Filius tuus Jesus Christus Dominus noster lavari se a Joanne undis Jordanicis exegisset; ut Spiritu sancto in columbæ similitudine desuper misso, Unigenitum tuum, in quo tibi optime complacuisse testimonio subsequentis vocis ostenderes, et hoc illud esse manifestissime comprobares, quod eum oleo lætitiae præ consortibus suis ungendum David Propheta cecinisset. Te igitur deprecamur, Domine sancte, Pater omnipotens, æterne Deus, per eumdem Jesum Christum Filium tuum Dominum nostrum, ut hujus creaturæ pinguedinem sancti fæcilem tua bene dictione digneris, et sancti Spiritus ei admiscere virtutem, cooperante Christi Filii tui potentia, a cuius nomine sancto Chrisma nomen accepit, unde unxisti Sacerdotes, Reges, Prophetas et Martyres; ut spiritualis lavacri Baptismo renovandis, creaturam Chrismatis in Sacramentum perfectæ salutis vitæque confirmes; ut sanctificatione unctionis infusa, corruptione primæ nativitatis absorpta, sanctum uniuscujusque templum acceptabilis vitæ innocentiæ odore redolescat; ut secundum constitutionis tuæ sacramentum, regio et sacerdotali, propheticoque honore perfusi, vestimento incorrupti muneris induantur; ut sit his, qui renati fuerint ex aqua et Spiritu sancto, Chrisma salutis, eosque

æternæ vitæ participes , et cœlestis gloriæ faciat esse consortes.

Quod sequitur dicit submissa voce legendo, ita tamen, quod a circumstantibus audiri possit :

Per eumdem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus , per omnia sæcula sæculorum. R. Amen.

Præfatione hujusmodi finita, Pontifex balsamum illo modico oleo ex ampulla Chrismali sumpto mixtum commiscet sancto Chrismati, reponens ipsum in ampullam Chrismalem, et dicens :

Hæc commixtio liquorum fiat omnibus ex ea perunctis propitiatio et custodia salutaris in sæcula sæculorum. R. Amen.

Tum Diaconus, qui ampullam Chrismalem de sacristia portavit, deponit mappulam, sive velum de ipsa ampulla, dimissa ei sua serica ueste alba, quam antea habebat, et Pontifex capite inclinato, salutat Chrisma dicens :



A-ve sanctum Chrisma.

Et hoc secundo , et tertio facit , semper altius dicendo ; quod postquam tertio dixerit, osculatur labium ampullæ; quo facto, sedet Pontifex, et accipit mitram. Tum singuli duodecim Sacerdotes parati prædicti accedunt successive per ordinem ad mensam , supra quam posita est ampulla Chrismatis, et factis reverentiis Sacramento in altari posito et Pontifici, tertio in varia distantia genuflectunt coram ampulla, qualibet vice semper altius dicendo in tono prædicto :



A-ve sanctum Chrisma.

Quo tertio dicto, labium ampullæ reverenter osculantur, et ad sua loca revertuntur. Quo peracto, ampulla in uno latere mensæ prædictæ collocatur. Et mox Diaconus aliam ampullam sua ueste coopertam cum oleo Catechumenorum ferens, accedit ad præsentiam Pontificis, et ampullam ipsam sine mappula, quam Diaconus ipse circa collum retinet, tradit Archidiacono, qui illam suscipiens eam ostendit Pontifici, et collocat supra mensam prædictam, in medio ante Pontificem; super quam ampullam statim tam ipse Pontifex, quam etiam duodecim Presbyteri prædicti halant, prout supra de ampulla Chrismatis factum est. Quo facto, Pontifex surgens cum mitra submissa voce legendo absolute exorcismum olei Catechumenorum, dicit.

BENEDICTIO OLEI CATECHUMENORUM.

Exorcizo te, creatura olei. In nomine Dei Patris omnipotentis, et in nomine Jesu Christi et Spiritus sancti, ut in hac invocatione individuae Trinitatis, atque unius virtute Deitatis, omnis nequissima virtus adversarii, omnis inveterata malitia diaboli, omnis violenta incursio, omne confusum et cæcum phantasma eradicetur, et effugetur, et discedat a te; ut divinis Sacramentis purificata fias in adoptionem carnis et spiritus, eis qui ex te ungredi sunt, in remissionem omnium peccatorum; ut efficiantur eorum corpora ad omnem gratiam spiritualem accipiendo sanctificata. Per eundem Dominum nostrum Jesum Christum, qui venturus est judicare vivos et mortuos, et sæculum per ignem. ¶ Amen.

Deinde deposita mitra, Pontifex stans benedicit dictum oleum Catechumenorum eadem voce dicens;

¶. Dominus vobiscum. ¶. Et cum spiritu tuo.

OREMUS.


Deus, incrementorum omnium et profectuum spiritualium remunerator, qui virtute sancti Spiritus imbecillarum mentium rudimenta confirmas, te oramus, Domine, ut emittere digneris tuam bene dictiōnem super hoc oleum, et venturis ad beatæ regenerationis lavacrum tribuas per unctionem hujus creaturæ purgationem mentis et corporis; ut si quæ illis adversantium spirituum inhæsere maculæ, ad tactum sanctificati olei hujus abscedant; nullus spiritualibus nequitiis locus, nulla refugis virtutibus sit facultas, nulla insidianibus malis latendi licentia relinquatur. Sed venientibus ad fidem servis tuis, et sancti Spiritus tui operatione mundandis, sit unctionis hujus præparatio utilis ad salutem, quam etiam cœlestis regenerationis nativitate in Sacramento sunt Baptismatis adepturi. Per Dominum nostrum Jesum Christum Filium tuum, qui venturus est judicare vivos et mortuos, et sæculum per ignem. ¶. Amen.

Deinde Pontifex, et successive duodecim Sacerdotes prædicti reverenter salutant oleum ipsum, dicentes tertio in tono Lectionis.




A-ve sanctum o-leum.

Et postquam tertio id fecerint, osculantur os ipsius ampullæ, prout supra de Chrismate positum est. His itaque peractis, ambæ ampullæ per dictos duos Diaconos, eo ordine et decore, quo delatae fuerant, ad sacrarium sive sacristiam processionaliter reportantur. Interim dum reportantur, duo præmissi Cantores cantant hos versus.




Ut no-ve-tur sexus omnis uncti-one Chrismatis,
ut sa-ne-tur sauci-a-ta digni-ta-tis glori-a.

Chorus replicat totum versum.




Tum dicti duo Cantores prosequuntur versum:




Lota mente sacro fonte aufugantur crimina,
uncta fron-te sacrosanta in-flu-unt charismata.

Chorus replicat versum:




O Redemptor.

Deinde dicti duo Cantores prosequuntur versus:



Corde natus ex parentis alvum implens Vir-
ginis, præsta lu-cem, claude mortem Chrisma-
tis consorti-bus.

Chorus replicat versum.



O Redemptor.

*Quo replicato, dicti duo Cantores prosequuntur
versum :*

Sit hæc di-es fes-ta nobis sæcu-lorum
sæ-cu-lis : sit sa-cra-ta digna laude, nec se-
nes- cat tempore.

Chorus replicat versum.

O Redemptor.

Vetus autem Chrisma, et oleum Catechumenorum ac infirmorum si quod remanserat in ampullis, ponitur in lampadibus Ecclesiæ ante Sacramentum, ut comburatur. Reliquum autem, quod est in pyxidibus, sive capsulis cum bombyce, igni comburitur; et novum deinde cum nova bombyce in pyxidibus, sive capsulis imponitur. Interim dum Chrisma et oleum Cathecumenorum ad sacristiam portantur, Pontifex sedens cum mitra lavat manus, deinde reddit ad altare, prosequitur Missam, ut in Missali habetur, et dicto Ite Missa est, dat benedictionem, et dicens Evangelium sancti Joannis, accedit ad faldistorium, ubi sedet cum mitra, et jubet Presbyteros attente, ut juxta Canonum traditionem Chrisma et olea fideliter custodiant, et nulli sub praetextu medicinæ vel malefici tradere præsumant, alioquin honore priventur.

ORDO AD SYNODUM.

Sacerdotes et Clerici universi qui ad Synodum de jure vel consuetudine venire tenentur, conveniunt in civitate, vel alio loco, prout Pontifex ordinaverit.

Prima autem die Synodi Pontifex summo mane cappam indutus, ab universo Clero cum superpelliceis comitatus, ad Ecclesiam pergit; paratur in sede; celebrat Missam de Spiritu sancto, et praebet Clero sacram Communionem. Qua finita, paratur faldistorium ante medium altaris, juxta inferiorem gradum, per quem ad altare ascenditur; et alia sedes in plano altaris (poterit tamen faldistorium suo tempore, loco secundæ sedis, cum tempus erit, poni). Pontifex vero supra rochetum vel si sit Regularis, supra superpellicium amictu, stola, pluviali rubeo, et mitra pretiosa induitur, quibus paratus, baculum Pastoralem manuferens, accedit coram altari; Diacono et Subdiacono paratis rubeis ornamentis, ac si in Missa servire deberent, ipsum hinc et inde associantibus, et ibi ante faldistorium sibi paratum genuflexus, deposita mitra, incipit, schola prosequente, Antiphonam:

Exaudi nos Domine, quoniam benigna est misericordia tua: et secundum multitudinem miserationum tuarum respice nos, Domine.

PSALMUS 68.

<i>Salvum me fac Deus: * quoniam intraverunt aquæ usque ad animam meam.</i>	<i>Pontifex, accepta mitra, et sic manet quousque finiatur Psalmus, et Antiphona repetatur</i>
---	--

Incepto Psalmo, sedet

Infixus sum in limo pro-

fundi : * et non est substantia.

Veni in altitudinem maris : * et tempestas demersit me.

Laboravi clamans , raucae factae sunt fauces meae : * defecerunt oculi mei , dum spero in Deum meum.

Multiplicati sunt super capillos capitis mei , * qui oderunt me gratis.

Confortati sunt qui persecuti sunt ne inimici mei injuste : * quae non rapui , tunc exolvebam.

Deus tu scis insipientiam meam : * et dilecta mea a te non sunt abscondita.

Non erubescant in me qui expectant te Domine , * Domine virtutum.

Non confundantur super me : * qui querunt te , Deus Israel.

Quoniam propter te sustinui opprobrium : * operuit confusio faciem meam.

Extraneus factus sum fratribus meis , * et peregrinus filiis matris meae.

Quoniam zelus domus tuae comedit me : * et probria exprobriatum tibi ceciderunt super me.

Et operui in jejunio animam : * et factum est in opprobrium mihi.

Et posui vestimentum meum cilicium : * et factus sum illis in parabolam.

Adversum me loquebantur qui sedebant in porta : * et in me psallebant qui bibeant vinum.

Ego vero orationem meam ad te , Domine : * tempus beneplaciti , Deus.

In multitudine misericordiae tuae exaudi me , * in veritate salutis tuae.

Eripe me de luto ut non infigar , * libera me ab iis qui oderunt me , et de profundis aquarum.

Non me demergat tempestas aquae , neque absorbeat me profundum : * neque urgeat super me puteus os suum.

Exaudi me , Domine . quoniam benigna est misericordia tua : * et secundum multitudinem miserationum tuarum respice in me.

Et ne avertas faciem tuam a puero tuo : * quoniam tribulor , velociter exaudi me.

Intende animae meae , et libera eam : * propter inimicos meos eripe me.

Tu scis improperium meum, et confusionem meam, * et reverentiam meam.

In conspectu tuo sunt omnes qui tribulant me : * improperium expectavit meum et miseriam.

Et sustinui qui simul contristaretur, et non fuit : * et qui consolaretur, et non inveni.

Et dederunt in escam meam fel : * et in siti mea potaverunt me aceto.

Fiat mensa eorum coram ipsis in laqueum, * et in retribuciones, et in scandalum.

Obscurentur oculi eorum ne videant : * et dorsum eorum semper incurva.

Effunde super eos iram tuam : * et furor iræ tuæ comprehendat eos.

Fiat habitatio eorum deserta : * et in tabernaculis eorum non sit qui inhabitet.

Quoniam quem tu percussisti, persecuti sunt : * et super dolorem vulnerum meorum addiderunt.

Appone iniquitatem super iniquitatem eorum : * et

Finito Psalmo, et repetita Antiphona, Pontifex surgit, deposita mitra, et versus ad altare, dicit :

non intrent in justitiam tuam.

Delean tur de libro viventium : * et cum justis non scribantur.

Ego sum pauper et dolens : * salus tua Deus suscepit me.

Laudabo nomen Dei cuni cantico : * et magnificabo eum in laude.

Et placebit Deo super vitulum novellum, * cornua producentem et ungulas.

Videant pauperes et lætentur : * quærite Deum et vivet anima vestra.

Quoniam exaudiuit pauperes Dominus : * et vincitos suos non despexit.

Laudent illum cœli et terra, * mare, et omnia reptilia in eis.

Quoniam Deus salvam faciet Sion : * et ædificabuntur civitates Judæ.

Et inhabitabunt ibi : * et hereditate acquirent eam.

Et semen servorum ejus, possidebit eam : * et qui diligunt nomen ejus, habitabunt in ea.

Gloria Patri. Sicut erat etc.

Adsumus , Domine sancte Spiritus , adsumus , peccati quidem immanitate detenti , sed in nomine tuo specialiter aggregati : veni ad nos , adesto nobis ; dignare illabi cordibus nostris : doce nos , quid agamus ; quo gradiamur , ostende ; quid efficiamus , operare. Esto solus et suggestor et effector judiciorum nostrorum , qui solus cum Deo Patre et ejus Filio nomen possides gloriosum : non nos patiaris perturbatores esse justitiae , qui summe diligis æquitatem ; ut sinistrum nos non ignorantiae trahat ; non favor inflectat ; non acceptio muneris vel personæ corrumpat : sed junge nos tibi efficaciter solius tuæ gratiæ dono , ut simus in te unum , et in nullo deviemus a vero ; quatenus in nomine tuo collecti , sic in cunctis teneamus cum moderamine pietatis justitiam , ut hic a te in nullo dissentiat sententia nostra , et in futuro pro bene gestis consequamur præmia sempiterna.

Respondetur ab omnibus Amen.

OREMUS.

Omnipotens sempiterne Deus , qui misericordia tua nos incolumes in hoc loco specialiter aggregasti ; mentes nostras , quæsumus , Paraclitus , qui a te procedit , illuminet , et inducat in omnem , sicut tuus promisit Filius , veritatem ; cunctosque in tua fide , et charitate corroboret ; ut excitati a temporali synodo , proficiamus ad æternæ felicitatis augmentum. Per eumdem Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus , per omnia sæcula sæculorum. ¶. Amen.

Finita Oratione . Pontifex , accepta mitra , procumbit supra faldistorium prædictum , aliis omnibus genuflectentibus ; et Cantores dicunt Litanias , prout habentur supra , pag. 29. Et postquam dictum fuerit :

Ut omnibus fidelibus defunctis etc. R. Te rogamus audi nos.

Pontifex surgit, et baculum pastoralem in sinistra tenens, stans versus ad Synodum, dicit :

Ut hanc præsentem Synodum visitare, dispone-re, et bene † dicere digneris. R. Te rogamus audi nos.

Producens signum crucis pariter super omnes: quo facto, iterum accumbit, Cantoribus Litanias perfcientibus. Quibus dictis, surgunt omnes, et Pontifex, deposita mitra, dicit stans versus ad altare, Oremus.

Et ministri : Flectamus genua. R. Levate.

Da, quæsumus, Ecclesiæ tuæ, misericors Deus. ut Spiritu sancto congregata, secura tibi devotione servire mereatur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. R. Amen.

Deinde Pontifex, accepta mitra, ascendit ad se-dem sibi paratam in plano altaris, ita ut in ea sedens dorsum suum vertat ad altare. Et imponit incensum in thuribulum, et benedicit more solito. Diaconus dalmatica indutus, præcedentibus thuri-ferario, et duobus ceroferariis, et Subdiacono tunicella induito, paramentis rubeis, benedictione accepta a Pontifice, cantat in loco convenienti.

Sequentia sancti Evangelii † secundum Lucam.

Cap. 9.

In illo tempore : Convocatis Jesus duodecim Apostolis, dedit illis virtutem et potestatem super omnia dæmonia, et ut languores curarent. Et mi-sit illos prædicare regnum Dei, et sanare infirmos. Et ait ad illos : Nihil tuleritis in via, neque vir-

gam, neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, et inde ne exeat. Et quicumque non receperint vos, exeentes de civitate illa, etiam pulverem pedum vestrorum excutite in testimonium super illos. Egressi autem circuibant per castella evangelizantes et curantes ubique.

Quo finito, liber Evangeliorum apertus per Subdiaconum portatur Pontifici per eum osculandus, qui et deinde incensatur. Quo facto, Pontifex ipse ante sedem suam prædictam, deposita mitra, versus ad altare, atque alii omnes in locis suis genuflectunt. Tum Pontifex sic genuflexus incipit cantando, schola prosequente, Hymnum Veni creator.

Et dicitur totus, prout habetur supra, pag. 50. Finito primo versu, Pontifex surgit, stans versus ad altare, sine mitra, usque ad finem Hymni; similiter omnes alii cum Pontifice surgunt. Expletio Hymno, omnes sedent in silentio, et Pontifex, accepta mitra, sedens in sede prædicta supra, in plano altaris posita, eos, si placet, in hanc sententiam alloquitur.

Venerabiles consacerdotes, et fratres nostri charissimi, præmissis Deo precibus, oportet ut ea, quæ de divinis officiis, vel sacris Ordinibus, aut etiam de nostris moribus, et necessitatibus ecclesiasticis a nobis conferenda sunt, cum charitate et benignitate unusquisque vestrum suscipiat, summaque reverentia, quantum valet, Domino adjuvante, percipiat, vel quæ emendatione digna sunt, omni devotione unusquisque fideliter studeat emendare: et si cui forte quod dicetur, aut agetur, displiceat, sine aliquo scrupulo contentionis, palam coram omnibus conferat: quatenus Domino mediante, et hoc ad optimum statum perveniat; ita

ut nec discordans contentio ad subversionem justitiae locum inveniat, neque iterum in perquирenda veritate vigor nostri ordinis vel sollicitudo tepescat.

Post allocutionem hujusmodi, vel, prius, prout magis placuerit Pontifici, fit per aliquem virum doctum idoneum sermo, in quo tractatur de disciplina Ecclesiastica, de divinis mysteriis, et de correctione morum in Clero secundum ea quae Pontifici videbuntur. Et post sermonem, quærelæ, si quæ sint, audiuntur.

Deinde Archidiaconus ex suggesto alta voce legit decreta sacri Concilii Tridentini de Residentia, et de professione Fidei, quam tunc emittent omnes, qui ad eam tenentur, in manibus Pontificis, juxta formam infra positam; item de eligendis Examinatoribus, qui statim nominantur, et approbantur, et jurant in manibus Pontificis; demum de eligendis Judicibus causarum, qui similiter proponuntur ut supra.

Postremo charitable monentur omnes, quod durante Synodo honeste se habeant in omnibus, et extra; ita quod eorum conversatio ceteris sit merito in exemplum. Quo facto, surgit Pontifex, et solemniter omnibus benedicit, dicens: Sit nomen Domini benedictum etc., more consueto, qua data discedunt omnes.

FORMA JURAMENTI.

Ego N. firma fide credo, et profiteor omnia, et singula, quæ continentur in Symbolo fidei, quo sancta Romana Ecclesia utitur; videlicet, Credo in unum Deum, Patrem omnipotentem, factorem cœli et terræ, visibilium omnium et invisibilium. Et in unum Dominum Jesum Christum, Filium Dei unigenitum. Et ex Patre natum, ante omnia sæcula. Deum de Deo, lumen de lumine, Deum

verum de Deo vero. Genitam , non factum , con-substantialem Patri , per quem omnia facta sunt. Qui propter nos homines, et propter nostram salutem descendit de cœlis. Et incarnatus est de Spiritu sancto ex Maria Virgine : et homo factus est. Crucifixus etiam pro nobis sub Pontio Pilato, passus et sepultus est. Et resurrexit tertia die, secundum Scripturas. Et ascendit in cœlum; sedet ad dexteram Patris. Et iterum venturus est cum gloria judicare vivos et mortuos ; cujus regni non erit finis. Et in Spiritum sanctum Dominum, et vivificantem ; qui ex Patre Filioque procedit. Qui cum Patre et Filio simul adoratur , et conglorificatur : qui locutus est per Prophetas. Et unam sanctam Catholicam et Apostolicam Ecclesiam. Confiteor unum baptisma in remissionem peccatorum. Et expecto resurrectionem mortuorum. Et vitam venturi sæculi. Amen. Apostolicas et Ecclesiasticas traditiones , reliquasque ejusdem Ecclesiæ observationes , et constitutiones firmissime admitto et amplector.

Item sacram Scripturam juxta eum sensum , quem tenuit et tenet sancta mater Ecclesia , cuius est judicare de vero sensu et interpretatione sacra rum Scripturarum , admitto ; nec eam umquam nisi juxta unanimem consensum Patrum accipiam et interpretabor.

Profiteor quoque septem esse vere et proprie Sacra menta novæ legis, a Jesu Christo Domino nostro instituta , atque ad salutem humani generis , licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem et Matrimonium ; illaque gratiam conferre , et ex his Baptismum, Confirmationem , et Ordinem , sine sacrilegio, reiterari non posse. Receptos quoque et approbatos Ecclesiæ Catholicæ ritus , in supradictorum om-

nium Sacramentorum solemni administratione recipio et admitto : omnia et singula quæ de peccato originali , et de justificatione , in Sacrosancta Tridentina Synodo definita et declarata fuerunt , amplector et recipio.

Profiteor pariter in Missa offerri Deo verum , proprium , et propitiatorium sacrificium , pro vivis et defunctis ; atque in sanctissimo Eucharistiæ Sacramento esse vere , realiter et substantialiter Corpus et Sanguinem , una cum anima et divinitate Domini nostri Jesu Christi , fierique conversionem totius substantiæ panis in Corpus , et totius substantiæ vini in Sanguinem , quam conversionem Catholica Ecclesia Transsubstantiationem appellat . Fateor etiam sub altera tantum specie , totum atque integrum Christum , verumque Sacramentum sumi . Constanter teneo Purgatorium esse , animasque ibi detentas fidelium suffragiis juvari . Similiter et Sanctos una cum Christo regnantes , venerandos atque invocandos esse ; eosque orationes Deo pro nobis offerre ; atque eorum reliquias esse venerandas . Firmissime assero imagines Christi , ac Deiparæ semper virginis , necnon aliorum Sanctorum habendas et retinendas esse , atque eis debitum honorem ac venerationem impertiendam . Indulgenciarum etiam potestatem a Christo in Ecclesia relata fuisse ; illarumque usum Christiano populo maxime salutarem esse affirmo . Sanctam , Catholicam , et Apostolicam Romanam Ecclesiam , omnium Ecclesiarum matrem et magistrum agnosco ; Romanoque Pontifici , beati Petri Apostolorum principis successori , ac Jesu Christi Vicario veram obedientiam spondeo , ac juro . Cetera item omnia a sacris Canonibus , et oecumenicis Conciliis , ac præcipue a sacrosancta Tridentina Synodo tradita , definita , et declarata , indubitanter recipio atque

profiteor; simulque contraria omnia, atque hæreses quascumque ab Ecclesia damnatas, et rejectas, et anathematizatas, ego pariter damno, rejicio, et anathematizo. Hanc veram Catholicam fidem, extra quam nemo salvus esse potest, quam in præsenti sponte profiteor, et veraciter teneo, eamdem integrum, et inviolatam, usque ad extremum vitæ spiritum, constantissime (Deo adjuvante) retinere, et confiteri, atque a meis subditis, vel illis, quorum cura ad me in munere meo spectabit, teneri, doceri, et prædicari, quantum in me erit, curaturum. Ego idem *N.* spondeo, voveo, ac juro. Sic me Deus adjuvet, et hæc sancta Dei Evangelia.

Secunda die convenientibus iterum omnibus in Ecclesia, finita Missa, Pontifex, paratus ut supra, procedit coram altari, Diacono et Subdiacono paratis ut supra, ipsum associantibus, et ibi in faldistorio ante medium altaris juxta inferiorem gradum sibi parato genuflexus, deposita mitra, inchoat, schola prosequente Antiphonam :

Propitius esto peccatis nostris, Domine, nequando dicant gentes : Ubi est Deus eorum ?

Finita antiphona, et incepto Psalmo, sedet Pontifex, reassumpta mitra, usque ad finem Psalmi.

PSALMUS 78.

<p>Deus venerunt gentes in hæreditatem tuam, pol- luerunt templum sanctum tuum : * posuerunt Jeru- salem in pomorum custo- diam.</p>	<p>sanctorum tuorum bestiis terræ.</p>
--	--

Effuderunt sanguinem
eorum tamquam aquam
in circuitu Jerusalem : *
et non erat qui sepeliret.

<p>Posuerunt morticina servorum tuorum, escas volatilibus cœli : * carnes</p>	<p>Facti sumus opprobri- um vicinis nostris : * sub- sannatio et illusio h̄is, qui</p>
---	--

in circuitu nostro sunt.

Usquequo Domine irasceris in finem: * accendetur velut ignis zelus tuus?

Effunde iram tuam in Gentes, quæ te non noverunt: * et in regna, quæ nomen tuum non invocaverunt.

Quia comederunt Jacob: * et locum ejus desolaverunt.

Ne memineris iniquitatum nostrarum antiquarum, cito anticipent nos misericordiae tuæ: * quia pauperes facti sumus nimis.

Adjuva nos Deus salutaris noster; et propter gloriam nominis tui, Domine, libera nos: * et propitius esto peccatis nostris, propter nomen tuum.

Ne forte dicant in Gentibus: Ubi est Deus eo-

rum, * et innotescat in nationibus coram oculis nostris,

Ultio sanguinis servorum tuorum, qui effusus est: introeat in conspectu tuo gemitus compeditorum.

Secundum magnitudinem brachii tui, * posside filios mortificatorum.

Et redde vicinis nostris septuplum in sinu eorum: * improprium ipsorum, quod exprobraverunt tibi, Domine.

Nos autem populus tuus, et oves pasuæ tuæ, * confitebimur tibi in seculum.

In generationem et generationem * annuntiabimus laudem tuam.

Gloria Patri. Sicut erat etc.

Deinde finito Psalmo, et repetita Antiphona, Pontifex, deposita mitra, surgit, et stans versus ad altare, dicit :

OREMUS.

Nostrorum tibi, Domine, curvantes genua cordium, quæsumus, ut bonum quod in nobis a te requiritur exequamur; scilicet, ut prompta tecum sollicitudine gradientes, discretionis arduæ subtile judicium faciamus; ac misericordiam diligentes,clareamus studiis tibi placitæ actionis. Per Christum Dominum nostrum. R. Amen.

OREMUS.

Mentibus nostris, quæsumus Domine, Spiritum sanctum benignus infunde, quatenus in nomine tuo collecti, sic in cunctis teneamus cum moderamine pietatis justitiam, ut hic a te in nullo dissentiat voluntas nostra, sed semper rationabilia meditantes, quæ tibi sunt placita, et dictis exequamur, et factis. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶ Amen.

OREMUS.

Et ministri dicunt : Flectamus genua. ¶ Levate.

Deus, qui nos justitiam loqui, et quæ recta sunt, præcipis judicare; tribue nobis, ut neque iniquitas in ore, nec pravitas inveniatur in mente; ut puro cordi purior sermo consentiat, ostendatur in opere justitia, neque appareat dolus in lingua, sed ex corde veritas proferatur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

Post hæc Pontifex, accepta mitra, ascendit ad planum altaris, et sedet in sede, seu faldistorio ibidem sibi parato.

Tum accedit Diaconus cum thuriferario, et Pontifex imponit incensum; deinde Diacono benedicit, qui procedens ad locum consuetum signat, incensat, et cantat Evangelium, ut heri, Pontifice ante sedem prædictam sine mitra verso ad Diaconum stante.

Sequentia sancti Evangelii † secundum Lucam.

Cap. 10.

In illo tempore : Designavit Dominus et alios septuaginta duos : et misit illos binos ante faciem

suam in omnem civitatem et locum , quo erat ipse venturus. Et dicebat illis : Messis quidem multa, operarii autem pauci. Rogate ergo Dominum messis ut mittat operarios in messem suam. Ite : ecce ego mitto vos sicut agnos inter lupos. Nolite portare sacculum , neque peram , neque calceamenta, et neminem per viam salutaveritis. In quamcumque domum intraveritis, primum dicite : Pax huic domui : et si ibi fuerit Filius pacis, requiescat super illum pax vestra : sin autem, ad vos revertetur. In eadem autem domo manete edentes et bibentes, quæ apud illos sunt : dignus est enim operarius mercede sua. Nolite transire de domo in domum. Et in quamcumque civitatem intraveritis, et suscepient vos , manducate quæ apponuntur vobis : et curate infirmos , qui in illa sunt, et dicite illis : Appropinquavit in vos regnum Dei.

Quo finito, et per Pontificem libro osculato, et ipso incensato, Pontifex sine mitra ante sedem prædictam versus ad altare, ac aliis omnibus in suis locis genuflexis, incipit, schola prosequente, Hymnum Veni creator Spiritus.

Et dicitur totus, ut supra, pag. 50. Quem schola prosequitur, ut in primo die. Finito primo versu, Pontifex surgit, stans versus ad altare, detecto capite usque ad finem Hymni. Simili modo faciunt omnes alii. Expleto Hymno, omnes se-deant in silentio. Tunc Pontifex sedens in sede prædicta cum mitra, Synodum his verbis alloqui-tur, si velit :

Venerabiles, et dilectissimi fratres nostri, opor-tet, ut sicut hesterna die admonuimus benignam mansuetudinem vestram de divinis officiis, et sacris altaris gradibus, aut etiam de moribus, et necessitatibus ecclesiasticis, quæcumque emendanda, vel

renovanda sunt, charitas omnium vestrum, ubi-
cumque noverit aliqua emendatione condigna, in
medium proferre non ambigat; ut per vestræ cha-
ritatis studium, Domino largiente, ad optimum
perveniant statum, ad laudem, et gloriam nominis
Jesu Christi Domini nostri.

*Post allocutionem hujusmodi, vel prius, si
magis placet Pontifici, fit sermo per aliquem doc-
tum idoneum, in quo iterum tractetur de disci-
plina ecclesiastica, et aliis, de quibus Pontifici
videbitur. Deinde Archidiaconus alta voce legit
Apostolicas Constitutiones ibi non promulgatas,
vel alias, pro Pontificis arbitrio. Quo finito, le-
guntur Constitutiones per Synodum approbandæ;
quibus lectis, habito scrutinio, quæ placent, per
Patres confirmantur. His peractis, Pontifex sur-
gens benedicit omnibus solemniter, ut heri. Deinde
omnes discedunt.*

*Die tertia conventione facta in Ecclesia, finita
Missa, Pontifex paratus, ut heri, assistentibus sibi
Diacono et Subdiacono paratis, genuflexus in
faldistorio juxta inferiorem gradum ante medium
altaris sibi parato, deposita mitra, incipit, schola
prosequente, Antiphonam :*

*Exaudi nos, Domine, quoniam benigna est misericordia tua : * et secundum multitudinem miserationum tuarum respice nos Domine.*

Psalmus 68. Salvum me fac Deus ; quoniam intraverint aquæ usque ad animam meam. Et dicitur totus, prout habetur supra in primo die, pag. 404.

*Deinde repetitur Antiphona. Incepto Psalmo,
Pontifex sedet, et accipit mitram, sic manens
quousque Psalmus finiatur, et Antiphona repeta-
tur ; qua repetita, deposita mitra, surgit, et stans
versus ad altare, dicit :*

OREMUS.

Ad te, Domine, interni clamoris vocibus proclamantes, unanimiter postulamus, ut respectu tuæ gratiæ solidati, præcones veritatis efficiamur intrepidi, tuumque valeamus verbum cum omni fiducia loqui. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶. Amen.

OREMUS.

Omnipotens sempiterne Deus, qui sacro verbi tui oraculo promisisti, ubi duo, vel tres in nomine tuo congregati essent, te medium fore; adesto cor tui nostro propitius, et cor nostrum illumina misericors, ut a bono misericordiæ tuæ nullatenus aberremus, sed rectum justitiae tuæ tramitem in omnibus teneamus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶. Amen.

Et ministri dicunt : Flectamus genua. ¶. Levate.

OREMUS.

Deus, qui populis tuis et indulgentia consulis, et amore dominaris; da spiritum sapientiæ tuæ, quibus dedisti regimen disciplinæ; ut de profectu sanctorum ovum fiant gaudia æterna pastorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ¶. Amen.

Post hæc Pontifex, accepta mitra, ascendit ad planum altaris, sedens in sede, seu faldistorio ibidem sibi parato. Tum accedit Diaconus cum thuriferario, et Pontifex imponit incensum; deinde benedicit Diacono, qui procedens ad locum

consuetum signat, incensat, et cantat Evangelium, ut heri, Pontifice ante sedem prædictam sine mitra verso ad Diaconum stante.

Sequentia sancti Evangelii † secundum Matthæum.

Cap. 18.

In illo tempore : Dixit Jesus discipulis suis : Si peccaverit in te frater tuus, vade, et corripe eum inter te et ipsum solum ; si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum vel trium testium stet omne verbum. Quod si non audierit eos , dic Ecclesiæ. Si autem Ecclesiam non audierit, sit tibi sicut ethnicus et publicanus. Amen dico vobis, quæcumque alligaveritis super terram, erunt ligata et in cœlo ; et quæcumque solveritis super terram, erunt soluta et in cœlo. Iterum dico vobis : quia si duo ex vobis consenserint super terram, de omni re quamcumque petierint, fiet illis a Patre meo, qui in cœlis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus ad eum, dixit : Domine quoties peccabit in me frater meus, et dimittam ei? usque septies? Dicit illi Jesus : Non dico tibi usque septies, sed usque septuagies septies.

Quo finito, et per Pontificem libro osculato, et ipso incensato, Pontifex sine mitra ante sedem prædictam versus ad altare, atque aliis omnibus in locis suis genuflexis, incipit, schola prosequente, Hymnum :

Veni creator Spiritus.

Et dicitur totus, ut supra, pag. 50. Finito primo Versu, Pontifex surgens, stat versus ad altare, detecto capite usque ad finem Hymni. Simili modo faciunt omnes alii. Expleto Hymno, omnes

sedent in silentio. Tunc Pontifex sedens in sede prædicta cum mitra, Concilium seu Synodum his verbis alloquitur, si velit. Poterit tamen hujusmodi allocutionem omittere, et quod ejus loco, si placebit, per aliquem doctum idoneum, de his quæ in allocutione continentur et aliis opportunitatis, sermo fiat, committere.

Venerabiles, et dilectissimi fratres. Convenit, ut ea quæ de ecclesiasticis officiis, et sacerdotalibus gradibus, vel etiam Canonicis sanctionibus, propter diversas occupationes, aut (quod negare non possumus) propter nostram aliorumque desidiam, non tam plene, ut oportet, executa sunt, omnium nostrum unanimi consensu et voluntate requirantur, et humiliter coram charitate vestra recitentur; ut quæ digna sunt emendatione ad meliorem statum, auxiliante Domino, perducantur. Et cui fortasse aliquid, quod digestum est, displicet, charitati vestræ cum benignitate et modestia intimare non differat; quatenus totum quod synodali conventione nostra statutum fuerit vel renovatum, absque omni contrarietate, concordia sanctæ pacis ab omnibus æque custodiatur ac teneatur, ad augmentum æternæ beatitudinis omnium nostrum.

Post hæc leguntur Constitutiones, si quæ sint per Synodum approbandæ; quibus lectis, et per Patres, si placet, confirmatis, atque omnibus terminatis, Pontifex sedens cum mitra omnium orationibus se commendat. Deinde leguntur nomina omnium qui Synodo interesse debent, et præsentes ad sua nomina surgunt, et respondent singuli Adsum.

Absentes vero notantur, et per Pontificem debita pœna mulcantur. Demum Pontifex adhuc in sede prædicta cum mitra sedens, si placet, con-

gregatos admonet, et exhortatur sub hujusmodi verbis :

Fratres dilectissimi, et Sacerdotes Domini : Cooperatores Ordinis nostri estis. Nos, quamvis indigni, locum Aaron tenemus, vos autem locum Eleazari et Ithamari. Nos vice duodecim Apostolorum fungimur, vos ad formam septuaginta duorum discipulorum estis. Nos pastores vestri sumus, vos autem pastores animarum vobis commissarum. Nos de vobis rationem reddituri sumus summo Pastori nostro Domino Jesu Christo, vos de pleibus vobis commendatis. Et ideo, fratres dilectissimi, videte periculum vestrum. Admonemus itaque et obsecramus fraternitatem vestram, ut quæ vobis suggerimus, memoriæ commendetis, et opere exercere studeatis.. In primis admonemus, ut vita et conversatio vestra sit irreprehensibilis. In dominibus vestris mulieres non cohabitent. Omni nocte ad nocturnas horas surgite. Officium vestrum horis certis decantate. Nullus, nisi jejonus, Missam celebret, et non in vestibus communibus, sed sacris et nitidis, amictu, alba, cingulo, manipulo, stola, et casula, quæ ad alias usus non serviant. Missas religiose celebrate : Corpus et Sanguinem Domini nostri Jesu Christi cum omni reverentia et tremore sumite. Corporalia mundissima sint. Vasa sacra propriis manibus abluite, et extergite diligenter. Nulla femina ad altare Domini accedat, nec calicem Domini tangat. Altare sit coopertum mundis linteis, saltem tribus diversis. Et desuper nihil ponatur, nisi reliquiæ, ac res sacræ, et pro sacrificio opportunæ. Missale, Breviarium, et Martyrologium unusquisque habeat. Ecclesiæ vestræ bene sint cooperiæ, et mundæ. In sacristiis sive secretariis, aut juxta altare majus, sit locus præparatus ad infundendum aquam ablutionis corporælium, et

vasorum sacrorum , ac manuum , postquam sanctum Chrisma , aut oleum Catechumenorum , vel Infirmorum tractaveritis . Ibique pendeat vas cum aqua munda , pro lavandis manibus Sacerdotum et aliorum qui rem sanctam et officium divinum sunt peracturi , et prope , linteum mundum ad illas abtergendum . Atria Ecclesiæ sint bene munita . Nullus sine scitu et consensu nostro , per potestatem secularis , Ecclesiam obtineat . Nullus Ecclesiam , si quam intitulatus est , dimittat et ad aliam quæstus gratia se transferat . Nullus plures Ecclesias sine titulo , et contra sacerorum Canonum dispositiones nancisci præsumat . Nullatenus etiam una Ecclesia inter plures dividatur . Nullus extra Ecclesiam in locis non consecratis celebret . Nullus alterius parochianum , nisi itinerantem , et tunc de Rectoris sui licentia ad communionem recipiat . Nullus in alterius parochia absque proprii Sacerdotis licentia Missam celebret . In celebratione , quisque Calicem et oblata , non circulo , aut digitorum vacillatione . ut quidam faciunt , sed junctis et extensis digitis cruce signet , sicque benedicat . Calix et patena sint aurei , vel argentei , non ærei , aut aurichalcei , vitrei , vel lignei . Quisque Presbyter clericum habeat , vel scholarem , qui cum eo Psalmos cantet , Epistolam et Lectionem legat , et in Missa respondeat . Ipse quoque Presbyter infirmos visitet et reconciliet . et juxta Apostolum propria manu communicet . oleo sancto inungat . Nullus præsumat tradere communionem laico aut feminæ , ad deferendum infirmo . Nullus pro baptizandis infantibus give adultis , aut infirmis reconciliandis , aut mortuis sepeliendis , præmium vel munus exigat . Per negligentiam vestram nullus infans sine Baptismo , et adultus sine Communione pereat . Nullus vestrum sit ebriosus , aut litigiosus . Nullus arma ferat . Nul-

Ilus canum aut avium jocis inserviat, nullus in tabernis bibat. Quisque vestrum, quantum sapit, de Evangelio Dominico et ceteris festivis diebus suæ plebi annuntiet. Verbum Domini prædicare. Curam pauperum, peregrinorum, viduarum, et orphororum habete, ipsosque peregrinos ad prandium vestrum vocate. Estote hospitales, aliis exinde bonum exemplum præbentes. Singulis diebus Dominicis ante Missam, aquam, qua populus aspergatur, benedicite, ad quod vas proprium habete. Vasa sacra et vestimenta sacerdotalia, nolite negotiatori aut tabernario in pignus dare. Minus digne pœnitentem cujuscumque rei gratia ad reconciliationem non adducite, neque ei reconciliationis testimonium prohibete. Usuras non exigite. Nec facultates vestras post ordinationem vestram acquisitas alienate, quoniam Ecclesiæ sunt. Nullus etiam res, possessiones, aut mancipium Ecclesiæ vendere, commutare, aut quocumque ingenio præsummat alienare. Nullus decimam alterius recipiat. Nullus pœnitentem, carnem manducare, aut vinum bibere invitet, nisi pro eo tunc eleemosynam fecerit. Quisque fontes baptismales lapideos habeat bene mundos; quos si habere non poterit, vas aliud ad hoc opus solum deputatum teneat. Omnibus parochianis vestris symbolum, et orationem Dominicam insinuate. Jejunia Quatuor Temporum, et alia Ecclesiæ mandata significate observanda. Ante Quadragesimam quartâ feria populum ad confessionem invite, et confessis juxta qualitatem criminum pœnitentiam injungite. Tribus temporibus in anno, id est, Nativitate Domini, Pascha, et Pentecoste, omnes fideles accedere ad communionem corporis Domini nostri Jesu Christi admonete, et ne omittat, quin saltem in Pascha communicet. Certis temporibus conjugatos abstinere ab uxoribus

exhortamini. Nullus vestrum rubeis, aut viridibus, vel laicalibus vestibus utatur. Diem Dominicam et ceteras festivitates, absque opere servili, a vespera in vesperam celebrari docete. Cantus, et choreas mulierum in atrio Ecclesiae prohibete. Incantationes super mortuos nocturnis horis a vulgo fieri consuetas sub contestatione Dei omnipotentis vetate. Cum excommunicatis nolite communicare: Nec quis vestrum in eorum praesentia celebrare presumat, quod etiam plebi nuntiate. Et nullus ex plebe uxorem domum ducat, nisi prius nuptiae temporibus ab Ecclesia permissis publice fuerint celebratae. Quod nullus ad raptam, vel consanguineam accedat, aut alterius sponsam ducat, omnimodis prohibete. Porcarios, et alios pastores, saltem Dominica die faciatis venire ad Missam. Patrinos, ut filiolos Symbolum et Orationem Dominicam doceant, aut doceri faciant, exhortamini. Sacramentum Eucharistiae, sanctum Chrisma, et Oleum Cathechumenorum, ac sanctum, seu Infirmorum, in Ecclesia in loco mundo, condecenti, et seculo, sub sera, et fida custodia diligenter servate. Quisque vestrum expositionem Symboli et Orationis Dominicæ juxta orthodoxorum Patrum traditiones penes se habeat, easque atque Orationes Missarum, et Epistolas, Evangelia, et Canonem bene intelligat, ex quibus praedicando, populum sibi commissum sedulo instruat, et maxime non bene credentem. Introitum Missæ, Orationes, Epistolam, Graduale, Evangelium, Symbolum, et cetera non secreta, alta et intelligibili voce proferat. Secretas vero, et Canonem, morose et distincte submissa voce legat. Psalmorum verba, et distinctiones, regulariter cum Canticis consuetis intelligibiliter pronuntiet. Symbolum sancti Athanasii de Trinitate et fide Catholica memoriter teneat. Exorcismos, et Orationes ad

Catechumenos faciendos, ac reliquas preces super masculum et feminam, pluraliter vel singulariter respective, distincte proferat. Ordinem baptizandi, et ad succurrendum infirmis, reconciliationis et commendationis animæ, et in agendis exequiis defunctorum, juxta modum canonicum observet. Exorcismos, et benedictiones salis et aquæ pertinenter legat. Canticum diurnum et nocturnum sciatur. Computum etiam minorum ad inveniendum litteram Dominicalem, tempus intervalli diei Paschæ et majorum mobilium Festorum non ignoret. Volumus autem, fratres dilectissimi, quatenus quæ nostra percepistis traditione, bonis studeatis operibus adimplere, præstante Domino nostro Iesu Christo, cui cum Patre, et Spiritu sancto, est honor et gloria in sæcula sæculorum.

Tum Pontifex, dimissa mitra, surgit, et stans versus ad altare dicit absolute :

OREMUS.

Nulla est, Domine, humanæ conscientiæ virtus quæ inoffense possit tuæ voluntatis judicia experiri, et ideo, quia imperfectum nostrum vident oculi tui, perfectioni deputa, misericors Deus, quod perfecto æquitatis fine concludere peroptamus : te in nostris principiis occursum poposcimus, te in hoc fine judiciorum nostrorum indultorem nostris excessibus speramus, scilicet, ut ignorantiae parcas, errori indulgeas ; ut perfectis votis perfectam operis efficaciam largiaris : et quia conscientia remordente tabescimus, ne aut ignorantia nos traxerit in errorem, aut præceps forsitan voluntas impulerit justitiam declinare ; hoc te poscimus, te rogamus, ut si quid offensionis in hac Synodi celebritate contraximus, te miserante, indulgentiam sentiamus : ut in eo, quod soluturi sumus aggregatam Synodus, a

426 ORDO SUSPENSIONIS ET RECONCILIATIONIS

cunctis primum absolvamur nostrorum nexibus delictorum; qualiter, et transgressores venia, et confitentes tibi, subsequatur remuneratio sempiterna. Per Christum Dominum nostrum. **R. Amen.**

*Deinde benedicit solemniter omnibus, dicens:
Sit nomen Domini benedictum etc.*

*Et dat indulgentiam. Quibus peractis, Archidiaconus stans juxta Pontificem, dicit alta voce:
Recedamus cum pace.*

*Et respondent omnes:
In nomine Christi.*

Tunc omnes pariter surgentes, Pontificem cappa indutum cum superpelliceis ad domum reducunt. Si vero in primo die vel in secundo omnia negotia Synodi expediuntur, approbatu omnibus, et conclusione Synodi facta, Pontifer sedens cum mitra, ut supra, commendat se omnium orationibus, et leguntur nomina intercess debentium, admonentur per Pontificem congregati, et alia sunt, prout supra sunt ordinata.

ORDO

SUSPENSIONIS, RECONCILIATIONIS, DEPOSITIONIS, DISPENSATIONIS, DEGRADATIONIS, ET RESTITUTIONIS SACRORUM ORDINUM.

Prænotandum est, quod Clericus quandoque suspenditur, quandoque deponitur, quandoque degradatur. Suspenditur quis quandoque ab homine, quandoque a jure, et quandoque ad tempus, quandoque in perpetuum.

Ab homine, quando Prælatus sic in scriptis pronuntiat.

Quia constat te *tale quid* commisisse, ideo ab officio et executione Ordinum tuorum te suspendimus.

Vel quando fit in genere, dicit :

Quicumque *tale quid* fecerit, aut non fecerit; ipsum in his scriptis suspendimus, *vel* in his scriptis noverit se suspensum.

Hujusmodi autem suspensionis sententia taliter revocatur :

Quia de *tali negotio*, propter quod suspensionis sententiam incurras, emendationem plenam, et pœnitentiam condignam egisti, ideo sententiam suspensionis hujusmodi misericorditer relaxamus.

Illud autem sciendum est, quod simpliciter et sine temporis præfinitione ab homine vel a jure suspensus, perpetuo intelligitur esse suspensus; ad tempus vero suspensus, utpote donec pœnituerit, vel a crimine abstinuerit, eo ipso, quod absinet, vel pœnitet, executionem sui officii recuperat; nec alia est reconciliatio, seu sententiæ suspensionis relaxatio necessaria. Ad hæc Clerici publice delinquentes, et enormiter, executionem sui Ordinis secundum Canones perdunt; et etiam post peractam pœnitentiam ab executione suorum Ordinum suspensi remanent, adeo, quod absque dispensatione, et reconciliatione non possunt in illis licite ministrare, neque ad majores Ordines promoveri, præcipue si de hoc convicti fuerint in judicio, et puniti. Episcopi tamen possunt in adulteriis, et aliis criminibus, quæ sunt minora, et generaliter ubicumque a jure expresse non prohibentur, post peractam pœnitentiam, vel partem ipsius, cum talibus dispensare, et eos reconciliare; quæ reconciliatio, et dispensatio fit hoc modo :

Quamvis tale enorme crimen publice commiseris, quod confessus es (vel de quo convictus es) et in judicio condemnatus, propter quod secundum juris rigorem merueras ab officio et beneficio amoveri, et propterea non vales ulterius secundum Canones in tuis Ordinibus licite ministrare: quia tamen defectus nostri temporis antiquam non patitur Canonum manere censuram, eligentes potius de misericordia, quam de severitate reddere rationem; idcirco vitam tuam plenius agnoscentes, et meliora, et saluti viciniora de te de cetero verisimiliter expectantes, de misericordia quæ superexaltat judicium, hanc penam auctoritate nobis in hac parte a jure concessa tibi duximus relaxandam, et relaxamus. Indulgentes tibi, ut, hoc non obstante, licite possis ad superiores Ordines concendere, et in susceptis etiam Ordinibus licite ministrare. Infamiam insuper canonicam propter hoc per te contractam penitus abolentes, et restituentes te in integrum pristino statui ac famæ.

Circa depositionem vero notandum est, quod si agitur, ut deponatur quis a beneficio, solus Episcopus hoc potest. Sicut potest deponere ab Ordine cum Capitulo suo, sive ab ipso Capitulo deputatis, et etiam solus ex consuetudine. Et similiter Episcopus cum Capitulo suo deponit ab Ordine Clericos primæ tonsuræ, et in minoribus Ordinibus constitutos, si post hujusmodi verbalem depositionem secura sit actualis degradatio. Et si isto modo agitur, in depositione Subdiaconi vel Diaconi ab Ordine, requiritur numerus trium Episcoporum ultra proprium Episcopum, in examine et in definitione; et sex in causa Presbyteri, excepta causa hæresis. In depositione vero Episcopi ab ordinatione exigitur numerus duodecim Episcoporum, praeter Metropolitanum qui

lebet esse tertius decimus, qui omnes possint procedere contra Episcopum usque ad conclusionem tantum, et definitio tam circa condemnationem quam absolutionem, reservatur Papæ. Sed in psa actuali degradatione non requiritur numerus Episcoporum. Et præmissa de numero Episcoporum adhibendo procedunt, si agitur ex potestate ordinaria. Dictabitur autem sententia depositionis ab Ordine, si intenditur, ut post eam sequatur actualis degradatio nomine Episcopi ordinarii, cum præsentia Capituli, sive cum consilio et assensu Episcoporum respective, prout eam requirit, in hunc modum, videlicet :

Quia nobis evidenter, et legitime constat, te tale crimen, seu flagitium, commisisse, quod non solum grave, verum etiam damnabile est, et damnum, idcirco de talium consilio et assensu ab omni ordine, et privilegio clericali te sententialiter perpetuo duximus deponendum, et deponimus.

Per talem itaque sententiam taliter depositus, omni Ordinum, tam majorum, quam minorum executione perpetuo est exultus.

Verum si Episcopus deponens, evidenter agnoverit in posterum emendationem vitæ et morum depositi, vel forte sententiam suam injustam fuisse; poterit ei de jure misericorditer restituere Graduum et Ordinum executionem, qua privatus extiterat; quæ restitutio debet fieri in Ecclesia, in qua Episcopus elegerit hoc facere, sive sit Cathedralis, sive alia; et coram altari, quia et ibi Ordinum gradus distribuuntur; et potest fieri per Episcopum solum cum Capitulo suo, non solum in Quatuor temporibus, verum etiam quolibet tempore, et sine Missæ celebratione; et tam restituens, quam restituendus debent esse jejuni.

*Depositus ergo, qui restitutionem privilegii
clericalis et executionis quatuor minorum Or-
dinum petierit, vestibus suis consuetis induitus
debet genua flectere coram Pontifice parato amic-
tu, stola, pluviali tempori convenientibus, ei
mitra simplici, baculum pastoralem in manu te-
nente, et in faldistorio ante medium altaris se-
dente, qui deposita mitra surgit, et stans versus
ad illum coram se genuflexum, dicit :*

℣. Deus in adjutorium meum intende. R. Domine
ad adjuvandum me festina.

℣. Gloria Patri, et Filio, et Spiritui sancto. R. Si-
cūt erat in principio, et nunc, et semper, et in sa-
cula sacerdorum. Amen.

*Et hæc secundo, et tertio dicuntur. Deinde sub-
jungit Pontifex :*

Kyrie eleison. Christe eleison. Kyrie eleison.

Pater noster, *reliqua secreto.*

Deinde ℣. Et nos inducas in temptationem. R. Sed
libera nos a malo.

℣. Salvum fac servum tuum Domine. R. Deus
meus sperantem in te.

℣. Mitte ei, Domine, auxilium de sancto. R. Et de
Sion tuere eum.

℣. Domine exaudi orationem meam. R. Et clamor
meus ad te veniat.

℣. Dominus vobiscum. R. Et cum spiritu tuo.

OREMUS.

Deus, qui in sanctis habitas, et pia corda non
deseris, suscipe propitius orationem nostram, et
hunc famulum tuum quem delictorum catena con-
stringit, miseratio tuæ pietatis absolvat. Per Chris-
tum Dominum nostrum. R. Amen.

Tum sedet Pontifex, accepta mitra, et super caput illius coram eo genuflexi imponit manum dexteram, dicens :

In nomine Domini. Ego, licet peccator, tamen Episcopus, auctoritate a Deo mihi concessa, per hanc manus impositionem restituo tibi charissimo filio privilegium clericale, et executionem Ordinis et gradus Ostiariatus, Lectoratus, Exorcistatus, atque Acolythatus, quibus fueras juste privatus et ab eis depositus; ut amodo possis digne custodire ostia domus Domini cum omnibus, quæ intra retinentur; et distincte legere de codice, audiente populo Dei; et abhinc in antea habeas potestatem imponendi manus super energumenos, sive baptizatos, sive Catechumenos; et ut deinceps possis digne accendere luminaria Ecclesiæ, et ante Evangelium portare. Præstante Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. R. Amen.

Deinde Pontifex adhuc cum mitra sedens benedicit illi, dicens :

Benedictio Dei omnipotentis Pa† tris, et Fi† lii, et Spiritus † sancti, descendat super te, et maneat semper. R. Amen.

Quo facto, ille osculatur manum dexteram Pontificis, surgensque discedit.

Executionis subdiaconatus et minorum Ordinum, ac privilegii clericalis restitutio fit simili- ter per omnia, prout supra, usque ad manus impositionem, ad quam Pontifex cum mitra sedens, dicit :

In nomine Domini. Ego, licet peccator, tamen Episcopus, per hanc manus impositionem restituo tibi dilectissimo filio privilegium clericale, et exe-

cutionem Ordinum et graduum Ostiariatus, Lectoratus, Exorcistatus, Acolythatus, et Subdiaconatus, quibus fueras juste privatus, et ab eis depositus, ut amodo digne possis custodire ostia domus Domini cum omnibus, quæ intra retinentur; et distincte legere de codice, audiente populo Dei; et abhinc in antea habeas potestatem imponendi manus super energumenos, sive baptizatos, sive Catechumenos; et possis digne accendere luminaria Ecclesiæ, et ante Evangelium portare; ac legere Prophetias, Epistolas ad Missas, et ministrare Diacono, ac Presbytero, vel Episcopo. Praestante eodem Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. **P.** Amen.

Tum benedicit ei ut supra; quo facto, ille osculatur manum dexteram Pontificis, surgensque discedit.

Executionis vero Diaconatus, Subdiaconatus, et minorum Ordinum, ac privilegii clericalis restitutio fit similiter per omnia, prout supra, usque ad manus impositionem, ad quam Pontifex sedens cum mitra dicit :

In nomine Domini. Ego, licet peccator, tamen Episcopus, per hanc manus impositionem restituto tibi dilectissimo filio privilegium clericale, et executionem Ordinum et graduum Ostiariatus, Lectoratus, Exorcistatus, Acolythatus, Subdiaconatus, et Diaconatus, quibus fueras juste privatus, et ab eis depositus, ut amodo possis digne custodire ostia domus Domini, cum omnibus, quæ intra retinentur; et distincte legere de Codice, audiente populo Dei; et habeas potestatem imponendi manus super energumenos, sive Cathecumenos, sive baptizatos; et possis digne accendere luminaria Ecclesiæ, et

ante Evangelium portare; ac legere Prophetias, et Epistolas, ac Lectionem Evangelicam ad Missas, et in eis ministrare Presbytero, vel Episcopo, et fundere aquam in Eucharistiam Sanguinis Christi. Præstante eodem Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. ¶ Amen.

Tum benedicit ei, ut supra; quo facto, ille osculatur manum dexteram Pontificis, surgensque discedit.

Executionis autem Presbyteratus, Diaconatus, Subdiaconatus, et minorum Ordinum, et privilegii clericalis restitutio fit similiter, prout supra, usque ad manus impositionem, in qua Pontifex cum mitra sedens, dicit :

In nomine Domini. Ego, quamvis peccator, tamen Episcopus, per hanc manus impositionem restituto tibi dilectissimo filio privilegium clericale, et executionem Ordinum et graduum Ostiariatus, Lectoratus, Exorcistatus, Acolythatus, Subdiaconatus, Diaconatus, et Presbyteratus, quibus fueras juste depositus et privatus; ut amodo possis digne custodire ostia domus Domini cum omnibus quæ intra retinentur; et distinete legere de Codice, audiiente populo Dei; et abhinc in antea habeas potestatem imponendi manus super energumenos, sive baptizatos, sive Catechumenos; et possis digne accendere luminaria Ecclesiæ, et ante Evangelium portare; ac legere prophetias, et Epistolas, ac Lectionem Evangelicam ad Missas, et in eis ministrare Diacono, Presbytero, et Episcopo, et fundere aquam in Eucharistiam Sanguinis Christi; ac Missas celebrare pro vivis ac defunctis, acceptabiles quoque Hostias offerre Deo, et ministerium Presbyterale devote perficere. Præstante eodem Domino

**nostro Jesu Christo, qui vivit et regnat Deus, in
sæcula sæculorum. ¶ Amen.**

*Tum benedicit ei, ut supra; quo facto, ille or-
culatur manum dexteram Pontificis, surgensque
discedit.*

Nunc degradationem subjicimus.

*Si Clericus secundum primam formam senten-
tialiter depositus, incorrigibilis appareat, debet
excommunicari. Et si postmodum in profundum
malorum veniens contempserit, tunc, ut cum Ec-
clesia non habeat ultra quid faciat, Pontifex de-
bet illum degradare, et curiæ sæculari relinque-
re, quæ degradatio fit hoc modo :*

DEGRADATIONIS FORMA.

*Degradandus, indumentis Sacerdotalibus, si Sa-
cerdos sit, indutus; vel Diaconalibus, si sit Dia-
conus; et sic de reliquis Ordinibus et indumentis,
offertur Pontifici. Pontifex vero quasi exequendo
sententiam depositionis in illum dudum prola-
tam, præsente judice sæculari, cui degradandus
debet relinquiri, publice abradit cum vitro vel cul-
tello vel alio hujusmodi, leviter sine sanguinis
effusione, loca manuum illius quæ in collatione
Ordinum inuncta fuerunt, et etiam tonsuram, si
velit. Et consequenter seriatim et sigillatum de-
trahit illi omnia insignia, sive sacra ornamenta,
quæ in Ordinum susceptione recepit, et domum
exuit illum habitu clericali, et induit laicali, di-
cens publice judici sæculari præsenti, ut illum
propter scelera sua sic depositum, degradatum,*

*expoliatum, et exaucitoratum in suum, si volit,
forum recipiat.*

*Et est notandum, quod in hac executione sen-
tentia non est necessaria coepiscoporum præsen-
tia, nec etiam refert, sive in Ecclesia fiat, sive
extra in platea, sive Pontifex degradans indu-
sit Pontificalibus ornamentis, sive non; et tali
degradatio, solemnis depositio vocatur, proprie-
tamen loquendo, quis a dignitatibus, et honorib-
us deponitur, sed ab Ordinibus degradatur; et
post talam degradationem juste et rite factam
solus Romanus Pontifex cum tali dispensat. Epis-
copus tamen ante ipsam insignium detractio-
nem, et etiam post sententia depositionis prola-
tionem dispensare et restituere solo verbo
potest, sicut et verbaliter depositus fuit, ut præ-
missum est.*

*Sed si, priusquam sacerdotalis judex in illum
animadverterit, talis depositio et degradatio
injusta vel nulla inveniatur, tunc non solum
verbo, sed etiam facto secundum ea, quæ præmissa
sunt, dispensatio et restitutio fiat, et insignia sibi
detracta feriatim, sigillatim, et solemniter ei co-
ram altari restituantur. Et, si sit Episcopus, re-
cuperabit orarium, baculum, annulum, sandalia,
mitram, et alia insignia Pontificalia; si Presby-
ter, orarium, et planetam; si Diaconus, orarium
et dalmaticam; si Subdiaconus, tunicellam et ma-
nipulum. Et reliqui gradus in restitutione sua re-
cuperant ea quæ, cum ordinarentur, receperunt.
Poterit tamen (quod convenientius videtur) ad
aliorum terrorem actualis degradatio sic fieri.*

*In primis in publico extra Ecclesiam paratur
aliquis eminentis congruentis spatii locus, pro de-
gradatione facienda; supra quem ordinatur una
credentia simplici tabula cooperata, supra quam*

ponuntur ampulla vini, ampulla aquæ; calix cum patena et hostia; unum vas vini; unum vas aquæ; liber Evangeliorum; liber Epistolarum; bacile cum buccali, et mantili; unum candelabrum cum candela extincta; liber Exorcismorum; liber Lectionum; claves; Antiphonarium; forcipes, cultellus, aut vitrum; paramenta pro degradando, videlicet, si degradandus sit Archiepiscopus : Ordinentur super dictam credentiam superpelliceum; sandalia, cum caligis; amictus; alba; cingulum; manipulus; tunicella; stola; dalmatica; chirothecæ; alia stola; planeta; mitra; annulus Pontificalis; pallium; baculus pastoralis; et aliqua vestis habitus sacerdotalis. Si vero degradandus non sit Archiepiscopus, sed Episcopus tantum, omisso pallio, ponuntur super credentiam omnia alia predicta. Si vero Presbyter tantum, omissis pallio et aliis Pontificalibus paramentis predictis, ponuntur ibidem omnia alia predicta. Idem in aliis Ordinibus, etiam in ordinatione credentiarum, observatur. Item paratur in dicto loco faldistorium pro Pontifice degradatore, sedilia pro Officialibus. Vocantur, et ibidem adsint ministri Pontificis; Judex sacerdotalis, cui degradatus committatur; Notarius, qui processum degradationis legit (si opus erit, vel Pontifici placet) et barbitonsor.

Hora congruenti dicitur degradandus, sive sit Archiepiscopus, sive quicumque alius, quotidiano suo habitu indutus, super dictum locum ad hoc preparatum; ubi cum fuerit, solvitur, et liber ibidem manet. Tum a Clericis induitur omnibus paramentis sui Ordinis, ut premititur, supra credentiam Ordine suo positis; incipiendo a superpelliceo, et continuando usque ad ultimum paramentum sui Ordinis. Quo sic induito, Pontifex

*degradator indutus amictu, alba, cingulo, stola,
et pluviali rubeis, ac mitra simplici, baculum
pastoralem in sinistra tenens, ascendit ad locum
prædictum, et ibidem sedet in faldistorio, in con-
venienti loco sibi parato, versus ad populum,
astante sibi judice sœculari. Tum degradandus,
sive Archièpiscopus fuerit, sive alius, omnibus
sui Ordinis vestibus sacris indutus, et singulis
ornamentis ornatus habens in manibus ornamen-
tum ad Ordinem suum spectans, ac si deberet in
suo officio ministrare, adducitur ante Pontificem,
coram quo genuflectit. Tum Pontifex ut supra se-
dens, populo in vulgari notificat degradationis
hujusmodi causam; deinde contra degradandum
sententiam fert in hæc verba, si sit Sacerdos, aut
Diaconus, aut Subdiaconus, vel Clericus, et prius
hujusmodi sententia lata non sit.*

In nomine Pa † tris, et Fi † lii, et Spiritus †
sancti. Amen. Quia nos *N.*, Dei et Apostolicæ Sedis
gratia Episcopus *N.* per viam accusationis, *vel*,
denuntiationis, *aut*, inquisitionis cognoscentes de
crimine *N.* contra *N.* Presbyterum, *vel*, Diaconum,
vel, Subdiaconum, *seu*, Clericum propter ipsius
confessionem, *vel* legitimas probationes, evidenter
invenimus eum ipsum crimen commisso, quod
cum non solum grande, sed etiam damnable et
damnosum sit, et adeo enorme, quod exinde non
tantum divina majestas offensa, sed et universa ci-
vitas commota est, et ob hoc indignus officio et
beneficio ecclesiastico sit redditus; idcirco nos au-
toritate Dei omnipotentis, Patris, et Filii, et Spi-
ritus sancti, et nostra, ipsum omni hujusmodi officio
et beneficio ecclesiastico sententialiter perpetuo
privamus in his scriptis, ipsumque ab illis verbo
deponimus, et pronuntiamus realiter et actualiter

secundum traditionem Canonum deponendum et degradandum.

Qua sententia sic, ut præfertur, lata, Pontifex degradator aufert ab illo singula ornamenta sibi juxta Ordinem suum tradita, inchoando ab ultimo ornamento, et descendendo gradatim, continuans usque ad primum, quod in prima Tonsura sibi datum fuit, hoc Ordine.

DEGRADATIO AB ORDINE PONTIFICALI.

Si degradandus sit Archiepiscopus, Pontifex degradator aufert ab eo pallium, sic dicendo :

Prærogativa pontificalis dignitatis, quæ in pallio designatur, te exuimus, quia male usus es ea.

Deinde, vel si degradandus sit Episcopus tantum, Pontifex degradator amovet ei mitram, dicendo :

Mitra, pontificalis dignitatis videlicet ornata, quia eam male præsidendo fodasti, tuum caput denudamus.

Deinde unus ex ministris tradit degradando librum Evangeliorum, quem Pontifex degradator aufert de manibus degradandi, dicens :

Redde Evangelium ; quia prædicandi officio, quo spreta Dei gratia te indignum fecisti, te juste privamus.

Deinde Pontifex degradator amovet annulum de digito degradandi, sic dicens :

Annulum, fidei scilicet signaculum, tibi digne subtrahimus, quia ipsam sponsam Dei Ecclesiam temere violasti.

Tum unus ex ministris tradit degradando in

manus baculum Pastoralem, quem mox Pontifex degradator tollit de manibus degradandi, dicens :

Auferimus a te baculum Pastoralem, ut inde correctionis officium, quod turbasti, non valeas exercere.

Deinde extractis sibi per ministros chirothecis, Pontifex degradator abradit degradando pollices et manus leviter cum cultello aut vitro, dicens :

Sic spiritualis benedictionis et delibutionis mysticæ gratia, quantum in nobis est, te privamus, ut sanctificandi et benedicendi perdas officium et effectum.

Post hæc Pontifex cum eodem cultello aut vitro abradit leviter caput degradandi, dicens :

Consecrationem, et benedictionem, atque unctionem tibi traditam radendo delemus, et te ab ordine pontificali, quo inhabilis es redditus, abdicamus.

Tum degradando per ministros extrahuntur sandalia.

DEGRADATIO AB ORDINE PRESBYTERATUS.

Ministri tradunt in manus degradandi Calicem cum vino et aqua, ac Patena, et Hostia, quem Pontifex degradator aufert de manibus degradandi, dicens :

Amovemas a te, quin potius amotam esse ostendimus, potestatem offerendi Deo sacrificium, Missamque celebrandi tam pro vivis, quam pro defunctis.

Deinde Pontifex degradator abradit leviter cum cultello vel vitro, pollices et indices utriusque manus degradandi, dicens :

Potestatem sacrificandi, consecrandi, et benedicendi, quam in unctione manuum et pollicum receperisti, tibi tollimus hac rasura.

Quo dicto, Pontifex degradator accipit casulam sive planetam per posteriorem partem caputii, et degradandum exuit, dicens:

Veste sacerdotali charitatem signante te merito expoliamus, quia ipsam, et omnem innocentiam exuisti.

Tum Pontifex degradator aufert a degradando stolam, dicens:

Signum Domini per hanc stolam turpiter abjecesti, ideoque ipsam a te amovemus, quem inhabilem reddimus ad omne sacerdotale officium exercendum.

DEGRADATIO AB ORDINE DIACONATUS.

Ministri tradunt degradando in manus librum Evangeliorum, quem Pontifex degradator tollit de manibus ejus, dicens:

Amovemus a te potestatem legendi Evangelium in Ecclesia Dei, quia id non competit, nisi dignis.

Tum Pontifex degradator exuit degradandum dalmatica, dicens:

Levitico ordine te privamus, quia tuum in eo ministerium non implevisti.

Deinde Pontifex degradator amovet degradando stolam de humeris, projiciens eam postergum, dicens:

Stolam candidam, quam acceperas immaculatam in conspectu Domini preferendam, quia non sic

cognito mysterio, exemplum conversationis tuae fidelibus præbuisti, ut plebs dicata Christi nomine posset exinde imitationem acquirere, juste a te amovemus, omne Diaconatus officium tibi prohibentes.

DEGRADATIO AB ORDINE SUBDIACONATUS.

Ministri tradunt in manibus degradandi librum Epistolarum, quem Pontifex degradator de manibus illius accipit, dicens :

Auferimus tibi potestatem legendi Epistolam in Ecclesia Dei, quia hoc ministerio indignus es redditus.

Tum Pontifex degradator exuit degradandum tunicella, dicens :

Tunica subdiaconali te exuimus, cuius cor et corpus, timor Domini castus et sanctus in æternum permanens, non constringit.

Deinde Pontifex degradator accipit a degradando manipulum, dicens :

Depone manipulum; quia per fructus bonorum operum, quos designat, non expugnasti spirituales insidias inimici.

Tum Pontifex tangens amictum degradandi, dicit :

Quia vocem tuam non castigasti, ideo amictum a te auferimus.

Post hæc unus ex ministris tradit in manus degradandi urceolos cum vino et aqua, ac bacile cum manutergio, ac Calicem vacuum cum patena. Tum Archidiaconus tollit de manu degradandi urceolos cum vino et aqua, ac bacile cum buccali,

442 DEGRADATIO AB ORDINE ACOLYTH. ET EXORCIST.
et manutergio. Pontifex vero Calicem vacuum ei patenam tollit, dicens :

Potestatem introeundi sacrarium, tangendi pallas, vasa, et alia indumenta sacra, omneque Subdiaconatus ministerium exercendi, a te amovemus.

Deinde ministri exuunt degradandum cingulum, albam et amictum.

DEGRADATIO AB ORDINE ACOLYTHATUS.

Unus ex ministris tradit in manus degradandi urceolum vacuum, quem Pontifex degradator tollit de manibus illius, dicens :

Immunde, vinum et aquam ad Eucharistiam de cetero non ministres.

Tum unus ministrorum tradit in manus degradandi candelabrum cum cereo extincto, quod Pontifex degradator accipit de manibus illius, dicens :

Dimitte perferendi visibile lumen officium, quia præbere spirituale moribus neglexisti, atque universum Acolythatus officium hic depone.

DEGRADATIO AB ORDINE EXORCISTATUS.

Unus ex ministris tradit degradando in manus librum Exorcismorum, quem Pontifex degradator tollit de manibus illius, dicens :

Privamus te potestate imponendi manum super energumenos, et dæmones de obsesis corporibus expellendi, omni tibi Exorcistatus officio interdicto.

DEGRADATIO AB ORDINE LECTORATUS.

Unus ministrorum tradit degradando in manus librum Lectionum, quem Pontifex degradator tollit de manibus illius, dicens :

In Ecclesia Dei non legas ulterius, aut cantes : nec panes aut fructus novos ullen tenus benedicas, quia tuum officium non implevisti fideliter et devote.

DEGRADATIO AB ORDINE OSTIARIATUS.

Unus ex ministris tradit degradando in manus claves Ecclesiæ, quas Pontifex degradator tollit de manibus illius, dicens :

Quia in clavibus errasti, claves dimitte; et quia ostia cordis tui male dæmonibus obserasti, amovemus a te officium Ostiarii; ut non percutias cymbalum; non aperias Ecclesiam, non sacrarium, non librum amplius prædicanti.

DEGRADATIO A PRIMA TONSURA.

Pontifex degradator extrahit degradando superpelliceum, dicens :

Auctoritate Dei omnipotentis, Patris, et Filii, et Spiritus sancti, ac nostra, tibi auferimus habitum clericalem, et nudamus te religionis ornatu, ac deponimus, degradamus, spoliamus, et exuimus te

omni Ordine, beneficio, et privilegio clericali; et velut clericalis professionis indignum, redigimus te in servitatem et ignominiam habitus sacerdotalis ac status.

Tum Pontifex degradator cum forcipibus tondere incipit, et per barbitonsorem ibidem presentem totaliter tonderi facit caput degradandi, dicens :

Te velut ingratum filium a sorte Domini, ad quam vocatus fueras, abjicimus, et coronam tui capitis, regale quidem signum Sacerdotii, de tuo capite amovemus, propter tui regiminis pravitatem.

Tum ministri Pontificis exuunt degradatum veste et habitu clericali, et ipsum induunt habitum secularis. Quo facto, si fuerit talis casus, quo degradatus tradi debeat Curiæ seculari, Pontifex degradator degradatum amplius non tangit, sed in hunc modum contra ipsum pronuntiat, dicens :

Pronuntiamus, ut hunc exutum omni Ordine ac privilegio clericali, Curia secularis in suum forum recipiat degradatum.

Tum Pontifex degradator efficaciter, et ex corde, et omni instantia, pro miserrimo illo derelicto intercedit apud judicem secularis, ut citra mortis periculum vel mutilationis, contra degradatum sententiam moderetur, dicens :

Domine judex, rogamus vos cum omni affectu, quo possumus, ut amore Dei, pietatis et misericordiae intuitu, et nostrorum interventu precaminum, miserrimo huic nullum mortis vel mutilationis periculum inferatis.

Quo facto, ministri Curiæ secularis degradatum sub sua custodia recipiunt, et discedunt.

ORDO EXCOMMUNICANDI ET ABSOLVENDI.

Notandum quod triplex est excommunicatio, videlicet: minor, major, et anathema. Minor excommunicatio contrahitur per solam participationem cum excommunicato, et a tali potest simplex Sacerdos absolvere absque juratoria cautione; taliter autem excommunicatus confiteatur proprio Sacerdoti, dicens :

Confiteor Deo, et tibi N. quod sum excommunicatus, quia participavi tali excommunicato in oratione, vel locutione, vel bibendo, vel comedendo cum eo.

Sacerdos vero absolvens eum, dicit hujusmodi verba :

Auctoritate Dei omnipotentis, et mihi concessa, absolvó te à vinculo hujus excommunicationis, quam confessus es, et a qualibet alia simili (si qua teneris) in quantum possum et debeo; ac restituo te ecclesiasticis Sacramentis. In nomine Pa†tris, et Fi†lii, et Spiritus † sancti. R. Amen.

Major vero excommunicatio, quam Pontifex per sententiam scriptam legendō promulgat, hoc modo profertur :

Cum ego N. talem primo, secundo, tertio, et quarto, ad malitiam convincendam, legitime monuerim, ut tale quid faciat, vel non faciat, ipse vero mandatum hujusmodi contempserit adimplere; quia nihil videretur obedientia prodesse humilibus, si contemptus contumacibus non obesset: idcirco auctoritate Dei omnipotentis Patris, et Filii, et Spiritus sancti, et beatorum Apostolorum Petri et

Pauli, et omnium Sanctorum, exigente ipsius contumacia, ipsum excommunico in his scriptis, et tamdiu ipsum vitandum deuuntio, donec adimpleverit, quod mandatur; ut spiritus ejus in die judicii salvus fiat.

Circa absolutionem vero ab hac majori excommunicatione, sive a Canone, sive ab homine prolatâ, tria sunt specialiter attendenda. Primum est, ut excommunicatus juret ante omnia parere mandatis Ecclesiæ et ipsius absolvantis, super eo propter quod excommunicationis vinculo est ligatus; et si propter manifestam offensam excommunicatus sit, quod ante omnia satisfaciat competenter.

Secundum est, ut reconcilietur, quod fieri debet hoc modo. Excommunicatus namque (ubi sic fieri solitum est) exutus usque ad camisiam ante fores Ecclesiæ, coram Pontifice ipsum absolvere volente, qui induitus amictum, stolam, pluviale violaceum, et mitram simplicem, sedet super saldistrium ante principalem portam Ecclesiæ sibi paratum, genuflexus detecto capite humiliter absolutionem petit. Pontifex vero primum accipit ab eo juramentum de parendo mandatis Ecclesiæ; deinde accepta in dextera manu virga, dicit Psalmum :

*Miserere mei Deus, * secundum magnum miserere cordiam tuam.*

Totus dicitur ut supra, pag. 97, cum Gloria Patri, et Sicut erat.

Deinde subsequenter Psalmus. Deus misereatur nostri, et benedicat nobis, prout habetur supra in benedictione Campanæ, pag 353, cum Gloria Patri et Sicut erat.

Et in quolibet Versu Pontifex cum virga leviter

*n*ter spatulas verberat absolvendum. *Finitis Psal-*
nis, deposita mitra, surgit Pontifex, et dicit :

Kyrie eleison. Christe eleison. Kyrie eleison.

Pater noster, reliqua secreto, deinde dicit :

¶. **Et ne nos inducas in temptationem.** ¶. **Sed**
ibera nos a malo.

¶. **Salvum fac servum tuum, vel ancillam tuam,**
Domine. ¶. **Deus meus, sperantem in te.**

¶. **Nihil proficiat inimicus in eo, vel, in ea.**

¶. **Et filius iniquitatis non nocebit ei.**

¶. **Esto ei, Domine, turris fortitudinis.** ¶. **A fa-**
cie inimici.

¶. **Domine, exaudi orationem meam.** ¶. **Et cla-**
mor meus ad te veniat.

¶. **Dominus vobiscum.** ¶. **Et cum spiritu tuo.**

OREMUS.

Deus, cui proprium est misereri semper, et par-
cere, suscipe deprecationem nostram, et hunc fa-
mulum tuum, vel famulam tuam, quem, vel quam,
excommunicationis catena constringit, miseratio-
tuæ pietatis clementer absolvat. Per Christum Do-
minum nostrum. ¶. Amen.

OREMUS.

Præsta, quæsumus Domine, huic famulo tuo,
vel huic famulæ tuæ, dignum pœnitentiæ fructum,
ut Ecclesiæ tuæ sanetæ, a cuius integritate devia-
verat peccando, admissorum veniam consequendo,
reddatur innoxius, vel innoxia. Per Christum Do-
minum nostrum. ¶. Amen.

Deinde sedet Pontifex, et, accepta mitra, dicit :

Auctoritate Dei omnipotentis, et beatorum Apos-
tolorum Petri et Pauli, atque Ecclesiæ suæ sanctæ,
et ea qua fungor, abservo te a vinculo *talis* excom-
municationis, qua ex *tali* causa ligatus, vel ligata

eras. In nomine Pa † tris, et Fi † lii, et Spiritus † sancti. ¶ Amen.

Deinde surgit Pontifex cum mitra, et apprehendens absolutum per dexteram manum, introducit eum in Ecclesiam, dicens :

Reduco te in gremium sanctæ matris Ecclesiæ, et ad consortium et communionem totius Christianitatis, a quibus fueras per excommunicationis sententiam eliminatus (*vel eliminata*); et restituo te participationi ecclesiasticorum Sacramentorum. In nomine Pa † tris, et Fi † lii, et Spiritus † sancti. ¶ Amen.

Tertium est, quod absoluto fieri debent justa et rationabilia præcepta. Circa quod considerandum est; utrum ipse fuerit ligatus a Canone, vel ab homine. Si a Canone, satisfacto ei, quem læsiti, injungendum est sibi, ne ulterius contra illum Canonem faciat. Quandoque tamen cogendus est de jure sufficienter super hoc cavere. Si vero excommunicatus auctoritate Apostolica habeat temporale impedimentum, quominus ad Sedem Apostolicam accedere possit, et propterea ab Ordinario absolvatur; tunc injungendum est absoluto, ut statim, impedimento cessante, debeat se Summo Pontifici præsentare, vel ejus Legato, mandatum illius super hoc impleturus; quod tamen in pueris, et mulieribus, et similibus non servatur, qui sicut perpetuum habent impedimentum, perpetuo excusantur. Si vero aliquis ligatus est ab homine, et tunc aut offensa ejus est manifesta, tunc satisfacere debet, priusquam absolvatur; aut est dubia, et tunc, si post absolutionem apparuerit ipsum injuste fuisse ligatum, nihil omnino præcipiendum est ei. Si vero apparuerit ipsum juste fuisse ligatum, præcipiendum est ei, quod satisfaciat competenter.

Quando vero anathema, id est, solemnis excommunicatio pro gravioribus culpis fieri debet, Pontifex paratus amictu, stola, pluviali violaceo, et mitra simplici, assistantibus sibi duodecim Presbyteris superpelliceis indutis, et tam ipso, quam Presbyteris candelas ardentes in manibus tenentibus, sedet super faldistorium ante altare majus, aut alio loco publico, ubi magis sibi placebit, et ibi pronuntiat et profert anathema, hoc modo :

Quia N., diabolo suadente, christianam promissionem, quam in Baptismo professus est, per apostasiam postponens, Ecclesiam Dei devastare, ecclesiastica bona diripere, ac pauperes Christi violenter opprimere non veretur; idcirco solliciti, ne per negligentiam pastoralem pereat, pro quo in tremendo judicio, ante Principem Pastorum Dominum nostrum Jesum Christum rationem reddere compellamur, juxta quod Dominus ipse terribiliter comminatur dicens: Si non annuntiaveris iniquo iniquitatem suam, sanguinem ejus de manu tua requiram, monuimus eum canonicc, primo, secundo, tertio, et etiam quarto, ad ejus malitiam convincendam, ipsum ad emendationem, satisfactionem, et pœnitentiam invitantes, et paterno affectu corripientes. Ipse vero, proh dolor! monita salutaria spernens, Ecclesiæ Dei quam læsit, superbiæ spiritu inflatus, satisfacere dēsignatur. Sane præceptis Dominicis atque Apostolicis informamur, quid de hujusmodi prævaricatoribus agere nos oporteat. Ait enim Dominus: Si manus tua vel pes tuus scandalizat te, abscinde eum, et projice ab te. Et Apostolus inquit: Auferte malum ex vobis. Et iterum: Si is qui frater nominatur, est fornicator, aut avarus, aut idolis serviens, aut maledicuſ, aut ebriosus, aut rapax, cum ejusmodi nec cibum

sumere. Et Joannes præ ceteris dilectus Christi discipulus, tales nefarium hominem salutare prohibet, dicens : Nolite recipere eum in domum, nec AVE ei dixeritis. Qui enim dicit illi AVE, communicat operibus ejus malignis. Dominica itaque atque Apostolica præcepta adimplentes, membrum putridum et insanabile, quod medicinam non recepit, ferro excommunicationis ab Ecclesiæ corpore abscondamus, ne tam pestifero morbo reliqua corporis membra, veluti veneno inficiantur. Igitur quia monita nostra, crebrasque exhortationes contempsit, quia tertio secundum Dominicum præceptum vocatus, ad emendationem et pœnitentiam venire despexit, quia culpam suam nec cogitavit, nec confessus est, nec missa legatione excusationem aliquam prætendit, nec veniam postulavit, sed, diabolo cor ejus indurante, inincepta malitia perseverat, juxta quod Apostolus dicit : Secundum duritiam suam et cor impœnitens thesaurizat sibi iram in die iræ : idcirco eum cum universis complicibus, fautoribusque suis, judicio Dei omnipotentis Patris, et Filii, et Spiritus sancti, et beati Petri principis Apostolorum, et omnium Sanctorum, necnon et mediocritatis nostræ auctoritate, et potestate ligandi et solvendi in cœlo et in terra nobis divinitus collata, a pretiosi Corporis et Sanguinis Domini perceptione, et a societate omnium Christianorum separamus, et a liminibus sanctæ matris Ecclesiæ in cœlo et in terra excludimus, et excommunicatum et anathematizatum esse decernimus; et damnatum cum diabolo, et angelis ejus, et omnibus reprobis in ignem æternum judicamus; donec a diaboli laqueis resipiscat, et ad emendationem et pœnitentiam redeat, et Ecclesiæ Dei, quam læsit, satisfaciat, tradentes eum satanæ in interitum carnis, ut spiritus ejus salvus fiat in die judicii.

Et omnes respondent :

Fiat. Fiat. Fiat.

Quo facto, tam Pontifex, quam Sacerdotes debent projicere in terram candelas ardentes, quas in manibus tenebant. Deinde Epistola Presbyteris ver Parochias, et etiam vicinis Episcopis mittatur, continens nomen excommunicati, et excommunicationis causam; ne quis per ignorantiam ulterius illi communicet, et ut excommunicationis occasio omnibus auferatur.

Si vero anathematizatus, pænitentia ductus, veniam postulare voluerit, et emendationem promittere, Pontifex qui eum excommunicavit, paratus ut supra, ante januas Ecclesie venit, sedens ibidem in faldistorio sibi parato, et duodecim Presbyteri superpelliceis induiti eum hinc inde circumstare debent. Adsint etiam illi, quibus injuria vel damnum est illatum, et ibidem secundum leges divinas omne damnum commissum emendetur. Tum anathematizatus genuflexit coram Pontifice, quem interrogat Pontifex, si pænitentiam, prout Canones præcipiunt, pro perpetratis sceleribus suscipere velit? Ille tunc genuflexus veniam postulat, culpam confitetur, pænitentiam implorat, et de futuris cautelam spondet. Tunc Pontifex sedens cum mitra, dicit cum ministris septem Psalmos pænitentiales, (quos require supra, pag. 106.) Pontifice quandoque illum leviter interscapulas verberante: finitis Psalmis, Pontifex, deposita mitra, surgit, et dicit:

Kyrie eleison. Christe eleison. Kyrie eleison.

Pater noster, reliqua secreto; deinde dicit:

¶. Et ne nos inducas in temptationem. ¶. Sed libera nos a malo.

¶. Salvum fac servum tuum, *vel* ancillam tuam. Domine. ¶. Deus meus, sperantem in te.

¶. Nihil proficiat inimicus in eo, *vel* in ea. ¶. Et filius iniquitatis non apponat nocere ei.

¶. Esto ei, Domine, turris fortitudinis. ¶. A facie inimici.

¶. Domine, exaudi orationem meam. ¶. Et clamor meus ad te veniat.

*. ¶. Dominus vobiscum. ¶. Et cum spiritu tuo.

OREMUS.

Deus, cui proprium est misereri semper, et parcere, suscipe deprecationem nostram, et hunc famulum tuum, *vel* famulam tuam, quem, *vel* quam excommunicationis catena constringit, miseratio tuæ pietatis clementer absolvat. Per Christum Dominum nostrum. ¶. Amen.

OREMUS.

Præsta, quæsumus Domine, huic famulo tuo, *vel* famulæ tuæ, dignum pœnitentiae fructum, ut Ecclesiæ tuæ sanctæ, a cuius integritate deviaverat peccando, admissorum veniam consequendo redatur innoxius *vel* innoxia. Per Christum Dominum nostrum. ¶. Amen.

Deinde sedet Pontifex, et, accepta mitra, dicit:

Auctoritate Dei omnipotentis, et beatorum Apostolorum Petri et Pauli, atque Ecclesiæ suæ sanctæ, et ea qua fungor, absolvo te a vinculo *talis excommunicationis*, qua ex *tali causa ligatus vel ligatas* eras. In nomine Pa † tris, et Fi † lii, et Spiritus † sancti. ¶. Amen.

Tum surgit cum mitra Pontifex, et apprehendens absolutum per dexteram manum, introducit

eum in Ecclesiam usque ante gradus majoris altaris, interim dicens :

Reduco te in gremium sanctæ matris Ecclesiæ, et ad consortium et communionem totius Christianitatis, a quibus fueras per excommunicationis sententiam eliminatus *vel* eliminata; et restituo te participationi ecclesiasticorum Sacramentorum. In nomine Pa † tris, et Fi † lii, et Spiritus † sancti. R. Amen.

Quo dicto, et cum ante gradus majoris altaris pervenerint, ille ibidem in inferiori gradu altaris genuflectit. Pontifex vero ascendit ad altare, ubi stans versus ad introductum, deposita mitra, absolute dicit :

OREMUS.

Majestatem tuam, quæsumus Domine sancte, Pater omnipotens, æterne Deus, qui non mortem peccatorum, sed pœnitentiam semper inquiris, respice flentem famulum tuum, attende prostratum, ejusque planctum in gaudium tua miseratione converte; scinde delictorum saccum, et indu eum lætitia salutari; ut post longam peregrinationis famem, de sanctis Altaribus satietur, ingressusque cubiculum Regis in ipsius aula benedicat nomen gloriæ tuæ semper. Per Christum Dominum nostrum. R. Amen.

OREMUS.

Deus misericors, Deus clemens, qui secundum multitudinem miserationum tuarum peccata pœnitentium deles, et præteriorum criminum culpas venia tuæ miserationis evacuas, respice propitius super hunc famulum tuum, et remissionem sibi omnium peccatorum suorum tota cordis devotione poscentem, deprecatus exaudi; renova in eo, piis-

sime Pater, quidquid terrena fragilitate corruptum
seu diabolica fraude violatum est, et unitati cor-
poris Ecclesiæ membrum perfecta remissione rest-
tue. Miserere, Domine, gemitum, miserere lacry-
marum ejus, et non habentem fiduciam, nisi in
misericordia tua, ad tuæ Sacramentum reconcilia-
tionis admitte. Per Christum Dominum nostrum
Iesum. Amen.

*Deinde Pontifex producit signum crucis super
introductum, qui surgit, et discedit.*

ORDO AD RECONCILIANDUM

APOSTATAM, SCHISMATICUM VEL HÆRETICUM.

*Pontifex apostatam, schismaticum, vel hæren-
ticum reconciliare volens, paratus amictu, stola
pluviali albo, et mitra simplici, sedet super fal-
distorium ante fores Ecclesiæ sibi paratum, co-
ram quo genuflectit reconciliandus, quem inter-
rogat Pontifex de fide, dicens :*

Credis duodecim Articulos Fidei?

Ille respondet :

Credo.

Pontifex interrogat :

*Credis in Deum Patrem omnipotentem, crea-
rem cœli et terræ?*

Ille respondet :

Credo.

Pontifex interrogat :

*Credis et in Jesum Christum Filium ejus unicum
Dominum nostrum?*

Ille respondet :

Credo.

Pontifex interrogat :

Credis quod conceptus est de Spiritu sancto ,
natus ex Maria Virgine?

Ille respondet :

Credo.

Pontifex interrogat :

Credis quod passus est sub Pontio Pilato , cru-
cifixus , mortuus , et sepultus ?

Ille respondet :

Credo.

Pontifex interrogat :

Credis quod descendit ad inferos ?

Ille respondet :

Credo.

Pontifex interrogat :

Credis quod tertia die resurrexit a mortuis ?

Ille respondet :

Credo.

Pontifex interrogat :

Credis , quod ascendit ad cœlos , et sedet ad
dexteram Dei Patris omnipotentis ?

Ille respondet :

Credo.

Pontifex interrogat :

Credis quod venturus est judicare vivos et mor-
tuos ?

Ille respondet :

Credo.

Pontifex interrogat :

Credis in Spiritum sanctum ?

Ille respondet :

Credo.

Pontifex interrogat :

Credis sanctam Ecclesiam Catholicam , Sanctorum communionem ?

Ille respondet :

Credo.

Pontifex interrogat :

Credis remissionem omnium peccatorum ?

Ille respondet :

Credo.

Pontifex interrogat :

Credis carnis resurrectionem et vitam æternam ?

Ille respondet :

Credo.

Deinde Pontifex surgit cum mitra, et super illum genuflexum dicit absolute incipiens :

Exorcizo te , immunde spiritus , per Deum Patrem omnipotentem , et per Jesum Christum Filium ejus , et per Spiritum sanctum , ut recedas ab hoc famulo Dei , quem Deus et Dominus noster ab erroribus et perceptionibus tuis liberare , et ad sanctam matrem Ecclesiam Catholicam atque Apostolicam revocare dignatur. Ipse tibi imperet , male dicte ac damnate , qui pro salute hominum passus , mortuus , et sepultus est , te atque omnes vires tuas superavit , ac resurgens cœlos ascendit , inde venturus judicare vivos et mortuos , et sæculum per ignem .

Tunc signat illum cum pollice dexteræ manus in fronte signo crucis , dicens :

Accipé signum crucis Christi , atque Christianitatis , quod prius acceptum non custodivisti , sed male deceptus abnegasti .

Deinde surgit ille , et Pontifex , retenta mitra ,

sinistra sua illum apprehendit per manum dexteram, dicens :

In greedere in Ecclesiam Dei, a qua incaute aberrasti; ac evasisse te laqueo mortis agnosce; horresce idola; respue omnem pravitatem, sive superstitionem hæreticam, *vel* gentilem, *aut* judaicam. Cole Deum Patrem omnipotentem, et Jesum Christum Filium ejus, et Spiritum sanctum, unum, vivum et verum Deum, sanctam et individuam Trinitatem.

Tum introducit illum in Ecclesiam per manum, ut eum apprehendit, usque ad altare majus, coram quo in infimo gradu ille genuflectit. Pontifex vero ascendit ad medium altaris, ubi, deposita mitra, stans versus ad illum, dicit absolute :

Omnipotens sempiterne Deus, hanc ovem tuam de fauibus lupi tua virtute subtractam, paterna recipe pietate, et gregi tuo reforma pia benignitate; ne de familiæ tuæ damno inimicus exultet, sed de conversione et liberatione ejus, Ecclesia tua ut pia mater de filio reperto gratuletur. Per Christum Dominum nostrum. **R. Amen.**

OREMUS.

Deus, qui hominem ad imaginem tuam conditum misericorditer reparas, quem mirabiliter creasti; respice propitius super hunc famulum tuum, ut quod hujus ignorantiae cæcitatem, hostili et diabolica fraude surreptum est, indulgentia tuæ pietatis ignoscat et absolvat; et altaribus sacris, recepta veritatis tuæ communione, reddatur. Per Christum Dominum nostrum. **R. Amen.**

Deinde sedet ibidem Pontifex super faldistorio, et, accepta mitra, interrogat illum iterum de fide Catholica, dicens :

*Credis in Deum Patrem omnipotentem creatorēm
cœli et terræ?*

Respondet ille :

Credo.

Interrogatio :

*Credis et in Jesum Christum ejus Filium unicum,
Dominum nostrum , natum , et passum ?*

Respondet :

Credo.

Interrogatio :

*Credis in Spiritum sanctum , sanctam Ecclesiam
Catholicam , Sanctorum communionem , remissio-
nem peccatorum , carnis resurrectionem , et vitam
æternam post mortem ?*

Respondet :

Credo.

Postea interrogat Pontifex :

Homo , abrenuntias satanæ , et angelis ejus?

Respondet :

Abrenuntio.

Interrogatio :

*Abrenuntias etiam omni sectæ gentilitatis , tel-
hæreticæ pravitatis , sive judaicæ superstitionis?*

Respondet :

Abrenuntio.

Interrogatio :

*Vis esse , et vivere in unitate sanctæ Fidei Ca-
tholicæ?*

Respondet :

Volo.

*Tunc , deposita mitra , surgit Pontifex , et recon-
ciliatus accedit ad pedes ejus , coram eo genuflec-*

tens. Pontifex vero imponit manum dexteram super caput illius, dicens :

OREMUS.

Domine Deus omnipotens, Pater Domini nostri Jesu Christi, qui dignatus es hunc famulum tuum ab errore gentilitatis, vel mendacio hæreticæ pravitatis, sive judaicæ superstitionis clementer eruere, et ad Ecclesiam tuam sanctam revocare; tu, Domine, emitte in eum Spiritum sanctum paraclitum de cœlis. *¶. Amen.*

Spiritu sapientiæ, et intellectus. *¶. Amen.*

Spiritu consiliī, et fortitudinis. *¶. Amen.*

Spiritu scientiæ, et pietatis. *¶. Amen.*

Adimple eum lumine splendoris tui, et in nomine ejusdem Domini nostri Jesu Christi signetur signo cru † cis in vitam æternam. *¶. Amen.*

Post hæc, si reconciliatus sit is qui præcipuuſ et notabilis fautor schismatis extitit, genuflexus, ut supra, facit publice professionem et abjurationem, Pontifice cum mitra in saldistorio ante altare sedente, dicens :

Ego N. comperto divisionis laqueo quo tenebar, diutina mecum deliberatione pertractans, prona et spontanea voluntate ad unitatem Sedis Apostolicæ, divina gratia duce, reversus sum: ne vero non pura mente, seu simulata, reversus existimer, spondeo sub ordinis mei casu, et anathematis obligatione, atque promitto tibi, tali Episcopo, et per te sancto Petro Apostolorum principi, atque sanctissimo in Christo Patri, et Domino nostro, Domino N. Papæ N. et successoribus suis, me numquam quorumlibet suasionibus, vel quocumque alio modo, ad schisma, de quo Redemptoris nostri gratia liberante creptus sum, reversurum, sed semper in unitate Ecclesiæ Catholicae, et in

communione Romani Pontificis per omnia perman-
surum ; unde jurans dico per Deum omnipotentem,
et sancta Dei Evangelia, me in unitate et commun-
ione præmissis inconcusse mansurum. Et si (quod
absit) ab hac me unitate aliqua occasione , vel ar-
gumento divisero, perjurii reatum incurrens æternæ
obligatus pœnæ inveniar , et cum auctore schis-
matis habeam in futuro sæculo portionem.

*Deinde super librum Evangeliorum, quem Pon-
tifex ante se tenet apertum, ponit ambas manus
ettensas, junctis digitis, dicens :*

Sic me Deus adjuvet , et hæc sancta Dei Evan-
gelia.

*Tum, producto per Pontificem signo crucis su-
per reconciliatum, surgit reconciliatus et disce-
dit.*

*Si vero reconciliatus fuerat hæresiarcha, seu
præcipuus auctor alicujus hæresis, omissa pro-
missione præcedente, facit sequentem, genuflexus
coram Pontifice cum mitra in faldistorio ante al-
tare sedente, dicens :*

Ego N. cognoscens veram Catholicam , et Aposto-
ticam Fidem , anathematizo hic publice omnem
hæresim , præcipue illam de qua hactenus extitit
infamatus , quæ astruere conatur *hoc, vel illud.*
Consentio autem sanctæ Romanæ Ecclesiæ; et Aposto-
ticæ Sedi ore et corde profiteor me credere *sic,*
vel sic, et eamdem Fidem tenere , quam sancta Ro-
mana Ecclesia auctoritate Evangelica et Apostolica
tenendam tradit. Jurans hoc per sanctam homou-
sion , id est , ejusdem substantiæ Trinitatem ; per
sacrosancta Evangelia Christi ; eos autem , qui con-
tra Fidem hanc venerint , cum dogmatibus et sec-
tatoribus suis æterno anathemate dignos esse pro-
puntio. Et si ego ipse (quod absit) aliquando contra

hæc aliquid assentiri , aut prædicare præsumpsero , .
canonum severitati subjaceam.

*Et mox ambas manus extensas , digitis non dis-
junctis , ponit super librum Evangeliorum , quem
Pontifex ante se apertum tenet , dicens :*

Sic me Deus adjuvet , et hæc sancta Dei Evan-
gelia.

*Tum , producto per Pontificem signo crucis su-
per reconciliatum , surgit ipse reconciliatus , et
discedit.*

DE ITINERATIONE PRÆLATORUM.

*Prælatus incipiens iter agere , antequam equum
ascendat , inchoat hanc Antiphonam :*

In viam pacis.

Canticum Zachariæ. (Lucæ 1.)

Benedictus Dominus De-
us Israel , * quia visitavit et
fecit redemptionem plebis
suæ.

Et erexit cornu salutis
nobis , * in domo David
pueri sui.

Sicut locutus est per os
Sanctorum , * qui a sæculo
sunt , prophetarum ejus.

Salutem ex inimicis
nostris , * et de manu
omnium , qui oderunt nos.

Ad faciendam misericor-
diam cum patribus nostris :
* et memorari testamenti
sui sancti.

Jusjurandum , quod ju-

ravit ad Abraham patrem
nostrum , * daturum se
nobis.

Ut sine timore , de manu
inimicorum nostrorum li-
berati , * serviamus illi.

In sanctitate et justitia
coram ipso , * omnibus die-
bus nostris.

Et tu , puer , Propheta
Altissimi vocaberis : *
præibis enim ante faciem
Domini parare vias ejus.

Ad dandam scientiam
salutis plebi ejus , * in re-
missionem peccatorum eo-
rum.

Per viscera misericor-

diæ Dei nostri : * in quibus | pedes nostros in viam
visitavit nos oriens ex alto. | pacis.

Illuminare his , qui in tenebris et in umbra mor- tis sedent:*	ad dirigendos	Gloria Patri. Sicut erat etc.
--	---------------	----------------------------------

*Deinde dicit totam Antiphonam, et alia se-
quentia :*

In viam pacis et prosperitatis dirigat nos omni-
potens et misericors Dominus , et Angelus Raphael
comitetur nobiscum in via , ut cum pace , salute ,
et gaudio revertamur ad propria.

Kyrie eleison. Christe eleison. Kyrie eleison.

Pater noster , *reliqua secreto , deinde dicit :*

*. Et ne nos inducas in temptationem. ¶. Sed li-
bera nos a malo.

*. Salvos fac servos tuos. ¶. Deus meus speran-
tes in te.

*. Mitte nobis , Domine , auxilium de sancto.

¶. Et de Sion tuere nos.

*. Esto nobis , Domine , turris fortitudinis. ¶. A
facie inimici.

*. Nihil proficiat inimicus in nobis. ¶. Et filius
iniquitatis non apponat nocere nobis.

*. Benedictus Dominus die quotidie. ¶. Prospe-
rum iter faciat nobis Deus salutarium nostrorum.

*. Vias tuas , Domine , demonstra nobis. ¶. Et
semitas tuas edoce nos.

*. Utinam dirigantur viæ nostræ. ¶. Ad custo-
diendas justifications tuas.

*. Erunt prava in directa. ¶. Et aspera in vias
planas.

*. Angelis suis Deus mandavit de te. ¶. Ut cus-
todiant te in omnibus viis tuis.

*. Domine , exaudi orationem meam. ¶. Et cla-
mor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, qui filios Israel per maris medium sicco vestigio ire fecisti, quique tribus Magis iter ad te, stella duce, pandisti; tribue nobis, quæsumus, iter prosperum, tempusque tranquillum; ut Angelo tuo sancto comite, ad eum quo pergimus locum, ac demum ad æternæ salutis portum pervenire feli-citer valeamus.

Deus, qui Abraham puerum tuum de Ur Chal-dæorum eductum, per omnes suæ peregrinationis vias illæsum custodisti, quæsumus, ut nos famu-los tuos custodire digneris; esto nobis, Domine, in procinctu suffragium, in via solatium, in æstu umbraculum, in pluvia et frigore tegumentum, in lassitudine vehiculum, in adversitate præsidium, in lubrico baculus, in naufragio portus; ut, te duce, quo tendimus, prospere perveniamus, et demum incolumes ad propria redeamus.

Adesto, quæsumus Domine, supplicationibus nostris, et viam famulorum tuorum in salutis tuæ prosperitate dispone; ut inter omnes viæ et vitæ hujus varietates tuo semper protegamur auxilio.

Præsta, quæsumus omnipotens Deus, ut familia tua per viam salutis incedat, et beati Joannis præ-cursoris hortamenta sectando, ad eum quem præ-dixit, secura perveniat, Dominum nostrum Jesum Christum Filiam tuum, qui tecum vivit et regnat in unitate Spiritus sancti Deus, per omnia sæculorum. ¶. Amen.

Tum dicit Pontifex :

†. Procedamus cum pace. ¶. In nomine Domini.

Et discedunt.

ORDO AD RECIPIENDUM

PROCESSIONALITER PRÆLATUM, VEL LEGATUM.

Cum Prælatus, vel Legatus, civitatem aliquam, vel oppidum insigne est ingressurus, processio Cleri ex more loci ordinata cum Cruce procedit illi obviam extra portam urbis, et cum Legatus, sive Prælatus, advenerit, Prælatus ejus loci induitus amictu, stola, pluviali et mitra pretiosis, sive primam dignitatem habens, indutus superpelliceo et pluviali pretioso, offert venienti crucem osculandam, quam Legatus seu Prælatus ex equo, vel, si maluerit, descendens in terram super tapetem stratum genuflexus devote osculatur. Tum, si intrans est Episcopus, vel major, aut Presbyter vel Episcopus Cardinalis, Cantores incipiunt et prosequuntur Antiphonam :

Sacerdos , et Pontifex , et virtutum opifex , pastor bone in populo , sic placuisti Domino.

Vel dicatur Responsorium.

Ecce Sacerdos magnus , qui in diebus suis placuit Deo. * Ideo jurejurando fecit illum Dominus crescere in plebem suam. *. Benedictionem omnium gentium dedit illi , et testamentum suum confirmavit super caput ejus. * Ideo. Gloria. * Ideo.

Si vero Legatus recipiendus sit Diaconus Cardinalis, cantatur Responsorium :

Fidelis namque, et prudens dispensator in magni patrisfamilias domo constitutus erat ; * Ut conservis suis mensuram . tritici erogaret. *. Pro salute et augmentatione gregis sibi commissi cura pervigili sollicitus erat. * Ut.

Si autem duo vel plures reciperentur Legati, etiam si non essent Episcopi, vel Presbyteri Cardinales, cantatur Antiphona.

Vos estis cives Sanctorum, et domestici Dei, superaedificati supra fundamentum Apostolorum et Prophetarum.

In porta autem urbis consueverunt Magistratus illius obviare Legato, vel Prælato primo intranti, ac illum benigne suspicere, et associare, ac baldachinum super eum deferre. Incepit Antiphona, processio, quæ locum habere debet immediate ante crucem Prælati, nisi intersint Canonici Cathedralis, Ecclesiæ, Ordine suo progreditur, et cantantur post dictas Antiphonas, seu Responsoria, alia Cantica, vel Hymni, prout magis placebit, usque ad Ecclesiam majorem, seu principalem loci. Si vero processioni intersint Canonici Ecclesiæ Cathedralis, illi soli possunt ire post crucem Legati immediate ante eum. Equitantes vero omnes equitare debent ante processionem; togati vero debent Legatum, seu Prælatum sequi. Cum Prælatus, seu Legatus descenderit, et intra portam majoris seu principalis Ecclesiæ, Prælatus Ecclesiæ, seu majorem dignitatem habens, induitus, ut supra, detecto capite offert illi aspersorium cum aqua benedicta, quod Prælatus, seu Legatus accipiens aspergit primo seipsum, deinde alios. Tum idem Prælatus Ecclesiæ, seu primam dignitatem habens, offert ei naviculam, aliquo alio Sacerdote superpelliceo induito thuribulum porrigit, et Legatus, seu Prælatus imponit incensum, et statim Prælatus Ecclesiæ, seu dignitatem habens, incensat ipsum Prælatum, seu Legatum stantem cooperto capite, more consueto. Deinde procedunt ad altare maius Ecclesiæ, et ibi super faldistorio ante infimum gradum altaris paralo procumbit, et orat Prælatus, seu Legatus. Interim vero Prælatus Ecclesiæ, seu

dignitatem majorem habens, stans in cornu Epistolæ altaris versus ad orantem, detecto capite, dicit :

†. Protector noster aspice Deus. ¶. Et respice in faciem Christi tui.

Cum omnibus sequentibus, si receptus sit Prælatus, aut Legatus, Episcopus vel Presbyter Cardinalis. Si vero sit Diaconus Cardinalis, omisso Versu præcedente, dicit sequentes tantum :

†. Salvum fac servum tuum. ¶. Deus meus, spernantem in te.

†. Mitte ei, Domine, auxilium de sancto. ¶. Et de Sion tuere eum.

†. Nihil proficiat inimicus in eo. ¶. Et filius iniquitatis non apponat nocere ei.

†. Domine, exaudi orationem meam. ¶. Et clamor meus ad te veniat.

†. Dominus vobis cum. ¶. Et cum spiritu tuo.

OREMUS.

Omnipotens sempiterne Deus, qui facis mirabilia magna solus, prætende super hunc famulum tuum, et cunctas congregations illi commissas, Spiritum gratiæ salutaris, et, ut in veritate tibi complaceat, perpetuum ei rorem tuæ benedictionis infunde. Per Christum Dominum nostrum.
¶. Amen.

His dictis, Cantores cantant aliquam Antiphonam eis magis placentem de Sancto Patrone Ecclesie cum Versiculo de eodem Sancto. Et cum dicitur Versiculus, surgens Prælatus vel Legatus ascendit ad altare, osculaturque illud in medio; deinde procedit ad cornu Epistolæ, ubi stans, ad ipsum altare versus, cantat Orationem de dicto Sancto; deinde ad medium altaris revertitur, ubi stans dat benedictionem solemnem populo, dicens : Sit nomen Domini benedictum etc.

Qua data, facit promulgari per unum ex suis, sive ex beneficiatis Ecclesiæ indulgentias, quas ipse interessentibus concedit; deinde Prælatus Ecclesiæ, et alii, dimissis paramentis, associant illum usque ad diversorium suum. Cum vero novus Prælatus primo ad Ecclesiam suam veniens recipitur, loco Orationis prædictæ Omnipotens sempiterne Deus etc., dicitur sequens Oratio.

OREMUS.

Deus, omnium fidelium pastor et rector, famulum tuum N. quem Ecclesiæ tuæ præesse voluisti, propitius respice; da ei, quæsumus, verbo et exemplo, quibus præest, proficere, ut ad vitam una cum grege sibi credito perveniat sempiternam. Per Christum Dominum nostrum. ¶. Amen.

ORDO AD VISITANDAS PAROCHIAS.

Pontifex visitaturus Diæcesim, et Parochias suas, cum ad civitatem seu oppida suæ Diæcessis pervenerit, recipitur processionaliter eo ordine, prout supra in receptione Prælati seu Legati, dictum est. Hoc solo dempto, quod loco Orationis

Omnipotens sempiterne Deus, qui facis mirabilia magna etc., seu Deus omnium etc., ipso Prælato ante altare in faldistorio genua flectente, dicitur sequens Oratio :

OREMUS.

Deus, humilium visitator, qui eos paterna dilectione consolaris, prætende societati nostræ gratiam tuam; ut per eos, in quibus habitas, tuum in nobis sentiamus adventum. Per Christum Dominum nostrum. ¶. Amen.

Qua finita, Pontifex surgens ascendit ad altare majus, osculaturque illud in medio, et ibidem populo solemniter benedicit.

Deinde, vel in medio Missæ, versus ad populum sedens proponit populo causas adventus sui, quia sacri Canones, et Ecclesiasticus ordo hoc fieri præcipiunt propter multa.

Primo ad absolvendas animas defunctorum.

Secundo, ut sciat et videat qualiter Ecclesia ipsa spiritualiter et temporaliter gubernetur; quomodo se habeat in ornamentis; qualiter ibi Ecclesiastica Sacra menta ministrantur, et divina officia peraguntur; quale servitium ibi impenditur; qualis sit vita ministrorum et populi; ut ex officio inquisitionis suæ, per eum, si qua in præmissis corrigenda fuerint, corrigantur et emendentur.

Tertio ad adulteria, fornicationes, sacrilegia, divinationes, et similia publica in populo punienda, ad quod interdum non sufficiunt Ecclesiarum Rectores: ostendens diligenter populo, quam damnabilia et detestanda sunt crimina ipsa.

Quarto propter casus, qui de jure, vel consuetudine, ad Episcopum dumtaxat pertinere noscuntur, qui in Constitutionibus synodalibus continentur, in quibus nullus aliis se intromittere potest; protestans plebi, quod si quis, vel si qua in aliquo ipsorum casuum, vel in quocumque alio, consilio ejus indigerit, paratus sit benigne audire, et consilium, et absolutionem impendere: ac pœnitentiam misericorditer injungere salutarem.

Quinto ad exhibendum Sacramentum Confirmationis, cuius solus Episcopus ordinarius minister est.

Deinde inducit diligenter populum ad pœnitentiam, et instruit in Ecclesiasticis Sacramentis, et in Articulis Fidei, et qualiter debent declinare a malo,

et facere bonum; fugere vitia, et sectari virtutes; alteri non facere, quod sibi fieri nolunt. His explentis, fit populi confessio, et absolutio generalis, et indulgentia datur per Pontificem. Post haec Pontifex, deposita cappa, induitur amictu, stola, pluviali violacei vel nigri coloris, et mitra simplici, et stans cum mitra juxta altare, versus ad populum incipit Antiphonam: Si iniquitates.

Postea cum ministris seu Capellanis suis dicit Psalmum De profundis clamavi ad te Domine, totum, ut supra, pag. 110, et in fine:

Requiem æternam * dona eis Domine. Et lux perpetua luceat eis.

Tum dicit totam antiphonam:

Si iniquitates observaveris Domine: Domine, quis sustinebit?

Qua dicta, deposita mitra, dicit:

Kyrie eleison. Christe eleison. Kyrie eleison.

Pater noster.

Quod secrete completur. Et interim, accepto aspersorio, cum aqua benedicta, tertio aspergit ante se; deinde imposito incenso in thuribulo, et illo benedicto, eodem modo incensat. Quo facto, pronuntiat Versus:

Et ne nos inducas in temptationem. ¶ Sed libera nos a malo.

*. In memoria æterna erunt justi. ¶ Ab auditione mala non timebunt.

*. A porta inferi. ¶ Erue, Domine, animas eorum.

*. Requiem æternam dona eis, Domine. ¶ Et lux perpetua luceat eis.

*. Domine, exaudi orationem meam. ¶ Et clamor meus ad te veniat.

*. Dominus vobiscum. ¶ Et cum spiritu tuo.

OREMUS.

Deus , qui inter Apostolicos Sacerdotes famulos
tuos Pontificali fecisti dignitale vigere ; præsta,
quæsumus , ut eorum quoque perpetuo aggregen-
tur consortio. Per Christum Dominum nostrum.
R. Amen.

*Deinde aqua benedicta, thuriferario, duobus cero-
ferariis, cruce, et Clero præcedentibus, et cantanti-
bus Responsorium :*

Qui Lazarum resuscitasti a monumento fœtidum,
* Tu eis, Domine , dona requiem , et locum indul-
gentiæ. ¶ Qui venturus es judicare vivos , et mor-
tuos , et sæculum per ignem. * Tu eis Domine.

*Pontifex cum mitra exit ad cæmeterium, interim
dicens cum ministris suis Antiphonam :*

Si iniquitates :

*Deinde Psalmum 129. De profundis clamavi, lo-
tum ut supra, pag. 110, et in fine ¶. Requiem æter-
nam dona eis Domine. R. Et lux perpetua * luceat
eis.*

Et Antiphona repetitur.

Si iniquitates etc.

*Quibus omnibus dictis, cum fuerint in medio ca-
meterii , subsistunt suo ordine , et Chorus cantat
Responsorium :*

Libera me , Domine , de morte æterna , in die
illa tremenda. * Quando cœli movendi sunt, et
terra. * Dum veneris judicare sæculum per ignem.
¶ Tremens factus sum ego , et timeo , dum discus-
sio venerit , atque ventura ira. * Quando cœli mo-
vendi sunt et terra. ¶. Dies illa, dies iræ, calami-
tatis , et miseriæ , dies magna , et amara valde.*
Dum veneris. ¶. Requiem æternam dona eis , Do-
mine: et lux perpetua luceat eis.

Tum repetitur Responsorium :
Libera me Domine etc.

*Usque ad primum Versum. Interim dum Respon-
 sorium repetitur, offertur per digniorem Ecclesie
 navicella, et per alium ex ministris thuribulum
 Pontifici, qui imponit incensum more consueto. Res-
 pensorio repetito, Chorus cantat :*

Kyrie eleison. Christe eleison. Kyrie eleison.

*Mox Pontifex, mitra deposita, convenienti voce
 dicit : Pater noster, reliqua secreto.*

*Deinde aspergit, et incensat, prout fecit in Eccle-
 sia. Quo facta, dicit versus :*

†. Et ne nos inducas in temptationem. ¶. Sed libera
 nos a malo.

†. In memoria æterna erant justi. ¶. Ab audi-
 tione mala non timebunt.

†. A porta inferi. ¶. Erue, Domine, animas
 eorum.

†. Requiem æternam dona eis, Domine. ¶. Et
 lux perpetua luceat eis.

†. Domine, exaudi orationem meam. ¶. Et cla-
 mor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, qui inter Apostolicos Sacerdotes famulos
 tuos Sacerdotali fecisti dignitate vigere: præsta
 quæsumus, ut eorum quoque perpetuo aggregen-
 tur consortio.

Deus, veniae largitor, et humanæ salutis amator,
 quæsumus clementiam tuam, ut nostræ congrega-
 tionis fratres, propinquos, et benefactores, qui ex
 hoc sæculo transierunt, beata Maria semper Virgi-
 ne intercedente, cum omnibus Sanctis tuis ad per-
 petuae beatitudinis consortium pervenire concedas.

Deus cuius miseratione animæ fidelium requiescunt, famulis et famulabus tuis omnibus hic et ubique in Christo quiescentibus, da propitiis veniam peccatorum; ut a cunctis reatibus absoluti tecum sine fine lætentur. Per Christum Dominum nostrum. *R. Amen.*

V. Requiem æternam dona eis, Domine. R. Et lux perpetua luceat eis.

Tum duo Cantores dicunt :

V. Requiscant in pace. R. Amen.

Et mox Pontifex, elevata dextera, producit signum crucis ab omni parte super cæmeterium. Tum accepta mitra per Pontificem, revertuntur omnes ad Ecclesiam, ordine quo venerunt. Choro dicente congruenti voce sine nota totum Psalmum.

Miserere mei Deus, * secundum magnam misericordiam tuam, ut supra, pag. 97, cum *. Requiem æternam * dona eis Domine. *R. Et lux perpetua * luceat eis.*

Quem etiam Pontifex ipse dicit voce demissa cum ministris, seu Capellanis suis : quibus dictis, et cum ad Chorum ante majus altare pervenerit Pontifex, deposita mitra, stans ibidem in medio, versus ad altare, dicit ;

Kyrie eleison. Christe eleison. Kyrie eleison.

Pater noster, reliqua secreto ; deinde dicit :

V. Et ne nos inducas in temptationem. R. Sed libera nos a malo.

V. A porta inferi. R. Erue, Domine, animas eorum.

V. Domine, exaudi orationem meam. R. Et clamor meus ad te veniat.

V. Dominus vobiscum. R. Et cum spiritu tuo.

OREMUS.

Absolve, quæsumus Domine, animas famulorum famularumque tuarum, ab omni vinculo delictorum, ut in resurrectionis gloria inter Sanctos et electos tuos resuscitati respirent. Per Christum Dominum nostrum. ¶ Amen.

His peractis, depositis stola et pluviali nigris, seu violaceis, et assumptis albis, incipit visitationem a Sanctissima Eucharistia, ad Baptisterium, inde ad sancta Olea, ad sacras Reliquias, tum ad Altaria, et Capellas, et Sacras Imagines, item ad sacristiam, et cæmeterium se confert; post ad ædes Canonicales, hospitalia, confraternitates, et alia loca pia. Poterit postea Pontifex confirmare pueros, præmissa monitione, et aliis servatis, prout supra in principio de confirmandis dictum est.

Expedita itaque Confirmatione, et benedictis ornamentiis, si qua benedicenda sunt, depositisque induimentiis Ecclesiasticis, confessiones, et deinde querelas, si quæ sunt, audit. Tum de conversatione Cleri, et populi, ac qualiter spiritualia, et temporalia in ipsa Ecclesia ministrantur; et de libris ac ornamentis diligenter de plano inquirit.

Peracta demum visitatione illius loci, et omnibus expeditis, cum discedere voluerit Pontifex, in suo habitu communi accedit ad Ecclesiam, et stans ante altare in cornu Epistolæ versus ad illud, dicit Psalmum. De profundis, pag. 110, totum cum Requiem æternam, et Antiphona. Si iniquitates.

Deinde dicit: Pater noster.

¶. Et ne nos inducas in temptationem. ¶. Sed libera nos a malo.

¶. A porta inferi. ¶. Erue, Domine, animas eorum.

¶. Requiescant in pace. ¶. Amen.

†. Domine, exaudi orationem meam. R. Et clamor meus ad te veniat

†. Dominus vobiscum R. Et cum spiritu tuo.

OREMUS.

Deus, cuius miseratione animæ fidelium requiescunt, famulis et famulabus tuis omnibus hic et ubique in Christo quiescentibus, da propitius veniam peccatorum, ut a cunctis reatibus absoluti, tecum sine fine lætentur. Per Christum Dominum nostrum.

R. Amen.

Post hæc discedit, quo voluerit.

ORDO AD RECIPIENDUM

PROCESSIONALITER IMPERATOREM.

Quando Imperator venit ad aliquam urbem, vel oppidum insigne, Clerus urbis obviam venit ei processionaliter, ut dictum est superius de receptione Prælati, vel Legati; tamen extra portam aliquantulum magis remote, quam Prælato et Legato fieri solet. Imperator ex equo, vel (quod magis convenit) descendens in terra super tapetem stratum genuflexus osculatur ibidem crucem, et sub baldachino ducitur usque ad Ecclesiam. Processio præcedit immediate Imperatorem, et is qui gladium Imperatori præfert, equitat immediate post Prælatum processionis. Si vero Legatus Apostolicus Imperatorem reciperet, aut cum eo urbem intraret, vel alias secum iret, vel equitaret; ille qui gladium Imperatori præfert, et aliis crucem Legati portans, simul ire debent. Crux Legati, quia debetur ei latraria, erit a dexteris, et gladius Imperatoris a sinistris. Interim dum procedunt ad Ecclesiam, cantatur Antiphona:

Ecce mitto Angelum meum, qui præparabit viam tuam ante faciem meam.

Et post Antiphonam prædictam cantantur Hymni, vel alia Cantica devota, prout magis placebit. Cum imperator descenderit, et intrat Ecclesiam, Prælatus Ecclesiæ, accepto aspersorio, aspergit eum, deinde alios in genere, et procedunt usque ad altare majus, coram quo Imperator genuflectit super faldistorio ibidem sibi parato. Prælatus vero Ecclesiæ ascendit ad cornu Epistolæ altaris, ubi stans versus ad orantem, detecto capite, dicit :

†. Deus, judicium tuum Regi da. ¶. Et justiam tuam filio Regis.

†. Salvum fac N. Imperatorem nostrum, Domine. ¶. Deus meus, sperantem in te.

†. Mitte ei, Domine, auxilium de sancto. ¶. Et de Sion tuere eum.

†. Nihil proficiat inimicus in eo. ¶. Et filius iniquitatis non apponat nocere ei.

†. Fiat pax in virtute tua. ¶. Et abundantia in turribus tuis.

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, in cuius manu sunt corda Regum, inclina ad preces humilitatis nostræ aures misericordiae tuæ, et imperatori nostro famulo tuo N. regimen tuæ sapientiae appone, ut haustis de tuo fonte consiliis, et tibi placeat, et super omnia regna præcellat.

Prætende, Domine, quæsumus, famulo tuo N. Imperatori nostro dexteram cœlestis auxilii, ut te toto corde perquirat, et quæ digne postulat, asse-

476 ORDO AD RECIPIENDUM PROCESSIONALITER REGEM,
qui mereatur. Per Christum Dominum nostrum.
¶. Amen.

*Deinde si Prælatus sit Episcopus, vel Major,
stans ante altare benedit solemniter populo di-
cens : Sit nomen Domini benedictum etc.*

*Intellige, si non sit præsens Legatus, quia be-
nedicet Legatus, si sit præsens ibi. Qua benedic-
tione data, depositis sacris vestibus, associat
Imperatorem usque ad ejus hospitium. Si autem
Prælatus ipse non sit Episcopus, vel Major, finitus
Orationibus prædictis, depositis vestibus sacris,
associat, ut supra.*

ORDO AD RECIPIENDUM PROCESSIONALITER REGEM.

*Quando Rex ad aliquam urbem aut oppidum
insigne venit, Clerus processionaliter obviam
vadit ei extra portam, ubi Rex ex equo, vel (quod
magis convenit) descendens in terra super tapete
stratum genuflexus osculatur crucem, quæ per
Prælatum sibi porrigitur. Deinde sub baldachino
ducitur usque ad Ecclesiam ordine supradicto. In-
terim cantatur Responsorium :*

*Elegit eum Dominus, * Et excelsum fecit illum
præ Regibus terræ. †. Glorificavit eum in con-
spectu Regum, et non confundetur. * Et. †. Gloria.
* Et.*

*Deinde cantantur Hymni, vel alia cantica magis
placentia. Cum Rex Ecclesiam intrat, Prælatus,
accepto aspersorio, aspergit eum, deinde alios
in genere, et procedunt usque ad altare majus.*

coram quo Rex genuflectit super faldistorio ibidem sibi parato, et orat. Prælatus vero ascendit ad cornu Epistolæ altaris, ubi stans versus ad orantem, detecto capite, dicit :

℣. Deus, judicium tuum Regi da. ℟. Et justitiam tuam filio Regis.

℣. Salvum fac Regem nostrum, Domine. ℟. Deus meus, sperantem in te.

℣. Mitte ei, Domine, auxilium de Sancto. ℟. Et de Sion tuere eum.

℣. Nihil proficiat inimicus in eo. ℟. Et filius iniquitatis non apponat nocere ei.

℣. Fiat pax in virtute tua. ℟. Et abundantia in turribus tuis.

℣. Domine, exaudi orationem meam. ℟. Et clamor meus ad te veniat.

℣. Dominus vobiscum. ℟. Et cum spiritu tuo.

OREMUS.

Deus, cui omnis potestas et dignitas famulatur, da huic famulo tuo Regi nostro N. prosperum suæ dignitatis effectum, in qua te semper timeat, tibi-que jugiter placere contendat. Per Christum Do-minum nostrum. ℟. Amen.

Deinde Prælatus, si sit Episcopus, vel Major, accedit ad medium altaris, et ibi populo solemniter benedicit. Tum, sacris dimissis vestibus, Regem usque ad hospitium comitatur.

ORDO AD RECIPIENDUM

PROCESSIONALITER PRINCIPEM MAGNÆ POTENTIÆ.

Quando Princeps magnæ potentiae ad aliquam urbem aut insigne oppidum venit, Clerus proces-

sionaliter ei obviam venit extra portam. Ubi Princeps ex equo, vel (quod magis convenit) descendens in terra super tapete stratum genuflexus osculatur crucem, quæ per Prælatum sibi porrigitur. Deinde sub baldachino ducitur usque ad Ecclesiam ordine supradicto. Interim cantatur Responsorium :

Posui adjutorium super potentem, et exaltavi electum de plebe mea. * Manus enim mea auxiliabitur ei. *. Inveni David servum meum, oleo sancto meo unxi eum. * Manus. *. Gloria. * Manus.

Deinde cantantur Hymni, vel alia Cantica magis placentia. Cum Princeps Ecclesiam intrat, Prælatus, accepto aspersorio, aspergit eum, deinde alios in genere, et procedunt usque ad altare majus, coram quo Princeps genuflectit super faldistorio ibidem sibi parato, et orat. Prælatus vero ascendit ad cornu Epistolæ altaris, ubi stans versus ad orantem, detecto capite, dicit :

¶. Salvum fac Principem nostrum, Domine.
¶. Deus meus, sperantem in te.

¶. Mitte ei, Domine, auxilium de sancto. ¶. Et de Sion tuere eum.

¶. Nihil proficiat inimicus in eo. ¶. Et filius iniquitatis non apponat nocere ei.

¶. Fiat pax in virtute tua. ¶. Et abundantia in turribus tuis.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Deus, cui omnis potestas et dignitas famulatur, da huic famulo tuo Principi nostro N. prosperum suæ dignitatis effectum, in qua te semper timet,

tibique jugiter placere contendat. Per Christum Dominum nostrum. ¶ Amen.

Deinde Prælatus, si sit Episcopus, vel Major, accedit ad medium altaris, et ibi populo solemni ter benedicit. Tum, sacris dimissis vestibus, Principem usque ad hospitium comitatur.

ORDO AD RECIPIENDUM

PROCESSIONALITER IMPERATRICEM, VEL REGINAM.

Quando Imperatrix, vel Regina, ad aliquam urbem, aut insigne oppidum venit, Clerus processionaliter ei obviam venit extra portam. Imperatrix, vel Regina, ex equo, vel (quod magis convenit) descendens in terra super tapete stratum genuflexa osculatur crucem, quæ per Prælatum sibi porrigitur. Deinde sub baldachino ducitur usque ad Ecclesiam ordine consueto. Interim cantatur Responsorium :

*Ista est speciosa inter filias Jerusalem. * Sicut vidisti eam plenam charitate et dilectione in cubilibus et in hortis aromatum. ¶ Ista est speciosa, quæ ascendit de deserto, deliciis affluens. * Sicut. ¶ Gloria. * Sicut.*

Deinde cantantur Hymni, vel alia Cantica magis placentia. Cum Imperatrix, vel Regina Ecclesiam intrat, Prælatus accepto aspersorio aspergit eam, deinde alios in genere, et procedunt usque ad altare majus, coram quo Imperatrix, vel Regina genuflectit super faldistorio ibidem sibi parato, et orat. Prælatus vero ascendit ad cornu Epistolæ altaris, ubi stans versus ad orantem, detecto capite, dicit ;

†. Salvam fac ancillam tuam , Domin⁹. ¶. Deus meus sperantem in te.
 †. Mitte ei, Domine, auxilium de sancto. ¶. Et de Sion tuere eam.

†. Nihil proficiat inimicus in ea. ¶. Et Filius iniquitatis non apponat nocere ei.

†. Fiat pax in virtute tua. ¶. Et abundantia in turribus tuis.

†. Domine, exaudi orationem meam. ¶. Et clamor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, cuius providentia in sui dispositione non fallitur, ineffabilem clementiam tuam supplices exoramus, ut sicut Esther Reginam Israeliticæ plebis causa salutis ad Regis Assueri thalamum, regnique sui consortium transire fecisti, ita hanc famulam tuam Christianæ plebis salutis gratia ad gratiam tuam transire facias, ut tibi super omnia jugiter placere desideret, et, te inspirante, quæ tibi placita sunt toto corde perficiat, et dextera tua potentie illam semper hic et ubique circumdet. Per Christum Dominum nostrum. ¶. Amen.

Deinde Prælatus, si sit Episcopus, vel Major, accedit ad medium altaris, et ibi solemniter populo benedicit. Tum, sacris dimissis vestibus, Imperatricem, vel Reginam, usque ad hospitium comitatur.

ORDO AD RECIPIENDUM

PROCESSIONALITER PRINCIPISSAM MAGNÆ POTENTIE.

Principissa magnæ potentie recipitur processionaliter eo modo et ordine, prout supra de-

Imperatrice, vel Regina, dictum est, hoc solo excepto, quod loco Orationis, Deus cuius providentia etc., dicitur hæc sequens.

OREMUS.

Quæsumus, omnipotens Deus, ut hanc famulam tuam ubique sapientia tua doceat et confortet; atque eam Ecclesia tua fidelem semper agnoscat. Per Christum Dominum nostrum. ¶ Amen.

DE OFFICIO,

QUOD POST MISSAM SOLEMNEM PRO DEFUNCTIS AGITUR.

In exequiis alicujus Summi Pontificis, S. R. E. Cardinalis, seu Metropolitani, aut Episcopi proprii, seu Imperatoris, Regis, vel Ducis magni, aut Domini loci, finita Missa, ordinantur in loco, ubi absolutiones fieri debebunt, in capite loci, in medio, unum faldistorium pro illo qui celebravit, et in quatuor angulis quatuor scabella, videlicet, in quolibet angulo unum scabellum. Subdiaconus accipit crucem processionalem; unus Acolythus accipit thuribulum cum igne, et naviculam cum thure et cochleari, alius Acolythus vas aquæ benedictæ cum aspersorio, et duo alii Acolythi duo candelabra cum luminaribus ardentibus capiunt. Interim Prælatus, qui celebravit, apud faldistorium prope altare deponit planetam, et, si placet, poterit deponere dalmaticam et tunicellam, et accipit pluviale nigrum et mitram simplicem; et quatuor alii Prælati (si adsint) accident ad sacristiam, vel alium locum convenientem et propinquum, ubi quilibet eorum accipit super rochetum, vel (si sit Regularis) supra

- superpelliceum, amictum, stolam, pluviale nigrum, et mitram simplicem, si ea uti possunt, minus biretum; et omnes sic parati accedunt apud Prælatum celebrantem paratum, cum quo vadunt ad castrum doloris, seu ferebrum, aut sepulturam, vel alium locum, in quo absolutions fieri consueverunt, hoc ordine: Præcedant duo Acolyti, unus cum thuribulo et navicula incensi: alius cum vase aquæ benedictæ, et aspersorio: tum duo alii Acolyti cum duobus aliis candelabris et candelis accensis, in quorum medio erit Subdiaconus, qui in Missa cantavit Epistolam, paratus deferens crucem; post eum duo juniores Prælati, deinde duo seniores, et quilibet eorum penes se habebit unum Capellanum superpelliceo induitum qui mitra sibi serviat, et unum scutiferrum qui cereum accensum portet. Ultimo loco incedet Prælatus qui Missam celebravit, ad sinistram habens Diaconum paratum, qui eum comittitur; et post eum Capellani superpelliceis induiti. Si vero non adsint quatuor Prælati, loco defientium parantur digniores Canonici Ecclesie, vel alii in dignitate constituti supra superpellicea pluribus nigris; et ordine supradicto procedunt ad locum absolutionis, ubi cum fuerint, locantur hoc ordine: Thuriferarius cum Acolyto deferente aquam benedictam subsistunt in capite loci a parte dextera. Acolyti vero ceroferarii, ac Subdiaconus cum cruce vadunt ad pedes loci, et Subdiaconus cum cruce collocabit se in medio eorum. Junior Prælatus sedebit in scabello in angulo castri doloris ad pedem dexterum; alius post eum in angulo ad humerum; sinistrum tertius in angulo ad pedem sinistrum; quartus qui erit senior, in angulo ad humerum dexterum loci. Celebrans vero sedebit in faldistorio in capite

*aci in medio, ita ut crucem directo respiciat.
In omnibus sic ordinatis, surget celebrans detecto
spite, omnibus similiter surgentibus, et incipiet
in tono Lectionis, absolute Orationem :*

Non intres in judicium cum servo tuo , Domine,
uoniam nullus apud te justificabitur homo , nisi
er te omnium peccatorum ei tribuatur remissio ;
non ergo eum tua , quæsumus , judicialis sententia
remat , quem tibi vera supplicatio fidei Christianæ
commendat, sed gratia tua illi succurrente , merear-
i evadere judicium ultionis , qui dum viveret in-
gnitus est signaculo sanctæ Trinitatis. Per Chris-
tum Dominum nostrum. ¶ Amen.

*Qua finita, omnes sedent coopertis capitibus,
Cantores incipiunt Responsorium 4 toni :*

Subvenite Sancti Dei , occurrite Angeli Domini ,
ascientes animam ejus , * Offerentes eam in
spectu Altissimi. ¶ Suscipiat te Christus , qui
excavit te , et in sinum Abrahæ Angeli deducant
* Offerentes eam etc. ¶ Requiem æternam dona
s , Domine , et lux perpetua luceat eis. * Offeren-
s eam etc.

*Tunc duo Acolythi cum thuribulo , et navicula ,
aqua benedicta , et aspersorio accident ad an-
ulum dexterum capitis , ubi est dignior Prælatus ;
se ad ejus dexteram collocabunt. Incepto Ver-
culo :*

Requiem æternam etc.

*Acolythus dabit naviculam Diacono , et ipse ac-
det cum thuribulo ante dictum dignorem Præ-
latum , qui , ministrante Diacono naviculam , im-
met thus in thuribulum ; finito Responsorio ,
Horus cantat :*

Kyrie eleison. Christe eleison. Kyrie eleison.

Et dum dicitur primum Kyrie eleison surgunt omnes detectis capitibus, et ultimo Kyrie eleison dicto, prædictus dignior Prælatus dicit voce intelligibili :

Pater noster.

Quod secrete complet, et interim, accepto aspersorio cum aqua benedicta de manu Diaconi, aspergit sepulturam, seu lectum mortuorum, circumcirca ambulans, incipiens a sua parte dextra, tertio aspergens quamlibet lecti partem lateralem, Diacono a dextris comitante et fimbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcirca thurificabit, tertio in qualibet parte laterali thuribulum ducens, et cum redierit post thurificationem ad locum suum, ante scabellum stans, intelligibili voce dicit Versiculos :

Et ne nos inducas in temptationem. R. Sed libera nos a malo.

V. A porta inferi. R. Erue, Domine, animam ejus.

V. Requiescat in pace. R. Amen.

V. Domine, exaudi orationem meam. R. Et clamor meus ad te veniat.

V. Dominus vobiscum. R. Et cum spiritu tuo.

OREMUS.

Deus, cui omnia vivunt, et cui non pereunt moriendo corpora nostra, sed mutantur in melius; te supplices deprecamur, ut suscipi jubeas animam famuli tui N. per manus sanctorum Angelorum tuo-

rum deducendam in sinum amici tui Abrahæ patriarchæ, resuscitandamque in novissimo judicij magni die; et quidquid vitiorum, diabolo fallente, contraxit, tu pius et misericors abluas indulgendo. Per Christum Dominum nostrum. R. Amen.

Qua finita, omnes sedent cum mitra, et Chorus cantat Responsorium 4 toni :

*Qui Lazarum resuscitasti a monumento fœtidum,
* Tu eis, Domine, dona requiem et locum indulgentiæ. ¶ Qui venturus es judicare vivos et mortuos, et sæculum per ignem. * Tu eis. ¶ Requiem æternam etc. * Tu eis.*

Tunc duo Acolythi cum thuribulo, et navicula, et aqua benedicta, et aspersorio accedunt ad secundum digniorem Prælatum sedentem in angulo ad sinistrum pedem, et se ad ejus dexteram collocabunt. Incepto Versiculo :

Requiem æternam etc.

Acolythus dabit naviculam Diacono, et ipse accedit cum thuribulo ante dictum secundum digniorem Prælatum, qui, ministrante Diacono naviculam, imponet thus in thuribulum; finito Responsorio, Chorus cantat :

Kyrie eleison. Christe eleison. Kyrie eleison.

Et dum dicitur primum Kyrie eleison, surgunt omnes detectis capitibus, et ultimo Kyrie eleison dicto, prædictus secundus dignior Prælatus dicit voce intelligibili :

Pater noster.

Quod secrete complet, et interim accepto aspersorio cum aqua benedicta de manu Diaconi, aspergit sepulturam, seu lectum, circumcirca ambulans, incipiens a sua parte dextera, tertio aspergens quamlibet lecti partem lateralem, Diacono a dextris comitante et fimbrias pluvialis

sublevante, et dum transibit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circum circa thurificabit, tertio in qualibet parte laterali thuribulum ducens, et cum redierit post thurificationem ad locum suum, ante scabellum stans, intelligibili voce dicet Versiculos :

Et ne nos inducas in temptationem. ¶ Sed libera nos a malo.

- ¶. *A porta inferi. ¶ Erue, Domine, animam ejus.*
- ¶. *Requiescat in pace. ¶ Amen.*
- ¶. *Domine, exaudi orationem meam. ¶ Et clamor meus ad te veniat.*
- ¶. *Dominus vobiscum. ¶ Et cum spiritu tuo.*

OREMUS.

Fac, quæsumus Domine, hanc cum servo tuo N. defuncto misericordiam, ut factorum suorum in poenis non recipiat vicem, qui tuam in votis tenuit voluntatem; ut sicut hic eum vera fides junxit fidelium turmis, ita eum illic tua miseratio societ chorus angelicis. Per Christum Dominum nostrum.
¶. *Amen.*

Qua finita, omnes similiter sedent cum mitra, et Chorus cantat Responsorium 8 toni :

*Domine, quando veneris judicare terram, ubi me abscondam a vultu iræ tuæ? * Quia peccavi nimis in vita mea. ¶ Commissa mea pavesco, et ante te erubesco : dum veneris judicare, noli me condemnare. * Quia peccavi. ¶ Requiem æternam dona eis, Domine, et lux perpetua luceat eis. * Quia peccavi.*

Tunc duo Acolythi cum thuribulo, et navicula,

t aqua benedicta, et aspersorio accedent ad tertium digniorem Prælatum sedentem in angulo ad inistrum humerum, et se ad ejus dexteram collocabunt. Incepto Versiculo :

Requiem æternam etc.

Acolythus dabit naviculam Diacono, et ipse accedet cum thuribulo ante dictum tertium digniorem Prælatum qui, ministrante Diacono naviculam, imponet thus in thuribulum; finito Responsorio, Chorus cantat :

Kyrie eleison. Christe eleison. Kyrie eleison.

Et cum dicitur primum Kyrie eleison, surgunt omnes detectis capitibus, et ultimo Kyrie eleison dicto, prædictus tertius dignior Prælatus dicit voce intelligibili :

Pater noster.

Quod secrete complet, et interim, accepto aspersorio cum aqua benedicta de manu Diaconi, aspergit sepulturam, seu lectum, circumcirca ambulans, incipiens a sua parte dextera, tertio aspergens quamlibet lecti partem lateralem. Diacono a dexteris comitante et fimbrias plurialis sublevante, et dum transibit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcirca thurificabit, tertio in qualibet parte laterali thuribulum ducens, et cum redierit post thurificationem ad locum suum, ante scabellum stans, intelligibili voce dicit Versiculos :

Et ne nos inducas in temptationem. ¶ Sed libera nos a malo.

*. A porta inferi. ¶. Erue, Domine, animam ejus.

*. Requiescat in pace. ¶. Amen.

*. Domine, exaudi orationem meam. ¶. Et clamor meus ad te veniat.

*. Dominus vobiscum. ¶. Et cum spiritu tuo.

OREMUS.

Inclina, Domine, aurem tuam ad preces nostras, quibus misericordiam tuam supplices deprecamur, ut animam famuli tui N. quam de hoc sæculo migrare jussisti, in pacis ac lucis regione constituas, et Sanctorum tuorum jubeas esse consortem. Per Christum Dominum nostrum. ¶. Amen.

Qua finita, omnes similiter sedent cum mitra, et Chorus cantat Responsorium 6 toni :

Ne recorderis peccata mea Domine, * Dum veneris judicare sæculum per ignem. *. Dirige, Domine Deus meus, in conspectu tuo viam meam. * Dum veneris. *. Requiem æternam etc. * Dum veneris.

Tunc duo Acolythi cum thuribulo, et navicula, et aqua benedicta, et aspersorio accedent ad quartum et juniores Prælatum sedentem in angulo ad dexterum pedem, et se ad ejus dexteram collocabunt. Incepto Versiculo :

Requiem æternam etc.

Acolythus dabit naviculam Diacono, et ipse accedit cum thuribulo ante dictum quartum digniores Prælatum qui, ministrante Diacono naviculam, imponet thus in thuribulum; finito Responsorio, Chorus cantat :

Kyrie eleison. Christe eleison. Kyrie eleison.

Et cum dicitur primum Kyrie eleison, surgunt omnes detectis capitibus, et ultimo Kyrie eleison

dicto, predictus quartus Prælatus dicit voce intelligibili:

Pater noster.

Quod secrete complet, et interim accepto aspersorio cum aqua benedicta de manu Diaconi, aspergit sepulturam, seu lectum, circumcirca ambulans, incipiens a sua parte dextera, tertio aspergens quamlibet lecti partem lateralem, Diacono a dextris comitante et fimbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet transiens ante illam ad pedem lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcirca thurificabit, tertio in qualibet parte laterali thuribulum ducens, et cum redierit post thurificationem ad locum suum, ante scabellum stans, intelligibili voce dicet Versiculos:

Et ne nos inducas in temptationem. ¶ Sed libera nos a malo.

¶. A porta inferi. ¶. Erue, Domine, animam ejus.

¶. Requiescat in pace. ¶. Amen.

¶. Domine, exaudi orationem meam. ¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS.

Absolute, quæsumus Domine, animam famuli tui N. ab omni vinculo delictorum, ut in resurrectionis gloria inter Sanctos et Electos tuos resuscitatus respiret. Per Christum Dominum nostrum.
¶. Amen.

Qua finita, omnes similiter sedent cum mitra, et Chorus cantat Responsorium 1 toni:

Libera me, Domine, de morte æterna, in die illa tremenda. * Quando cœli movendi sunt, et terra. * Dum veñeris judicare sæculum per ignem. *. Tremens factus sum ego, et timeo, dum discussio veñerit, atque ventura ira. * Quando cœli movendi sunt, et terra. *. Dies illa, dies iræ, calamitatis et misericordiæ, dies magna, et amara valde. * Dum veñeris. *. Requiem æternam etc. * Libera me Domine.

Tunc duo Acolythi cum thuribulo, et navicula, et aqua benedicta, et aspersorio, accedent ad dexteram Prælati, qui Missam celebravit. Incepto Versiculo :

Requiem æternam etc.

Acolythus dabit naviculam Diacono, et ipse accedet cum thuribulo ante dictum Prælatum qui, ministrante Diacono naviculam, imponet thus in thuribulum; finito Responsorio, Chorus cantat :

Kyrie eleison. Christe eleison. Kyrie eleison.

Et cum dicitur primum Kyrie eleison, surgunt omnes detectis capitibus, et ultimo Kyrie eleison dicto, prædictus prælatus dicit voce intelligibili :

Pater noster.

Quod secrete compleat, et interim accepto aspersorio cum aqua benedicta de manu Diaconi, aspergit sepulturam, seu lectum; circumcirca ambulans, incipiens a sua parte dextera, tertio aspergens quamlibet lecti partem lateralem, Diacono a dextris comitante et fimbrias pluvialis sublevante, et dum transbit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcirca thu-

rificabit, tertio in qualibet parte laterali thuribulum ducens, et cum redierit post thurificationem ad locum suum, ante faldistorium stans intelligibili voce dicet Versiculos :

Et ne nos inducas in temptationem. R. Sed libera nos a malo.

V. A porta inferi. R. Erue, Domine, animam ejus.

V. Requiescat in pace. R. Amen.

V. Domine exaudi orationem meam. R. Et clamor meus ad te veniat.

V. Dominus vobiscum. R. Et cum spiritu tuo.

OREMUS.

Absolute, quæsumus Domine, animam famuli tui N. ut defunctus sæculo tibi vivat, et quæ per fragilitatem carnis humana conversatione commisit, tu venia misericordissimæ pietatis absterge. Per Christum Dominum nostrum. R. Amen.

Deinde dicit idem Pontifex benedicens lectum :

V. Requiem æternam dona ei, Domine. R. Et lux perpetua luceat ei.

Tum duo ex cantoribus dicunt alta voce :

Requiescat in pace. R. Amen.

Quo dicto, Prælati ipsi qui mitris utuntur, illas recipiunt, et omnes eo ordine, quo venerunt, revertuntur ad sacristiam, vel alium locum idoneum, ubi deponunt sacras vestes, et ad propria quisque revertitur.

Absolutiones istas quatuor vel quinque non semper in omnibus exequiis fieri convenit, sed tantum in primis exequiis, quæ fieri solent post obitum.

In exequiis vero anniversariis non debent fieri hujusmodi quatuor absolutiones, sed una tantum

per Prælatum celebrantem, post Missam, vel si adesset castrum doloris; vel alius locus, quo eundum esset ad absolvendum. Celebrans solus paratus, ut supra, præcedente cruce, cum omnibus ministris superius narratis et sequentibus cum suis Capellanis accedet ad castrum doloris, et ibidem depositis ministris, ut supra dictum est, stans ante suum faldistorium in capite lecti, dicit Orationem : Non intres in judicium cum servo tuo etc., in tono prædicto ; qua finita, sedet, et Chorus cantat Responsorium : Libera me Domine etc., et Kyrie eleison, ut supra.

Prælatus vero imponit incensum, ac aspergit, et incensat lectum ordine quo supra dictum est, et demum dicit unam ex quinque præfatis Orationibus, quam maluerit, et in fine dicto Responsorio, Requiem æternam, etc., ordine, quo venit, revertitur ad sacristiam, vel alium locum deputatum, et ibidem depositis paramentis, recedit ad propria. Quod similiter servari poterit etiam in primis exequiis, ubi commode quatuor Prælati, qui post Missam, ut supra dictum est, absolvant, haberi non poterunt.

DE SCRUTINIO SEROTINO,

QUO ANTIQUI UTEBANTUR ANTEQUAM ELECTUS IN EPISCOPUM CONSECRARETUR.

Scrutinii serotini ordo hic erat : Sabbato ante Dominicam ad consecrandum Electum statutam, hora vespertina Metropolitanus residebat super faldistorium in atrio Ecclesiæ, vel in alio solito, vel quo maluerat loco paratum. Et Suffragani Episcopi duo ad minus ad hoc specialiter conve-

cati, a dextris et sinistris ejus super faldistoria similiter residebant, parati supra rochetum, vel (si essent Regulares) supra superpelliceum, amictu, alba, cingulo, stola, pluviali coloris temporis convenientis, mitra; baculum pastoralem in sinistra, et libros Pontificales ante se tenentes.

Tunc Archipresbyter, vel Archidiaconus Ecclesiæ, ad quam in crastino consecrandus erat Electus, vel alias juxta morem Ecclesiæ, paratus amictu, alba, cingulo, et pluviali, vel casula, si moris erat, deductus medius inter duos Canonicos ejusdem Ecclesiæ, veniebat coram Metropolitanano, et flexis a remoto genibus, a Metropolitanano benedictionem petebat, dicens in tono lectionis :

Jube, domine, benedicere.

Respondebat Metropolitanus sedens eodem tono, voce minori :

Nos regat, et salvet cœlestis conditor aulæ.

Deinde idem Archipresbyter, vel Archidiaconus, surgens appropinquabit se paululum, et iterum genuflexens benedictionem simili modo petebat dicens :

Jube, domine, benedicere.

Et Metropolitanus respondebat :

Nos Dominus semper custodiat, atque gubernet.

Tertio propinquius Metropolitanus genuflexus coram illo tertiam benedictionem petebat, dicens :

Jube, domine, benedicere.

Respondebat Metropolitanus :

Gaudia cœlorum det nobis rector eorum.

Benedictione itaque completa, interrogabat eum Metropolitanus coram se genuflexum.

Fili mi, quid postulas?

Respondebat Archidiaconus :

Ut Deus, et Dominus noster concedat nobis pastorem.

Interrogatio :

Est de vestra Ecclesia, vel de alia?

Respondebat :

De nostra.

Interrogatio :

Quid vobis complacuit in illo?

Respondebat :

Modestia, humilitas, patientia, et ceteræ virtutes.

Interrogatio :

Habetis decretum?

Respondebat :

Habemus.

Metropolitanus dicebat :

Legatur.

Tunc proferebatur, et legebatur decretum, hoc modo:

Reverendissimo in Christo Patri Domino N. Metropoliticae sedis dignitate conspicuo, Capitulum N. Ecclesiæ totius devotionis famulatum. Credimus non latere vestram celsitudinem, quod nostra Ecclesia suo sit viduata pastore. Qua siquidem solatio proprii destituta rectoris, ne grex dominicus perfidorum luporum morsibus pateret, et ne improbificeret præda raptoris, communi voto atque consensu elegimus nobis in Pontificem N. Presbyterum nostræ Ecclesiæ, (*vel N. Ecclesiæ, si non sit de ipsa virum utique prudentem, hospitalem, moribus ornatum, castum, sobrium, et mansuetum. Deo et hominibus per omnia placentem, quem ad celsitudinis vestræ dignitatem deducere curavimus, unanimiter postulantes, et obsecrantes a vestra re-*

verendissima paternitate nobis illum Pontificem ordinari; quatenus, auctore Domino, nobis velut idoneus pastor præesse valeat, et prodesse; nosque sub ejus sacro regimine Domino semper militare condigne possimus. Ut autem omnium nostrum vota in hanc electionem convenire noscatis, huic Canonico decreto propriis manibus roborando nos subscrispsimus.

Et quilibet scribens dicebat :

Ego N. scripsi, et subscrispi, et sic de aliis.

Lecto decreto, prosequebatur Metropolitanus, et dicebat :

Videte, ne aliquam promissionem vobis fecerit, quia simoniacum et contra Canones est.

Respondebat :

Absit.

Et Metropolitanus dicebat :

Ducatur.

Tunc Archidiaconus, vel Archipresbyter, exhibito dicto Decreto ipsi Metropolitanu, revertebatur cum Canonicis sicut venerant ad vestiarium, et ibi deponebant vestes. Accensis autem cereis, Electus adhuc jejonus, pluviali albi coloris supra superpelliceum paratus, ducebatur processionaliter coram Metropolitanu, præcedentibus eum Canonicis Ecclesiæ, ad quam erat Electus, Archidiacono et Archipresbytero Ecclesiæ Metropolitanæ hinc et inde ipsum deduentibus, qui stans convenienter remotus a Metropolitanu, flexis genibus, petebat intelligibili voce benedictionem dicens :

Jube, domne, benedicere.

Metropolitanus sedens, in eodem tono, voce minori dicebat :

Lux de luce Patris sacro vos lumine lustret.

Deinde surgens, et procedens paululum, iterum genua flectebat, dicens :

Jube, domne, benedicere.

Metropolitanus respondebat :

Protegat, et salvet nos Christus conditor orbis.

Rursum surgens adhuc paululum appropinquans et genuflectens, dicebat tertio :

Jube, domne, benedicere.

Metropolitanus respondebat :

Sedibus a superis veniat benedictio nobis.

R. Amen.

*Tunc interrogetabat eum coram se genuflexum
Metropolitanus :*

Fili mi, quid postulas?

Respondebat Electus :

Reverendissime Pater, confratres mei elegerunt
me (licet indignum) sibi esse pastorem.

Interrogatio :

Quo honore fungeris?

Respondebat :

Presbyteratus, vel talis.

Interrogatio :

Quot annos habes in Presbyteratu?

Respondebat :

Decem, vel tot.

*Si vero forsan ipsa die, vel infra breve tempus
fuerat ab eo in Presbyterum ordinatus, respon-
debat :*

Tu scis, Domine.

Interrogatio :

Habuisti conjugium?

Respondebat :

Minime.

Si forte habuerat, et per ipsum Consecratorem ejus electio examinata et confirmata fuerat, tunc respondebat :

Tu scis, Domine.

Interrogatio :

Disposuisti domui tuæ ?

Respondebat :

Disposui.

Interrogatio :

Qui libri legantur in Ecclesia tua ?

Respondebat :

Pentateuchus, Prophetæ, Evangelium, Epistolæ Pauli, Apocalypsis, et reliqui.

Interrogatio :

Nosti Canones ?

Respondet :

Doce me, Domine.

Vide, cum Ordinationes feceris, certis temporibus facias, jejunio primi, quarti, septimi, et decimi mensis. Bigamos, sive spurios, aut curiales, aut de servili conditione ad sacros Ordines non promoveas. A simoniaca vero hæresi te omnino custodias. Dabitur tamen tibi edictum de scrinio nostro, qualiter debeas conversari. Vide autem, ne aliquam promissionem propterea feceris, quia simoniacum et contra Canones est.

R. Absit.

Metropolitanus dicebat :

Tu videris. Quia ergo omnium in te vota convenient, hodie abstinebis, et cras, Deo aunuente, consecraberis.

R. Præcepisti Domine.

Sed si expediebat, Metropolitanus dispensabat cum illo, ut comederet, et deputabat ei aliquem discretum de sua Ecclesia confessorem, cui consecrandus peccata sua confitebatur, et mox consecrando ad terram prostrato, Metropolitanus sedens cum mitra incipiebat, schola prosequente, Antiphonam 8 toni :

Confirma hoc, Deus, quod operatus es in nobis,
a templo sancto tuo, quod est in Jerusalem.

Psalmus 67. Exurgat Deus, et dissipentur inimici ejus, pag. 125. Totus dicebatur cum Gloria Patri etc.

Deinde repeatebatur Antiphona. Qua dicta, Metropolitanus, deposita mitra, surgebat, et stans versus ad consecrandum prostratum dicebat :

℣. Salvum fac servum tuūm. ℟. Deus meus sperantem in te.

℣. Esto ei, Domine, turris fortitudinis. ℟. A facie inimici.

℣. Nihil proficiat inimicus in eo. ℟. Et filius iniquitatis non apponat nocere ei.

℣. Domine, exaudi orationem meam. ℟. Et clamor meus ad te veniat.

℣. Dominus vobiscum. ℟. Et cum spiritu tuo.

OREMUS.

Omnipotens sempiterne Deus, miserere huic famulo tuo *N.* et dirige eum secundum tuam clementiam in viam salutis æternæ, ut, te donante, tibi placita cupiat, et tota virtute perficiat.

Actiones nostras, quæsumus Domine, aspirando præveni, et adjuvando prosequere, ut cuncta nostra oratio et operatio a te semper incipiat, et per te

cœpta finiatur. Per Christum Dominum nostrum.
¶. Amen.

*Deinde Metropolitanus, detecto capite, crucem
ante se habens, benedicat populo, dicens:*

Sit nomen Domini etc.

Qua data singuli ad propria revertebantur.

*Die Dominica, qua consecratio fieri debebat,
parabantur Ecclesia et Capellæ, credentia, pa-
ramenta, et omnia alia supra in principio con-
secrationis Electi posita. Deinde veniebant Metro-
politanus, Electus et Episcopi assistentes ad
Ecclesiam, et in Capellis suis se inducebant, ut
supra.*

*Quibus paratis, et Metropolitanano in faldistorio
ante altare sedente, adducebatur Electus medius
inter assistentes Episcopos, et facta reverentia
Metropolitanu, senior assistantium Episcoporum
stans, deposita mitra dicebat:*

*Reverendissime Pater, postulat sancta mater Ec-
clesia Catholica, ut hunc præsentem Presbyterum
ad onus Episcopatus sublevetis.*

Metropolitanus dicebat:

Scitis illum esse dignum?

Respondebat Episcopus:

*Quantum humana fragilitas nosse sinit, et sci-
mus, et credimus illum dignum esse.*

Metropolitanus respondebat : Deo gratias.

*Tunc omnibus sedentibus, ut supra dictum est,
Metropolitanus intelligibili voce, et assistentes
Episcopi submissa voce faciebant examinationem
suprascriptam, videlicet Antiqua sanctorum, etc.,
et omnia alia suo ordine, prout supra in prima
Parte, pag. 65, sunt ordinata, usque ad finem
examinis. Quo completo, et manu Metropolitani*

per Electum osculata, idem Electus ante Metropolitanum geneflexus ante se habens schedulam scriptam jurabat, et præstabat fidelitatis debite solitum juramentum Metropolitanum in hunc modum :

Ego *N.* Ecclesiæ *N.* vocatus Episcopus, promitto in conspectu omnipotentis Dei, atque totius Ecclesiæ, quod ab hac hora in antea fidelis et obediens ero perpetuo more prædecessorum meorum beato *N.* sanctæque Ecclesiæ *N.* nominando Ecclesiam Metropolitanam, et vobis Domino meo *N.* Dei gratia ejusdem Ecclesiæ Archiepiscopo, vestrisque successoribus canonice intrantibus, prout est a sanctis Patribus institutum, et Ecclesiastica ac Romanorum Pontificum commendat auctoritas. Non ero in consilio, aut consensu, vel in facto, ut vitam perdatis aut membrum, aut capiamini mala captione. Consilium, quod mihi per vos, aut per litteras, vel per nuntium credituri estis, ad damnum vestrum, me sciente, nulli pandam. Vocatus ad Synodum veniam, nisi præpeditus fuero canonica præpeditione. Vos quoque, et nuntios vestros, ac Ecclesiæ *N.* nominando Ecclesiam Metropolitanam, quos certos esse cognovero, in eundo, stando, et redeundo, honorifice tractabo, et in suis necessitatibus adjuvabo; possessiones vero ad mensam mei Episcopatus pertinentes non vendam, neque donabo, neque de novo infeudabo, vel aliquo modo contra jus, vel consuetudinem Ecclesiæ meæ alienabo; vobis vel vestris successoribus inconsultis.

Deinde librum Evangeliorum, quem Metropolitanus coram eo apertum super genibus tenebat, Electus ambabus manibus supra scripturam tangebat, dicens :

Sic me Deus adjuvet, et hæc sancta Dei Evangelia.

Quo facto, sigillum suum litteræ juramenti hujusmodi pro majori illius robore appendebat, seu appendi faciebat, et eam Metropolitanu tradebat :

Tunc, deposita mitra, surgebat Metropolitanus, et faciebat Confessionem, et procedebatur in omnibus, et per omnia, prout supra in prima Parte, pag. 69., ordinatum est, usque Ad multos annos, inclusive.

Quo per Consecratum dicto, Metropolitanus tradebat Consecrato edictum scriptum hujusmodi tenoris :

Dilecto nobis fratri, et Coepiscopo N. salutem in Domino sempiternam. Quoniam, ut credimus, divino te nutu vocante, Capitulum N. Ecclesiæ unanimiter elegerunt rectorem, et ad nos usque perducentes petierunt Episcopum consecrari. Et ideo auxiliante Domino, testimonium illis redditibus de conscientia tua, ob utilitatem ipsius Ecclesiæ, per manus nostræ impositionem te Episcopum consecravimus. Amodo, frater charissime, scias te maximum pondus suscepisse laboris, quod est sarcina regiminis animarum, et commodis servire multorum, omniumque fieri minimum, atque ministrum, et pro credito tibi talento in die examinis et judicii rationem redditurum. Nam si Salvator noster dicit : Non veni ministrari, sed ministrare; et animam suam posuit pro ovibus suis : quanto magis nos inutiles servi summi patris familiæ debemus maximo cum sudore incumbere, oves Dominicæ a summo nobis Pastore consignatas ad ovile Dominicum, suffragante divina gratia, absque morbo, vel macula perducere ; Exhortamur ergo dilectionem tuam, ut fidem, quam in exordio tuæ consecrationis breviter, lucideque digessimus, illibatam et inviolabiliter custodias ; quia fides om-

nium virtutum fundamentum est. Scimus quod ab infantia sacris es litteris eruditus, et canonicis institutis edoctus; attamen breviter ad te nobis dirigendus est sermo. Ordinationes ergo cum feceris. secundum Canones atque Apostolicam Ecclesiam, aptis temporibus fac, id est, mensis primi, quarti. septimi, et decimi. Vide, ut manus cito nemini imponas, neque communices peccatis alienis; bigamos, vel curiales, aut servum cuiuslibet ad sacram Ordinem nequaquam promoveas, nec neophytum. ne secundum Apostoli sententiam in superbiam elatus, in judicium incidat diaboli: sed eos in sacrosancta Ecclesia ordinare stude, qui ætatem habeant maturitatis, et apud Deum et homines fideliter vixerunt, et deinceps vivere studeant. Et hoc cavendum est tibi, et quasi venenum pestiferum rejiciendum, ne avaritia surripiat cor tuum; ut per quodlibet munus acceptum manus impositionem alicui tribuas, et in simoniacam hæresim, quam Salvator noster omnimode detestatur, in præceps ruas. Memento quia gratis accepisti, gratis et das secundum enim Vatis eloquium: Qui projicit avaritiam, et excutit manus suas ab omni munere, iste in excelsis habitabit, munimenta saxorum sublimitas ejus, panis ei datus est, aquæ ejus fideles sunt, Regem in decore videbunt oculi ejus. Temetipsum mitem, castumque custodias. In habitaculum tuum aut raro aut numquam mulieri sit ingressus. Omnes puellas et virgines Christi aut æquanimitate ignoras, aut æquanimitate diligas, nec de præterita castitate confidas, quia neque Samsone fortior, nec David sanctior, nec Salomone poteris esse sapientior. Quando autem ob animarum lucrum visitationis causa in Collegium, vel infra septa ingressus fueris ancillarum Dei, non solus introeas, sed tales tecum adhibe socios, de quorum contubernio

non diffameris : quia oportet Episcopum irreprehensibilem esse, et testimonium habere bonum ad omnes ; ut ne quis ex eo scandalum sumat ; scandalizanti enim unum de pusillis scimus quanta animadversio a Domino comparetur. Prædicationi insta ; verbum Dei plebi tibi commissæ affluenter , et melliflue, ac distincte, in quantum rore cœlesti perfusus fueris , prædicare non desinas. Scripturas divinas sæpius lege ; immo (si potest fieri) lectio sancta in manibus tuis maximeque in pectore tuo semper inhæreat , ipsam vero lectionem oratio interrumpat ; ad instar namque speculi anima tua in ipsam sedulo respiciat ; ut vel quæ incorrecta sunt corrigat , vel quæ pulchra sunt , amplius exornet. Disce quod sapienter doceas , amplectens eum qui secundum doctrinam est fidelem sermonem , ut possis exhortari in doctrina sana , et eos qui contradicunt , arguere. Permane in his quæ didicisti , et credita sunt tibi eloquia divinæ dispensationis. Paratus semper esto ad satisfactionem. Nec confundant opera tua sermonem tuum , ne, cum in Ecclesia tua loqueris , tacitus quilibet respondeat : Cur ergo ipse non facis , quod jubes ? Recognosce magister , qui turgidum ventrem ferre videris , quomodo mihi de jejuniis prædictas ? Furta , atque perjuria possunt etiam detestari latrones , et avaritiam cupidi. Vita igitur tua irreprehensibilis fiat : in ipsa filii tui regulam sumant ; ex ipsa quidquid in eis minus correctum fuerit corrigant ; ex ipsa videant , quod diligent ; cernant , quod imitari festinent ; ut ad exemplum tuum omnes fidei studio vivere compellantur. Sit erga subjectos tuos sollicitudo laudabilis. Exhibeatur cum mansuetudine disciplina , cum discretione correctio. Iram benignitas mitiget , benignitatem zelus excusat ; ita et alterum ex altero condiatur , ut nec immoderata ultio ultra quam

oportet, affligat, neque iterum frangat rectorem remissio disciplinæ. Itaque boni te dulcem, pravi asperum sentiant correptorem; in qua videlicet correptione hunc esse ordinem noveris observandum, ut personas diligas, et vitia persequaris, ne si aliter agere fortasse volueris, transeat in crudelitatem correctio, et perdas per irremissam iram, quos emendare per discretionem debueras. Sic enim vulnera convenit te absindere, ut non facias ulcerari, quod sanum esse videtur; neque si plus, quam res exegerit, ferrum incisionis impresseris, noceas, cui prodesse festinas. Nec dicimus, ut in te delinquentibus non te ostendas ultorem, et vitia nutriri permittas, sed hortamur, ut in judicio semper misericordia misceatur, ut possis cum Propheta fiducialiter dicere: Misericordiam et judicium cantabo tibi, Domine. Sit in te pastoris pietas, amabilisque dulcedo, et secundum canonicas regulas severa districtio, videlicet, ut innocenter viventes leniter foveas, et inquietos, perfidosque feriendo a pravitate compescas. Nullius faciem in judicio aspicias, ut nec divitem potentia sua apud te extollere possit, nec pauperem propter paupertatem humilitatemque ipsius, exasperatio tua de re quam suggerat, humiliorem reddat. Substantiam Ecclesie, quam ad dispensandum suscipis, fideliter, ac discrete erogare ne dissimules. Scias te alienum esse dispensatorem, ut in te dominicum impleatur eloquium, dicens: Fidelis servus et prudens, quem constituit Dominus super familiam suam, ut det illis escam in tempore. Hospitalitatem sectare. Misericordem, prout vires suppetunt, pauperibus te exhibe; quia qui obturat aurem ob clamorem eorum, ut non exaudiat, ipse clamabit, et non exaudietur. Viduae, orphani, pupillique te benignissimum patorem ac tutorem se habere gaudeant. Oppressis

defensio tua subveniat. Illis autem, qui opprimunt, vigor tuus efficaciter contradicat. Et ita cuneta, Deo adjuvante, præmunias, ut lupus sæviens, sequacesve illius adhuc in carne vitam agentes, hic illucque debacchantes, et animas innocentium laniare cupientes, in ovile dominicum ingrediendi, ad perdendas animas locum non habeant. Nullus te favor extollat, nulla adversitas atterat, id est, ut nec in prosperis cor tuum elevetur, neque in adversis in aliquo dejiciatur; sed omnia, et in omnibus caute et cum discretione agere te volumus, ut absque reprehensione ab omnibus vivere comproberis. Sancta Trinitas fraternitatem tuam sua protectione in columem custodiat, ut dum tali moderamine in Deo nostro onus, quod suscepisti, peregeris, in die æternæ retributionis, eo dicente, audire merearis: Euge, serve bone et fidelis, quia super paucia fuisti fidelis, supra multa te constituam, intra in gaudium Domini tui. Quod ipse tibi præstare lignetur, qui cum Patre, et Spiritu sancto vivit et regnat Deus in sæcula sæculorum. Amen.

*Quo tradito, ibunt omnes, quilibet ad locum
uum ad se exuendum.*

DE BARBA TONDENDA.

*Quando primo Clericis barbæ tondentur, dici
lebet, Pontifice sedente cum mitra, Antiphona.*

Sicut ros Hermon, qui descendit in montem ion, sic descendat super te Dei benedictio.

*Psalmus 132. Ecce quam bonum, cum Gloria
atri, et Sicut erat etc., prout supra sub benedic-
ione Abbatis, pag. 76. Quo expleto, repetitur
ta Antiphona : Sicut ros Hermon etc.*

Qua finita, Pontifex, deposita mitra, surgit, et stans versus ad illum dicit :

OREMUS.

Deus, cuius providentia omnis creatura incrementis adulta congaudet, preces nostras super hunc famulum tuum, juvenilis aetatis decore laetantem, et primis auspiciis attundendum exaudi, ut in omnibus protectionis tuae munitus auxilio, aevoque largiore provectus, cœlestem bene + dictionem accipiat, et praesentis vitae præsidiis gaudeat et futuræ. Per Dominum nostrum Jesum etc.

DE OFFICIO PSALMISTATUS.

Psalmista, id est Cantor, potest sola iussione Presbyteri Officium suspicere cantandi, dicente sibi Presbyterio :

Vide, ut quod ore cantas, corde credas, et quod corde credis, operibus comprobes.

Et si Episcopus Clericum ordinans haec faciat, bene facit.

Si Officium Psalmistatus collatum olim fuerit degradando, post degradationem a prima Tonsura, si velit, Pontifex dicit :

Quia quod ore cantasti, corde non credidisti, nec opere implevisti; ideo cantandi officium in Ecclesia Dei a te amovemus.

PONTIFICALIS RITUS

PRO BAPTISMO PARVULORUM.

Pontifex infantem, vel infantes, sive pueros, sacri Baptismatis unda immersere, seu perfus-

dere volens, solitis indumentis in Secretario, vel alibi ad ejus libitum, pluvialique violacei coloris, et mitra simplici paratus, et baculo Pastorali accepto, Capellanis, vel aliis Presbyteris et Clericis, superpelliceis indutis, qui ei assistant ac ministrent, præcedentibus, ad Ecclesiæ portam, extra quam expectant, qui infantes baptizandos detulerunt, procedit; ibique, deposito baculo, sedet cum mitra in faldistorio, ad ejusdem portæ limen, cum strato, et violacea veste præparato. Sicque sedens cum mitra, interrogat infantem positum super brachium dextrum illius qui eum defert, illum nomine proprio, eidem imposito, appellando, et dicens : (Si plures fuerint baptizandi, dicat singulariter singulis.)

N. Quid petis ab Ecclesia Dei ?

Patrinus respondet : Fidem.

Pontifex : Fides quid tibi præstat ?

Patrinus respondet : Vitam æternam.

(Etiam singulariter singulis.)

Pontifex : Si igitur vis ad vitam ingredi, serva mandata : Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum sicut te ipsum.

Deinde surgat cum mitra, et ter exsufflet leniter in faciem infantis, et dicat semel : (Singulatiter singulis.)

Exi ab eo, immunde spiritus, et da locum Spiritui sancto paraclito.

Postea sedeat cum mitra, et cum pollice faciat signum Crucis in fronte, et in pectore infantis dicens :

Accipe signum crucis tam in fronte † quam in corde † : sume fidem cœlestium præceptorum, et talis esto moribus, ut templum Dei jam esse possis.

Surgat inde, deposita mitra, et stans dicat Orationem manibus junctis, quod etiam in reliquis Orationibus observet. (In plurali pro omnibus.)

OREMUS.

Preces nostras, quæsumus Domine, clementer exaudi, et hunc electum tuum N. Crucis Dominicæ impressione signatum, perpetua virtute custodi: ut magnitudinis gloriæ tuæ rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. **R.** Amen.

(Singulariter singulis.) Deinde imponat manum super caput infantis, et adhuc sine mitra dicat: (In plurali pro omnibus.)

OREMUS.

Omnipotens semperne Deus, Pater Domini nostri Jesu Christi, respicere dignare super hunc famulum tuum N. quem ad rudimenta fidei vocare dignatus es: omnem cæcitatem cordis ab eo expelle: disrumpe omnes laqueos satanæ, quibus fuerat colligatus; aperi ei, Domine, januam pietatis tuæ. ut, signo sapientiæ tuæ imbutus, omnium cupiditatum fœtoribus careat, et ad suavem odorem præceptorum tuorum lætus tibi in Ecclesia tua deserviat, et proficiat de die in diem. Per eundem Christum Dominum nostrum. **R.** Amen.

Deinde benedicturus salem (qui semel benedictus. alias ad eundem usum deservire potest) accepta mitra, stans dicat: (Sine mutatione pro omnibus.)

BENEDICTIO SALIS.

Exorcizo te, creatura salis, in nomine Dei Patris omnipotentis †, et in charitate Domini nostri Jesu

Christi † , et in virtute Spiritus sancti † ; exorcizo te per Deum vivum † , per Deum verum † , per Deum sanctum † , per Deum † qui te ad tutelam humani generis procreavit , et populo venienti ad credulitatem per servos suos consecrari præcepit , ut in nomine sanctæ Trinitatis efficiaris salutare Sacramentum ad effugandum inimicum.

Hic deponat mitram, et adhuc stans prosequatur :

Proinde rogamus te , Domine Deus noster , ut hanc creaturam salis sanctificando sancti † fices , et benedicendo bene † dicas , ut fiat omnibus accipientibus perfecta medicina , permanens in visceribus eorum , in nomine ejusdem Domini nostri Jesu Christi , qui venturus est judicare vivos et mortuos , et sæculum per ignem . **R.** Amen.

Deinde sedeat cum mitra, et accipiens modicum salis benedicti, immittat in os infantis dicens : (Singulariter singulis.)

N. Accipe sal sapientiae : propitiatio sit tibi in vitam æternam . **R.** Amen.

Pontifex : Pax tecum . **R.** Et cum spiritu tuo .

Surgat inde, deposita mitra, et dicat : (In pluri- rali pro omnibus.)

OREMUS.

Deus patrum nostrorum , Deus universæ conditor veritatis , te supplices exoramus , ut hunc famulum tuum *N.* respicere digneris propitius , et hoc pri- mum pabulum salis gustantem , non diutius esurire permittas , quo minus cibo expleatur cœlesti ; qua- tenus sit semper spiritu fervens , spe gaudens , tuo semper nomini serviens . Perduc eum , Domine quæ- sumus , ad novæ regenerationis lavacrum , ut cum fidelibus tuis promissionum tuarum æterna præmia

consequi mereatur. Per Christum Dominum nostrum. ¶. Amen.

Accepta mitra, adhuc stans, dicit Exorcismum.

Exorcizo te, immunde spiritus, in nomine Patris, et Filii, et Spiritus sancti, ut ex eas et recedas ab hoc famulo Dei N. Ipse enim tibi imperat, maledicte dammate, qui pedibus super mare ambulavit, et Petro mergenti dexteram porrexit. Ergo, maledicte diabole, recognosce sententiam tuam, et da honorem Deo vivo et vero, da honorem Iesu Christo, Filio ejus, et Spiritui sancto: et recede ab hoc famulo Dei N. quia istum sibi Deus et Dominus noster Jesus Christus ad suam sanctam gratiam et benedictionem, fontemque Baptismatis vocare dignatus est.

Retenta mitra, adhuc stans, et pollice in fronte signans infantem, dicit: (Singulariter singulis.)

Et hoc signum sanctæ Crucis, quod nos fronte ejus damus, tu, maledicte diabole, numquam audias violare. Per eundem Christum Dominum nostrum. ¶. Amen.

Mox, deposita mitra, et adhuc stans, impositaque manu super caput infantis, dicit: (In plurali pro omnibus.)

OREMUS.

Æternam, ac justissimam pietatem tuam deprecor, Domine sancte, Pater omnipotens, æterne Deus, auctor luminis et veritatis, super hunc famulum tuum N. ut digneris illum illuminare lumine intelligentiae tuæ: munda eum, et sanctifica: da ei scientiam veram, ut dignus gratia Baptismi tui effectus teneat firmam spem, consilium rectam, doctrinam sanctam. Per Christum Dominum nostrum. ¶. Amen.

*Accipit mitram, et imposita extrema parte stola
uper infantem, introducit eum in Ecclesiam, præ-
edentibus omnibus, qui cum eo venerant, dicens : (In
lurali pro omnibus.)*

*N. Ingredere in templum Dei , ut habeas partem
um Christo in vitam æternam. Amen.*

*Cum fuerint Ecclesiam ingressi, Pontifex deponit
nitram, et procedens ad fontem, usque ad cancellos
xclusive, cum susceptoribus, dicit clara voce simul
um illis :*

*Credo in Deum, Patrem omnipotentem , creatorem cœli et terræ. Et in Jesum Christum , Filium Iesu unicum , Dominum nostrum. Qui conceptus est de Spiritu sancto , natus ex Maria Virgine. Passus sub Pontio Pilato , crucifixus , mortuus , et sepultus. Descendit ad inferos , tertia die resurrexit a mortuis. Ascendit ad cœlos , sedet ad dexteram Dei Patris omnipotentis. Inde venturus est judicare vivos et mortuos. Credo in Spiritum sanctum , sanctam Ecclesiam Catholicam , Sanctorum communio-
nem , remissionem peccatorum , carnis resurrectio-
nem , vitam æternam. Amen.*

Pater noster, qui es in cœlis, sanctificetur nomen tuum : adveniat regnum tuum : fiat voluntas tua sicut in cœlo , et in terra. Panem nostrum quotidianum da nobis hodie ; et dimitte nobis debita nostra, sicut et nos dimittimus debitoribus nostris : et ne nos inducas in temptationem ; sed libera nos a malo. Amen

Deinde accipit mitram, et prius quam accedat ad Baptisterium, terga vertens ad ipsum, extra cancellos, dicat versus infantem.

EXORCISMUS.

*Exorcizo te , omnis spiritus immunde , in no-
mine Dei Patris omnipotentis †, et in nomine Iesu*

Christi, Filii ejus, Domini et judicis nostri †, et in virtute Spiritus sancti †, ut discedas ab hoc plasmate Dei N. quod Dominus noster ad templum sanctum suum vocare dignatus est, ut fiat templum Dei vivi, et Spiritus sanctus habitet in eo. Per eundem Christum Dominum nostrum, qui venturus est judicare vivos et mortuos, et sæculum per ignem. ¶ Amen.

Mox cum mitra, et adhuc stans, digito accipiat de saliva oris sui, et tangat aures et nares infantis. Tangendo vero aurem dexteram et sinistram, dicat : (Singulariter singulis.)

Ephphetha, quod est, adaperire.

Deinde tangat nares, dicens :

In odorem suavitatis. Tu autem effugare, diabolus, appropinquabit enim judicium Dei.

Postea sedens ibidem cum mitra, interrogat baptizandum nominalim, dicens :

N. Abrenuntias satanæ ?

Patrinus respondet : Abrenuntio.

Pontifex : Et omnibus operibus ejus.

Resp. Patrinus : Abrenuntio.

Pontifex : Et omnibus pompis ejus ?

Resp. Patrinus : Abrenuntio.

Deinde Pontifex, adhuc sedens cum mitra, intingit pollicem in oleo Catechumenorum, et infantem ungit in pectore, et inter scapulas, in modum Crucis, dicens semel :

Ego te linio † oleo salutis in Christo Jesu Domino nostro, ut habeas vitam æternam. ¶ Amen.

Deinde pollicem, et inuncta loca abstergit bombacum, vel re simili. Mox depositis mitra simplici, pluviali et stola violaceis, accipit stolam, et pluviale albi coloris, et mitram auriphrygiatam; et tunc in-

greditur Capellam Baptisterii, ubi, sedens ante ostium Fontis, interrogat, expresso nomine, baptizandum, Patrino respondente :

N. Credis in Deum Patrem omnipotentem, creatorem cœli et terræ?

Patrinus respondet : Credo.

Pontifex : Credis in Jesum Christum, Filium ejus unicum, Dominum nostrum, natum, et passum?

Patrinus respondet : Credo.

Pontifex : Credis in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam.

Patrinus respondet : Credo.

Subinde, expresso nomine baptizandi, Pontifex adhuc sedens cum mitra, dicit :

N. Vis baptizari?

Patrinus respondet : Volo.

Si baptizet per immersionem, Pontifex mitram relinens, surgit, et accipit infantem : et advertens ne lædatur, caule caput ejus immergit in aquam, et trina mersione baptizans, semel tantum dicit :

N. Ego te baptizo in nomine Pa + tris, et Fi + lli, et Spiritus + sancti.

Mox Patrinus, vel Matrina, vel uterque simul, infantem de sacro Fonte levant suscipientes illum de manu Pontificis.

Si vero Pontifex per infusionem baptizet, Patrino, vel Matrina, vel utroque (si ambo admittantur) infantem tenente, Pontifex, adhuc sedens cum mitra, vasculum, vel urceolum accipit cum aqua baptismali, et aliquo Capellano lancem supponente ad recipiendam aquam, iter de ea fundit super caput infantis.

tis in modum Crucis, et simul verba proferens, sermo tantum distinete et attente dicit :

N. Ego te baptizo in nomine Pa † tris, fundat primo, et Fi † lii, fundat secundo, et Spiritus † sancti, fundat tertio.

Si vero dubitatur an infans sic baptizatus, utatur hac forma.

N. Si non es baptizatus, ego te baptizo in nomine Pa † tris, et Fi † lii, et Spiritus † sancti.

(Singulis.) Deinde Pontifex sedens, et retinens mitram, intingit pollicem in sacro Chrismate, et ungit infantem in summitale capitis in modum Crucis, dicens :

Deus omnipotens, Pater Domini nostri Iesu Christi, qui te regeneravit ex aqua et Spiritu sancto, quique dedit tibi remissionem omnium peccatorum (*hic inungit*) ipse te liniat Chrismate salutis † in eodem Christo Iesu Domino nostro in vitam æternam. *R. Amen.*

Pontifex : Pax tibi. R. Et cum spiritu tuo.

Tum bombacio, aut re simili, abstergit pollicem suum et locum inunctum. Deinde etiam sedens cum mitra, imponit capiti infantis linteolum candidum, loco vestis albæ, dicens :

Accipe vestem candidam, quam immaculatam perferas ante tribunal Domini nostri Iesu Christi, ut habeas vitam æternam. *R. Awen.*

Postea pariter sedendo cum mitra, dat infanti, vel Patrino, candelam accensam, dicens :

Accipe lampadem ardentem, et irreprehensibilis custodi Baptismum tuum; serva Dei mandata, ut cum Dominus venerit ad nuptias, possis occurrere ei, una cum omnibus Sanctis, in aula cœlesti, ba-

beasque vitam æternam , et vivas in sæcula sæculo-rum. ¶ Amen.

Postremo dicit, etiam sedendo cum mitra :

N. Vade in pace, et Dominus sit tecum. ¶ Amen.

Ac demum, sedens adhuc cum mitra, moneat suscep-tores de spirituali cognatione, quam contraxe-runt cum baptizato, baptizalique patre et matre ; et de obligatione, quam habent, ubi opus fuerit, opportune docendi baptizatum, tamquam filium spiri-tualem, fidei rudimenta ; unde ad hujusmodi mu-nus, qui ea ignorant, non admittantur.

Si vero fuerint plures baptizandi, masculi, seu fæminæ, in Cathechismo masculi statuantur ad dex-ram, fæminæ vero ad sinistram ; et omnia pariter dicantur, ut supra in proprio genere, et in numero plurali. Quod si fuerint masculi et fæminæ simul baptizandi, omnia dicantur in numero plurali, sed in genere masculino, etiam si sint plures fæminæ quam masculi.

Quædam vero non in numero plurali pro omni-bus, sed in numero singulari pro singulis dici opor-tet ; in genere tamen masculino pro masculis, et in genere fæminino pro fæminis, ut notatur in Rituali Romano in rubrica post Baptismum parvulorum ; sed nos pro majori commoditate adnotavimus in propriis locis in rubricis parenthesi notatis, ita ut quando dicitur in tali rubrica : Singulariter singu-lis, intellige quod illa verba, vel actiones usque ad aliam rubricam dici vel fieri debent singulariter sin-gulis, et primum masculis, deinde fæminis, mutato solum genere, ut dictum est supra. Quando vero in simili rubrica dicitur : In plurali pro omnibus, in-tellige quod illa verba usque ad aliam rubricam dici debent semel, sed pro omnibus in plurali, mutato so-lum genere, si omnes sint fæminæ.

Pontifex demum, completo baptismate, sedens ad-huc cum mitra, lavat manus more solito; et inde eodem comitatu, eodemque modo, quo baptizaturus accessit, eo, unde venerat, revertitur.

PONTIFICALIS RITUS

PRO ADULTORUM BAPTISMO.

Pontifex, adultos sacri Baptismatis unda merge-re seu perfundere volens, prius diligenter inquirat :

An adulti baptizandi in Christiana Fide, ac sanctis moribus sint instructi, et an scientes, et volentes ad Baptismum accedant.

Ne quis, jam baptizatus, imperitia, vel errore, aut ad quæstum, vel ob aliam causam, fraude, dolore, iterum baptizari velit.

In Sabbato Sancto Paschatis vel Pentecostes, hujusmodi Baptismum solemniter ministrari curet : nisi Catechumeni, rite instructi, Baptismum suum in longum tempus differri ægre ferant.

Cum igitur hujusmodi Baptismus ministrandus erit, disponuntur suis locis seqüentia :

In Secretario : Altare cum Cruce et candelabris cum cereis ; baculus Pastoralis a latere Epistolæ.

Super altare autem : Mitra simplex, pectorale, pluviale et stola coloris violacei, Crux pectoralis, cingulus albi coloris, alba, amictus, et si Pontifex erit Regularis, superpelliceum ; omnia velo serico violaceo cooperata.

Item faldistorium cum veste et pulvinis violaceis super tapete, ante idem altare.

Insuper sedes Pontificalis cum pulvino violaceo, et tapete, si Pontifex erit in propria Ecclesia.

Ad valvas Ecclesiae, et ad ostium cancellorum Baptisterii : Faldistorium coopertum veste violacea, super strato.

In Abaco ejusdem Secretarii : Bacile, et buccale cum aqua. Mappæ pro gremio, et manibus. Candelabra duo cum cereis. Clara Cardinalitia, si Pontifex erit S. R. E. Cardinalis, liber hic, et bugia.

In Presbyterio, et Choro : Altare cum pallio violaceo, Cruce, et candelabris cum cereis. Faldistorium cum veste, et pulvinis violaceis super tapete. Sedes Pontificalis tecta violaceis, si Pontifex, ut supra, erit in propria Ecclesia.

In Baptisterio : Fons late patens pro immersione Catechumeni. Faldistorium cum veste alba, et tria scabella circa illud super tapete, intra cancellos ante ostium Fontis.

In Abaco ejusdem Baptisterii : Pelvicula cum sale, Vascula duo, cum bombacio madido sanctis Oleis, alterum Chrismatis, alterum Catechuminorum. Bombacium siccum pro abstersione locorum inunctorum. Paramenta albi coloris, videlicet, mitra auriphrygiata, pluviale, et stola, cooperta velo serico albo. Chrismalia, seu candidi linteoli, et vestes candidæ pro numero Neophytorum. Item et cerei eisdem tradendi. Vasa, cum mica panis ad lavandas manus. Mappæ ad eas tergendas, et pro gremio.

Pontifex igitur, paratis omnibus de mane, in secretario lavat prius manus, deinde super rochetum, sive superpelliceum, si sit Regularis, accipit amictum. albam, cingulum. Crucem pectoralem,

stolam, ac pluviale violacei coloris, pectorale, et mitram.

Postmodum, cum toto Clero suæ Ecclesiæ, ordine processionali accedit ante altare majus, tali ejusdem Secretarii, ubi genuflexus super faldistorio, deposita mitra, genuflectentibus pariter omnibus, pias mente ad Deum preces effundat, ut tantum Sacramentum digne valeat ministrare.

Deinde, ad implorandum divinum auxilium. surgens, se signat, et dicit :

Deus in adjutorium meum intende. R. Domine. ad adjuvandum me festina.

Gloria Patri, et Filio, et Spiritui sancto. R. Sicut erat in principio, et nunc, et semper, et in sæcula sæculorum. Amen.

Postea stans ibidem, incipiat, prosequenteribus Clericis, Antiphonam :

Effundam super vos aquam mundam, et mundabitini ab omnibus inquinamentis vestris, dicit Dominus.

PSALMUS 8.

*Domine, Dominus noster : * quam admirabile est nomen tuum in universa terra?*

Incepto Psalmo, Pontifex, accepta mitra, sedebit vel in sede, si fuerit in propria Ecclesia, vel in faldistorio in piano Epistola.

*Quoniam elevata est magnificientia tua : * super cœlos.*

Ex ore infantium, et lactentium perfecisti laudem propter inimicos tuos,

** ut destruas inimicum, et ultorem.*

*Quoniam videbo cœlos tuos . opera digitorum tuorum : * lunam, et stellas, quæ tu fundasti.*

Quid est homo, quod memor es ejus? aut filius hominis, quoniam visitas eum?

*Minuisti eum paulo minus ab Angelis, gloria et honore coronasti eum : * et constitueristi eum super opera manuum tuarum.*

Omnia subjecisti sub
pedibus ejus : * oves, et
boves universas, insuper
et pecora campi.

Volucres cœli, et pisces
maris : * qui perambulant
semitas maris.

Domine, Dominus nos-
ter : * quam admirabile est
nomen tuum in universa
terra !

Gloria Patri. Sicut erat
etc.

*Psalmus 28. Afferte Domino filii Dei : * afferte
Domino filios arietum, ut supra, pag. 360, cum
Gloria Patri.*

PSALMUS 41.

Quemadmodum deside-
rat cervus ad fontes aqua-
rum : * ita desiderat anima
mea ad te Deus.

Sitivit anima mea ad
Deum fortē vivum : *
quando veniam, et appa-
rebo ante faciem Dei ?

Fuerunt mihi lacrymæ
meæ panes die, ac nocte :
* dum dicitur mihi quoti-
die : ubi est Deus tuus ?

Hæc recordatus sum, et
effudi in me animam
meam : * quoniam transi-
bo in locum tabernaculi
admirabilis, usque ad do-
mum Dei.

In voce exultationis, et
confessionis : * sonus epu-
lantis.

Quare tristis es anima
mea ? * et quare conturbas
me ?

Spera in Deo, quoniam
adhuc confiteor illi : * sa-

lutare vultus mei, et Deus
meus.

Ad meipsum anima mea
conturbata est : * propte-
re memor ero tui de terra
Jordanis, et Hermonium a
monte modico.

Abyssus abyssum invo-
cat, * in voce cataractarum
tuarum.

Omnia excelsa tua, et
fluctus tui * super me
transierunt,

In die mandavit Do-
minus misericordiam su-
am : * et nocte canticum
ejus.

Apud me oratio Deo vitæ
meæ ; * dicam Deo : Sus-
ceptor meus es.

Quare oblitus es mei ? *
et quare contristatus ince-
do, dum affligit me inimi-
cus ?

Dum confringuntur ossa
mea ; * exprobraverunt mi-

hi, qui tribulant me inimici mei.

Dum dicunt mihi per singulos dies : ubi est Deus tuus? * quare tristis es, anima mea? et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Gloria Patri. Sicut erat etc.

Et repetitur Antiphona :

Effundam super vos aquam mundam, et mundabimini ab omnibus inquinamentis vestris, dicit Dominus.

Completa Antiphona, Pontifex, deposita mitra, surgit, et stans versus altare, dicit :

Kyrie eleison. Christe eleison. Kyrie eleison.

Pater noster, secreto usque ad

*. Et ne nos inducas in temptationem. R. Sed libera nos a malo.

*. Domine, exaudi orationem meam. R. Et clamor meus ad te veniat.

*. Dominus vobiscum. R. Et cum spiritu tuo.

OREMUS.

Omnipotens sempiterne Deus, qui dedisti famulis tuis in confessione veræ fidei, æternæ Trinitatis gloriam agnoscere, et in potentia majestatis adorare Unitatem: quæsumus, ut ejusdem fidei firmitate, ab omnibus semper muniamur adversis.

Adesto supplicationibus nostris, omnipotens Deus, et quod humilitatis nostræ gerendum est ministerio, tuæ virtutis impleatur effectu.

Da, quæsumus Domine, electo nostro (*In plurali pro pluribus, et in genere masculino, nisi omnes sint feminæ*), ut sanctis edoctus mysteriis, et renovetur fonte Baptismatis, et inter Ecclesiæ tuæ membra numeretur. Per Christum Dominum nostrum. R. Amen.

Deinde Pontifex, accepta mitra, et baculo Pastorali, procedit cum toto suo Clero, ut supra, ad fores Ecclesiæ : ibique in limine deposito baculo, et retenta mitra, sedet in faldistorio. Catechizandus vero extra limen genuflectit, e regione Pontificis, et si sint plures mares, et faminæ, illi ad dexteram Pontificis, hæ vero ad sinistram statuantur.

Tum Pontifex, sedens cum mitra, interrogat Catechumenum : (Singulariter singulis, si plures, usque ad Orationem.) Quo nomine vocaris ?

Catechumenus respondet : N.

Pontifex : N. Quid petis ab Ecclesia Dei ?

Respondet Catech. Fidem.

Pontifex. Fides quid tibi præstat ?

Resp. Catech. Vitam æternam.

Pontifex. Si vis habere vitam æternam, serva mandata. Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum, sicut te ipsum : In his duobus mandatis tota Lex pendet, et Prophetæ. Fides autem est, ut unum Deum in Trinitate, et Trinitatem in Unitate venereris, neque confundendo personas, neque substantiam separando. Alia est enim persona Patris, alia Filii, alia Spiritus sancti, sed horum trium una est substantia, et non nisi una Divinitas.

Et rursus interrogat : N, Abrenuntias Satanæ ?

Respondet Catech. Abrenuntio.

Interrogat : Et omnibus operibus ejus ?

Respondet : Abrenuntio.

Interrogat : Et omnibus pompis ejus ?

Respondet : Abrenuntio.

Deinde Pontifex interrogat de Symbolo Fidei, dicens :

Credis in Deum, Patrem omnipotentem, creatorem cœli et terræ?

Respondet : Credo.

Interrogat : Credis in Jesum Christum, Filium ejus unicum, Dominum nostrum, natum et passum?

Respondet : Credo.

*Interrogat : Credis in Spiritum sanctum, sanctam Ecclesiam Catholicam, Sanctorum communio-
nem, remissionem peccatorum, carnis resurrec-
tionem, et vitam æternam.*

Respondet : Credo.

*Tunc Pontifex surgit cum mitra, et exsufflat ter
in faciem ejus, semel dicens :*

Exi ab eo spiritus immunde, et da locum Spir-
tui sancto paraclito.

*Hic in modum Crucis halet in faciem ipsius, et
dicat :*

N. Accipe Spiritum bonum per istam insuffla-
tionem, et Dei benedictionem. † Pax tibi. ¶ Et
cum spiritu tuo.

*Deinde Pontifex sedet cum mitra, et facit Cru-
cem cum pollice in fronte, et in pectore Catechu-
meni, dicens :*

N. Accipe signum Crucis tam in fronte † quam
in corde † : sume fidem cœlestium præceptorum.
Talis esto moribus, ut templum Dei jam esse pos-
sis; ingressusque Ecclesiam Dei, evasisse te laqueos
mortis, lætus agnosce :

*Et si Catechumenus venit de Gentilitatis errore,
sive de Ethnicis, et idololatris, dicat :*

Horresce idola , respue simulacula.

Si ex Hebreis, dicat :

Horresce iudaicam perfidiam , respue hebraicam superstitionem.

Si ex Mahumetanis, dicat :

Horresce Mahumeticam perfidiam, respue pravam sectam infidelitatis.

Si ex Hæreticis , et in ejus baptismo debita forma servata non sit , dicat :

Horresce hæreticam pravitatem , respae nefarias sectas impiorum N.

Exprimens proprio nomine sectam, de qua venit. Inde prosequatur.

Cole Deum omnipotentem , et Jesum Christum , Filium ejus unicum , Dominum nostrum , qui venturus est judicare vivos et mortuos , et sæculum per ignem . ¶ Amen.

Si Catechumeni fuerint plures , Pontifex singulariter singulos interrogabit, repetendo :

Quo nomine vocaris? et, ut supra, cætera perficiendo.

Deinde surgit , et , deposita mitra , dicit : (In plurali pro pluribus.)

OREMUS.

Te deprecor, Domine sancte, Pater omnipotens , æterne Deus , ut huic famulo tuo N. qui in hujus sæculi nocte vagatur incertus, ac dubius , viam veritatis , et agnitionis tuæ jubeas demonstrari : quatenus , reseratis oculis cordis sui , te unum Deum Patrem in Filio , et Filium in Patre cum Spiritu sancto , recognoscat , atque hujus confessionis fructum , et hic , et in futuro sæculo percipere mereatur. Per Christum Dominum nostrum. ¶ Amen.

Mox sedens cum mitra signat signo Crucis cum pollice in fronte dicens : (Singulariter singulis.)

Signo tibi frontem †, ut suscipias Crucem Domini.

In auribus. Signo tibi aures †, ut audias divina præcepta.

In oculis. Signo tibi oculos †, ut videas claritatem Dei.

In naribus. Signo tibi nares †, ut odorem suavitatis Christi sentias.

In ore. Signo tibi os †, ut loquaris verba vitae.

In pectore. Signo tibi pectus †, ut credas in Deum.

In scapulis. Signo tibi scapulas †, ut suscipias jugum servitutis ejus.

In toto corpore, illud non tangens, manu producit signum Crucis, et dicit :

Signo te totum in nomine Patris †, et Filii †, et Spiritus sancti †, ut habeas vitam æternam, et vivas in sæcula sæculorum. ¶ Amen.

Deinde, deposita mitra, surgit et dicit : (In plurali pro pluribus.)

OREMUS.

Preces nostras, quæsumus Domine, clementer exaudi, et hunc electum tuum *N.* Crucis Dominicæ, cuius impressione eum signamus, virtute custodi, ut magnitudinis gloriæ tuæ rudimenta servans, per custodiam mandatorum tuorum, ad regenerationis gloriam pervenire mereatur. Per Christum Dominum nostrum. ¶ Amen.

OREMUS.

Deus, qui humani generis ita es conditor, ut sis etiam reformator, propitiare populis adoptivis; et

novo testamento sobolem novæ prolis adscribe, ut filii promissionis, quod non poterunt assequi per naturam, gaudeant se recepisse per gratiam. Per Christum Dominum nostrum. **R.** Amen.

(*Singulis.*) *Tunc imponit manum super caput Electi, et stans sine mitra dicit : (In plurali pro pluribus.)*

OREMUS.

Omnipotens sempiterne Deus, Pater Domini nostri Jesu Christi, respicere dignare super hunc famulum tuum *N.* quem ad rudimenta fidei vocare dignatus es : omnem cæcitatem cordis ab eo expelle : disrumpere omnes laqueos satanæ, quibus fuerat colligatus : aperi ei, Domine, januam pietatis tuæ, ut, signo sapientiæ tuæ imbutus, omnium cupiditatum fœtoribus careat, et ad suavem odorem præceptorum tuorum lætus tibi in Ecclesia tua deseriat, et proficiat de die in diem, ut idoneus efficiatur accedere ad gratiam Baptismi tui, percepta medicina. Per eundem Christum Dominum nostrum. **R.** Amen.

Deinde, stans cum mitra, benedicit salem.

BENEDICTIO SALIS.

Exorcizo te, creatura salis, in nomine Dei Patris omnipotentis †, et in charitate Domini nostri Jesu Christi †, et in virtute Spiritus sancti †; exorcizo te per Deum vivum †, per Deum verum †, per Deum sanctum †, per Deum †, qui te ad tutelam humani generis procreavit; et populo venienti ad credulitatem per servos suos consecrari præcepit; ut in nomine sanctæ Trinitatis efficiaris salutare Sacramentum ad effugandum inimicum.

Hic, deposita mitra, et adhuc stans, prosequitur, dicens :

Proinde rogamus te, Domine Deus noster, ut hanc creaturam salis sanctificando sanctifiques †, et benedicendo benedicas †, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Iesu Christi, qui venturus est judicare vivos et mortuos, et sæculum per ignem. R. Amen.

Quod si Catechumenus fuerit Gentilis, seu ei Idololatris venerit ad fidem, benedicto sale, antequam ejus medicinam gustet, Pontifex, adhuc stans sine mitra, addat sequentem Orationem, quæ tamen pro venientibus ex Hæbræis, vel aliis, ut supra, non dicitur. (In plurali pro pluribus.)

OREMUŚ.

Domine sancte, Pater omnipotens, æterne Deus, qui es, qui eras, et qui permanes usque in finem, cuius origo nescitur, nec finis comprehendendi potest: te supplices invocamus super hunc famulum tuum N. quem liberasti de errore gentilium, et conversatione turpissima; dignare exaudire eum, qui tibi cervices suas humiliat ad lavacri fontem, ut renatus ex aqua, et Spiritu sancto, expoliatus veterem hominem, induat novum, qui secundum te creatus est; accipiat vestem incorruptam, et immaculatam, tibique Deo nostro servire mereatur. Per Christum Dominum nostrum. R. Amen.

Tunc Pontifex sedet cum mitra, et pollice, ac indice accipit de ipso sale benedicto, et immittit in os Catechumeni, dicens: (Singulariter singularis.)

N. Accipe sal sapientiæ, propitiatio sit tibi in vitam æternam. R. Amen.

Pax tibi. R. Et cum spiritu tuo.

Deinde sine mitra surgit, et stans dicit: (In plurali pro pluribus.)

OREMUS.

Deus patrum nostrorum, Deus universæ conditor veritatis, te supplices exoramus, ut hunc famulum tuum N. respicere digneris propitijs, et hoc primum pabulum salis gustantem, non diutius esurire permittas, quo minus cibo repleatur cœlesti; quatenus sit semper spiritu fervens, spe gaudens, tuo semper nomini serviens. Perduc eum, Domine quæsumus, ad novæ regenerationis lavacrum, ut cum fidelibus tuis promissionum tuarum æterna præmia consequi mereatur. Per Christum Dominum nostrum. ¶ Amen.

Si inter Catechumenos adsint feminæ, recedant ipsæ in partem, quousque tertio dicatur masculis : Ora, Electe, etc., et hi signati fuerint in fronte.

Deinde Pontifex sedet cum mitra, et dicat Catechumeno stanti : (In plurali pro pluribus masculis tantum.)

Ora, Electe, flecte genua, et dic Pater noster.

Et Electus, genu flexo, orat et dicit : Pater noster etc.

Et cum dixerit usque ad Sed libera nos à malo, inclusive.

Pontifex dicit : Leva, comple orationem tuam, et dic : Amen.

Electus surgens, respondet : Amen.

Pontifex dicit Patrino : Signa eum.

Deinde Electo : Accede.

Et Patrinus pollice signat Electum in fronte, dicens :

In nomine Patris, et Filii, et Spiritus sancti.

*Et Pontifex pariter faciet signum Crucis u
fronte ejus, dicens :*

In nomine Patris, et Filii, et Spiritus sancti.

(*Singulis.*) *Postea Pontifex sine mitra surgi
et stans imponit manum super Electum, et dicit*
(*In plurali pro pluribus masculis.*)

OREMUS.

Deus Abraham, Deus Isaac, Deus Jacob, Deus
qui Moysi famulo tuo in monte Sinai apparuisti.
et filios Israel de terra Egypti eduxisti, deputans
eis Angelum pietatis tuæ, qui custodiret eos di-
ac nocte : te quæsumus, Dominè, ut mittere dignes
sanctum Angelum tuum de cœlis, qui similiiter
custodiat et hunc famulum tuum N., et perducat
eum ad gratiam Baptismi tui. Per Christum Domi-
num nostrum. ¶ Amen.

Deinde accipit mitram, et adhuc stans dicit :
(*In plurali pro pluribus.*)

EXORCISMUS.

Ergo, maledicte diabole, recognosce sententiam
tuam, et da honorem Deo vivo, et vero ; da hono-
rem Jesu Christo, Filio ejus, et Spiritui sancto :
recede ab hoc famulo Dei N. quia istum sibi Deus
et Dominus noster Jesus Christus ad suam sanctam
gratiam, fontemque Baptismatis vocare dignatus
est : et hoc signum sanctæ Crucis † (*Signat si-
gulos.*).

Quod nos fronti ejus damus, tu, maledicte dia-
bole, nunquam audeas violare. Per eundem Chris-
tum Dominum nostrum, qui venturus est judicare
vivos et mortuos, et sæculum per ignem. ¶ Amen.

*Pontifex sedet, retenta mitra, et dicit secundo
Electo : (In plurali pro pluribus masculis.)*

Ora, Electe, flecte genua, et dic Pater noster.

*Electus, genu flexo, orat et dicit : Pater noster,
usque ad Sed libera nos a malo, inclusive.*

**Pontifex subjungit : Leva, comple orationem
uam, et dic Amen.**

Electus, surgens, respondeat : Amen.

Pontifex dicit Patrino : Signa eum.

Deinde dicit Electo : Accede.

*Et Patrinus cum pollice signat Electum in
fronte, dicens : In nomine Patris, et Filii, et Spi-
ritus sancti.*

*Et Pontifex pariter facit signum Crucis in
fronte ejus, dicens : In nomine Patris, et Filii,
et Spiritus sancti.*

*Pontifex sine mitra surgit, et stans imponit
manum super Electum, et dicit : (In plurali pro
pluribus.)*

OREMUS.

Deus, immortale præsidium omnium postulan-
dium, liberatio supplicum, pax rogantium, vita
credentium, resurrectio mortuorum, te invoco su-
per hunc famulum tuum N. qui, baptismi tui do-
num petens, æternam consequi gratiam spirituali
regeneratione desiderat : accipe eum, Domine ; et
juia dignatus es dicere : Petite et accipietis, quæ-
rite et invenietis, pulsate et aperietur vobis :
petenti præmium porridge, et januam pande pulsan-
ti, ut æternam cœlestis lavacri benedictionem con-
secutus, promissa tui muneric regna percipiatur. Qui
cum Patre et Spiritu sancto vivis et regnas Deus,
in sæcula seculorum. R. Amen.

*Inde accipit mitram, et adhuc stans, dicit : (In
plurali pro pluribus.)*

EXORCISMUS.

Audi, maledicte satana, adjuratus per nomen

æterni Dei, Salvatoris nostri Jesu Christi, Fili ejus, cum tua victus invidia tremensque discede: nihil tibi sit commune cum servo Dei N. jam cœlestia cogitante, renuntiaturo tibi et sæculo tuo. et beatæ immortalitati victuro. Da igitur honorem advenienti Spiritui sancto, qui ex summa cœli arce descendens, pro turbatis fraudibus tuis, divino fonte purgatum pectus, sanctificatum Deo templum et habitaculum perficiat, ut ab omnibus penitus noxiis præteriorum criminum liberatus servus Dei, gratias perenni Deo referat semper, et benedicat nomen sanctum ejus in sæcula sæculorum. **p. Amen.**

*. Pontifex sedet, retenta mitra, et tertio dicit
Electo : (In plurali pro pluribus masculis.)*

Ora, Electe, flecte genua, et dic Pater noster.

*Electus, genu flexo, orat, et dicit : Pater nos-
ter, usque ad Sed libera nos a malo, inclusive.*

*Pontifex subjungit : Leva, comple orationem
tuam et dic Amen.*

Electus, surgens, respondet : Amen.

Pontifex dicit Patrino : Signa eum.

Deinde dicit Electo : Accede.

*Et Patrinus, cum pollice signat Electum in fron-
te, dicens : In nomine Patris, et Filii, et Spiritus
sancti.*

*Et pontifex pariter facit signum Crucis in
fronte ejus, dicens : In nomine Patris, et Filii, et
Spiritus sancti.*

*Deinde surgens, retenta mitra, imponit ma-
num super Electum, dicens : (In plurali pro
pluribus.)*

EXORCISMUS.

Exorcizo te, immunde spiritus, in nomine Patris

†, et Filii †, et Spiritus sancti †, ut ex eas, et rece das ab hoc famulo Dei N. Ipse enim tibi imperat, maledicte damnate, qui pedibus super mare ambu lavit, et Petro mergenti dexteram porrexit.

EXORCISMUS.

Ergo, maledicte diabole, recognosce sententiam tuam, et da honorem Deo vivo, et vero; da honorem Jesu Christo, Filio ejus, et Spiritui sancto: recede ab hoc famulo Dei N. quia istum sibi Deus, et Dominus noster Jesu Christus ad suam sanctam gratiam, fontemque Baptismatis vocare dignatus est: et hoc signum sanctæ Crucis † (*Signat singulos*) quod nos fronti ejus damus, tu, maledicte dia bole, nunquam audeas violare. Per eundem Chris tum Dominum nostrum, qui venturus est judicare vivos et mortuos, et sæculum per ignem. ¶ Amen.

Si, ut supra, adsint fæminæ, retrahunt se mas culi in partem, et accedunt fæminæ ante Pontifi cem, et stant.

Pontifex igitur, sedens cum mitra, dicit Cate chumenæ: (In plurali pro pluribus).

Ora, Electa, fleete genua, et dic Pater noster.

Et Electa, genu flexo, orat et dicit: Pater noster etc. Et cum dixerit usque ad Sed libera nos a malo, inclusive,

Pontifex dicit: Leva, comple orationem tuam, et dic Amen.

Electa surgens, respondet: Amen.

Pontifex dicit Patrino: Signa eam.

Deinde dicit Electæ: Accede.

Et Patrinus pollice signat Electam in fronte, dicens:

In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, et dicit : In nomine Patris, et Filii, et Spiritus sancti (Singulis si plures).

Deinde Pontifex, surgens sine mitra, imponit manum super Electam, et dicit : (In plurali pro pluribus.)

OREMUS.

Deus cœli, Deus terræ, Deus Angelorum, Deus Archangelorum, Deus Patriarcharum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium bene viventium; Deus cui omnis lingua confitetur, et omnino genu flectitur, cœlestium, terrestrium, et infernorum : te invoco, Domine, super hanc famulam tuem N. ut eam castodire et perducere digneris ad gratiam baptismi tui. Per Christum Dominum nostrum. ¶ Amen.

Deinde cum mitra, et adhuc stans dicit : (In plurali pro pluribus).

EXORCISMUS.

Ergo, maledicte diabole, recognosce sententiam tuam, et da honorem Deo vivo et vero ; da honorem Jesu Christo, Filio ejus, et Spiritui sancto : recede ab hac famula Dei N. quia istam sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est : et hoc signum sanctæ Crucis † (*Signat singulas, si plures*) quod nos fronti ejus damus, tu, maledicte diabole, nunquam audeas violare. Per eumdem Christum Dominum nostrum, qui venturus est judicare vivos et mortuos, et sæculum per ignem. ¶ Amen.

Deinde sedens Pontifex cum mitra, dicit iterum Electæ : (In plurali, si plures).

Ora, Electa, flecte genua, et dic Pater noster.

Et Electa, genu flexo, orat et dicit : Pater noster. Et cum dixerit usque ad Sed libera nos a malo inclusive,

Pontifex dicit : Leva, comple orationem tuam, et dic Amen.

Electa surgens, respondet : Amen.

Pontifex dicit Patrino : Signa eam.

Deinde dicit Electæ : Accede.

Et Patrinus cum pollice signat Electam in fronte, dicens : In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens : In nomine Patris, et Filii, et Spiritus sancti. (Singulis si plures.)

Postea surgit, et stans cum mitra, imponit manum super caput Electæ, et dicit : (In plurali, pro pluribus.)

OREMUS.

Deus Abraham, Deus Isaac, Deus Jacob, Deus qui Moysi famulo tuo in monte Sinai apparuisti, et filios Israel de terra Ægypti eduxisti, deputans eis Angelum pietatis tuæ, qui custodiret eos die ac nocte : te quæsumus, Domine, ut mittere digneris sanctum Angelum tuum de cœlis, qui similiter custodiat et hanc famulam tuam N. et perducat eam ad gratiam baptismi tui. Per Christum Dominum nostrum. ¶ Amen.

Postea sedet, accepta mitra, et dicit tertio Electæ : (In plurali, si plures.)

Ora, Electa, flecte genua, et dic Pater noster.

Et Electa, genu flexo, orat et dicit: Pater noster etc.

Et cum dixerit usque ad Sed libera nos a mala inclusive,

*Pontifex dicit : Leva, comple orationem tuam,
et dic Amen.*

Electa surgens, respondet : Amen.

Pontifex dicit Patrino : Signa eam.

Deinde dicit Electæ : Accede.

Et Patrinus cum pollice signat Electam in fronte, dicens : In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens : In nomine Patris, et Filii, et Spiritus sancti (Singulis, si plures.)

Postea surgit, et stans tam mitra, imponit manum super caput Electæ, et dicit : (In plurali, si plures.)

EXORCISMUS.

Exorcizo te, immunde spiritus, per Patrem †, et Filium †, et Spiritum † sanctum, ut ex eas, et recedas ab hac famula Dei N. Ipse enim tibi imperat, maledicte dannate, qui cæco nato oculos aperuit, et quatriduanum Lazarum de monumento suscitavit.

EXORCISMUS.

Ergo, maledicte diabole, recognosce sententiam tuam, et da honorem Deo vivo et vero : da honorem Jesu Christo, Filio ejus, et Spiritui sancto; recede ab hac famula Dei N. quia istam sibi Deus, et Dominus noster Jesus Christus ad suam sanctam gratiam fontemque Baptismatis vocare dignatus est; et hoc signum sanctæ Crucis † (Signat singulas, si plures) quod nos fronti ejus damus, tu, maledicte diabole, numquam audeas violare. Per eundem Christum Dominum nostrum, qui venturus

est judicare vivos et mortuos, et sacerdolum per ignem.
¶. Amen.

Postmodum accedunt iterum masculi, qui se relaxerant : et ipsi ad dexteram, feminæ vero ad sinistram Pontificis, ut in principio, disponuntur.

Pontifex igitur, deposita mitra, surgit, et imposita manu super Electum, vel, si sint plures, super singulos, tam masculos quam feminas, stans, dicit : (In plurali pro pluribus tam masculis, quam feminis).

OREMUS.

Æternam ac justissimam pietatem tuam deprecor, Domine sancte, Pater omnipotens, æterne Deus, auctor luminis et veritatis, super hunc fanulum tuum N. ut digneris eum illuminare lumine intelligentiæ tuæ : munda eum, et sanctifica : da ei scientiam veram, ut dignus efficiatus accedere ad gratiam Baptismi tui, teneat firmam spem, consilium rectum, doctrinam sanctam, ut aptus sit ad percipiendum gratiam tuam. Per Christum Dominum nostrum. ¶. Amen.

Pontifex sedet, et mitram accipit. Interim Clericus, qui ante Pontificem stabat, ingreditur Ecclesiam, et dirigit se ad Baptisterium, et extra cancelllos ejusdem se disponit.

Deinde Pontifex surgens cum mitra, sinistra manu sua apprehendens dexteram Electi prope brachium, vel ei porrigenus extremam partem stolæ, ex humero sinistro pendentis, introducit eum in Ecclesiam.

Si autem Baptizandi erunt plures, Pontifex vel porrigit singulis extremam partem stolæ, vel trahit illum, quem manu tenet, et ille secundum, et secundus tertium etc., pariformiter ducat.

Dum autem Pontifex illum, vel illos introduci dicat : (In plurali pro pluribus).

N. Ingredere in sanctam Ecclesiam Dei, ut accipias benedictionem coelestem a Domino Jesu Christo, et habeas partem cum illo et sanctis ejus.
¶. Amen.

Ingressus Ecclesiam, Electus procumbit, se prosternit se in pavimento, et adorat, deinde surgit. (Si plures, omnes simul.)

Tunc Pontifex, deposita mitra, adhuc stans, imponit manum super caput Electi (Singulorum si plures), et simul cum eo recitat Symbolum Apostolorum, et Orationem Dominicam. (Si plures, simul recitant).

Credo in Deum, Patrem omnipotentem, creatorum cœli et terræ. Et in Jesum Christum, Filium ejus unicum, Dominum nostrum. Qui conceptus est de Spiritu sancto, natus ex Maria Virgine, passus sub Pontio Pilato, crucifixus, mortuus, et sepultus. Descendit ad inferos, tertia die resurrexit a mortuis. Ascendit ad cœlos, sedet ad dexteram Dei Patris omnipotentis. Inde venturus est judicare vivos, et mortuos. Credo in Spiritum sanctum : sanctam Ecclesiam Catholicam : Sanctorum communionem : remissionem peccatorum : carnis resurrectionem : vitam æternam. Amen.

Pater noster, qui es in cœlis, sanctificetur nomen tuum : adveniat regnum tuum : fiat voluntas tua sicut in cœlo, et in terra. Panem nostrum quotidianum da nobis hodie ; et dimitte nobis debita nostra, sicut et nos dimittimus debitoribus nostris : et ne nos inducas in temptationem ; sed libera nos a malo. Amen.

Interim Pontifex accedit ad faldistorium, extra Baptisterium, et versis renibus ostio cancellorum,

Accipere mitra, et adhuc stans (Singulis si plures), imponat rursus manum super caput Electi, et dicit (In plurali pro pluribus).

EXORCISMUS.

Nec te latet, satana, imminere tibi pœnas, imminere tibi tormenta, imminere tibi diem judicii, diem supplicii sempiterni, diem qui venturus est velut clibanus ardens, in quo tibi atque universis angelis tuis præparatus sempiternus erit interitus. Proinde, dammate, atque damnande, da honorem Deo vivo et vero, da honorem Jesu Christo Filio ejus, da honorem Spiritui sancto Paraclito, in cuius nomine, atque virtute, præcipio tibi, quicumque es, spiritus immunde, ut ex eas et recedas ab hoc famulo Dei N. quem hodie idem Deus, et Dominus noster Jesus Christus ad suam sanctam gratiam, et benedictionem, fontemque Baptismatis dono vocare dignatus est, ut fiat ejus templum per aquam regenerationis, in remissionem omnium peccatorum. In nomine ejusdem Domini nostri Jesu Christi, qui venturas est judicare vivos et mortuos, et sæculum per ignem. ¶ Amen.

Pontifex, adhuc stans ibidem cum mitra, pollice accipit de saliva oris sui, et tangit aures, et nares Electi. (Singulorum, si plures.)

Tangendo vero aurem dexteram, et sinistram, dicat :

Ephphetha, quod est, adaperire.

Deinde tangens nares, dicat :

In odorem suavitatis. Et subdit : Tu autem effugare, diabole : appropinquabit enim judicium Dei.

Postea Pontifex, sedens cum mitra, interrogat Electum (Singulos, si plures), dicens :

Pontifex : Quis vocaris?

Electus respondet : N.

Pontifex interrogat : N. Abrenuntias satanæ?

Electus respondet : Abrenuntio.

Pontifex interrogat : Et omnibus operibus ejus?

Electus respondet : Abrenuntio.

Pontifex interrogat : Et omnibus pompis ejus?

Electus respondet : Abrenuntio.

Tunc Pontifex, adhuc sedens cum mitra, intingit pollicem dexteræ manus in Oleo sancto Catechumenorum, et inungit Electum in modum Crucis, primum in pectore, deinde inter scapulas, dicens : (*Singulos, si plures*).

Ego te linio Oleo salutis † in Christo Jesu Dominu nostro, in vitam æternam. ¶ Amen. Pax tibi. ¶ Et cum spiritu tuo.

Mox bombacio, vel re simili, Pontifex tergit pollicem, et abstersis similiter locis inunctis, subjungit, dicens :

Exi, immunde spiritus, et da honorem Deo vivo et vero. Fuge, immunde spiritus, et da locum Jesu Christo Filio ejus. Recede, immunde spiritus, et da locum Spiritui sancto Paraclito.

Pontifex, depositis mitra, pectorali, ac pluviali, et stola coloris violacei, accipit stolam et pluviale coloris albi, resumit pectorale, et accipit mitram auriphrygiatam : et tunc ingreditur cum suis ministris Baptisterium, secum ducens Electum, vel Electos.

Ibidem inde ante ostium Fontis sedens cum mitra, interrogat Electum (*Singulos, si plures*).

Pontifex : Quis vocaris?

Electus respondet : N.

Pontifex interrogat : Credis in Deum, Patrem omnipotentem, creatorem cœli et terræ?

Electus respondet : Credo.

Pontifex interrogat : Credis et in Jesum Christum, Filium ejas unicum, Dominum nostrum, natum et passum?

Electus respondet : Credo.

Pontifex interrogat : Credis et in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, et vitam æternam?

Electus respondet : Credo.

Pontifex iterum interrogat : Quid petis?

Electus respondet : Baptismum.

Pontifex interrogat : Vis baptizari?

Electus respondet : Volo.

Tunc, si Baptismus fieri debeat per immersiōnem (prout in sancta Metropolitana Ecclesia Beneventana, ac ferme in omnibus CLXII. Parochialibus ejusdem, ex Decreto I. Concilii Provincialis Beneventani de anno MDCXCIII. sub Archiepiscopo Cardinali Ursino; cum in earumdem Baptisteriis unicum vas cum aqua baptismali consurgat). Pontifex stans cum mitra, accipit Electum per brachia, prope humeros; et superiori parte corporis nudatum, reliqua honeste coniectum, ter illum, vel caput ejus mergendo, et toties elevando, baptizet sub trina immersione, sanctam Trinitatem semel tantum invocando, distincte, et attente dicens :

N. Ego te baptizo in nomine Patris †, mergat semel, et Fili †, mergat iterum, et Spiritus † sancti, mergat tertio.

*Patrino vel Matrina, vel utroque eum tenente,
vel tangente.*

*Et cum Electus surrexit de fonte, Patrinus
vel Matrina cum linteo in manibus, suscipit eum
de manu Pontificis, ac tergit.*

*Cum plures sunt Electi, singillatim, ut supra,
singuli interrogantur, et baptizantur. Si sunt
mares et fæminæ, primum mares, deinde fæminæ.*

*Si vero Baptismus fiat per infusionem (ut in
Ecclesiis in quibus, ultra vas cum aqua Baptis-
mali, habetur aliud, in quod aqua ex Baptizati
capite defluit), tunc Patrinus, vel Matrina, tel
uterque, si admittantur, admota manu, tenent
seu tangunt Electum, vel Electam, ante Pontifi-
cem, laxatis a collo vestibus, apertum caput flexis
genibus inclinantem.*

*Pontifex autem, sedens cum mitra, hausta, ali-
quo vasculo vel urceolo, aqua Baptismali de
fonte, cum ea, sub trina supra caput, in modum
Crucis, infusione, baptizet Electum, seu Electam,
in nomine sanctæ Trinitatis, dicens :*

*N. Ego te baptizo in nomine Patris †, et fundat
primo, et Filii †, et fundat secundo, et Spiritus †
sancti, et fundat tertio.*

*Si aqua, quæ ex capite Baptizati defluit, mini-
me in Sacrarium Baptisterii dilabatur, tunc ipse
recipiatur in subjecta aliqua pelvi per unum ex
Capellanis Pontificis sustentata, ac postmodum
in Sacrarium prædictum projiciatur.*

*Verum, si probabiliter dubitetur, an Electus
fuerit baptizatus, Pontifex dicat et baptizet, ut
supra :*

*N. Si non es baptizatus, Ego te baptizo in nomi-
ne Patris †, et Fi † lii, et Spiritus † sancti.*

Pontifex deinde, sedens cum mitra, intingat pollicem dexterum in sacrum Chrisma, et perungat verticem Electi in modum Crucis, dicens : (Singulorum, si plures).

Deus omnipotens, Pater Domini nostri Jesu Christi, qui te regeneravit ex aqua, et Spiritu sancto, quique dedit tibi remissionem omnium peccatorum (Hic inungit), ipse te liniat Chrismate salutis † in eodem Christo Jesu Domino nostro, in vitam æternam. ¶ Amen. ¶ Pax tecum. ¶ Et cum spiritu tuo.

Tunc bombacio, vel re simili, Pontifex pollicem tergit, et imponit capiti Electi Chrismale, seu candidum linteolum; et dat illi vestem candidam, dicens : (Singulis, si plures.)

Accipe vestem candidam quam immaculatam perferas ante tribunal Domini nostri Jesu Christi, ut habeas vitam æternam. ¶ Amen.

Electus praedicto linteo abstergitur, et in loco remoto deponit priores vestes, et induitur novis albi coloris, vel saltem exteriore candida, quam a Pontifice accepit, et reddit ante Pontificem.

Pontifex autem, sedens, ut supra, cum mitra, dat illi cereum, seu candelam accensam in manu dextera, dicens :

Accipe lampadem ardentem, et irreprehensibilis custodi Baptismum tuum : serva Dei mandata, ut cum Dominus venerit ad nuptias, possis occurere ei in aula cœlesti, in vitam æternam. ¶ Amen.

Ipse vero Neophytus cereum accensum in manibus teneat usque in finem, præterquam dum confirmatur.

Positremo Pontifex, adhuc sedens cum mitra, dicit :

N. Vade in pace, et Dominus sit tecum. ¶ Amen.

Tandem Pontifex, sedens ut supra, horitatur Neophyton ad baptismalem gratiam custodiendam atque admonet susceptores de spirituali cognitione, quam contraxerunt cum Baptizato, Baptizatique patre, et matre: quæ cognatio impedire matrimonium contrahendum, ac dirimit contractum.

Completo Baptismate, Pontifex adhuc sedens cum mitra, lavat manus, more solito; et inde ordine processionali revertitur in Secretarium, vel accedit ad altare.

Ibidem a Pontifice Neophyti Confirmationis Sacramento initiantur, ut in Pontificali: et successice in Missa, vel per ipsum Pontificem vel per alium celebrata, cui ipsi intersint, sanctissimam Communionem devote suscipiant.

Pontifex demum deponit sacras vestes, et gratiis Deo peractis, recedit in pace.

RITUS PONTIFICALIS

PRO CELEBRANDO SACRAMENTO MATRIMONII.

Altare decentiori pallio coloris albi, tobaleisque mundis ornetur cum tapete super gradus extenso, et pulvinari ad genuflectendum. Paretur quoque faldistorium super ipsum altare, quatuor saltem candelabra cum cereis albis, et Crux in medio illorum.

Paretur etiam abacus sive credentia, super quae erunt vas aquæ benedictæ cum aspersorio; pelvula pro deponendo annulo, dum benedicitur; bugia cum candela; Liber hic, sive Rituale Ro-

manum, et si benedicuntur nuptiæ, parentur quoque omnia ad Missam necessaria cum hostiis pro communione Sponsi et Sponsæ; velum ante ipsos communionis tempore extendendum; vas cum vino, et mappula pro illorum purificatione; instrumentum ad osculum pacis cum velo coloris ceteris paramentis missalibus uniformis, ad ipsius manubrium appenso.

Super altari in medio: Pluviale cum stola coloris albi, Crux pectoralis, cingulum, alba, amictus, et omnia oblongo ejusdem coloris velo cooperiuntur; mitra auriphrygiata, et velum pro ministro de ea inserviente; et baculus Pastoralis, si eo utatur.

Ad sint ad minus quatuor Capellani superpelliceis induti; et duo testes quorum nomina excipientur in scriptis.

Scribentur etiam in pagella nomina cum Sponsi, tum Sponsæ, quam accendentem ad contrahendum Matrimonium cohonestari decet præsentia parentum vel propinquorum,

His omnibus ordinatis, Pontifex accedit ad altare, aliquantulum orat genuflexus; et si erit Missam celebratus, accedit ad Sedem si fuerit in Ecclesia propria, vel ad faldistorium, in cornu Epistolæ altaris paratum, ubi sedens recitat Psalm. Quam dilecta etc., cum suis Capellanis.

Post orationes lavat manus et induitur supra rochetum, vel supra superpellicium, si fuerit Regularis, amictu, alba, cingulo, Cruce pectorali, stola, et pluviali coloris albi; deinde accipiet formale, si eo utatur, mitram et baculum Pastoram; ascendit ad altare, quod in medio osculatur. Tum, deposito baculo, sedet super faldistorio,

ante medium altaris allato, renibus ipsi altare conversis.

Vocantur Sponsus et Sponsa, qui debito renovationis actu accedentes coram Pontifice genuflectunt; muliere ad sinistram viri stante.

Pontifex adhuc cum mitra sedens, eos singulatim interrogat coram tribus vel duobus testibus de consensu in matrimonium; proprio quemque nomine vocans, et patro sermone alloquens primo virum, mox mulierem, in hunc modum:

N. vis accipere N. hic præsentem in tuam legitimam uxorem juxta Ritum sanctæ Matris Ecclesiæ?

Respondeat Sponsus: Volo.

Recepto viri consensu per verbum Volo, vel aliud sensibile signum, mulierem interrogat:

N. vis accipere N. hic præsentem in tuum legitimum maritum juxta Ritum sanctæ Matris Ecclesiæ?

Recepto mulieris consensu, quæ similiter respondere debet: Volo.

Nec sufficit consensus unius, sed debet esse amborum, et expressus aliquo signo sensibili, sive fiat per se, sive per procuratorem.

Mutuo igitur contrahentium consensu intellecto, Pontifex jubet eos invicem jungere dexteræ, dicens:

Ego conjungo vos in matrimonium. In nomine Patris, et Filii, et Spiritus Sancti. Amen.

Vel aliis verbis utatur juxta receptum unius cuiusque provinciæ ritum: postea surgens cum mitra, eos aspergit aqua benedicta. Mox deposita mitra, et ad altare conversus, annulum super pelvicula sibi oblatum benedicat.

BENEDICTIO ANNULI.

¶. Adjutorium nostrum in nomine Domini. ¶. Qui
icit cœlum et terram.

¶. Domine, exaudi orationem meam. ¶. Et clau-
or meus ad te veniat.

¶. Dominus vobiscum. ¶. Ft cum spiritu tuo.

OREMUS.

Benedic †, Domine, annulum hunc, quem nos in
nomine bene † dicimus, ut quæ eum gestave-
t, fidelitatem integrum suo Sponso tenens, in pace
et voluntate tua permaneat, atque in mutua chari-
te semper vivat. Per Christum Dominum nostrum.
. Amen.

Deinde Pontifex aspergat annulum aqua benedicta in modum crucis : postea iterum sedeat, accepta mitra, et tradat annulum benedictum ponso, qui statim illum ponit in digito annulari inistræ manus Sponsæ, Pontifice dicente ;

In nomine Pa † tris, et Fi † lii, et Spiritus †
sancti. Amen.

*Tum cantatur, vel legitur sequens Antiphona,
Pontifice adhuc cum mitra sedente :*

Antiphona. 8 toni.

Confirmo hoc, Deus, quod operatus es in nobis
templo sancto tuo, quod est in Jerusalem.

¶. Gloria Patri, et Filio, et Spiritui sancto. ¶. Si-
ut erat in principio et nunc et semper, et in sœcula
œclorum. Amen.

*Et repetitur vel legitur Antiphona : Confirmo
oc Deus, quod operatus es in nobis a templo sancto
io, quod est in Jerusalem.*

Qua repetita, Pontifex, deposita mitra, surgit,

546 RITUS PONTIFICALIS PRO SACRAMENTO MATRIMONIUM :
et stans versus ad Sponsum et Sponsam, dicitur
super eos, manibus junctis :

Kyrie eleison. Christe eleison. Kyrie eleison.
Pater noster etc., secreto.

v. Et ne nos inducas in temptationem. R. Sed libera nos a malo.

v. Salvos fac servos tuos. R. Deus meus, sperantes in te.

v. Mitte eis, Domine, auxiliari de sancto. R. Et de Sion tuere eos.

v. Esto eis, Domine, turris fortitudinis. R. A facie inimici.

v. Domine, exaudi orationem meam. R. Et clamor meus ad te veniat.

v. Dominus vobiscum. R. Et cum spiritu tuo.

OREMUS.

Respice, quæsumus Domine, super hos famulos tuos, et institutis tuis, quibus propagationem humani generis ordinasti, benignus assiste; ut qui auctore junguntur, te auxiliante serventur. Per Christum Dominum nostrum. R. Amen.

His expletis, si benedicendæ sint nuptiæ, aliquantulum recendentibus in partem Conjugibus, Pontifex parat se ad Missam, ut in Missali romano: sin minus, absoluta supradicta Oratione, iterum sedet, accipit mitram, et gravi sermone alloquitur Sponsum, et Sponsam adhuc coram se genuflexos, admonendo eos, ut sibi invicem fidem servent: Orationis tempore, et præsertim jejuniorum ac solemnitatum, casti permaneant: et vir uxorem, atque uxor virum diligat, et in timore Dei maneant.

Postea, accepto aspersorio, surgit, et super eos iterum fundit aquam benedictam.

FORMA

CONFIRMATIONIS ET ORDINUM

UNI TANTUM CONFERENDORUM EX EODEM PONTIFICALI
DEPROMPTA.

CONFIRMATIO UNIUS.

*Confirmationi conferenda necessaria : Chrisma, Stuppa
aut Gossipium ad tergendum frontem ei qui non habet vit-
tam, Bacile cum buccali, Manutergium, Medulla panis.*

*Confirmando necessaria : Prævia confessio, Patrinus vel
Matrina, Vitta linea munda.*

Pontifex supra Rochetum, vel si sit Religiosus supra superpelliceum, paratus amictu, stola et pluviali albi coloris, cum mitra simplici et baculo pastorali : vel, si hoc sacramentum minus solemniter conferatur, stola alba supra mozzettam et mitra simplici paratus, accedit ad faldistorium ante medium altaris, si sit in aliqua capella, aut in alio convenienti loco sibi paratum, et sedens brevi sermone alloquitur adstantes et Confirmandum; quo facto lavat manus, deinde deposita mitra surgit, et versa facie ad Confirmandum ante se genuflexum, junctis manibus dicit :

Spiritus sanctus superveniat in te, et virtus Altissimi custodiat te a peccatis. *R. Amen.*

Deinde signans se manu dextera a fronte ad pectus signo Crucis, dicit :

*t. Adjutorium nostrum in nomine Domini.
R. Qui fecit cœlum et terram.*

*t. Domine, exaudi orationem meam. R. Et clā-
mor meus ad te veniat.*

t. Dominus vobiscum. R. Et cum spiritu tuo.

Tum extensis versus Confirmandum manibus, dicit :

OREMUS.

Omnipotens sempiterne Deus, qui regenerare dignatus es hunc famulum tuum (*vel* hanc famulam tuam) ex aqua et Spiritu sancto, quique dedisti ei remissionem omnium peccatorum : emitte in eum

(*vel in eam*) septiformem Spiritum tuum sanctum paraclitum de cœlis. **R.** Amen.

Spiritum sapientiae et intellectus. **R.** Amen.

Spiritum consilii et fortitudinis. **R.** Amen.

Spiritum scientiae et pietatis. **R.** Amen.

Adimple eum (*vel eam*) Spiritu timoris tui, et consigna eum (*vel eam*) signo Cru⁺ cis Christi, in vitam propitiatus æternam. Per eumdem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. **R.** Amen.

Pontifex, accepta mitra, sedet in faldistorio, et inquisit Confirmandi nomine sibi per Patronum vel Matrinam flex genibus præsentati, et summitate pollicis dextræ manus Chrismate intincta, dicit :

N. Signo te signo Cru⁺ cis.

Quod dum dicit, producit pollice signum Crucis in frontem illius, deinde prosequitur :

Et confirmo te Chrismate salutis : In nomine Pa⁺ tris, et Fi⁺ lii, et Spiritus⁺ sancti. **R.** Amen.

Deinde leviter eum in maxilla cædit, dicens :

Pax tecum.

unctione peracta, Pontifex tergit cum mica panis, et lava pollicem et manus super pelvim, et aqua lotionis cum pane funditur in piscinam sacrarii.

Interim dum lavat manus, legitur a Ministris sequens Antiphona.

Confirma hoc, Deus, quod operatus es in nobis a templo sancto tuo, quod est in Jerusalem. **V.** Gloria Patri etc. **R.** Sicut erat etc.

Deinde repetitur Antiphona; qua repetita Pontifex, deposita mitra, surgit, et stans versus ad altare, junctis ante petitus manibus, dicit :

V. Ostende nobis, Domine, misericordiam tuam,
R. Et salutare tuum da nobis.

†. Domine , exaudi orationem meam. ¶. Et clau-
nor meus ad te veniat.

†. Dominus vobiscum. ¶. Et cum spiritu tuo.

OREMUS.

Deus, qui Apostolis tuis sanctum dedisti Spir-
itum, et per eos eorumque successores cæteris fide-
bus tradendum esse voluisti, respice propitius ad
umilitatis nostræ famulatum, et præsta, ut illius
or, cujus frontem sacro Chrismate delinivimus, et
igno sanctæ Crucis signavimus, idem Spiritus in
o (*vel* in ea) superveniens, templum gloriæ suæ
ignanter inhabitando perficiat. Qui cum Patre et
odem Spiritu sancto vivis et regnas Deus, in sæcula
æculorum. ¶. Amen.

Deinde dicit :

**Ecce sic benedicitur omnis homo, qui timet Do-
minum.**

Et vertens se ad confirmatum, et faciens super eum si-
num crucis, dicit :

**Bene † dicat te Dominus ex Sion, ut videas bona
erusalem omnibus diebus vitæ tuæ, et habeas vi-
am æternam. ¶. Amen.**

Cætera ut supra, pag. 5.

DE CLERICO FACIENDO.

*Tonsuræ conferendæ necessaria : Forfices pro incidentibus
zpillis, Bacile minus pro illis imponendis, Gremiale.*

*Tonsurando necessaria : Confirmatio ante suscepta,
ttestatio Baptismi, Prævia Confessio, Tunica talaris,
uperpelliceum, Candela si intra Missarum solemnia ton-
ura recipiatur, Oratio Dominus pars hereditatis etc. me-
ioriter.*

Si extra Missarum solemnia, quocumque scilicet die, hora
t loco minus solemniter Tonsura conferatur, Pontifex
upra Rochetum, vel, si sit Religiosus, supra superpelliceum

stola alba supra mozettam, et mitra simplici paratus, ac
dens ad faldistorium ante medium altaris, si sit in capi-
vel in loco convenienti sibi paratum, sedet.

Vel si ante immediate, vel post Missam privatim celeb-
tam conferatur, Pontifex, deposita planeta, vel ea induit
et mitra simplici, accedens ad faldistorium ante mediu-
m altaris positum, sedet.

Vel denique si Tonsuram tantum in private Misæ cele-
bratione, cum mitra simplici; aut etiam cum aliquo ex ma-
joribus Ordinibus intra Missarum solemnia Pontificaliter
paratus conferat Episcopus: In Missa de Sabbato ante Do-
minicam Passionis, et in aliis Missis in quibus non dicitur
Gloria in excelsis, post Introitum Tonsura conferri debeat.
In Missis vero de quatuor temporibus, de Sabbato Sancto
et in aliis Missis in quibus dicitur *Gloria in excelsis*, dictu
Kyrie eleison, ad tonsuram proceditur.

Pontifice igitur sedente in faldistorio, vocatur Tonsurandum
nominativi, et respondens *Adsum*, accedit: tum facta pro-
funda reverentia Pontifici, genuflectit coram illo.

Deinde surgit Pontifex cum mitra, et dicit:

*. Sit nomen Domini benedictum. ¶ Ex hoc
nunc et usque in sæculum.

*. Adjutorium nostrum in nomine Domini.
*. Qui fecit cœlum et terram.

Oremus, fratres charissimi, Dominum nostrum
Jesum Christum pro hoc famulo suo, qui ad depo-
nendum comas capit is sui pro ejus amore festinat.
ut donet ei Spiritum sanctum, qui habitum Reli-
gionis in eo in perpetuum conservet, et a mundi
impedimento, ac sæculari desiderio cor ejus defen-
dat: ut, sicut immutatur in vultu, ita dextera ma-
nus ejus virtutis ei tribuat incrementa, et ab omni
cæcitate spirituali et humana oculos ejus aperiat.
et lumen ei æternæ gratiæ concedat: Qui vivit et
regnat cum Deo Patre in unitate ejusdem Spiritus
sancti Deus, per omnia sæcula sæculorum.

Post hæc, sedente Pontifice, schola seu Ministri inchoant
et prosequuntur Antiphonam et Psalmum ut habentur.
pag. 13.

Repetitur Antiphona. Tu es Domine, etc.

Incepto Psalmo, Pontifex cum forficibus incidit Tonsurando extremitates capillorum in quatuor locis, videlicet in fronte, in occipitio, et ad utramque autem, deinde in medio capitis aliquot crines capillorum, et in bacile deponit, dicente eo qui tondetur :

**Dominus pars hæreditatis meæ, et calicis mei :
tu es qui restitues hæreditatem meam mihi.**

Tonso Clerico, Pontifex, deposita mitra, surgit et stans versus ad illum, dicit:

OREMUS.

Præsta, quæsumus omnipotens Deus, ut hic famulus tuus, cuius hodie comas capitis pro amore divino deposuimus, in tua dilectione perpetuo maneat, et eum sine macula in sempiternum custodias. Per Christum Dominum nostrum. ¶ Amen.

Tunc schola, seu Ministri inchoant et prosequuntur Antiphonam et Psalmum ut habentur, pag. 14; antiphona incepta, Pontifex sedet cum mitra.

Repetita Antiphona *Hic accipiet* etc., Pontifex, deposita mitra, surgit et conversus ad altare, dicit :

Oremus.

Et Ministri dicunt :

Flectamus genua. ¶ Levate.

Pontifex versus ad Tonsum, dicit :

Adesto, Domine, supplicationibus nostris, et hunc famulum tuum benedi † cere dignare, cui in tuo sancto nomine habitum sacræ religionis imponimus; ut, te largiente, et devotus in Ecclesia tua persistere, et vitam percipere mereatur æternam. Per Christum Dominum nostrum. ¶ Amen.

Tum Pontifex, accepta mitra, sedet et, accipiens præ manus superpelliceum, Tonsum totaliter induit, dicens :

Induat te Dominus novum hominem, qui secundum Deum creatus est, in justitia et sanctitate veritatis.

Quo expedito, Pontifex, deposita mitra, surgit et versus illum dicit :

OREMUS.

Omnipotens sempiterne Deus, propitiare peccatis nostris, et ab omni servitute sacerdotalis habitus hunc famulum tuum emunda; ut dum ignominiam sacerdotalis habitus deponit, tua semper in ævum gratia perfruatur; ut sicut similitudinem coronæ tuz eum gestare facimus in capite, sic tua virtute hereditatem subsequi mereatur æternam in corde, qui cum Patre et Spiritu sancto vivis et regnas Deus, per omnia sœcula sœculorum. **R. Amen.**

Deinde Pontifex, accepta mitra, sedet et Clericum sic allocuitur :

Fili charissime, animadvertere debes, quod bōdie de foro Ecclesiæ factus sis, et privilegia clericalia sis sortitus. Cave igitur, ne propter culpan tuam illa perdas; et habitu honesto, bonisque moribus, atque operibus Deo placere studeas. Quod ipse tibi concedat per Spiritum sanctum suum. **R. Amen.**

Et si nullus aliis ordo conferatur, subdit :

Dic semel septem Psalmos pœnitentiales cum Laniis, Versiculis, et Orationibus, et omnipotentem Deum etiam pro me ora.

DE MINORIRUS ORDINIBUS

UNI TANTUM CONFERENDIS.

Minoribus conferendis necessaria: Claves Ecclesiæ in aliqua pelvricula, Campanula, si non adsint campanæ maiores, Codex Lectoris, Liber exorcismorum vel Pontificale seu Missale, Candelabrum cum cereo extincto, Urceolum vacuum, Hostia cum Mappa pro Ordinandi communione in ordines intra Missam recipientur.

Ordinando necessaria: Prævia Confessio, in Capillis modestia, Corona minorum ordinum, Tunica talaris, Suppelliceum, Candela pro Offertorio si ordines intra Missam recipiantur.

Si extra Missarum solemnia, Dominicis diebus scilicet et festis, in mane tantum, minus solemniter conferantur, Pontifex supra Rochetum, vel, si sit Religiosus, supra suppelliceum stola alba supra mozettam, et mitra simplici paratus, accedens ad faldistorium ante medium altaris sibi paratum sedet.

Vel si ante immediate, vel post Missam privatim celebratam conferantur, Pontifex sine vel cum planeta et mitra simplici accedens ad faldistorium sedet.

Vel denique si minores tantum ordines in privata Missæ celebratione cum mitra simplici, aut etiam cum aliquo ex majoribus ordinibus intra Missarum solemnia pontificaliter paratus conferat Episcopus. In Missa de Sabbato ante Dominicam Passionis, et in aliis Missis in quibus non dicitur *Gloria in excelsis*, post *Kyrie eleison* Omnes minores Ordines conferantur: In Missis vero de Sabbato Sancto, et in aliis Missis in quibus dicitur *Gloria in excelsis*, eo dicto, ad quatuor minores Ordines proceditur. In Missis vero de quatuor temporibus, dicta prima Lectione ordinatur Ostiarius, post secundam Lectionem Lector, post tertiam Exorcista, post quartam Acolythus.

Dum igitur Pontifex ante medium altaris, in faldistorio sibi parato sedet, renibus altari versis, Archidiaconus aut alias Minister vocat Ordinandum dicens.

Accedat qui ordinandus est ad officium Ostiariorum.

Mox Notarius appellat eum nomine suo, qui respondens *Adsum*, accedit, et facta profunda Pontifici reverentia genuflectit coram eo. Tum Pontifex illum admonet dicens:

Suscepturus, fili charissime, officium Ostiariorum, vide quæ in domo Dei agere debeas: Ostiarium oportet percutere cymbalum et campanam, aperire Ecclesiam et sacrarium, et librum aperire ei qui prædicat. Provide igitur, ne per negligientiam tuam, illarum rerum, quæ intra Ecclesiam sunt, aliquid depereat; certisque horis domum Dei aperias fidelibus, et semper claudas infidelibus.

Stude etiam, ut sicut materialibus clavibus Ecclesiam visibilem aperis et claudis, sic et invisibilem Dei domum, corda scilicet fidelium, dictis et exemplis tuis cludas diabolo, et aperias Deo, ut divina verba, quæ audierint, corde retineant et opere compleant: quod in te Dominus perficiat per misericordiam suam.

Hujusmodi admonitiones non sunt Cardinali, nec Episcopo electo.

Deindè claves Ecclesiæ, quas manu dextera tangit Ordinandus, traduntur a Pontifice dicente:

Sic age, quasi redditurus Deo rationem pro iis rebus, quæ his clavibus recluduntur.

Post hæc Archidiaconus vel aliis vices ejus tenens ducit eum ad ostium Ecclesiæ, aut capellæ, et facit illum claudere et aperire: tradit etiam illi Archidiaconus funem Campanarum, faciens eum campanas, aut illarum defectu campanulam pulsare; deinde reducit illum ad Pontificem, quo coram Pontifice genua flectente, stans cum mitra Pontifex, versus ad ipsum dicit:

Deum Patrem omnipotentem, fratres charissimi, suppliciter deprecemur, ut hunc famulum suum bene † dicere dignetur, quem in officium Ostiariorum eligere dignatus est: ut sit ei fidelissima cura in domo Dei diebus ac noctibus, ad distinctionem certarum horarum, ad invocandum nomen Domini, adjuvante Domino nostro Jesu Christo, qui cum eo vivit et regnat in unitate Spiritus sancti Deus, per omnia sæcula sæculorum. R. Amen.

Tum, mitra deposita, stans Pontifex, et conversus ad altare dicit:

Oremus.

Ministri subjungunt:

Flectamus genua. R. Levate.

Et statim Pontifex conversus ad genuflexum stans sine mitra, dicit:

Domine sancte, Pater omnipotens, æterne Deus,

bene † dicere dignare hunc famulum tuum in officium Ostiariorum : ut inter janitores Ecclesiæ tuo pareat obsequio, et inter electos tuos partem tuæ mereatur habere mercedis. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ¶ Amen.

DE ORDINATIONE LECTORIS.

Pontifex in faldistorio ante medium altaris posito, reasumpta mitra, sedet : tūm Archidiaconus vocat Lectorem hoc modo :

Accedat qui Ordinandus est ad Officium Lectorum.

Mox per Notarium ut supra nominatum et genuflexum admonet Pontifex dicens :

Electus, fili charissime, ut sis Lector in domo Dei nostri, officium tuum agnosce, et imple. Potens est enim Deus, ut augeat tibi gratiam perfectionis æternæ. Lectorem siquidem oportet legere ea quæ (*vel ei qui*) prædicat, et lectiones cantare, et benedicere panem, et omnes fructus novos. Stude igitur verba Dei, videlicet Lectiones sacras, distincte et aperte ad intelligentiam et ædificationem fidelium absque omni mendacio falsitatis proferre; ne veritas divinarum lectionum incuria tua ad instructionem audientium corrumpatur. Quod autem ore legis, corde credas et opere compleas; quatenus auditores tuos verbo pariter et exemplo tuo docere possis. Ideoque dum legis, sta in alto loco Ecclesiæ, ut ab omnibus audiaris et videaris, figurans positione corporali te in alto virtutum gradu debere conversari; quatenus cunctis, a quibus audiris et

**videris, cœlestis vita formam præbeas : quod in te
Deus impleat per gratiam suam.**

Deinde Pontifex accipit et tradit Ordinando Codicem de quo lectorus est, quem manu dextra tangit, Pontifice interim dicente :

Accipe, et esto verbi Dei relator, habiturus, si fideliter et utiliter impleveris officium tuum, partem cum iis, qui verbum Dei bene administraverunt ab initio.

Stans Pontifex cum mitra conversus ad genuflexum dicit :

Oremus, fratres charissimi, Deum Patrem omnipotentem, ut super hunc famulum suum, quem in ordinem Lectorum dignatur assumere, bene iudicationem suam clementer effundat; quatenus legat distinete quæ in Ecclesia Dei legenda sunt, et eadem operibus impleat. Per Dominum nostrum Jesum Christum Filium suum, qui cum eo vivit et regnat in unitate Spiritus sancti Deus, per omnia sæculorum. ¶ Amen.

Tum Pontifex, mitra deposita, stans conversus ad altare dicit :

Oremus :

Ministri subjungunt :

Flectamus genua. ¶ Levate.

Deinde stans conversus ad Ordinatum genuflexum, sine mitra dicit :

Domine sancte, Pater omnipotens, æterne Deus. bene iudicare dignare hunc famulum tuum in officium Lectoris: ut assiduitate Lectionum instructus sit atque ordinatus; et agenda dicat, et dicta opere impleat, ut in utroque sanctæ Ecclesiæ exemplo sanctitati suæ consulat. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia sæculorum. ¶ Amen.

DE ORDINATIONE EXORCISTÆ.

Pontifice in faldistorio ante medium altaris posito sedente cum mitra, vocatur Exorcista per Archidiaconum modō consueto.

Accedat qūi ordinandus est ad officium Exorcistarum.

Mox per Notarium ut supra nominatum et genuflexum admonet Pontifex dicens :

Ordinandus, fili charissime, in officium Exorcistarum, noscere debes quid suscipis. Exorcistam etenim oportet abjicere dæmones, et dicere populo ut, qui non communicat, det locum; et aquam in ministerio fundere. Accipis itaque potestatem imponendi manum super energumenos; et per impositionem manuum tuarum, gratia Spiritus sancti et verbis exorcismi, pelluntur spiritus immundi a corporibus obsessis. Stude igitur, ut sicut a corporibus aliorum dæmones expellis, ita ab animo tuo et corpore omnem immunditiam et nequitiam ejicias; ne illi succumbas, quem ab aliis tuo effugas ministerio. Disce per officium tuum vitiis imperare, ne in tuis moribus aliquid sui juris inimicus valeat vindicare. Tunc etenim recte in aliis dæmonibus imperabis, cum prius in teipso eorum omnimodam superas nequitiam: quod tibi Dominus agere concedat per Spiritum suum sanctum.

Post hæc acceptum Exorcismi librum tradit Pontifex, vel illius loco Pontificale, seu Missale, et dum Ordinandus librum tangit manu dextera, dicit Pontifex :

Accipe, et commenda memoriæ, et habe potestatem impouendi manus super energumenos, sive baptizatos, sive catechumenos.

Postea stans cum mitra Pontifex conversus ad genuflexus dicit :

Deum Patrem omnipotentem, Fratres charissimi, suppliciter deprecemur, ut hunc famulum suum bene † dicere dignetur in officium Exorcistarum; ut sit spiritualis imperator, ad abigendos dæmones de corporibus obsessis, cum omni nequitia eorum multiformi. Per unigenitum filium suum Dominum nostrum Jesum Christum, qui cum eo vivit, et regnat in unitate Spiritus sancti Deus. Per omnia sæcula sæculorum. **R. Amen.**

Tum conversus ad altare, deposita mitra, dicit :

Oremus.

Et Ministri :

Flectamus genua. R. Levate.

Mox conversus ad ordinatum genuflexum dicit :

Domine sancte, Pater omnipotens, æterne Deus, bene † dicere dignare hunc famulum tuum in officium Exorcistarum; ut per impositionem manuum et oris officium, potestatem et imperium habeat spiritus immundos coercendi, ut probabilis sit medicus Ecclesiæ tuæ, gratia curationum, virtuteque cœlesti confirmatus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus. Per omnia sæcula sæculorum. **R. Amen.**

DE ORDINATIONE ACOLYTHI.

Pontifex in faldistorio ante medium altaris, reassumpta mitra, sedet; tum Archidiaconus Acolythum vocat dicens:

Accedat qui Ordinandus est ad officium Acolythorum.

Mox nominatum ut supra et genuflexum admonet Pontifex dicens :

Suscepturus, Fili charissime, officium Acolythi, pensa quod suscipis. Acolythum etenim oportet ceroferarium ferre, luminaria Ecclesiæ accendere vinum et aquam ad Eucharistiam ministrare. Stude igitur susceptum officium digne implere. Non enim Deo placere poteris, si lucem Deo manibus præferrens, operibus tenebrarum inservias, et per hoc aliis exempla perfidiæ præbeas. Sed juxta quod veritas dicit : Luceat lux tua coram hominibus, ut videant opera tua bona, et glorificant Patrem tuum qui in cœlis est. Et secundum quod ait Apostolus Paulus : In medio nationis pravæ et perversæ luceas sicut luminare in mundo, verbum vitæ contingens. Sint ergo lumbi tui præcincti, et lucernæ ardentes in manibus tuis, ut sis filius lucis. Abjicias opera tenebrarum et induaris arma lucis. Eras etenim aliquando tenebræ, nunc autem lux in Domino; ut filius lucis ambula. Quæ sit vero ista lux, quam tantopere inculcat Apostolus, ipse demonstrat subdens : Fructus enim lucis est, in omni bonitate, et justia, et veritate. Esto igitur sollicitus in omni justitia, bonitate, et veritate, ut et te, et alios, et Dei Ecclesiam illumines. Tunc etenim in Dei sacrificio digne vinum suggeres et aquam, si tu ipse Deo sacrificium per castam vitam et bona opera oblatus fueris, quod tibi Dominus concedat per misericordiam suam.

Post hæc accipit et tradit Pontifex Acolytho candelabrum cum candela exticta, quod ipse manu dextra tangit, Pontifice dicente :

Accipe ceroferarium cum cereo, et scias te ad accendenda Ecclesiæ luminaria mancipari in nomine Domini. Amen.

Tum accipit et tradit urceolum vacuum quem similius tangere debet Acolythus, et dicit Pontifex :

Accipe urceolum, ad suggerendum vinum et aquam in Eucharistiam Sanguinis Christi in nomine Domini. R. Amen.

Postea stans Pontifex cum mitra versus ad eum genuflexum, dicit :

Deum Patrem omnipotentem, Fratres charissimi, suppliciter deprecemur, ut hunc famulum suum bene † dicere dignetur in ordine Acolythorum : quatenus, lumen visibile manibus preferens, lumen quoque spirituale moribus praebat : adjuvante Domino nostro Iesu Christo, qui cum eo, et Spiritu Sancto vivit, et regnat Deus, per omnia secula saeculorum. R. Amen.

Tum Pontifex stans sine mitra et convertens se ad altare, dicit :

Oremus.

Et Ministri :

Flectamus genua. R. Levate.

Et mox Pontifex conversus ad Acolythum genuflexum dicit :

Domine sancte, Pater omnipotens, æterne Deus, qui per Jesum Christum filium tuum Dominum nostrum et Apostolos ejus, in hunc mundum lumen charitatis tuae misisti, quique ut mortis nostræ antiquum oboleres chyrographum, gloriosissimæ illum crucis vexillo affigi, ac sanguinem et aquam ex latere illius pro salute generis humani effluere voluisti, bene † dicere dignare hunc famulum tuum in officium Acolythorum ; ut ad accendendum lumen Ecclesiæ tuae, et ad suggerendum vinum et aquam ad conficiendum sanguinem Christi filii tui in offerenda Eucharistia, sanctis altaribus tuis fideliter subministret. Accende, Domine, cor

ejus et mentem ad amorem gratiæ tuæ, ut illuminatus vultu splendoris tui, fideliter tibi in sancta Ecclesia deserviat. Per eundem Christum Dominum nostrum. **R. Amen.**

OREMUS.

Domine sancte, Pater omnipotens, æterne Deus, qui ad Moysen et Aaron locutus es, ut accenderentur lucernæ in tabernaculo testimonii, bene † dicere dignare hunc famulum tuam, ut sit Acolythus in Ecclesia tua. Per Christum Dominum nostrum. **R. Amen.**

OREMUS.

Omaipotens sempiterne Deus, fons lucis, et origo bonitatis; qui per Jesum Christum Filium tuum, lumen verum, mundum illuminasti, ejusque passionis mysterio redemisti, bene † dicere dignare hunc famulum tuum, quem in officium Acolythorum consecramus, poscentes clementiam tuam, ut ejus mentem, et lumine scientiæ illustres, et pietatis tue rore irriges; ut ita acceptum ministerium, te auxiliante, peragat, qualiter ad æternam remunerationem pervenire mereatur. Per eundem Christum Dominum nostrum. **R. Amen.**

Deinde Pontifex accepta mitra sedet, et ad minores Ordines ordinatum sic alloquitur :

Fili dilectissime, diligenter considera ordines per te susceptos : stude sancte et religiose vivere, atque omnipotenti Deo placere, ut gratiam suam possis acquirere, quam ipse tibi per suam misericordiam concedere dignetur.

Dic semel septem Psalmos pœnitentiales, cum Litaniis, versiculis, et orationibus, et omnipotentem Deum etiam pro me ora.

DE ORDINATIONE SUBDIACONI.

Missaæ celebrandæ pro sacris Ordinibus conferendis necessaria : Altare decentiori Pallio coloris convenientis, Tolebusque mundis ornatum. Tapete super gradus altaris extendendum. Pulvinus. Faldistorium. Quatuor Candela bra cum Cereis albis. Crux in medio altaris, ad cujus pedem Tabella secretarum. Tabella Evangelii In principio, in cornu Evangelii. Pontificalia ornamenta secundum seriem sub initium Missalis descripta in medio altaris præparata, et oblongo velo coloris paramentorum cooperta. Mitra simplex in medio altaris. Baculus pastoralis, a latere Epistolæ. Missale cum Cussino in cornu Epistolæ, in quo Missa diei, Oratio pro Ordinando Exaudi quæsumus Domine circa finem Missalis edita et commemorationes si quæ sint faciendæ cum signaculis disponantur. Pontificale. Bugia super credentiam. Calix cum Purificatorio mundo desuper. Patena cum duabus hostiis majoribus. Una aut plures particulæ ceu Hostiæ, si pluribus diversi conferuntur Ordines. Palla linea munda, non colorata aut alterius materia. Velum parvum coloris paramentorum super ipsum Calicem; Bursa desuper ejusdem coloris habens crucem in medio, et intus Corporale. Pelvica cum Ampullis vitreis quantum fieri potest, cum suis operculis vino et aqua plenis. Bacile cum Buccali, Quadruplex; Si vero Presbyteratus ordo conferatur, Quintuplex. Manutergium cum Medulla panis, et duas aut plures Stolæ pro Sacerdotibus manuum impositionem cum Episcopo facturis. Mappa pro Communione. Calix cum vino et Mappula pro Ordinandi Purificatione post communionem.

Ordinando Subdiacono : Mandatum Apostolicum si ordinetur extra tempora. Vestis talaris. Modestia in capillis. Corona Subdiaconalis. Prævia Confessio. Amictus. Alba. Cingulum. Manipulus et Tunicella albi coloris. Calix vacuus cum Patena superposita. Bacile cum Urceolis et Manutergio. Liber Epistolarum. Candela pro Offertorio.

Pontifex ritu Pontificali paratus ut Subdiaconatus ordinem conferat; in Missis de Quatuor Temporibus dicta quinta Lectione in cornu Epistolæ; In Missis vero de Sabbatis ante Dominicam Passionis, aut Resurrectionis Domini, aut

in Missis de festivo die duplice, vel de Dominicis, dicta Collecta cum oratione pro Ordinatis sub una conclusione, et factis commemorationibus, si quae sint faciendae, accepta mitra, accedit ad faldistorium ante medium altaris sibi paratum et sedet.

Tum Archidiaconus, aut illius locum tenens vocat Ordinandum, et dicit:

Accedat qui Ordinandus est Subdiaconus.

Deinde Notarius sub una ex triplici formula convenienti eum vocat dicens :

N. Ad titulum Ecclesiæ N. — N. Ad titulum patrimonii sui. — Frater N. Professus Ordinis N. ad titulum paupertatis.

Ordinandus vero quisquis sit respondet *Adsum*, et accedit versus Episcopum, quem profunda reverentia salutat. Deinde stantem Ordinandum Pontifex cum mitra sedens admonet dicens :

Fili dilectissime ad sacrum Subdiaconatus Ordinem promovendus, iterum, atque iterum considerare debes attente, quod onus hodie ultro appetis. Hactenus enim liber es, licetque tibi pro arbitrio ad secularia vota transire : quod si hunc Ordinem suscepis, amplius non licebit a proposito resilire, sed Deo, cui servire, regnare est, perpetuo famulari ; et castitatem, illo adjuvante, servare oportebit ; atque in Ecclesiæ ministerio semper esse mancipatum. Proinde, dum tempus est, cogita, et si in sancto proposito perseverare placet, in nomine Domini hoc accede.

Hæc admonitio non fit Religiosis.

Illi tunc accedente, et genua flectente coram Pontifice, si sit aliis ad altiorem Ordinem promovendus, Archidiaconus vocat eum, dicens :

Accedat qui ordinandus est Diaconus vel Presbyter.

Mox Ordinandus super tapete se prosternit. Pontifex vero, cum Missa fiat sine cantu, super pulvinum genuflectit, ante faldistorium, et incipit Litanias dicens : *Kyrie elei-*

son prosequendo totas prout supra, pag. 29, genuflexis respondentibus Ministris.

Postquam autem dictum fuerit :

Ut omnibus fidelibus defunctis, etc. ¶ Te rogamus audi nos.

Pontifex surgit cum mitra, et baculum pastoralem in sinistra tenens, conversus ad Ordinandum dicit,

Primo :

Ut hunc Electum bene † dicere digneris. ¶ Te rogamus audi nos.

Secundo :

Ut hunc Electum bene † dicere, et sancti † dicare digneris. ¶ Te rogamus audi nos.

Tertio :

Ut hunc Electum bene † dicere, sancti † dicare, et conse † crare digneris. ¶ Te rogamus audi nos.

Si pluribus diversos ordines conferat Pontifex, supradictam in plurali dabit benedictionem dicens : *Ut hos Electos, ut supra, pag. 32 etc.*

Deinde, redditio baculo Pastorali, rursus ante faldistorium genuflectit Pontifex, et perficit Litanias dicendo : *Ut nos exaudire etc.*

Quibus finitis, surgens Pontifex cum mitra sedet ut supra : si vero sit aliquis aliis intra eadem Missarum solemnia ordinandus, alta voce dicit Archidiaconus, aut Capellanus vice illius gerens :

Recedat in partem qui ordinandus est Diaconus, vel Presbyter.

Tum Pontifex Subdiaconum ante se genuflexum admonet, dicens :

Accepturus, fili dilectissime, officium Subdiaconatus, sedulo attende, quale ministerium tibi traditur. Subdiaconum enim oportet aquam ad ministerium altaris præparare ; Diacono ministrare ; pallas altaris, et corporalia abluere ; Calicem, et Patenam in usum sacrificii eidem offere. Oblationes, que

veniunt in altare, panes propositionis vocantur : de ipsis oblationibus tantum debet in altari poni, quantum populo possit sufficere, ne aliquid putridum in sacrario remaneat. Pallæ, quæ sunt in substratorio altaris, in alio vase debent lavari, et in alio corporales pallæ. Ubi autem corporales pallæ lotæ fuerint, nullum aliud linteamen debet lavari, ipsaque lotionis aqua in baptisterium debet vergi. Stude itaque ut ista visibilia ministeria, quæ diximus, nitide et diligentissime complens, invisibilia horum exemplo perficias. Altare quidem sanctæ Ecclesiæ, ipse est Christus, teste Joanne, qui in Apocalypsi sua, altare aureum se vidiisse perhibet stare ante thronum in quo, et per quem oblationes fidelium Deo Patri consecrantur. Cujus altaris pallæ et corporalia sunt membra Christi scilicet fideles Dei, quibus Dominus quasi vestimentis pretiosis circumdatur, ut ait Psalmista : Dominus regnavit, decorem indatus est. Beatus quoque Joannes in Apocalypsi vidit filium hominis præcinctum zona aurea, id est, sanctorum caterva. Si itaque humana fragilitate contingat in aliquo fideles maculari, præbenda est à nobis aqua coelestis doctrinæ, qua purificati, ad ornamentum altaris et cultum divini sacrificii redeant. Esto ergo talis qui sacrificiis divinis et Ecclesiæ Dei, hoc est, corpori Christi digne servire valeas, in vera et Catholica fide fundatus, quoniam, ut ait Apostolus, omne quod non est ex fide, peccatum est, schismaticum est, et extra unitatem Ecclesiæ est. Et ideo, si usque nunc fuisti tardus ad Ecclesiam, amodo debes esse assiduus; si usque nunc somnolentus, amodo vigil; Si usque nunc ebriosus, amodo sobrius; Si usque nunc dishonestus, amodo castus. Quod ipse tibi præstare dignetur, qui vivit et regnat Deus in sæcula sæculorum. ¶ Amen.

Deinde Pontifex adhuc sedens accipit, et Ordinando! licem vacuum tradit cum Patena vacua superposita, que ille manu dextera tangit, Pontifice interim dicente :

Vide cujus ministerium tibi traditur : ideo tu admoneo, ut ita te exhibeas, ut Deo placere possis

Et Archidiaconus accipit, et tradit ei urceolos cum vino et aqua, ac bacile cum manutergio; quae omnia similiter Ordinandus tangere debet.

Postea surgit Pontifex, et versus ad populum stans cum mitra dicit:

Oremus Deum, ac Dominum nostrum, fratre charissimi, ut super hunc servum, quem ad Subdiaconatus officium vocare dignatus est, infundat bene tu dictionem suam et gratiam; ut in conspectu ejus fideliter serviens, prae destinata sanctis praemium consequatur, adjuvante Domino nostro Jesu Christo qui cum eo vivit et regnat in unitate Spiritus sancti Deus, per omnia sæcula sæculorum. **R. Amen.**

Tum deposita mitra, conversus ad altare Pontifex dicit:
Oremus.

Et Ministri.

Flactamus genua. R. Levate.

Mox Pontifex versus ad Ordinandum genuflexum dicit sine mitra :

Domine sancte, Pater omnipotens, æterne Deus, bene tu dicere dignare hunc famulum tuum, quem ad Subdiaconatus officium eligere dignatus es, ut eum in sacrario tuo sancto strenuum, sollicitumque cœlestis militiæ instituas excubitorem, sanctisque altaribus tuis fideliter subministret, et requiescat super eum Spiritus sapientiæ et intellectus; spiritus consilii et fortitudinis; spiritus scientiæ et pietatis; et repleas eum spiritu timoris tui; et eum in ministerio divino confirmes, ut obediens facto ac dicto parens, tuam gratiam consequatur. Per Dominum nostrum Jesum Christum Filium tuum,

qui tecum vivit et regnat in unitate Spiritus sancti Deus. Per omnia sæcula sæculorum. ¶ Amen.

Tum Pontifex sedens cum mitra, accipit amictum qui in collo Ordinandi jacet, imponitque super caput ejus dicens:

Accipe amictum, per quem designatur castigatio vocis. In nomine Pa† tris, et Fi† lii, et Spiritus † sancti. ¶ Amen.

Tum immittit Pontifex manipulum in sinistrum brachium eiusdem, dicens:

Accipe manipulum, per quem designantur fructus bonorum operum. In nomine Pa† tris, et Fi† lii, et Spiritus † sancti. ¶ Amen.

Post hæc Tunica illum totaliter induit, dicens:

Tunica iucnditatis, et indumento lætitiae induat te Dominus. In nomine Pa† tris, et Fi† lii, et Spiritus † sancti. ¶ Amen.

Tandem tradit illi librum Epistolarum, quem tangit manu dextera, dicente interim Pontifice:

Accipe librum Epistolarum, et habe potestatem legendi eas in Ecclesia sancta Dei, tam pro vivis, quam pro defunctis. In nomine Pa† tris, et Fi† lii, et Spiritus † sancti. ¶ Amen.

His peractis, Archidiacono suggerente, Subdiaconus surgit, et facta Pontifici profunda reverentia, reddit ad locum suum et genuflectit. Tum Pontifex surgit, et accedit ad cornu Epistolæ ubi deposita Mitra prosequitur Missam.

Lecto autem Offertorio, Pontifex accepta mitra, in faldistorio ante medium altaris posito sedet: mox Subdiaconus candelam accensam dextera sustinens, sinistra pectori admota accedit; tum facta Pontifici profunda reverentia genuflectit, cuius manum dexteram, dum tradit candelam, osculatur, deinde surgit et facta iterum reverentia reddit ad locum suum. Facta oblatione, Pontifex annulum et Chirothecas deponit, et lotis manibus, resumit annulum et surgit, sublatoque faldistorio, accedit ante medium altaris ubi deposita mitra prosequitur Missam, secretæ diei ordinandi secreta adjuncta sub uno *Per Dominum*, cum aliis secretis si quæ sint dicendæ.

Dum Pontifex dicit orationem, Domine Jesu Christe qui

dixisti etc., Subdiaconus accedit ad dexteram Pontificis: Oratione dicta, uterque simul osculatur altare, et conuincit facie ad invicem, Pontifex dat osculum pacis Subdiaconi dicens: *Pax tecum*. Cui ille respondet: *Et cum spiritu tuum*. Tum Subdiaconus facta ante et post profunda reverentia Pontifici, et genuflexione SS. Sacramento, vadit ad locum suum.

Postquam vero Pontifex se communicaverit, et totum sanguinem sumpserit, priusquam se purificet, Palla Calix tegitur et ultra medium Corporalis ex parte Evangelii, non enim ipsum, collocatur. Tum Pontifex supponit Patenam Hostie qua communicandus est Ordinatus; qui ante medium altaris accedens genuflexus dicit intelligibili voce: *Confiteor Deo: quoniam peracto*, Pontifex facta genuflexione SS. Sacramento surgit, et aliquantulum se retrahit ad cornu Evangelii et versus ad ordinatum, junctis manibus, dicit licet unicus si communicandus:

Misereatur vestri omnipotens Deus, et dimissis peccatis vestris perducat vos ad vitam aeternam.

R. Amen.

Indulgentiam + absolutionem, et remissionem peccatorum vestrorum tribuat vobis omnipotens et misericors Dominus. R. Amen.

Tum accedit Ordinatus ad supremum altaris gradum, ubi genuflexus et communicaturus mappulam recipit. Pontifex vero versus ad altare facit genuflexionem SS. Sacramento, deinde surgens sinistra Patenam, dextera vero Hostiam reverenter accipit, quam aliquantulum elevatam tenet super patenam, et conversus ad Ordinatum in medio altaris dicit:

Ecce Agnus Dei, ecce qui tollit peccata mundi:

Mox ter subjungit:

Domine non sum dignus, ut intres sub tectum meum, sed tantum die verbo et sanabitur anima mea.

Tum accedens, Ordinando porrigit SS. Sacramentum faciens cum eo signum Crucis super Patenam et simul dicens:

Corpus + Domini nostri Jesu Christi custodiat te in vitam aeternam:

Et respondet:

Amen.

Tum manum Pontificis hostiam tenentem osculatur, et communionem reverenter sumit, ori ejus superposita Pa-

tena. Deinde unus ministrorum purificat Ordinatum Calice aut alio vase cum vino ad hoc destinato; et cum ordinatus os ad mappulam exterserit, redit ad locum suum.

Communione peracta, Pontifex colligit fragmenta patena, quam super Casicem suum extergit, purificationem sumit cum digitorum ablutione; quo facto mitram accipit, et lavat manus, quibus extersis statim, deposita mitra, stans in cornu Epistolæ Missam prosequitur Postcommunioni diei ordinandi Postcommunione adjuncta sub uno *Per Dominum*, cum aliis Postcommunionibus si quæ sint dicendæ.

Data benedictione, ut moris est, et redditio baculo pastorali, sedet Pontifex in faldistorio ante medium altaris posito; mox ordinatus accedit, qui facta profunda Pontifici reverentia genuflectit; tum his verbis Subdiaconum aut Diaconum alloquitur Pontifex dicens :

Fili dilectissime, diligenter considera Ordinem per te susceptum, ac onus humeris tuis impositum: stude sancte et religiose vivere, atque omnipotenti Deo placere, ut gratiam suam possis acquirere, quam ipse tibi per misericordiam suam concedere dignetur. Ad Subdiaconatum (*vel* ad Diaconatum) ordinate dic Nocturnum diei N. Et omnipotentem Deum etiam pro me ora.

Tum surgit Pontifex, et amoto faldistorio, convertit se ad cornu Evangelii, ubi deposita mitra dicit intelligibili voce: *Dominus vobiscum*. Deinde *Initium sancti Evangelii, secundum Joannem*. In principio erat Verbum, et signat tabellam in qua est Evangelium aut (si deficiat, signat altare et se). Mox, acceptis mitra et baculo, prosequitur, factaque Cruci debita reverentia in infimo gradu altaris, revertitur ad faldistorium ubi exiitur sacris vestibus. Si vero aliud Evangelium sit dicendum, illud in cornu Evangelii dicit, eoque dicto, recedit ut prius.

DE ORDINATIONE DIACONI.

Missæ celebrandæ pro Diaconatus ordine conferendo necessaria, ut supra, pag. 562.

Ordinando Diacono: Mandatum Apostolicum, si ordine-

tur extra Tempora. Vestis talaris. Modestia in capite. Corona Diaconalis. Praevia Confessio. Amictus. Aliud Cingulum. Manipulus. Stola et Dalmatica albi coloris. Liber Evangeliorum. Candela pro Offertorio.

Pontifex ritu Pontificali paratus, ut ordinationem Diaconatus conferat, in Dominicis, aut festivis diebus, aut statuta a jure temporibus; dicta Oratione pro Ordinando *Exaudi quæsumus Domine*, ut in fine Missalis habetur cum oratione diei sub uno *Per Dominum*, et factis aliis commemorationibus, sit quæ sint faciendæ, legit Epistolam: qua finita, accipit mitram, et accedens ad faldistorium ante medium altaris paratum sedet.

Interim promovendus ad Ordinem Diaconatus per Archidiaconum, aut illius locum tenentem vocatur, dicendo.

Accedat qui ordinandus est ad Diaconatum.

Mox Ordinandus per Notarium nominatus accedit, et facta Pontifici profunda reverentia genuflectit. Tum Archidiaconus illum offerens Pontifici sub his verbis loquitur, dicens:

Reverendissime Pater, postulat sancta mater Ecclesia Catholica, ut hunc præsentem Subdiaconum ad onus Diaconii ordinetis.

Pontifex interrogat, dicens:

Scis illum dignum esse?

Respondet Archidiaconus:

Quantum humana fragilitas nosse sinit, et scio, et testificor ipsum dignum esse ad hujus onus officii.

Mox Pontifex dicit:

Deo gratias.

Et ad ejus ordinationem procedit. In primis Pontifex sedens cum mitra clero populoque annuntiat dicens:

Auxiliante Domino Deo, et Salvatore nostro Jesu Christo, eligimus hunc præsentem Subdiaconum in ordinem Diaconii. Si quis habet aliquid contra illum pro Deo, et propter Deum cum fiducia exeat, et dicat: verumtamen memor sit conditionis suæ.

Facta aliquali morula, Pontifex convertit orationem suam ad ordinandum, quem sic admonet:

Provehendus, fili dilectissime, ad Leviticum Or-
linem, cogita magnopere, ad quantum gradum Ec-
clesiae ascendis. Diaconum enim oportet ministrare
id altare, baptizare, et prædicare. Sane in veteri
ege, ex duodecim, una tribus Levi electa est, quæ
speciali devotione, tabernaculo Dei, ejusq[ue] sacri-
iciis, ritu perpetuo deserviret. Tantaque dignitas
psi concessa est, quod nullus nisi ex ejus stirpe,
id divinum illum cultum, atque officium ministraturus
ascenderet; adeo ut, grandi quodam privi-
legio hereditatis, et Tribus Domini esse mereretur
et dici: quorum hodie, fili dilectissime, et nomen
et officium tenes, quia in ministerium tabernaculi
testimonii, id est, Ecclesiae Dei, eligeris in Levi-
tico officio, quæ semper in procinctu posita, inces-
sabili pugna contra inimicos dimicat; unde ait
Apostolus, non est nobis collectatio adversus car-
nem et sanguinem, sed adversus principes et po-
testates, adversus mundi rectores tenebrarum
harum, contra spiritualia nequitiæ, in cœlestibus.
Quam Ecclesiam Dei, veluti tabernaculum portare
et munire debes ornatu sancto, prædicatu divino,
exemplo perfecto. Levi quippe interpretatur addi-
tus, sige assumptus. Et tu, fili dilectissime, qui ab
hereditate paterna nomen accipis, esto assumptus
a carnalibus desideriis, a terrenis concupiscentiis
quæ militant adversus animam. Esto nitidus, mun-
dus, purus, castus, sicut decet ministrum Christi,
et dispensatorem mysteriorum Dei, ut digne adda-
ris ad numerum Ecclesiastici gradus; ut hereditas
et tribus amabilis Domini esse merearis. Et quia
commminster et cooperator es corporis et sanguinis
Domini, esto ab omni illecebra carnis alienus, sic
enim ait Scriptura: Mundamini qui fertis vasa Do-
mini. Cogita Beatum Stephanum, merito præcipue
castitatis, ab Apostolis ad officium istum electum.

Cura , ut quibus Evangelium ore annuntias , vi
operibus exponas , ut de te dicatur : beati pede
evangelizantis pacem , evangelizantis bona. Habi
pedes tuos calceatos sanctorum exemplis , in pre
paratione evangelii pacis. Quod tibi Dominus con
cedat per gratiam suam.

Deinde , si non sit ordinatus Subdiaconus , Ordinandus Diaconus se prosternit ad cornu Evangelii , vel ubi genuflex
tebat. Pontifex vero cum mitra ante faldisterium suum ge
nusflexens recitat Litanias , pag. 29. Ordinandus autem per
Pontificem benedicitur ut supra , p. 32 , dictum est in Ordi
natione Subdiaconi. Post haec Ordinando ab accubitu sur
gente , et tamen genuflexo manente , Pontifex sedens in fal
distorio cum mitra , intelligibili voce alloquitur Clerum et
populum , dicens :

Commune votum , communis oratio prosequatur ,
ut hic totius Ecclesiae prece , qui ad Diaconatus
ministerium præparatur , Leviticæ bene + dictionis
ordine clarescat , et spirituali conversatione præful
gens , gratia sanctificationis eluceat ; præstante Do
mino nostro Jesu Christo , qui cum Patre et Spiritu
sancto vivit et regnat Deus in sæcula sæculorum .

Deinde surgens cum mitra Pontifex , stans versus ad Or
dinandum , dicit alta voce legendo :

**Oremus , fratres charissimi , Deum Patrem omni
potentem , ut super hunc famulum suum , quem ad
officium Diaconatus dignatur assumere , benedic
tionis suæ gratiam clementer effundat , eique con
secrationis indultae propitius dona conservet , et
preces nostras clementer exaudiat ; ut quæ nostre
gerenda sunt ministerio , suo benignus prosequatur
auxilio ; et quem sacris mysteriis exequendis pro
nostra intelligentia credimus offerendum , sua bene
+ dictione sanctificet et confirmet. Per unigenitum
filium suum Dominum nostrum Jesum Christum ,
qui cum eo et Spiritu sancto vivit et regnat Deus .**

Deinde , deposita mitra , et extensis ante pectus manibus
dicit :

Per omnia secula seculorum. ¶ Amen.

¶. Dominus vobiscum. ¶ Et cum spiritu tuo.

¶. Sursum corda. ¶ Habemus ad Dominum.

**¶. Gratias agamus Domino Deo nostro. ¶ Di-
gnum et justum est.**

Vere dignum et justum est, æquum et salutare, nos tibi semper, et ubique gratias agere, Domine sancte, Pater omnipotens, æterne Deus, honorum dator, ordinumque distributor, atque officiorum dispositor, qui in te manens innovas omnia, et cuncta disponis, per verbum, virtutem, sapientiamque tuam, Jesum Christum Filium tuum Dominum nostrum, sempiterna providentia præparas, et singulis quibusque temporibus aptanda dispensas. Cujus corpus, Ecclesiam videlicet tuam, ecclœstium gratiarum varietate distinctam, suorumque conexam distinctione membrorum, per legem mirabilem totius compaginis unitam, in augmentum templi tui crescere, dilatarique largiris; sacri muneris servitutem trinis gradibus ministrorum nomini tuo militare constituens, electis ab initio Levi filiis, qui in mysticis operationibus domus tuæ fidelibus excubiis permanentes, hereditatem benedictionis æternæ sorte perpetua possiderent. Super hunc quoque famulum tuum, quæsumus Domine, placatus intende, quem tuis sacris altaribus serviturum in officium Diaconatus suppliciter dedicamus. Et nos quidem tamquam homines, divini sensus, et summae rationis ignari, hujus vitam, quantum possumus, æstimamus. Te autem, Domine, quæ nobis sunt ignota non transeunt, te occulta non fallunt. Tu cognitor es secretorum; tu scrutator es cor-dium. Tu istius vitam cœlesti poteris examinare ju-dicio, quo semper prævales, et admissa purgare, et ea sunt agenda concedere.

Hic solus Pontifex extensam manum dexteram ponit ^{et}
caput Ordinandi, dicens :

Accipe Spiritum sanctum ad robur, et ad res-
tendum Diabolo, et temptationibus ejus ; in nomine
Domini.

Postea prosequitur ut prius extensam tenens manum der-
teram usque in finem Praefationis.

Emitte in eum, quæsumus, Domine Spiritum
sanctum, quo in opus ministerii tui fideliter ex-
quendi septiformis gratiæ tuæ munere roboretur.
Abundet in eo totius forma virtutis, auctoritas mo-
desta, pudor constans, innocentia puritas, et spi-
ritualis observantia disciplinae. In moribus ejus
præcepta tua fulgeant; ut suæ castitatis exemplo
imitationem sanctam plebs acquirat; et bonum
conscientiæ testimonium præferens in Christo fir-
mus et stabilis perseveret; dignisque successibus
de inferiori gradu per gratiam tuam capere potiora
mereatur. Per eundem Dominum nostrum Jesum
Christum Filium tuum, qui tecum vivit et regnat
in unitate Spiritus sancti Deus. Per omnia sæcula
sæculorum. **R. Amen.**

Post hæc Pontifex sedens cum mitra, Ordinando ante ^{et}
genuflexo stolam imponit super humerum sinistrum, dicens.

Accipe stolam [†] candidam de manu Dei; adim-
ple ministerium tuum, potens enim est Deus, ut
augeat tibi gratiam suam. Qui vivit, et regnat in
sæcula sæculorum. **R. Amen.**

Faciens super Ordinandum signum crucis; aliquis vero mi-
nister reflectet capita stolæ, et alligabit sub brachio dextro

Deinde Pontifex accipiens Dalmaticam ea totaliter induit
Ordinandum, dicens :

Induat te Dominus indumento salutis, et vesti-
mento lætitiae, et Dalmatica justitiae circumdet te
sempre, in nomine Domini. **R. Amen.**

Postremo Pontifex accipit et Ordinando tradit librum Evangeliorum, quem manu dextera tangenti dicit :

Accipe potestatem legendi Evangelium in Ecclesia Dei, tam pro vivis, quam pro defunctis. In nomine Domini. ¶ Amen.

Quo facto, Pontifex stans sine mitra, ad altare conversus licet :

Oremus.

Ministri :

Flectamus genua. ¶ Levate.

Deinde vertens se ad Ordinatum dicit :

Exaudi, Domine, preces nostras, et super hunc famulum tuum Spiritum tuæ benedictionis emitte; ut cœlesti munere ditatus, et tuæ majestatis gratiam possit acquirere, et bene vivendi aliis exemplum præbere. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. ¶ Amen.

OREMUS.

Domine sancte, Pater fidei, spei et gratiæ, et profectuum remunerator, qui in cœlestibus et terrenis Angelorum ministeriis ubique dispositis per omnia elementa voluntatis tuæ diffundis effectum : hunc quoque famulum tuum spirituali dignare illustrare affectu; ut tuis obsequiis expeditus sanctis altaribus tuis minister purus accrescat; et indulgentia tua purior, eorum gradu quos Apostoli cui in septenarium numerum beato Stephano duce in prævio, Spiritu sancto auctore, elegerunt, dignus existat; virtutibus universis, quibus tibi servire oportet instructus, tibi complaceat. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. ¶ Amen.

His peractis, Archidiacono sugerente, Diaconus suffit factaque Pontifici profunda reverentia, redit ad locum sum ibique genuflectit : Pontifex vero surgit, et accedit ad corn Epistolæ, ubi deposita mitra prosequitur Missam, et se gen in Offertorio suscipiendo et in omnibus aliis prout habetur supra, pag. 567, in ordinatione Subdiaconi.

DE ORDINATIONE PRESBYTERI.

Missa celebrandæ pro conferendo Presbyteratus Ordine necessaria, ut supra, pag. 562.

Ordinando Presbytero : Mandatum Apostolicum, si ordinetur extra tempora. Vestis talaris. Modestia in capillis. Corona Sacerdotalis. Prævia Confessio. Amictus. Cingulum. Manipulus. Stola et planeta albi coloris. Oleum Calichumenorum. Calix cum vino et aqua. Patena et Hostia desuper posita. Vitta linea pro sustentandis manib[us] post unctionem, si sit consuetudo. Pelvis et vas aquæ. Medulla panis et Manutergium pro Presbyterandi manuum lotione. Candela pro Offertorio. Missale ad legendam Missam cum Pontifice. Sacerdos adjuvans in Missæ recitatione.

Pontifex ornatu Pontificali paratus, ut Ordinem Presbyteratus conferat : in Missis de Quatuor Temporibus, et in Dominicis ac festivis diebus a Dominica Septuagesimæ usque ad Pascha exclusive, ante ultimum versum Tractus : in sabbatis infra Octavam Pentecostes, et in Festis quæ habent sequentiam, ante ultimum sequentiae versum : in Dominicis autem et festivis diebus per Annum et per Adventum ante versum *Alleluia*, accipit mitram, et accedens ad faldistorium ante medium altaris sibi paratum sedet.

Interim ad Ordinem Presbyteratus promovendum Archidiaconus aut illius locum tenens evocat dicens :

Accedat qui ordinandus est ad Ordinem Presbyteratus.

Mox ordinandus per Notarium nominatus accedit, et facta Pontifici profunda reverentia genuflectit.

Tum Archidiaconus illum offerens Pontifici, sub his verbis loquitur dicens :

Reverendissime Pater, postulat sancta mater Ec-

**Ilesia Catholica, ut hunc præsentem Diaconum ad
onus Presbyterii ordinetis.**

Et Pontifex interrogat dicens :

Scis illum esse dignum ?

Respondet Archidiaconus :

**Quantum humana fragilitas nosse sinit, et scio
et testificor ipsum dignum esse ad hujus onus offi-
cii.**

Mox Pontifex dicit :

Deo gratias.

Et annuntiat clero et populo, dicens :

**Quoniam, fratres charissimi, rectori navis et
navigio deferendis, eadem est, vel securitatis ratio,
vel communis timoris; par eorum debet esse sen-
tentia, quorum causa communis existit. Neque enim
fuit frusta a Patribus institutum, ut de electione
illorum, qui ad regimen altaris adhibendi sunt,
consulatur etiam populus; quia de vita et conver-
satione præsentandi, quod nonnumquam ignoratur
a pluribus, scitur a paucis; et necesse est, ut fa-
cilius ei, quis obedientiam exhibeat ordinato, cui
assensum præbuerit ordinando. Hujus siquidem
Diaconi in Presbyterum, auxiliante Domino, ordi-
nandi conversatio (quantum mihi videtur) probata,
et Deo placita existit, et digna (ut arbitror) Eccle-
siastici honoris augmento. Sed ne unum fortasse,
vel paucos, aut decipiat assensio, vel fallat affectio,
sententia est expetenda multorum. Itaque, quid de
ejus actibus aut moribus noveritis, quid de merito
sentiatis, libera voce tradatis; ac illi testimonium
sacerdotii magis pro merito quam affectione aliqua
tribuatis. Si quis igitur habet aliquid contra illum,
pro Deo et propter Deum, cum fiducia exeat et
dicat. Verumtamen memor sit conditionis suæ.**

Postea Pontifex, aliqua interjecta morula, convertens.

sermonem suum ad Ordinandum, admonet eum dicens

Consecrandus, fili dilectissime, in Presbyteratus officium, illud digne suscipere, ac susceptum lansdabiliter exequi studeas. Sacerdotem etenim oportet offerre, benedicere, praesesse, prædicare, et baptizare. Cum magno quippe timore ad tantum gradum ascendendum est, ac providendum ut cœlestis sapientia, probi mores et diurna justitiae observatio ad id electos commendent. Unde Dominus præcipientis Moysi ut septuaginta viros de universo Israël in adjutorium suum eligeret, quibus Spiritus sancti dona divideret, suggessit: quos tu nosti, quod senes populi sunt. Tu siquidem in septuaginta viris et senibus signatus es, si per Spiritum septiformem, decalogum legis custodiens, probus et maturus in scientia similiter, et in opere fueris. Sub eodem quoque mysterio et eadem figura in novo Testamento Dominus Septuaginta duos elegit, ac binos ante se in prædicationem misit; ut doceret verbo simul et facto ministros Ecclesiæ suæ, fide et opere debere esse perfectos; seu geminæ dilectionis, Dei silicet et proximi virtute fundatos. Talis itaque esse studeas, ut in adjutorium Moysi, et duodecim Apostolorum, Episcoporum videlicet Catholicorum, qui per Moysen, et Apostolos figurantur, digne, per gratiam Dei, eligi valeas. Hac certe mira varietate Ecclesia sancta circumdatur, ornatur, et regitur; cum alii in ea Pontifices, alii minoris ordinis Sacerdotes, Diaconi et Subdiaconi diversorum ordinum viri consecrantur; et ex multis, et alternæ dignitatis membris unum corpus Christi efficitur. Itaque, fili dilectissime, quem ad nostrum adjutorium fratrum nostrorum arbitrium consecrandum eligit, serva in moribus tuis castæ et sanctæ vitæ integratatem. Agnosce quod agis, imitare quod tractas; quatenus mortis Dominicæ mys-

terium celebrans , mortificare membra tua a vitiis et concupiscentiis omnibus procures. Sit doctrina tua spiritualis medicina populo Dei. Sit odor vitae tuæ delectamentum Ecclesiæ Christi ; ut prædicatione atque exemplo ædifices domum, id est, familiam Dei , quatenus nec nos de tua provectione , nec tu de tanti officii susceptione damnari à Domino , sed remunerari potius mereamur. Quod ipse nobis concedat per gratiam suam. **R.** Amen.

Deinde si non sit ordinatus Subdiaconus vel Diaconus, Ordinandus Presbyter se prosternit ad cornu Evangelii vel ubi genuflectebat; Pontifex vero cum mitra ante faldistorium suum genuflectens recitat Litanias ut supra, 29. Ordinandus autem per Pontificem benedicitur prout dictum est in Ordinatione Subdiaconi.

Post hæc Ordinando ab accubitu surgente , et ante Pontificem genuflexo manente , Pontifex , cum mitra , stans ante faldistorium suum simul utramque manum super ordinandi caput imponit nihil dicens. Idemque faciunt post eum omnes Presbyteri præsentes superpelliceo et stola a collo pendente parati. Quo facto tam Pontifex quam Sacerdotes tenent dexteras manus extensas super illum , dum Pontifex stans cum mitra dicit :

Oremus, fratres charissimi , Deum Patrem omnipotentem , ut super hunc famulum suum , quem ad Presbyterii munus elegit, cœlestia dona multiplicet; et quod ejus dignatione suscipit , ipsius consequatur auxilio. Per Christum Dominum nostrum.

R. Amen.

Pontifex, deposita mitra, conversus ad altare dicit :

Oremus.

Et Ministri :

Flectamus genua. **R.** **Levate.**

Et mox conversus ad Ordinandum dicit :

Exaudi nos , quæsumus , Domine Deus noster , et super hunc famulum tuum bene † dictionem sancti Spiritus , et gratiæ Sacerdotalis infunde virtutem ,

ut quem tuæ pietatis aspectibus offerimus consti-
crandum, perpetua muneric tui largitate prosta-
quaris. Per Dominum nostrum Jesum Christum
Filium tuum, qui tecum vivit et regnat in unitate
eiusdem Spiritus sancti Deus :

Tum extensis manibus ante pectus, dicit :

Per omnia secula seculorum. R. Amen.

V. Dominus vobiscum. R. Et cum spiritu tuo.

V. Sursum corda. R. Habemus ad Dominum.

V. Gratias agamus Domino Deo nostro. R. Dignum
et justum est.

Vere dignum et justum est, æquum et salutare,
nos tibi semper, et ubique gratias agere, Domine
sancte, Pater omnipotens, æterne Deus, honorum
auctor, et distributor omnium dignitatum ; per
quem proficiunt universa ; per quem cuncta fir-
mantur, amplificatis semper in melius nature
rationalis incrementis, per ordinem congrua ratione
dispositum. Unde et Sacerdotales gradus, atque
officia Levitarum sacramentis mysticis instituta
creverunt : ut cum Pontifices summos regendis
populis præfecisses, ad eorum societatis et operis
adjuvamentum, sequentis ordinis viros et secunda
dignitatis eligeres. Sic in eremo per septuaginta
virorum prudentium mentes, Moysi spiritum pro-
pagasti ; quibus ille adjutoribus usus, in populo
innumeras multitudines facile gubernavit. Sic et in
Eleazarum et Ithamarum filios Aaron paternæ ple-
nitudinis abundantiam transfudisti ; ut ad hostias
salutares, et frequentioris officii sacramenta mi-
nisterium sufficeret Sacerdotum. Hac providentia,
Domine, Apostolis filii tui Doctores fidei comites
addidisti, quibus illi orbem tuum secundis prædi-
cationibus impleverunt. Quapropter infirmitati
quoque nostræ, Domine, quæsumus, hæc adjumenta

argire; qui quanto fragiliores sumus, tanto his pluribus indigemus. Da, quæsumus, omnipotens Pater, in hunc famulum tuum Presbyterii dignitatem; innova in visceribus ejus Spiritum sanctitatis; ut acceptum a te, Deus, secundi meriti natus obtineat, censuramque morum exemplo suæ conversationis insinuet. Sit providus cooperator ordinis nostri; eluceat in eo totius forma justitiae, it bonam rationem dispensationis sibi creditæ redditurus, æternæ beatitudinis præmia consequatur. Per eumdem Dominum nostrum Jesum Christum illum tuum, qui tecum vivit, et regnat in unitate ejusdem Spiritus sancti Deus, per omnia secula seculorum. ¶ Amen.

His dictis Pontifex sedet, et accepta mitra reflectit orarium sive stolam ab humero sinistro Ordinandi, capiens partem quæ retro pendet, et imponens super dexterum humerum, aptat eam ante pectus, in modum Crucis dicens:

Accipe jugum Domini : jugum enim ejus suave est, et onus ejus leve.

Tum Pontifex imponit Ordinando Casulam usque ad scapulas, remanentemta men super humeros complicatam, et à parte anteriori deorsum dependentem, interim dicens :

Accipe vestem Sacerdotalem , per quam charitas intelligitur ; potens est enim Deus, ut augeat tibi charitatem , et opus perfectum. ¶ Deo gratias.

Surgit Pontifex sine mitra, et Ordinando genuflexo dicit :

Deus sanctificationum omnium auctor , cuius vera consecratio, plenaque benedictio est, tu, Domine, super hunc famulum tuum, quem ad Presbyterii honorem dedicamus, munus tuæ benedictionis infunde, ut gravitate actuum, et censura vivendi, probet se seniorem, his institutus disciplinis, quas Tito et Timotheo Paulus exposuit; ut in lege tua die ac nocte meditans, quod legerit, credat; quod crediderit, doceat; quod docuerit,

imitetur; justitiam, constantiam, misericordiam fortitudinem, ceterasque virtutes in se ostendat; exemplo præbeat, admonitione confirmet, ac per- rum et immaculatum ministerii sui donum custodiatur; et per obsequium plebis tuae panem et vinum in corpus, et sanguinem filii tui immaculata benedictione transformet; et inviolabili charitate in virum perfectum, in mensuram ætatis plenitudinis Christi, in die justi et æterni judicii Dei, conscientia pura, fide vera, Spiritu sancto plenus resurgat. Per eundem Dominam nostrum Jesum Christum filium tuum, qui tecum vivit, et regnat in unitate ejusdem Spiritus sancti Deus, per omnia secula seculorum. ¶ Amen.

Tum Pontifex sine mitra conversus ad altare genuflectit ante faldistorium; mox intelligibili voce incipit primus hymnus *Veni Creator Spiritus*, et prosequuntur Ministri cum astantibus et dicitur usque ad finem.

Finito primo ¶ seu prima strophe, surgit Pontifex et sedet in faldistorio ante medium altaris, et assumpta mitra deponit annulum et Chirothecas; resumit annulum et ponitur ei gremiale sive mappula super gremium a ministro, et Ordinandus accedens facta profunda reverentia coram eo genuflectit, et Pontifex cum oleo cathecumenorum inungit ipsi ambas manus simul junctas, in modum Crucis, producendo cum pollice suo dextro in dictum oleum intincto duas lineas, videlicet a pollice dextræ manus, usque ad indicem sinistræ, et a pollice sinistræ usque ad indicem dextræ, ungendo mox totaliter palmas dicens :

Consecrare, et sanctificare digneris, Domine.
manus istas per istam unctionem, et nostram bene-
† dictionem. ¶ Amen.

Mox Pontifex producit manu dextera signum Crucis super manus illius quem ordinat, et prosequitur.

Ut quæcumque benedixerint, benedicantur;
et quæcumque consecraverint, consecretur, et sancti-
fientur, in nomine Domini nostri Iesu Christi.

Tum Ordinandus respondet :
Amen.

Deinde Pontifex claudit , seu jungit illi manus , quas sic consecratas , aliquis ministrorum Pontificis albo panniculo lineo simul , videlicet dexteram super sinistram alligat ; si consuetudo ferat .

Tum Pontifex pollice mica panis exterso , accipit et Ordinando tradit Calicem cum vino et aqua , et patenam superpositam cum Hostia , et ipse illam accipit inter indices et medios digitos , cuppam calicis et patenam simul tangens , dum Pontifex dicit :

Accipe potestatem offerre sacrificium Deo , Missasque celebrare , tam pro vis , quam pro defunctis . In nomine Domini . ¶ Amen .

His peractis Ordinandus surgit , et facta Pontifici profunda reverentia , paulum recedit et genuflectit . Pontifex vero annoto annulo , lavat manus cum mica panis , et aqua lotionis hujusmodi projicitur in sacrarium ; tum acceptis chirotecis et annulo , surgit , et accedit ad cornu Epistolæ , ubi deposita mitra prosequitur Missam usque ad Offertorium : Interim Ordinatus Sacerdos stans lavat manus cum medulla panis , et aqua bene mundatas extergit linteo illo quo erant ligatae , vel alia mappula ; et aqua lotionis hujusmodi projicitur in sacrarium : tum genuflectit .

Pontifex autem lecto Offertorio , accipit mitram , et in faldistorio ante medium altaris posito sedet . Mox Ordinatus candelam accensam dextera sustinens , sinistra pectori admota , accedit ; tum facta profunda reverentia genuflectit , et Pontificis manum dexteram , dum tradit candelam , osculatur ; deinde surgit , et facta iterum reverentia paulum retrocedens genuflectit : si vero aliquis si ordinatus Subdiaconus , aut Diaconus , eadem observat ad oblationem accedens .

Facta Oblatione , Pontifex annulum et Chirothecas deposit et lotis manibus resumit annulum , et surgit , tum Sublatofaldistorio , accedit ante medium altaris , ubi deposita mitra prosequitur Missam .

Sacerdos autem ordinatus post Pontificem genuflexus habeat librum coram se dicens : *Suscipe sancte Pater etc.* , et omnia alia de Missa prout dicit Pontifex , qui secretas morose , et aliquantulum alte dicat , ita ut Ordinatus Sacerdos possit secum omnia dicere , et praesertim verba consecrationis , quæ dici debent eodem momento per ordinatum , quo dicuntur per Pontificem .

Secreta pro Ordinato , quæ dicitur cum secreta Missæ diei sub uno *Per Dominum etc.*

Tuis , quæsumus , Domine , operare mysteriis .
ut hæc tibi munera dignis mentibus offeramus . Per
Dominum nostrum Jesum Christum Filium tuam ,
qui tecum vivit et regnat in unitate Spiritus sancti
Deus , per omnia secula seculorum . ¶ Amen .

Tum dicit alias secretas si quæ dicendæ sint .

Dum Pontifex dicit Orationem *Domine Jesu Christe , qui etc.* Ordinatus accedit ad dextram Pontificis , et *Oratione peracta ambo simul osculantur altare , et conversa facie ad invicem , Pontifex dat osculum pacis Ordinato dicens : Pax tecum.* Cui ille respondet : *Et cum spiritu tuo.* Tum Ordinatus facta ante et post profunda reverentia Pontifici , et genuflectione SS. Sacramento , vadit ad locum suum . Si vero sit aliquis Subdiaconus aut Diaconus Ordinatus , eodem ritu pacem a Pontifice recipit .

Postquam vero Pontifex se communicaverit , et totum sanguinem sumpserit , priusquam se purificet , Ordinatus Presbyter non præmissa Confessione , nec data absolutione (quia concelebrat Pontifici) , ad supremum altaris gradum accedit , ubi genuflexus mappulam recipit ad communionem sumendam : interim Pontifex Hostia consecrata supra patenam posita , genuflectit , surgit , et patenam sinistra , Hostiam vero dextera reverenter accipiens convertit se ad Ordinatum Presbyterum , cui porrigit SS. Sacramentum cum eo faciens signum Crucis super patenam et simul dicens :

Corpus † Domini nostri Jesu Christi custodiat te in vitam æternam .

Et respondet :

Amen .

Tum manum Pontificis Hostiam tenentem osculatur , et Communionem reverenter sumit ori communicandi supposita patena . Deinde unus Ministrorum purificat Presbyterum Calice ad hoc destinato , vel eo potius quem paulo ante tetigerat , ex quo vinum cum aqua paratum in purificationem exhaustit .

Si aliquis Subdiaconus , aut Diaconus sit ordinatus , ad Communionem accedit , eo ritu quo dictum est supra in Ordinatione Subdiaconi , p. 568 . Communione peracta Pontifex colligit fragmenta Patena , quam super Calicem suum exterget , purificationem sumit cum digitorum ablutione : quo facto , accipit mitram et lavat manus , quibus extorris ,

statim deposita mitra , stans in cornu Epistolæ , versus ad illud inchoat Ministris prosequentibus Responsorium , quod a septuagesima usque ad Pascha dicitur sine Alleluia ,

Jam non dicam vos servos , sed amicos meos , quia omnia cognovistis quæ operatus sum in medio vestri (Alleluia). * Accipite Spiritum sanctum in vobis Paraclitum : * Ille est quem Pater mittet vobis (Alleluia). * Vos amici mei estis , si feceritis , quæ ego præcipio vobis . Accipite . Gloria Patri , et Filio , et Spiritui sancto . Ille est .

Incepto responsorio , Pontifex , accepta mitra vertit se ad Presbyterum Ordinatum , qui ante altare coram ipso stans profitetur fidem quam prædicaturus est , dicens :

Credo in Deum , Patrem omnipotentem , creatorem Cœli et terræ. Et in Jesum Christum Filium ejus unicum Dominum nostrum. Qui conceptus est de Spiritu sancto , natus ex Maria Virgine. Passus sub Pontio Pilato , crucifixus , mortuus , et sepultus . Descendit ad inferos ; tertia die resurrexit a mortuis. Ascendit ad cœlos , sedet ad dexteram Dei Patris omnipotentis. Inde venturus est judicare vivos et mortuos.

Credo in Spiritum sanctum , sanctam Ecclesiam Catholicam. Sanctorum Communionem. Remissionem peccatorum. Carnis resurrectionem. Vitam æternam. Amen.

Quo finito , Pontifex cum mitra sedens super faldistorium , ante medium altaris , imponit ambas manus super caput illius coram se genuflexi , dicens illi :

Accipe Spiritum sanctum : quorum remiseris peccata remittuntur eis ; et quorum retinueris , retenta sunt.

Deinde explicans casulam , quam Ordinatus habet complicatam super humeros , ea induit illum dicens :

Stola innocentiae induat te Dominus.

Tum genuflexus adhuc Ordinatus ponit manus suas iuxta inter manus Pontificis interim dicentis : si suus sit Ordinarius :

Promittis mihi , et successoribus meis reverentiam et obedientiam ?

Et ille respondet :

Promitto.

Si vero Pontifex non est suus Ordinarius , cum manus ejus inter suas tenet , ut præfertur, dicit

Sacerdoti seculari.

Promittis Pontifici Ordinario tuo pro tempore existenti reverentiam et obedientiam.

Sacerdoti vero regulari.

Promittis Prælato Ordinario tuo pro tempore existenti reverentiam, et obedientiam ?

Et ille respondet :

Promitto.

Tum Pontifex, adhuc tenens manus illius inter suas , osculatur ipsum dicens :

Pax Domini sit semper tecum.

Et ille respondet : •

Amen.

His expletis , Pontifex sedens cum mitra et baculo , admonet eum dicens :

Quia res quam tractaturus es , satis est periculosa , fili dilectissime , moneo te , ut diligenter totius Missæ ordinem , atque Hostiæ consecrationem , ac fractionem , et communionem ab aliis jam doctis sacerdotibus discas , priusquam ad celebrandum Missam accedas.

Pontifex surgit cum mitra et baculo , et Presbytero coram eo adhuc genuflexo benedicit dicens :

Benedictio Dei omnipotentis Pa† tris et Fi† lii , et Spiritus † sancti , descendat super te , ut sis benedictus in ordine Sacerdotali : et offeras placata-

biles Hostias pro peccatis, atque offenditionibus populi omnipotenti Deo, cui est honor, et gloria, Per omnia secula seculorum. **R. Amen.**

Post hæc, depositis baculo et mitra et amoto faldistorio, convertitur ad altare et prosequitur Missam dicens in cornu Epistolæ Communionem et Postcommunioni Miasæ diei adjungitur sub una conclusione sequens.

Postcommunio.

Quos tuis, Domine, reficis Sacramentis, continua attolle benignus auxiliis; ut tuæ redēptionis effectum, et mysteriis capiamus, et moribus. Per Dominum nostrum Jesum Christum filium tuum, qui tecum vivit et regnat in unitate Spiritus sancti Deus, per omnia secula seculorum. R. Amen.

Deinde aliae Postcommuniones si quæ sint dicendæ. Tum Pontifex dicit: *Ite, Missa est; vel Benedicamus Domino, prout tempus requirit; post hæc Placeat tibi sancta, etc.* Quo dicto Pontifex accepta mitra dicit: *Sit nomen Domini benedictum, et alios y.* Tum accepto Pastorali baculo dat solitam benedictionem.

Qua concessa et redditio baculo, sedet Pontifex, et Ordinatum Sacerdotem sub his verbis alloquitur:

Fili dilectissime, diligenter considera ordinem per te susceptum, ac onus humeris tuis impositum; stude sancte et religiose vivere, atque omnipotenti Deo placere, ut gratiam suam possis acquirere, quam ipse tibi per misericordiam suam concedere dignetur.

Dic post primam tuam Missam, tres alias Missas, videlicet, unam de Spiritu sancto, aliam de beata Maria semper Virgine, tertiam pro fidelibus Defunctis, et omnipotentem Deum etiam pro me ora.

Quod ille devote suscipit, et respondet se facturum.

Verum si pluribus ordines, sed singulis diversos, contulerit, his verbis eos universim alloquetur Pontifex dicens:

Filiis dilectissimi, diligenter considerate Ordinem

per vos susceptum , ac onus humeris vestris impositum ; studete sancte , et religiose vivere , atque omnipotenti Deo placere , ut gratiam suam possitis acquirere ; quam ipse vobis per suam misericordiam concedere dignetur .

Tum ad singulos ista singulariter dicit :

<i>Clerico</i>	AD PRIMAM TONSURAM <i>vel</i>	<i>Promotus</i>
<i>IV Minoribus initiato</i>	AD QUATUOR MINORES ORDINES Dic semel septem Psalmos Pœnitentiales cum Litaniis versiculis et Orationibus.	<i>Promotus</i>
<i>Subdiacono</i>	AD SUBDIACONATUM <i>vel</i>	<i>Ordinatus</i>
<i>Diacono</i>	AD DIACONATUM Dic Nocturnum diei N.	<i>Ordinatus</i>
<i>Sacerdoti</i>	AD PRESBYTERATUM Post primam tuam Missam dic tres alias Missas , videlicet unam de Spiritu sancto , aliam de Beata Maria semper Virgine , Tertiam pro fidelibus Defunctis.	<i>Ordinatus.</i>

Et omnipotentem Deum etiam pro me orate.

Quod illi devote suscipiunt , et respondent se facturos .

Tum surgit Pontifex , et amoto faldistorio , convertit se ad cornu Evangelii , ubi deposita mitra dicit intelligibili voce :

Dominus vobiscum. Initium sancti Evangelii secundum Joannem. In principio erat Verbum etc.

Signat tabellam in qua est Evangelium aut (si deficiat) signat altare et se. Mox , acceptis mitra et baculo , prosequitur , factaque Crucis debita reverentia in infimo gradu altaris , revertitur ad faldistorium , ubi exiit sacris vestibus Si aliud Evangelium sit dicendum , illud dicit in cornu Evangelii , eoque dicto recedit , ut prius dicitur .

**RITUS ET FORMULA
BENEDICTIONIS APOSTOLICÆ.**

Ritus et forma , a Patriarchis , Primatibus , Archiepiscopis et Episcopis pro impertienda Benedictione , una cum Plenaria Indulgentia post Missarum solemnia , triplici signo crucis emiso , et in Episcopali throno cum mitra , cæterisque sacris paramentis induitis , circumstantibus ministris , adhibendus , quod congrue de Prælatis inferioribus intelligatur , talis esse debet :

Explata in utraque solemnitate Missæ solemnis celebrazione , in primis alta voce per ministrum superpelliceo induitum legantur litteræ Apostolicæ , quibus indulgentia Plenaria conceditur , una cum potestate Benedictionem Apostolicam super populum effundendi , ut de delegatione adstantibus constet , et concessio ex latino sermone in vulgarem ad populi intelligentiam translata recitetur . Postea Episcopus surgens , juxta Ritum in Cærimoniali Episcoporum expressum , dicet :

Precibus et meritis beatæ Mariæ semper Virginis , beati Michaelis Archangeli , beati Joannis Baptistæ , et sanctorum Apostolorum Petri , et Pauli , et omnium Sanctorum .

Misereatur vestri omnipotens Deus , et dimissis omnibus peccatis vestris perducat vos Jesus Christus ad vitam æternam . **R. Amen.**

Indulgentiam , absolutionem , et remissionem omnium peccatorum vestrorum , spatum veræ et fructuosæ pœnitentiæ , cor semper pœnitens et emendationem vitæ , perseverantiam in bonis operibus tribuat vobis omnipotens et misericors Dominus . **R. Amen.**

Et benedictio Dei omnipotentis Pa † tris , et Fi † lii , et Spiritus † sancti descendat super vos , et maneat semper . **R. Amen.**

590 RITUS ET FORMULA BENEDICTIONIS APOSTOLICE.

Demum post impertitam benedictionem, publicabitur latino et vernaculo idiomate concessio Plenarie Indulgentiarum sequenti formula :

Attentis facultatibus a Sanctissimo in Christo Patre et Domino nostro Domino N. divina providentia Papa N., in enuntiatis Apostolicis Litteris expressis, datis Reverendissimo Domino Domino N. Dei et Apostolicæ Sedis gratia hujus sanctæ N. Ecclesiæ Antistiti; eadem Dominatio sua Reverendissima, Summi Pontificis nomine, dat et concedit omnibus hic præsentibus, vere pœnitentibus et confessis, ac sacra communione refectis Indulgentiam Plenariam in forma Ecclesiæ consueta : rogate igitur Deum pro felici statu Sanctissimi Domini nostri Papæ, Dominationis suæ Reverendissimæ, et sanctæ Matris Ecclesiæ.

PINIS PONTIFICALIS ROMANI.

FORMULA

PRO BENEDICTIONE VIÆ FERREÆ.

- ℣. Adjutorium nostrum in nomine Domini.
℟. Qui fecit cœlum et terram.
℣. Domine, exaudi orationem meam. ℟. Et clamor meus ad te veniat.
℣. Dominus vobiscum. ℟. Et cum spiritu tuo.

OREMUS.

Omnipotens, sempiterne Deus, qui omnia elementa ad tuam gloriam, utilitatemque hominum condidisti; qui facis Angelos tuos spiritus et ministros tuos ignem urentem; qui mittis fulgura et eunt, et cui revertentia dicunt: Adoremus; tu, Domine, qui constitusti hominem super opera manuum tuarum, et omnia subjecisti sub pedibus ejus; tu, qui scientiarum Dominus es, in conspectu cujus cogitationes mortalium sunt timidæ, et incertæ providentiae nostræ; dignare, quæsumus, hanc viam ferream diversique generis instrumenta servorum tuorum usibus accommodata, tua cœlesti benedictione per nostræ humilitatis officium perfundere, et benigna semper providentia tueri: ut, dum velocius homines properant in via, citius et imparati non discedant a vita; aut, dum rebus suis nimium dediti ambulare gaudent super pennas ventorum, in lege tua ambulare et viam mandatorum tuorum concurrere non omittant. Propitiare ergo, misericors Deus, precibus nostris; Angelis tuis manda ut accedant et jungant se ad currus istos,

cunctisque , qui in eis vehuntur , viam salutis ostendant , quemadmodum viro Æthiopi , dum reverteretur super currum suum sedens et legens , verbo tuo ac spiritu fidem et gratiam contulisti ; et sicut famulus tuus Elias in curru igneo et equis igneis per turbinem ascendit in cœlum ; ita famuli tui , inter æstuosos hujus sæculi turbines , ad beatam et tranquillam vitam deveniant . Per Dominum nostrum Jesum Christum Filium tuum , qui tecum vivit et regnat in unitate Spiritus Sancti Deus per omnia sæcula sæculorum . R. Amen.

Postea Pontifex vel Sacerdos aspergit viam et curricula aqua benedicta .

INDEX

PRIMÆ PARTIS.

	Pag.
De Confirmandis.	1
De Ordinibus conferendis.	5
De Clerico faciendo	12
De minoribus Ordinibus	16
De Ordinatione Ostiariorum.	17
— Lectorum.	19
— Exorcistarum.	21
— Acolythorum.	24
De sacris ordinibus in genere.	27
De Ordinatione Subdiaconi	<i>Ibid.</i>
— Diaconi	36
— Presbyteri	44
De Consecratione Electi in Episcopum.	59
Forma juramenti	62
Examen	65
De Pallio	87
Forma juramenti	88
De Benedictione Abbatis.	90
— Abbatis auctoritate Apostolica	100
— Abbatis auctoritate Ordinarii	124
— Abbatissæ	129
De Benedictione et Consecratione Virginum	139
Anathema contra molestantes Bona Monialium, eas ad malum inducentes.	156
De Benedictione et Coronatione Regis.	159
— — Reginæ	174
— — Reginæ solius	178
— — Reginæ ut regni Domine.	180
De Benedictione et Coronatione Regis in consortem electi.	188
De Benedictione novi Militis.	190
De creatione Militis Regularis.	194

SECUNDÆ PARTIS.

De Benedictione et impositione primarii lapidis pro Ecclesia sedificanda	195
De Ecclesiae dedicatione seu consecratione.	206
De altaris Consecratione.	224
De allocutione Episcopi ad fundatores Ecclesiae super debita do- natione Ecclesiae.	236
De Benedictione tobalearum, vasorum, et ornamentorum Ecclesiae, et altaris consecratorum	261
De Altaris Consecratione quæ sit sine Ecclesiae Dedicatione. .	265
Benedictio Tobalearum, vasorum, et ornamentorum altaris consecrati.	290
De Altaris Consecratione, cuius sepulchrum Reliquiarum est in medio summitatis stipitis	293
De Altaris portatilis Consecratione	295
De Benedictione Coemeterii	309
De Reconciliatione Ecclesiae et Coemeterii	318
— Coemeterii, sine Ecclesiae reconciliatione .	327
De Consecratione Patens et Calicis.	330
De Benedictione Sacerdotalium indumentorum in genere. .	333
Specialis Benedictio cuiuslibet indumenti.	334
De Benedictione mapparum seu linteaminum sacri Altaris .	335
— corporalium.	336
— novæ Crucis	337
— Crucis pectoralis.	342
— Imaginis B. Maris Virginis.	<i>Ibid.</i>
— Imaginum aliorum sanctorum	346
— sacrorum vasorum, et aliorum ornamentorum in genere	347
De Benedictione Tabernaculi, sive vasculi pro sacrosancta Eucharistia conservanda	348
De Benedictione capsarum pro Reliquiis et aliis sauctuaris i includendis.	<i>Ibid.</i>

De Benedictione Signi vel Campanæ.	351
De Benedictione et impositione crucis proficiscentibus in sub-	
sidiū, et defensionem Fidei christianæ, seu recuperationem	
terræ sanctæ.	363
De Benedictione Armorum.	365
— Ensis.	366
De Benedictione et traditione vexilli bellici.	367

TERTIÆ PARTIS.

De Publicatione Festorum in Epiphania Domini.	369
De Expulsione publice poenitentium ab Ecclesia, in feria	
quarta Cinerum.	370
De Reconciliatione poenitentium, quæ fit in quinta feria Cœnæ	
Domini.	375
De officio in feria V. Cœnæ Domini, cum benedicitur oleum	
Catechumenorum et Infirorum, et conficitur Chrisma.	387
Ordo ad celebrandum Synodum.	404
Forma juramenti Synodalis.	410
Ordo suspensionis, reconciliationis, depositionis, dispensatio-	
nis, degradationis, et restitutionis sacerorum ordinum.	426
Degradationis forma.	434
Degradatio ab ordine Pontificali.	438
— — Presbyteratus.	439
— — Diaconatus.	440
— — Subdiaconatus.	441
— — Acolythus.	442
— — Exorcistatus.	<i>Ibid.</i>
— — Lectoratus.	443
— — Ostiaratus.	<i>Ibid.</i>
— a prima Tonsura.	<i>Ibid.</i>
Ordo excommunicandi et absolvendi.	445
Ordo ad reconciliandum apostatam, schismaticum vel here-	
ticum.	454
De Itineratione Prælatorum.	461
Ordq; ad recipiendum processionaliter Prælatum vel Legatum.	464

Ordo ad visitandas Parochias.	467
— ad recipiendum processionaliter Imperatorem	474
Ordo ad recipiendum processionaliter Regem.	476
— — Principem magnæ potentiaæ.	477
— — Imperatricem vel Reginam.	479
— — Principissam magus potent.	480
De officio, quod post missam solemnem pro Defunctis agitur.	481
De scrutinio serotino, quo antiqui utebantur antequam Electus in Episcopum consecraretur.	492
De barba tondenda.	505
De officio Psalmistatus.	506

ADDITAMENTA.

Pontificalis ritus pro Baptismo Parvulorum.	506
— — Adulorum	516
— pro celebrando sacramento matrimonii.	542
De Confirmatione unius.	547
De Clerico faciendo.	549
De minoribus ordinibus uni tantum conferendis.	552
De Ordinatione Lectoris.	555
— Exorcistæ.	557
— Acolyti.	558
— Subdiaconi.	562
— Diaconi.	569
— Presbyteri.	576
Ritus et formula Benedictionis Apostolice.	589
Formula Pro Benedictione viæ ferrea.	591